

近代中國史料叢刊續編第十二輯

沈雲龍主編

清

譜
胡懷琛編

文海出版社有限公司印行

清十三朝之秘史

清
譚

宜看者

清談序

談以清名。談遜清之往事也。昔者晉人重清談。若以爲談之爲清者。爲山水風月之所獨居。而非他物之所得雜也。而清之爲談者。又高人雅士之所獨有。而非他人之所能知也。然而以清談名書。其取此意乎。抑否乎。曰唯。唯。否。否。是書之性質。本以供文人雅士。茶餘酒後之消遣。卽謂之爲取意于此焉。可也。然此書之所以名清者。遜清也。所以名談者。談遜清之掌故也。故雖謂之此之清談。非彼之清談焉可也。書中所載事實既信而可徵。文筆復馴而亦雅。雖謂此之清談。勝于彼之清談焉。亦無不可也。然則此清談也。不亦可貴乎哉。中華民國復活之後五日。編者識。

清談總目

卷一

宮闈談

卷二

政治談

卷三

軍事談

卷四

外交談

卷五

權貴談

卷六

風俗談

卷七

文學談

卷八

藝術談

卷九

災異談

卷十

雜事談

清談卷之一

宮闈談

圓明園

僞皇孫案

盛京行宮舊物

蘇州街

成得行刺案

乾隆朝萬壽慶典之盛

宣宗沖齡神武

德宗聖德恭紀二則

純廟賞鑒

庚子兩宮蒙塵軼聞

九九七七六六五一

清內庭戲劇

內湖珠兆

康熙不喜吸烟

知貢玉

曆書異聞

內務府廢寶

王太倉上書事

朱檢討上書事

西苑門習射

李蓮英女弟之指婚

某氏女

自鳴葫蘆

慈禧與德宗母子失和之原因
光緒帝大婚粧奩題

一七

清談卷之一

宮闈談

安吳胡懷琛編次

休寧汪 翰校閱

圓明園

長沙徐樹均王壬甫圓明園詞序云。圓明園在京城西。出平則門三十里。暢春園北里。許世宗帝藩邸賜園也。聖祖嘗遊豫西郊。次於丹棱汎。樂其川原。因明武清侯李偉清華園舊址築暢春園。藩邸賜園故在其旁。雍正三年。乃大宮殿朝署之規。以避暑聽政。前臨西山。環以西湖。湖水發源玉泉山。曰鑿山。度官墻東流入清河。水經注所謂薊縣西湖。深水澄澹。燕之舊池者也。東流爲洗馬溝。東南合高梁之水。故魚稻饒衍。陂泉交綺。高宗皇帝嗣位。海宇殷闢。八方無事。每歲締構。專飾園居。大駕南巡。流覽湖山風景之勝。圖畫以歸。若海甯安瀾園。江甯瞻園。錢塘小有天園。吳縣師子林。皆仿其制。增置園中。列景四十。以曰字。

題扁者爲一勝區。區之內齋館無數。復東拓長春。西闢清漪。離宮別館。月榭風亭。屬之西山。所費不計億萬。園地多明季檣璫別業。或傳崇禎末諸奄皆以珍寶窟宅於茲。乾隆間濬池發金銀數百萬。時國運方興。地不愛寶。上心悅豫。殫精構造。曲盡游觀之妙。元明以來。未之聞也。每歲夏幸園中。冬初還宮。內廷大臣。賜第相望。文武大臣。並從直閣林入直奏對。昕夕往來。絡繹道路。歷雍乾嘉道百餘年於茲矣。文宗初。粵寇踞金陵。盜賊蠭起。上初卽位。求直言。得勝保。曾國藩袁甲三。既以塞程徐陸。先朝重望。相繼傾覆。始擢用前言事者。各界重任。三臣支柱。賊不犯畿。然迭勝迭敗。東南數省。蹂躪無完土。上憫蒼生之顛沛。慨左右之無人。九年冬。郊宿於齋宮。夜分痛哭。侍臣悽惻。大考翰詹。以宣室前席發題。憂心焦思。傷於禍亂。然後稍自抑解。寄於文酒。以宮中行止有節。尤喜園居。冬至入宮。初正卽出。時園中傳有四春之寵。皆漢女分居亭館。所謂杏花春。武陵春。牡丹春。海棠春是也。然上明於料兵。委櫂相外。超次用人。海內稱

哲而部院諸臣。熙所磨厲。頗襲舊敝。晚後肅慎敢言自任。故委以謀議。先是道光二十年。英吉黎船至廣東香港。求通商不得。又以燒烟起釁。執政議和。予海關稅銀千八百萬。英人請立約。廣督者英與期十年。屆期而徐廣緝督兩廣。英使至廣州。拒不許入以受封。英帥恨焉。志入廣州。咸豐元年。英吉黎佛郎西米利堅各國。乘粵寇賜張。中國多故。復以輪船直入大沽。旨王僧格林沁託團練之名。焚其二船。盡擊走之外人。知大皇帝無意於戰。特臣民之私憤。乃潛至海岸。買馬數千。募羣盜爲軍。半年而成。再犯天津。稱西洋馬隊。聞者恐栗。西人馬步登岸。我未陳而數騎長驅矣。十年六月十六日。上方園居。聞西騎至通州。倉卒率后嬪至熱河。道路初無供帳。途出密雲。御食豆乳麥粥而已。十七日英帥叩東便門。或有閉城者。聞礮而開。王公請和。和議將定。十九日西人至圓明園。宮門管園大臣文豐。當門說止之。西兵已去。文都統知奸民當起。環間守衛禁兵一無在者。索馬還內。投福海死。奸人乘時縱火。入宮劫掠。西人從之。各園皆

火起。三晝夜不熄。非獨我無官守詰問西帥亦不能知也。初英使臣巴夏里已拘刑部和議成。以禮釋囚。於是巴夏里與英帥各陳兵仗至禮部訂約五十七條。予以海關稅銀三千六百萬。而西人抵償圓明園銀二十萬。王公奏言。未敢斥夷。文豐與主事惠豐同死於園。不稱殉節。但言遭兵燹而已。十一年七月。文宗晏駕熱河。今上卽位。奉兩宮皇太后還京。垂簾十載。巨寇削平。而西人通商江海。往來貿易。設通商大臣以接外使。常言某省士民燬天主教堂。某省不行其教。某省民教構釁。日以難我。應之不暇。蓋岌岌乎中外雜處。又忽忽十有一年。闢居荒虛。鞠爲茂草。西山大寺。西婦深居。余旅京師。惻然不敢過也。同治十年春。同年王壬甫重至輦下。追話舊游。適張子雨珊。亦以計偕來。約訪故宮。因駐守參將廖承恩許爲東道主。四月十日。命僕馬同過繡漪橋。尋清漪園遺跡。頽垣舊瓦。零亂榛蕪。宮樹蒼蒼。水鳴鳴咽。由輦路登廊如亭。南望萬壽山。但見牧童樵子。往來林莽間。暮從昆明湖歸。橋上銅犀臥荆棘中。犀背御銘朗然。

可誦。明日訪守園者得董監。自言歲七十餘。自道光初入侍園中。今秩五品。居福園門旁。導予等從瓦礫中循出入。賢良門而北。指勤政光明壽山太和四殿遺址。至前湖圓明寢殿五楹。後爲奉三無私殿。九州清晏殿。各七楹。壞壁猶立。拾級可尋。董監言東爲天地一家春。后居也。西爲樂安和諸妃嬪貴人居也。洞天深處。皇子居也。清輝殿。爲文宗重建。與五福堂、鏤月開雲臺、朗吟閣皆不可復識。鏤月開雲者。卽所謂牡丹春也。世宗爲皇子。當花時。迎聖祖至賜園。而高宗歲十二。以皇孫召侍左右。三天子福壽冠前古。集於一堂。高宗後製詩常謗樂之經其廢基。徘徊怒焉。東渡湖爲蘇堤。長春仙館藻園。又北爲月地雲居舍衛城。日天琳宇。水木明瑟。濂溪樂處。僅約略指視所在。東北至香雪廊。階前葦荻蕭蕭。廢池可辨。有老監奉茶自池畔出。訝客所從來。頗似桃源人逢漁郎也。渡橋循福海西行。爲平湖秋月。水光溶溶。一瀉千頃。望蓬島瑤臺。島上殿宇猶存數楹。惜無方舟。不達其下。流水潺湲。激石成響。董監示予此管園大臣文公

死所也。西北至雙鶴齋。又西過規月橋。登綺吟堂。經采芝徑。折而東。仍出雙鶴齋。園中殘燬幾遍。獨存此爲劫灰之餘。亂草侵階。窗櫺宛在。尤動人禾黍悲爾。雙鶴齋西爲溪。月松風翠柏蒼藤。沿流覆道。斜日在林。有老宮人驅羊豕下來。東過碧桐書院。地跨池東爲金鱉。西爲玉鍊。坊楔猶存。又東去皆敗壞難尋。遂不復往。暮色沈沈。棲鴟亂飛。揖董監出福園門。還於廖宅。廖澧州人。字楓亭。少從塞尚阿僧格林沁軍。亦能言行間事。感予來遊。頗盡賓主之歡。既夕言歸。則禮部放榜日也。雨珊旣落第。南去。予與壬父每相過從。言念園游。輒惆悵不自得。壬父又曰。園盛時純皇勒記。必殷殷踵事之戒。然仁宗始罷南幸。宣宗尤憂國貧。秋獮之禮。輒而不舉。惟夫張弛之道。宜及嘉道時補純皇倦勤之功。而內外大臣惟務慎節。監司寬厚。牧令昏庸。諱盜容奸。以爲安靜。八卦妖徒。連兵十載。無生天主。教目滋繁。由游民輕法。刑廢不用故也。江淮行宮。旣皆斥賣。國之所患。豈在乏財。又曰。燕地經安史戎馬之迹。爰及遼金。近沙漠之風矣。明太宗

以燕王舊居不勝改宅。仍而至今地利竭矣。又園居單外。非所以駐萬乘。廢而不居。蓋亦時宜。余曰然。前年御史德泰。請按戶故鱗次捐輸。復修園宮。大臣以侈端將啟。請旨切責。謫戍未行。忿悔自死。自此莫敢言園居者。而比年備辦大婚費已千萬。結彩宮門至十餘萬。公奏朝廷。動用錢糧。婚以成禮。豈在華飾。若前明戶部司官。得以諫爭。予且達言矣。又余聞慈安太后在文宗時。有脫簪之諫。關雎車牽之寶。中興之用也。又園宮未焚前一歲。妖言傳上坐寢殿。見白頭老翁。自稱閻神。請辭而去。上夢中加神二品階。明日至祠諭祀之。未一祺而園毀。豈前定歟。子能詩者。達於政事。曷以風人之意。備鑿霜雲漢之采。於是壬父爲圓明園詞一篇。而周學士潘侍郎見之。並歎其傷心感人。筆墨通於情性。余以此詩可傳後來。虛夫代遠年逝。傳聞失實。詞中所述罔有徵。乃爲文以序之。

○附王壬甫圓明園詞云。宜春苑中螢火飛。建章長樂柳十圍。離宮從來奉游豫。皇居那復在郊圻。舊池澄綠流蘋薦。洗馬高梁游牧地。北藩本鎮故元都。西

山自擁興王氣。九衢壁起暗連天。辰極星移北斗邊。溝洫填淤成斥鹵。宮廷映帶覲泉原。渟泓稍見丹棱泮。陂陀先起暢春園。暢春風光秀南苑。蜺旌鳳蓋長游宴。地靈不惜鑿山湖。天顯更創圓明殿。圓明始賜在潛龍。因何邸第作郊宮。十八籬門隨曲澗。七楹正殿倚喬松。軒堂四十皆依水。山石參差盡亞風。甘泉避暑因留蹕。長楊扈從日弢弓。純皇續業當全盛。江海無波待游幸。行所留連賞四圖。畫師寫放開雙境。誰道江南風景佳。移天縮地在君懷。當時只擬成靈囿。小費何曾數露臺。殷勤母佚箴驕念。豈意元皇失恭儉。秋獮俄聞罷木蘭。妖氛暗已傳離坎。吏詔凌遲民困痛。長鯨跋浪海波枯。始驚計吏憂財賦。欲賣行宮助轉輸。沈吟五十年前事。厝火薪邊然已至。揭竿聲欲犯阿房。探丸早見誅文吏。此時先帝見憂危。詔選三臣出視師。宣室無人侍前席。郊壇有恨哭遺黎。年年輦路看春草。處處傷心對花鳥。玉女投壺強笑歌。金杯擲酒連昏曉。四時景物愛郊居。玄冬入內望春初。嫋嫋四春隨鳳輦。沈沈五夜遞銅魚。內裝頗學

崔家髻。諷諫頻除妾后珥。玉路旋悲車轂鳴。金鑾莫問殘燈事。鼎湖弓劍恨空還。郊壘風煙一炬間。玉泉悲咽昆明塞。惟有銅犀守荆棘。青芝岫裏孤夜啼。繡漪橋下魚空泣。何人老監福園門。曾綴朝班奉至尊。昔日喧闐厭朝貴。於今寂寞喜遊人。遊人朝貴殊喧寂。偶來無復金闈客。賢良門閉有殘磚。光明殿燬尋頽壁。文宗新構清輝堂。爲近前湖納曉光。妖夢園神辭二品。佛城舍衛散諸方。湖中蒲稗依依長。階前蒿艾蕭蕭響。枯樹重抽盜作薪。遊鱗暫躍驚逢網。別有開雲鏤月臺。太平三聖昔同知。來甯亂竹侵苔出。不見春花泣露開。平湖西去軒亭在。題壁銀鈎連到籬。金梯步步度蓮花。綠窗處處留羸鱉。當時倉卒動鈴駝。守宮上直餘嬪娥。蘆茄短吹隨秋月。豆粥長飢望熱河。上東門開胡離過。正有王公班道左。敵兵未爇雍門萩。牧童已見鸕山火。應憐蓬島一孤臣。欲持高絜比靈均。丞相避兵生取節。徒人拒寇死當門。卽今福海冤如海。誰信神州尙有神。百年成毀何忽促。四海荒殘如在目。丹城紫禁猶可歸。豈聞江燕巢林下。

廢宇傾基君好看。艱危始識中興難。上憲御史言修復。休遣中官織錦紈。錦紈枉竭江南賦。鴛文龍爪新還故。總躋結彩大宮門。何如舊日西湖路。西湖路薄比郇瑕。武清暫住已傾家。惟應魚稻資民利。莫教鶯柳鬥宮花。詞臣詎解論都賦。挽輶難移幸繼車。相如徒有上林頌。不遇良時空自嗟。

僞皇孫案

庚子春。純皇帝南巡。迴鑾時。駐蹕涿州。有僧人某。率幼童接駕。云係履端親王次子。以妃妬嫉。故襁褓時。將其逐出。僧人憐而收養。至於成立。初履端親王諱。(永城)純皇帝第四子。出繼履恭王後。其側福晉王氏。王素鍾愛。有他側室產次子。上已命名。時王隨上之深陽。而次子以痘殤告。其邸人皆言爲王氏所害。事秘莫能明也。上亦風聞其故。故疑童子近是。訊其嫡福晉伊爾根覺羅氏。嫡妃言其子殤時。余曾撫之以哭。並非爲王氏所棄者。言之鑿鑿。上乃召童子入都。命軍機大臣會鞫。童子相貌端莊。頗敦重。坐軍機榻上。見諸相國端坐不起。

呼和相名曰坤來。汝乃皇祖近臣。不可使天家骨肉有所湮沒也。諸大臣不敢置可否。吳勵堂侍郎(成)時爲軍機司員。乃倣然近前批其頰曰。汝何處村童爲人所給。乃敢爲此滅門計乎。童子惶懼。言係樹村人劉姓。爲僧人所教者。其讞乃定。時人以保有雋不疑之風。事聞。斬僧人於市。戍童子於伊犁。後又於其地冒稱皇孫。招搖愚民。爲松相公(筠)所斬。然聞其邸太監楊姓者云。履王次子痘時。實未嘗殤。王氏暗以他屍易之。而命王之弄童隕凌阿負出邸棄之荒野。嫡妃所撫哭者。非眞也。然則僧人之效僞童。蓋亦有所憑藉。非無因而至者也。

盛京清朝舊物

又云盛京清甯宮貯文皇帝時糠粃。屢見純皇帝之詩。又崇謨閣藏高皇帝舊履。以牛皮爲之。烏護以綠皮雲頭。又有先朝登山負物木架。所持拐杖。皆白木爲之。制甚樸素。想見祖宗開創之艱。公劉走馬之什。古今如合符節也。

蘇州街

乾隆辛巳孝聖憲皇后七旬誕辰。純皇以後素喜江南風景。以年邁不宜遠行。因於萬壽寺旁造屋。仿江南式樣。市廛坊巷。無不畢具。長至數里。以奉鑾輿興往來游行。俗名曰蘇州街云。

成得行刺案

庸閒齋筆記云。成得者京師中尉役也。于睿皇帝駕幸圓明園時行刺。當卽被擒。上命諸王大臣六部九卿會訊。默無一言。但云若事成。則公等所坐之處。卽我坐處也。上寬仁不欲窮詰。興大獄。遂命凌遲處死。其處死時。先大夫在京與衆往觀之。先立一木檣。將得縛于檣上。其面前又植二木檣。乃牽其二子至一年十六歲。一年十四歲。貌皆韶秀。蓋尙在塾中讀書也。至則促令向得叩首訖。先就刑。得脫目不視。已乃割得耳鼻及乳。從左臂魚鱗碎割。再割右臂。以及胸背。初尙刀刃見血。繼則血盡。只黃水而已。割上體竣。忽言曰快些。言甫畢。廠上

走下一官謂之曰。皇上有旨。令爾多受些罪。得遂瞑目不言。斬割至盡乃死。究亦不知何人所指使。倘非上之聖慈。則漢之楚獄。明之胡獄。株連而死者且數萬人矣。嗚呼此仁宗之所以爲仁歟。

乾隆朝萬壽慶典之盛

春冰室野乘云。乾隆十六年十一月二十五日爲孝聖憲皇后萬壽。由西華門至西直門外之高梁橋。經棚劇場。相屬於道。各省供奉。皆窮極工巧。而尤以粵鄂浙三省爲最鉅麗。粵之翡翠亭高三丈餘。廣可二丈。悉以孔雀尾爲之。鄂之黃鶴樓。形制悉仿武昌。唯稍小耳。最奇者重樓三成。千門萬戶。不用一土一木。唯以五色玻璃甃砌成。日光照之。輝映數里。浙之鏡湖亭。以大圓鏡徑可二丈許。嵌諸藻井之上。而四圍以小圓鏡數萬。甃砌成墻垣。人入其中。一身可化百億。眞奇觀也。當時街衢中。惟聽婦女乘輿。官吏士民皆騎馬往來。不得乘車轎。慮擁擠也。熙來攘往。太和翔洽之盛。安得復覩于今日哉。

宣宗沖齡神武

又云嘉慶癸酉林清之變。賊犯大內。宣宗方在智邸讀書。上書房聞變。諸王貝勒皆倉黃奔避。宣宗獨親御鳥槍。連發斃二酋。賊錯愕不敢前。禁軍入。遂悉就禽。仁廟下詔褒異。加封智勇親王。遂定金匱讞名之局。人皆仰聖武之布昭。而不知智勇天錫。自髫齡時而已然也。乾隆五十四年高宗木蘭秋獵。宣宗以諸皇孫隨扈。時聖齡纔八歲。一日至張家灣行宮。上親率諸王校射。宣宗侍側。俟諸王射畢。亦御小弓。矢連發中其二。上大喜。拊其項曰。兒能連中三矢。當以黃馬褂爲賚。果三中之。卽置弓矢跪上前。上問所欲。不對。亦不起。上大笑曰。吾知之矣。因命侍臣取黃褂衣之。倉卒間不得小者。卽以成人之衣被之。乃謝恩起。而裾長拂地。不能行。乃命侍衛抱之以歸。御製詩集中有詩紀其事。

德宗皇帝聖德恭紀(二則)

又云德宗平生最惡外洋機巧玩物。卽鐘表亦不肯多置左右。後來崇尚西法。

純出於保國救民之念。而絕無喜新厭故之思。此質諸天地而無憾者。外間所傳某侍郎每召見必懷西人奇巧玩物數事以進。故聖眷最隆者。皆謠諑之輩語耳。秀水沈淇泉太史(衛)甲午殿試前補行覆試。不記何詩題。其結聯頌聖處曰。聖朝崇本務奇技。紹重洋閥。卷大臣原定一等第十名。及進呈上。特以硃筆密圈。拔置第一人。觀此可以知先皇之儉德矣。

政界之變相。始於光緒辛卯壬辰間。此後遂如丸石走坂。不及平地不止矣。先是輦金鬻官者必資望稍近。始敢爲之。至是乃弛綱解弢。乳臭之子。汎埽之夫。但有兼金。儼然方面。羣小之側目於先帝。亦至是而愈甚。四川鹽茶道玉銘者。都下木商。隸籍內務府。入貲得同知職銜者也。其謝恩召見時。上詢爾向在何署當差。對曰奴才向在○○(二字爲木廠字號記者忘之矣)上不解。又問之。則曰皇上不知○○乎○○者。西城第一大木廠也。奴才向充管事。上哂曰。然則木廠掌櫃耳。木廠生意甚好。何忽棄而作官。對曰因聞四川鹽茶道之出息。

比木廠更多數倍耳。上是時已怒甚。然猶隱忍未發。復問爾能國語乎。曰不能。能書漢文乎。囁嚅良久始對曰。能。上乃以紙筆擲地。令一太監引之出于乾清宮階上。默寫履歷。待之良久。始復命繳卷。僅有奴才玉銘。某旗人數字。字大如茶杯。而脫落顛倒不可辨識。甚者卽玉銘兩字。亦復錯訛不能成書。上始震怒。立命以同知歸部候選。而改授張元曾爲鹽茶道。張元曾者。浙中老進士。官諫院多年。貧甚。京察已數屆。望一知府不可得。一旦獲此。真所謂始願不及者矣。玉銘旣失官。復歸木廠。承辦醇賢親王祠廟大工。以乾沒巨欵。並勾通酷邸內監。盜邸中物。售諸西人使館。事覺。詔提督衙門逮捕。乃披剃爲僧。遁入西山佛寺。先是有魯伯陽者。亦以夤緣得官蘇松太道。既抵江南。劉忠誠方督兩江。知其由來。固靳之終不令到任。數月後。竟藉事劾去之。奉旨開缺。聞魯於此缺先後運動費耗去七十餘萬。竟未得一日履新任。因憤而入山。著道士服。不復出矣。京師人談此兩人事者。戲謂之一僧一道也。

純廟賞鑒

嘯亭雜錄云。純廟賞鑒書畫最精。嘗獲宋刻後漢書。及九家杜註。心甚愛惜。命畫苑寫御容於其上。岳氏五經。特建五經萃室以貯之。又覓馬和之國風圖。歷數十年始全。獲藏於學詩堂。其地如韓滉五牛設春蘿齋。周鑄十二鐘於景陽宮。皆有所謂可知勤政之餘。其所以怡情悅性者。皆不凡也。

庚子兩宮蒙塵軼聞

阮夢桃嘵紅慘綠軒雜識云。光緒二十六年。拳匪肇亂。兩宮蒙塵。其慘狀人能道之。究之只得一二三也。王文韶相國。于是年七月間。曾有家書。歷紀其事。茲錄之以公同好。書云。七月十二三日。裕帥由北倉兵敗。退駐楊柳。又退至蔡村。裕帥以手槍自盡。李鑑帥十四日始抵河西。所統張陳二軍。不戰自潰。鑑帥服毒自盡。洋兵進逼通州。十六日卽有西巡之旨。因車輛未齊。遲遲未行。至十九日夜。城外火砲。隆隆不絕。二十日早。本宅喜雀胡同一帶。砲聲尤甚。礮子如雨。

下。忽傳天安門及西長安門已經失守。然不能得真消息。我在內直宿未歸。禁門已閉。不得出入。至二十一日早七下鐘。我坐小轎進內。始知兩宮已于黎明出城矣。我上日（即二十日）共召見五次。至亥刻見面。僅剛趙二人。太后云。只剩你等三人在此。其餘均各回家。舍我母子二人。不管。你三人務須隨扈同行。并諭我云。汝年紀太大。尙要汝吃辛苦。我心不安。汝可隨後趕來。剛趙二人素能騎馬。務必隨駕同行等諭。我覆奏。臣必趕來。皇上亦云。汝必要來。云云。至夜半見面。猶說不卽走。豈知甫及天明。兩宮已倉猝出宮。狼狽情形。不堪言狀。兩宮均便衣與庶民一樣。是日我進內。因後門東華門均不開。不能回宅。并知兩宮聖駕出德勝門。我遂於巳刻衝出後門。至靈鷲寺中小住。廟在安定德勝門之間。廖仲山向住此。而廟中和尚怕極。因洋兵進城。逢廟必燒。因廟中皆設議和拳也。至時安定及德勝門上城。均有洋兵來往放鎗。街上亦有洋兵。和尚萬不肯留。不得已暫避隔壁韓姓家。（自注云。內務府庫役旗人）我與汝兄用木

板從牆上度過。車夫轎夫各自逃命。至下午探聞西直門尙開放可以行走。我將車馬一切一概丟下。只帶銀錢并隨身替換衣服。各人用小包裹背在身上。候至天昏裝作生意人一併混出來。由德勝門什剎海一帶行走。行近憂憂胡同。天復下雨。我短衣步行尙好。乃至景宅借住一宵。其時城內鎗砲之聲已停。但見後門外火光通宵不斷而已。至寅初探知西直門已開。洋兵未來。華兵已逃。無人盤問。逃難之人不少。我本擬坐車出城。因沿途兵勇搶車搶牲口。故先將車馬筋。王弁。先押出城。幾被搶去。我與汝兒。仍均短衣步行出西直門。至大橋外。始坐轎車。汝兒騎驃。所帶僅十有六人。均步至海甸。飯店已閉。勉強一飯。飯後即行。二十二日行七十里。至貫石住。二十三行四十里。至居庸關住。二十四行八十里。至懷來縣住。始知兩宮先于二十三日到此。駐蹕一日。故能就此趕到。卽見兩宮二十五起行。隨駕同行五十里至沙城住。二十六日行四十里至雞鳴驛住。二十七日行六十里。至宣化府住。二十八二十九三十休息三天。

擬初一起蹕往山西大同至山西省大約須八月中旬後也。共一千里路。（按王相此信係七月二十九日由宣化府寄者）此次出京危險已極沿途居民鋪戶均被前敵潰兵以隨駕爲名其時駕尙未到紛紛西行搶劫至室室皆空及兩宮駐蹕之時萬乘千騎強買強取更不待言迨兩宮既過以後則靡有子遺矣我出京後沿途無店可住無物可買只拾得兵勇搶剩之小米子均在地土狼藉自用柴火煮飯聊以充饑而已然猶幸毫無所帶得免於難不然與潰兵一路處處凶器千百成羣一同行走未有不遭害者我與汝兄託賴天地祖宗庇佑得脫此難此後隨駕同走沿途有地方辦差供應不致如前步行拾小米子煮飯之苦我與汝兄身體甚健家中勿念兩宮自京啟蹕情形所謂天子蒙塵從古稀有之慘可痛已極兩宮均坐車七十里至貫石始由光裕駝行孝敬駝轎三乘皇上與倫貝子同一乘至懷來縣縣尹備大轎一頂宣化府又備四頂兩宮皇后大阿哥始均有轎坐太后身穿粗藍夏布衫亦不梳頭皇上

穿黑紗長衫。黑帶。灰色戰裙兩條。舖蓋行李。一概未帶。出京三日。均睡火炕。無被褥。無替換衣服。亦無飯吃。吃小米粥。此從古稀有之慘。可憐之至。竟有不忍言者。至懷來縣。始由地方絡繹進奉。稍覺寬舒。此次妃嬪均未帶出。太監亦不多。諸王貝勒隨行亦少。其餘一槩未來。禮王榮相啟秀未來所隨行者。不過慶端那鼐四王櫨倫二貝子。及公爺幾位而已。堂官剛相趙英王溥興五人。各部院司員共十三人。滿小軍機二人。漢小軍機一人。神機營虎神營八旗練軍兵。均千餘人。馬玉崑保駕及營官兵丁約千餘人。兵丁到處。則各店舖均先閉門逃走。實無處去買。亦無怪其然也。余部郎啟元。隨行日記云。二十日早。兩宮倉皇出走。二十二日一天未有飯吃。祇吃雞子兩枚。行至山西某縣。縣官預備行宮。一時失檢。內停棺柩兩具。岑中丞（即岑春煊）飛騎回奏。太后云。可移之。則移。否則以布幔遮之可也。至山西省。駐蹕撫署。供應一切。係純皇帝巡幸五臺舊物。收藏謹細。煥然如新。慈聖謂爲宮中所未有云云。以上王文勤家書一

通係家君掌教贛榆時。從浙人洪某處得之而摘錄者。萬里巡行。多少淒涼途路。情鳥乎。

清內廷戲劇

禮親王昭樞嘯亭續錄云。乾隆初。命張文敏製諸院本。以備樂部演習。凡各節皆奏演。其時典故如屈子競渡。子安題閣諸事。謂之月令承應。其於萬壽令節。前後奏演羣仙神道添籌錫禧。以及黃童白叟。含哺鼓腹者。謂之九九大慶。其於內廷諸慶事。奏演祥徵瑞應者。謂之法宮雅奏。又演目連尊者救母事。析爲十本。謂之勸善金科。於歲暮奏之。以其鬼魅雜出。以代古人儺祓之意。演唐玄奘西城取經事。謂之昇平寶筏。於上元前後日奏之。其曲皆文敏親製。詞藻奇麗。其後又命莊恪親王譜蜀漢三國志典故。謂之鼎峙春秋。又譜宋政和間梁山諸盜。及宋金交兵。徽欽北狩諸事。謂之忠義璇圖。其詞皆出自華游客之手。惟能敷衍成章。又襲元明水滸義俠西川蜀諸院本。曲文遠不逮文敏矣。

內湖珠兆

嘯亭雜錄云。乾隆初有小內侍夜於御湖泛舟。見神光燭天自湖中出。因網羅之。得蚌徑尺。中有明珠寸餘二顆。相連如葫蘆形。內監不敢置。因以進上。嵌於朝冠。珠晶瑩異常。夫御湖非孕珠之地。而能獲此奇寶。蓋天預爲之兆。以肇六十重元之盛也。

聖祖不喜吸烟

聖祖不飲酒。尤惡喫煙。先文簡相國。時爲侍郎。與溧陽史文靖相國。酷嗜淡巴菰。不能釋手。聖祖南巡。駐蹕德州。聞二公之嗜也。賜以水晶煙管一。呼吸之火星直達唇際。二公懼而不敢食。遂傳旨禁天下吸烟。蔣學士陳錫恭記詩云。碧碗瓊漿漱灑開。肆筵先已戒深杯。瑤池宴罷雲屏敝。不許人間煙火來。今則鴉片煙盛行。其禍較巴菰百倍。在天之靈。哀此下民。得無有餘恫乎。

却貢玉

嘯亭雜錄云。今上親政時。首罷貢獻之詔。除鹽政關差外。不許呈進玩物。違者以抗旨論。諭中有諸臣以如意進者。朕視之轉不如意之語。時和闐貢玉輦至陝甘間。上卽命棄諸途中。不許解入。故一時珠玉之價。驟減十之七八云。

曆書異聞

春冰室野乘云。內廷進御之時。憲書與外間頒行者其款式絕不相同。用白宣紙印朱絲闌楷書繕寫。一頁僅十日。積三頁乃成一月。每日所有宜忌各事皆屬國家大政。慶賞刑威。朝會遊幸之屬。姚伯昂先生竹葉亭雜記。嘗載其一條。高宗內禪後。已頒行嘉慶元年憲書。嗣仁宗面諭樞臣。命除民間通行專用嘉慶元年一種。外其內廷進御。及中外各衙門。與外藩各國頒朔。皆別刊乾隆六十一年之本。與嘉慶本並行。以彰孝敬之誠。自是兩本並行者歷四歲。至高宗升遐後始已。此見諸聖訓及東華錄諸書者也。江右某學士。於光緒中棄在琉璃廠肆。一舊書攤上。購得順治三十年歷書一冊。亦係內廷進御之本。印寫裝

漢。色色精麗。且欽天監硃印鮮明如新。決非可以僞爲者。遍詢故老。竟莫明其故。今此本猶藏學士家中。

內務府糜費

又云滿員之任京秩者。以內務府爲至優厚。相傳承平時。內府堂郎中歲入可二百萬金。近年內務府大臣多由堂郎中積資升擢。如立山之多藏厚亡。亦以任堂郎中最久。家資累千萬。故爲攀匪所瞰也。乾隆朝。汪文端公由敷。一日召見。上從容問卿昧爽趨朝。在家亦曾用點心否。文端對曰。臣家計貧。每晨餐不過雞子四枚而已。上愕然曰。雞子一枚需十金。四枚則四十金矣。朕尙不敢如此縱欲。卿乃自言貧乎。文端不敢質言。則詭詞以對曰。外間所售雞子。皆殘破不中上供者。臣故能以賤直得之。每枚不過數文而已。上乃頷之。列朝惟宣廟最崇儉德。道光三十年間。內府歲出之額。不過二十萬。堂司各官皆有臣朔欲死之歎。上一日思食片兒湯。令膳房進之。次晨內務府即遞封奏。請添置御膳。

房一所專供此物。尙須設專官管理。計開辦費若干萬金。常年經費又數千金。上乃曰無爾。前門外某飯館製此最佳。一盃直四十文耳。可令內監往購之。半日復奏曰。某飯館已關閉多年矣。上無如何。但太息曰。朕終不以口腹之故。妄費一錢而已。以萬乘之尊。欲求一食物而不得。可慨矣。同治時。穆宗大婚。購皮箱一對。亦尋常市上物。不過數十金者。而報銷至每對九千餘兩。文文忠力爭之。不能得也。

王太倉上書事

嘯亭雜錄云。理密親王既廢。儲位久虛。仁皇帝因命衆王大臣保立東宮。時允祺黨羽布滿中外。王鴻緒後至。掌書八字以視衆。衆遂共保廉親王爲儲位。仁皇帝震怒。問首謀之人。衆莫敢對。以馬太傅(齊)首銜。故問擬大辟。因謂衆曰。朕必立一剛堅不可奪志之人。爲爾天下共主。蓋謂憲皇帝也。衆莫能測上意。王太倉相國(琰)年七十餘。自念受恩深。當言天下第一事。又以其祖文肅公

(錫爵)於明神宗時。以建儲事受惡名。欲幹其鑾。遂於丁酉五月密奏建太子事。懇懇數千言。疏留中。是年冬。又有言建儲者。上不悅。遂並發公疏。命內閣議處。忌公者。引馬太傅故事。欲陷公以死。公止宮門外。不敢入。聖祖顧左右問王掞。何在。首輔李安溪奏。掞待罪宮門上。曰。王掞言甚是。但不宜命御史同奏。有蹈前明惡習。汝等票擬處分太重。可速召其來。公聞命趨入。免冠謝。上坐乾清宮。手招公跪。耳語良久。人不能知。後五年辛丑正月。公復疏前事。語加激切。三月十三日。又有御史柴謙等十三人。亦上疏如公言。聖祖震怒。召集諸王大臣降旨。責公植黨希恩。并令覆奏。時舉朝失色。無敢與筆硯者。公就宮門階石上。裂生紙以唾濡墨。奏曰。臣伏見宋仁宗爲一代賢君。而晚年立儲猶豫。其時名臣如范鎮包拯等。皆交章切諫。頭髮爲白。臣愚信古太篤。忘思效法古人。實未嘗忘嗾臺臣共爲此奏。奏上。待罪五日。詔王掞應謫戍軍臺。姑念年老免行。着其子奕清隨諸御史代往。爲父贖罪。當待罪時。滿漢文武。期門宿衛。以至京師。

之秀士。耆民爭來窺觀。老相國有愛君之心可敬。然無不咋舌代公危者。慮上怒之不測也。至是齊向公拜賀歌呼。明年元日。諸大臣上壽。無公聖祖發還劄子。命列公名以進。隨賜宴太和殿。再召見西煖閣。賜坐。命起原官。視事如初。是年聖祖崩。憲皇帝卽位。召公獎譽久之。公曰。天生聖人。社稷之福。老臣何敢居功也。

朱檢討上書事

又云朱檢討（天保）字九如。滿洲人。父朱爾訥。任兵部侍郎。公中康熙癸巳進士。入詞林。時理密親王居東宮。以暴戾故。仁皇帝廢之。儲位久虛。廉親王（允禎）。覬覦其位。揆敍王鴻緒。復左右之欲陰害理密親王。公隱憂之。具疏曰。皇太子雖以疾廢。然其過失。良由習於驕抗。左右小人誘導之故。若遺碩儒名臣。如趙申喬等羽翼之。將左右佞幸盡皆罷斥。則其潛德日彰。猶可復問安視膳之歟。儲位重大。未可移置。如棋恐有藩臣傍爲覬覦。則天家骨肉之禍。有不可

勝言者。疏成欲上以侍郎公在徘徊久之。侍郎公察其情曰。忠孝未可兩全。汝捨孝全忠可也。因趣之入告。時仁皇帝幸湯山。公早出德勝門。有百數鴉棲其馬前。似阻其行者。公揮之去。疏上。仁皇帝歎歎久之。會近臣阿靈阿素爲允禩黨。因媒孽其間曰。朱某之疏爲希冀異日寵榮地步。上大怒。置公於法。侍郎公荷校死。而理邸卒以壽終。

西苑門習射

又云乾隆初。上每月朝孝聖憲皇后於暢春園者九。因於討源書室聽政。己巳秋天氣肅爽。上乃習射門側。發二十矢。中者十九。侍從諸臣。無不悅服。齊侍郎(召南)。曾紀以詩。上賜和其韻。卽命鐫諸壁上。以示武焉。

李蓮英女弟之指婚

春冰室野乘云。李監蓮英有一妹。國色也。辛卯壬辰間。年甫逾笄。尚未適人。李數繩其美於孝欽。遂召入內侍起居。李妹故慧黠。善伺人意。孝欽寵之甚。呼爲

大姑娘。每日上食時。惟李妹及繆素筠女士侍后左右。同案而食。皇后及諸妃嬪。皆立伺於旁。一日某福晉入宮候起居。福晉於孝欽爲姊妹。入宮相見。未嘗賜坐。是日請安畢。忽賜坐。福晉驚悚。逡巡不敢卽坐。孝欽微哂曰。吾所以賜坐者。豈爲爾乎。爾不坐。大姑娘不敢坐。彼漢裝纖足。那能耐久立乎。福晉憤甚。而不敢言。歸卽發病。蓮英之進其妹。本欲效李延年故事。而不悟上非漁色之主。所圖竟不遂。蓮英之慕上。此亦其一原因也。內務府司員某者。年少貌美。適喪妻。孝欽遂爲李妹指婚焉。武進屠敬山水部(寄)。結一廬詩集中有宮詞二首。其一云。偷隨阿監入深宮。與別宮人總不同。太母上頭宣賜坐。不教侍立繡屏風。又某君小游仙詞中一首云。漢宮誰似李延年。阿妹新承雨露偏。畢竟漢皇非重色。不將金屋貯嬪娟。卽咏此事也。

某氏女

又云旗人某氏女者。父爲號騎校。夫婦老而無子。且家赤貧。恃女針黹以養縫

溝塗尉之事。悉一身兼之。女略識文字。有暇則聚鄰童教以識字。藉博升合資。時咸豐初年也。一日禁中選秀女期屆。女名在籍中。聞報抱父母慟哭。念已入宮。父母老無依。且展轉死溝塗。欲奉親以遁者數矣。故事無間官民家。女旣當選。則以官監守之。慮其遁也。女旣不克脫。不得已屆期隨衆往。排班候駕於坤甯宮門外。時天甫黎明也。是時金陵甫失守。羽書絡繹至。上憂勞旰食。每樞臣入見。議戰守事。輒至日昃乃退。民家女初入宮禁。已戰栗不自勝。又俟駕久。罷倚不能耐。重以飢渴交迫。相向飲泣。監者叱之曰。聖駕行且至。何敢若此。不畏鞭笞耶。衆聞言。愈戰懼欲絕。女勃然起厲聲語監者曰。去室家辭父母以入宮禁。果當選。卽終身幽閉。不復見其親。生離死別。爭此晷刻。人孰無情。安得不涕泣。吾死且不畏。况鞭笞乎。且賊寇起粵嶺。不數載。悉長江而有之。今遂陷金陵。天下已失其半。天子不能督將帥之臣。汲汲謀戰守以遏賊鋒。保祖宗大業。而猶留情女色。強擗民家女幽之宮禁中。俾終身不獲見天日。以縱己一日之。

欲而棄宗社於不顧。行見寇氣迫宮闈。九廟不血食也。吾死且不畏。况笞鞭乎。
監者大驚。急掩其口。而上適退朝。御輦已至前矣。因共縛其手。牽詣上前。抑之
跪。女猶倔強不肯屈膝。初女所言。上已微聞之。至是復笑問其故。女仍侃侃然
奏如前語。上欣然喜曰。此真奇女子也。亟命釋其縛。令引入宮中。朝見皇后。時
某邸方喪偶。謀續娶。因以女指婚焉。而罷所選秀女。使皆鬻其家。

舊史氏曰。甚矣人主聽言之難也。往往師保疑丞。諫議拾補。竭其法語異言。疏
十上而不能一紓。天聽者。匹夫匹婦兒女子之流。顧能以一言惑之。且其言恒
有常人所不堪者。而英君誼辟。獨能欣然容之。豈不奇哉。聞諸故老。列祖列宗
之文學。以文宗爲最優。御極之初。天下欣欣有小堯舜之稱。然曾文正奏進孫
文定三習一弊疏。請銘諸座右。聖意怫然。幾欲降旨詰責。賴祁文端從容申解
乃已。疏中所言。較庶女呼號之詞。其順逆當不可同日語矣。乃彼所苦心孤詣
而不能得者。此獨於立談間得之。誠以危言抗論。適中肯綮。且一出中心惻怛

之至誠而絲毫無所矯飾故耳。然非文宗之舉。又胡能軒尊從諫若此哉。烏乎。此其所以撥亂反正。而卒基中興之烈也歟。

自鳴葫蘆

嘯亭雜錄云。康熙中。遼東莊頭某家。籬間結一巨葫蘆。中能作音樂聲。獻於先修王。先修王異之。因進於仁廟。上甚爲愛惜。日置養心殿中。後隨殉景陵云。

慈禧與德宗母子失和之原因

清史獲野錄云。慈禧之不悅德宗。實起於壬辰之夏。一日德宗與孝定皇后因小事相爭。上忽盛怒。詬后甚厲。后不能堪。乃詣慈禧前泣訴其事。慈禧遽大怒。語左右曰。上吾所援立。乃忘恩至此耶。后吾親姪。詬后是不啻詬我。也是何能容。因以溫語慰后曰。汝無悲泣。古人有言。人盡夫也。以若盛年。何慮不能行樂。胡斤斤專戀此病夫爲者。吾必有以處之。自是上每請安人宮。慈禧未嘗與交一言。如是者數月。兩宮嫌隙遂成。后雖悔之。然無及矣。

光緒帝大婚粧奩單

光緒十五年正月二十四日進上賞金如意成柄。進上金如意二柄。帽圍一九一匣。領圍一九一匣。帽圍一九一匣。又一匣。各色尺頭九疋一匣。又一匣。又一匣。銅法鄉太平有象卓燈成對。紫檀龍鳳五屏風銅鏡台一件。(大紅綵綉金雙喜字套)紫檀雕福壽鏡支一。(隨金卡子燈)金大元寶喜字鎔。金福壽雙喜執壺。(杯盤成對)金粉妝成對。金海棠花福壽大茶盤成對。金如意茶盤成對。金福壽碗蓋成對。黃地福壽瓷茶盅成對。黃地福壽瓷茶盅成對。金臘子盒成對。銀胭脂盒成對。銀喜相逢板櫈盒成對。(金點翠紅白瑪瑙桂花紅碧弘玉堂富貴)益景成對。紅雕漆太平有象鈕儲櫈成對。脂玉夔龍雕花插屏成對。(紫檀座)黃面紅裏百子五彩大果盤成對。古銅獸面雙環罐一件。脂玉葵花御製詩大盤成對。古銅三足爐一件。古銅蕉葉花觚一件。脂玉雕魚龍一件。

脂玉雕松鶴山子一件。翡翠大盤成對。漢玉松鶴筆筒一件。碧玉福壽圓光壁一件。那窯大盤成對。漢玉雕仙人插屏成對。青花白地西蓮大盤成對。漢玉雕和合山子一件。脂玉雕荷葉雙連一件。雕碧玉鑲脂玉乳璧檻成對。漢玉雙環喜字獸面爐一件。脂玉雙獸面喜字有蓋瓶一件。翡翠瓷觀音瓶成對。漢玉獸面方爐一件。脂玉雙獸環面雕坐龍有蓋扁瓶一件。粉地五彩瓷八仙慶壽樽成對。脂玉雕西番瑞草芳彝一件。脂玉獸面雙環有蓋扁瓶一件。古銅周雲雷鼎一件。古銅周父癸鼎一件。金轉花洋鐘成對。金四面轉花洋鐘成對。銅法琅龍鳳火盆成對。（以上均紫檀座）紫檀雕花炕案成對。紫檀雕事事如意月圓卓成對。紫檀茶几成對。紫檀寶椅八張。紫檀琴桌成對。紫檀連三成對。紫檀雕花架几案成對。紫檀書格成對。紫檀雕花洋玻璃大插屏鏡成對。紫檀雕足踏成對。紫檀雕龍盆架金面盆。（大紅綾綉花披）。紫檀雕花匣子二

十件。紫檀雕花箱子二十隻。紫檀雕花大櫃成對。（以上共百攤）二

十五日卯刻進上賞玉如意成柄。領圍一九一匣。又各色福履一九一匣。

又針黹一九一匣。又紅雕漆喜字桌燈成對。紫檀雕福壽連三

鏡支（大紅綵綉帘）。金小元寶喜字燈成對。金油燈一件。金漱口孟成

對。金抿頭缸成對。銀曉子爐成對。銀粉榼成對。銀牙箸成對。金喜

字羹匙成對。金喜字叉子成對。黃地福壽瓷膳盤成對。金漱口孟成對。

金奓斗成對。金洗手盤成對。銀痰孟成對。銀湯子罐成對。

清談卷之二

政治談

王公降襲次第

王府官員制度

宗室任職官

内務府定制

錢東平創釐捐法

左季高創辦船政局

陸清獻公

鐵面御史

張船山待御之直節

楊遇春逸事

不輕裁陋規之用意

道光朝州縣陋規之紛議

人心刁詐

李少荃創辦輪船招商局

左季高創設書局

左文襄遺議

董曹兩相國遺事

羅文俊奏對得體

醉公

袁子才逸事

彭剛直公遺事四則

復封攝政睿親王冊文

一七
一九
一九
二〇
二〇
二三
二四
二四
二五
二七

伊犁疆域

永年令捕盜

私造假印案

二九二九二八

清談卷之二

政治談

安吳胡懷琛編次

休寧汪翰校閱

王公降襲次第

嘯亭雜錄云。國初開創遼藩。凡宗臣貴位。統名貝勒。崇德元年。定親王郡王貝勒貝子鎮國輔國二公。皆冠寶石項。以補服羽眼爲差次。統名曰八分王公。蓋卽加九錫之意也。其末入八分公。以及鎮國輔國將軍。皆冠珊瑚項。奉國將軍。視武臣正三品。奉恩將軍。視武職正四品。秩皆與流官同。舊例親王嫡子封郡王。郡王以下嫡子皆遞降一等封。親王衆子封輔國公。親王庶子封輔國將軍。郡王以下遞降同。故安王諸子皆封僖勤諸郡王。蓋沿明制也。康熙中。以宗祿繁重。乃改親王無論嫡子。衆子皆封。未入八分輔國公。郡王以下遞爲減等。而考以譜譯馬步射。其伎皆優等。然後授以本職。否則遞相降等授爵。其親郡

王皆世襲罔替。貝勒以下。皆降襲至輔國公。然後世襲而輔國公。又無復降襲之例。其未入八分輔國以下。皆降至奉恩將軍世襲罔替。而無論軍功恩封。皆一例辦理。故杜皮彰泰諸貝勒。有開創大功者。亦皆一體降襲。未免無所區別。純皇帝篤念宗親。故特分定軍功恩封之例。其有勳勞者。無論王貝勒皆世襲罔替。其恩封者。親王遞降至鎮國公。郡王遞降至輔國公。貝勒遞降至未入八分鎮國公。貝子遞降爲未入八分輔國公。鎮國公遞降至鎮國將軍。輔國公遞降至輔國將軍。皆世襲罔替。然後宗嗣始釐正焉。

王府官員制度

又云定制。親王長史一員。頭等護衛六員。二等護衛六員。三等護衛八員。四品典儀各二員。牧長二員。典膳一員。管領四員。司庫二員。司匠司牧六員。世子減二等。等護衛各二員。餘如故。郡王減二等。護衛二員。三等護衛三員。四品典儀二員。牧長一員。典膳一員。餘如故。長子減頭等。護衛三員。餘如故。貝勒減

頭等護衛四員。而增設司儀長一員。二等護衛二員。減五品典儀一員。司牧司匠等皆裁減焉。貝子減二等護衛六員。而增設三等護衛一員。減六品典儀二員。而增設七品典儀二員。八品典儀二員。鎮國公等。減三等護衛二員。餘如故。其包衣衆佐領親軍校。護軍校。包衣驍騎校。皆視其佐領親軍馬甲之多寡以遞設之。惟怡賢親王以贊襄世廟。莊恪親王以輔翼高宗。封雙親王。其護衛皆倍增之。嘉慶初。上諭儀成二王。皆增設頭二三等護衛各二員。定親王慶郡王皆增設頭等護衛一員。二三等護衛各一員。蓋俱曠典。非定制也。

宗室任職官

入云國初宗臣皆係王公世爵。無有任職官者。康熙中。仁皇帝念宗室蕃衍。初無入仕之途。乃欽定侍衛九十人。皆命宗室挑補。雍正中。裁汰宗人府滿洲司員筆帖式之半。皆命宗室人員充補。乾隆中。又設宗室御史四員。以爲司員陞擢之階。嘉慶己未。今上親政。特設宗室文繙譯鄉會試諸科目。又於六部理藩

院增設宗室司員若干員。以爲定額。然後宗室入仕之途。視爲廣裕。而亦皆鼓勵以思自振也。

內務府定制

父云自古宮禁服御飲食燕好必須有專司之者。惟周禮分設各官。統屬冢宰。所以合宮府爲一體。其制實爲良美。後世人主。皆委宦寺掌之。故閹人得以專擅。因之越俎犯竇。干預國柄。皆因執御僕夫不得其人故也。我朝龍興之初。創立內務府。以往昔之舊僕專司其事。入關後。復以明三十二衛人附麗之。凡內廷之會計服御物飾宮御武備等。皆統屬於內務府大臣。紀綱嚴肅。與周制統屬於冢宰之制相符。其閹人寺宦。則惟使之供給洒掃之役。毋得任事。將漢唐宋明歷代諸弊。致一丘壑而清之。其法度之精詳。規模之宏遠。尤爲超越千古矣。其職掌廣儲司。凡庫有六。曰銀庫。曰緞疋。曰衣庫。曰茶庫。曰皮庫。曰瓷器庫。各有專司。惟茶庫兼收人參。爲六庫中之最要。初名御用監。順治十八年改設。

專司焉。其初本府進項不敷用。時檄取戶部庫銀以爲接濟。乾隆中。上親爲裁定。汰去冗費若干。歲支用六十餘萬兩。其後歲有盈積。反充外府之用。較諸明代。每勒取金花銀兩。徒充閱人之囊橐者。眞不啻霄壤之別也。會計司掌領皇莊田畝諸事。田地各有等第。盛京莊八十有四。一等莊三十五。二等莊十三。等莊八。四等莊三十四。山海關外莊二百十有一。一等莊六十六。二等莊四。三等莊二十四。等莊百二十有一。喜峯口古北口外莊百三十八。均一等。歸化城莊十有三。畿輔莊三百二十有一。一等五十七。二等十有六。三等三十八。四等二百十有一。半莊七十一。每莊設莊長一人。瓜田菜圃置長亦如之。莊賦共地一萬三千二百七十二頃八十畝有奇。賦糧九萬三千四百四十石。菽二千二百二十五石。芻八萬一千九百四十束各有奇。凡編比壯丁。每三年一次。盛京及關外口外各莊。由總管將軍都統等。畿輔由府委官。各具冊於府。由府彙冊奏聞。凡皇子分封。各按爵秩給以莊地人丁。公主郡主贈嫁亦如之。選宮女於內府。

三旗佐領內管領下女子。年十三以上者。造冊送府。奏交宮殿監督領侍等引見。入選者留宮。餘令其父母擇配。其留宮之女。至二十五歲。遣還擇配。凡收錄內監。由禮部冊列姓名籍貫移府總管太監察其來由無異。乃委年老內監一人。驗實具奏。候旨分撥。年老者聽其回籍爲民。凡支領內監月費執事人匠役餉廩皆隸之。掌儀司凡饗奉先殿之禮。於大內景運門之東建奉先殿。朔望瞻拜時節薦新生忌祭享。出入啟告。以展孝思。前殿後殿均九間。中爲穿堂。以聯前後繚。以周垣供奉列聖列后神牌。凡朔望萬壽聖節元正冬日及國有大慶。均恭奉列聖神牌。前殿祭饗禮成還御後殿寢室。其禮儀祭器一如太廟之制。惟不設牲俎。不行飲福受胙禮。王公不陪祭。其樂名貽平絃平敷平紹平光平義平諸名。異於太廟之奏。其遣官行禮亦與太廟儀同。凡遇列聖列后諸聖誕忌辰。及元宵清明中元霜降歲除等日。於後殿行禮。神位前設有燈酒脯果實焉。壽皇殿尊奉仁皇帝憲皇帝純皇帝御容。凡遇聖誕及忌辰。皇上躬率諸皇

子及近支王。展謁行禮。其歲時奠獻。一如事生儀。凡燕外藩之禮。歲除及正月十五日。賜外藩蒙古宴。奏請欽命進酒大臣。內管領備筵九十席。宴於保和殿。及正大光明殿。屆時鴻臚寺理藩院引蒙古王公台吉入。領侍衛內大臣序王公班次。八旗一二品武職亦預焉。皇上陞殿奏隆平之章。蒙古王公武大臣各就席行一叩禮。座尙茶正升邇御筵降。迺進茶。丹陛清樂作。奏海字昇平之章。尙茶正率侍衛等進茶案。由中道進至檐下。正中北嚮跪。注茶於碗。進茶大臣奉茶入中門。羣臣皆就本位跪。進茶大臣由中陞升至御前。進茶退立於西。上飲茶。與宴之臣僚咸行一叩禮。進茶大臣跪受茶碗。由右陞降出中門。衆皆坐。侍衛等分賜與宴臣僚茶。皆於本位一叩飲畢。復行一叩禮。尙茶正撤茶案退。樂止。展席幕。乃進酒。如進茶儀。進酒大臣出。尙膳正率尙膳進膳。殿廷清樂奏萬象清甯之章。尙膳正奉旨分賜貪品於各席。遍樂止。奏慶隆舞揚烈舞以次畢。殿內奏喜起舞畢。上簡召王公大臣賜酒。羣臣咸跪受。一叩卒飲。朝鮮國俳

進百伎並作退。尙膳正升撤御筵降。與宴之王公大臣等謝宴。行一跪三叩禮。丹陛大樂作。奏治平之章。皇上還宮。鴻臚寺理藩院引外藩及百官以次退。皇子成婚。公主下嫁。設宴其邸。與內廷宴同。凡皇子婚禮。先期移文欽天監。諱吉以聞。乃命夫婦偕老之大臣傳制曰。以某官女某氏。作配皇幾子爲福晉。福晉父率闔族謝恩。行三跪九叩禮。擇吉簡內大臣侍衛。隨皇子詣福晉家。行定親禮。福晉父率闔族綵服迎於大門外。延皇子入。至正寢。於福晉父母前行三叩禮畢。皇子回宮。福晉父率族人送大門外。諱吉行納采禮。以內務府大臣。宮殿監督領侍充使及門。福晉父迎入中堂。謝恩。行三跪九叩禮。與宴大臣陪福晉父及族人之在官者。宴於中堂。內務府命婦女官。同陪女眷宴於內室。畢。內務府大臣暨宮殿監督領侍回朝。復命成婚。先一日。皇子於皇上皇后前行禮。福晉母率諸婦至皇子所居宮中。設牀帳粧盒。工部於宮門及皇子所居宮皆懸綵局。吉時於皇子宮設錦褥。二東西嚮。設酒饌案。於前置兩爵兩盞於案。請皇

子西面。福晉東面。相嚮行兩拜禮。各就坐。執事者執金瓶。女官以鬯爵酌酒。合和以進。皇子與福晉皆飲。乃進饌。酒饌三行。皇子與福晉皆起。仍行兩拜禮。撤饌案。次日皇子偕福晉朝見皇上皇后。女宮二人引皇子居左稍前。行三跪九叩禮。福晉居右稍後。行六肅三跪二叩禮。公主下嫁亦如之。王公之女奉旨授爲和碩公主郡主。暨宗女撫養中宮者。其下嫁之禮。各視爵秩以別差等。筵宴會。禮部辦理。其進時憲書。進春牛。皆如禮部儀。凡妃嬪大事。皆會禮工二部。按例遵行。都虞司掌內府兵衛等事。凡訓練內府護軍驍騎。歲以春秋二季。由該管官督率操演。各賞罰有差。凡宿衛大內。護軍統領宿神武門內。掌順貞門鑰。其大內後複道中。皆內務府護軍直宿。其直宿西華門北者。合護軍驍騎步軍。及三旗服役人。鑾儀衛校尉別立班。次曰防範兵。專司戒火。凡皇后內廷主位出入。以內務府總管或散秩大臣一人。司官八人。內府護軍統領一人。護軍參領四人。護軍校十人。率護衛豹尾班執鎗者十人。佩儀刀者十人。翊衛護軍百

人導引扈從皇子福晉出入遞減騎從。凡畿輔行宮京東七處。京西四處。京北六處。口外十三處。各設千總若干人。分隸湯山盤山黃新莊。熱河各總管管轄。凡捕牲鳥喇官弁亦隸屬焉。慎刑司專理太監蘇拉等詞訟。凡審讞內府所屬人犯罪。在杖一百以下者。本司依律議結。杖以上者。皆移送刑部定擬。如事干宮禁者。請旨鞫問。凡內監私逃。按其次數。分別自首。被獲治以架杖之罪。營造司。凡匠役均有定額。內府所屬人在官執藝者。於佐領管領下選取。招募民匠。於工部咨取。又設司匠領催以督率之。缺則取補。惰則革除。凡修造紫禁城內工程。小修大修。建造皆會工部。大內繕葺。由內監匠人。皇城牆垣。有應修理者。奏交工部。均由欽天監諭吉興。工慶豐司。凡牧所定額。設內三圈。於西華門外。養扇牛十有二。牝牛六。牡牛三。青牛一。乳牛無定數。設三外圈。於南苑。設羊六圈。於豐臺。設牛羊羣。牧於張家口外各牧所。牛羊均由該管官烙印。凡典牧。凡設廐長廐副若干人。廐丁司穀等夫。以遞增減。口外牧羣。設總管一人。副管二

人牛羊羣。協領牧長。牧副牧丁若干人。隸張家口外總管管轄。大凌河牛羣。隸盛京將軍管轄。凡郊廟祭祀。皆用廐牛焉。凡出牧歲以三十五日後。四月初一日前。均於南苑覽閑豐草之處牧放。停止芻菽。以九月二十日後。十月初五日前。各歸原圈飼養。凡勸懲內外各圈。視牛犢斃損之多寡。以別功過。游牧諸羣。每三牛三年孳生一犢。三羊三年孳生二羔。於定數內缺少者治罪。定數外孳生者。由該總管奏聞。上駟院凡圈牧設內廐於皇城。外廐於南苑。設牧羣於盛京。及張家口外。以畜馬蕃庶。籍其數而頒之。凡出牧懲勸。稽查與慶豐司牛羊同。凡供直馬。以內廐御馬四齊其毛。具鞍轡立院門外。行幸駐蹕。以御馬六。立圈門右。如之凡遇車駕巡幸。日以十馬備上乘御。由內院大臣奏請於御馬內簡其尤良者以從。其需用駕車馬。公馬及橐駝之數。附疏以聞。其扈蹕之各執事官役。內監所乘之馬。由所司行院如數以公馬撥給。凡廬馬歲春秋二祭。禱馬於神。繫帛於御馬鬚尾以爲識。凡三十匹。附養四色馬四十四。令祭堂子率。

以十四。詣神前受釐繫絲帛亦如之。奉宸院掌御園亭河道。南苑西山稻田諸事。凡納戶沙河二十六人。霸州四十六人。江南六人。歲給銀米有差。其河道應通濬者。知會工部修理。凡稻田玉泉山十有五頃。供上方玉食。餘田三十餘頃。皆徵租賦。御河三海諸處。歲各有蓮藕之租。均量地薄征。以供內庭蒔植花卉之用。武備院掌上甲冑弓矢兵仗。及鞍轡行帳諸事。凡御蓋。皇上御殿設繡蓋。巡幸鹵簿。設黃羅銷金九龍三檐曲柄華蓋。凡設褥上春冬用黑貂。夏秋用黃龍椅。均於換季日更易。凡兵仗皆由院敬謹修造。御用弓矢。皆選盛京之良楷。磬石造成。凡採辦物料。歲支崇文門稅務銀千兩。交各省敬謹採辦。以上皆內府之所專司。若內務府大臣得人。則宮府之禁綦嚴。紀綱整肅。實爲超軼漢唐。諸制多矣。

錢東平創釐捐法

庸閒齋筆記云。錢東平江者。浙之歸安人也。負才使氣。跡弛不羈。有俯視一世

之概。故無鄉曲譽。薄遊廣東。亦落落寡所合。會林文忠禁煙。英夷肇釁。江心憤其事。遂集衆舉義。與夷爲難。所作檄文。多所指斥。大府惡之。坐以法。遣戍新疆。當未至之先。新疆諸人。固已聞其名矣。既抵戍所。自將軍以下。皆折節與交。江口若懸河。議論激昂慷慨。同人皆推服之。尊爲上客。未幾遇赦歸。歸後又遊京師。出其縱橫捭闔之說。遂名動公卿間。或勸以仕。江不應。頗以魯仲連自命。時值粵賊陷金陵。世事孔亟。江曰。此吾錐處囊中脫穎而出之時也。遂乘薄笨車出都。出都日。送者車數百輛。極冠蓋之盛。其時副都御史雷公以誠辦理糧臺。開府邵伯壠。江懷刺上謁。抵掌而談。雷公大悅。辟至幕府。幾乎一則仲父。再則仲父之契焉。當是時。江北屯兵數萬。儲胥甚急。公以轉餉爲職。而各省協餉不至。空手不名一錢。庚發頻呼。行有脫巾之變。焦愁仰屋。莫展半籌。江爲之畫策。疏請空白部照千餘紙。以勸捐軍餉。隨時隨地。即行填給。與從前繳銀累載奏獎不聞者。迥然不同。富人朝輸貨財。夕膺章服。歡聲載道。踴躍輸將。不旬日。遂

得餉十餘萬。又創立抽釐法。于行商坐賈中。視其買賣之數。每百文。涓取一文。而小本經紀者。免。居者設局。行者設卡。月會其數。以濟軍需。所取甚廉。故商賈不病。所入甚鉅。故軍餉有資。源源而來。取不盡。而用不竭。不期月。又得餉數十萬。資用既裕。兵氣遂揚。江上諸大帥。倚雷公若金城。而公亦視江如左右手矣。當是時。江之名聞天下。然江恃功而驕。使氣益甚。玩同幕于股掌。視諸官如奴隸。咄嗟呼叱。無所顧忌。于是上下交惡。譖毀日至。雷公亦稍稍疏之。膠漆而冰炭矣。江愈怒。即于雷公。亦面加譏斥。雷積忿日久。第欵其才。姑含容之。一日飲次。議論相左。雷加誚讓。江使酒大罵。雷怒甚。在旁者。又慫恿之。立卽斬首。乃以江跋扈狂暴。將謀爲不軌。奏焉。冤矣。使當日江稍委蛇。必可不死。使雷公左右。有略與周旋者。亦不至于死。小有才而未聞君子之大道。不能爲高蹈之魯仲連。轉同于殺軀之益成括。哀哉。余初不識江。故友戴禮亭熟其人。爲余述其大概如此。後雷公以他罪褫職。聞亦頗心悔其事。流寓清江浦佛寺。誦經自懺。然

而江則已死矣。

錢江既創立釐捐法。各直省皆仿照行之。曾文正公尤以爲善。謂軍餉無出與其病農。不如病商。蓋擇禍莫若輕之意。非真以釐捐爲必可行也。軍興二十年以來。不加賦。不勒派。而卒成戡定之功者。釐捐之力居多。余自咸豐初年奉檄餉局。首則捐輸。繼而助餉。又繼而米捐舌斂耳聾。異常困苦。恨聲不絕。所得無幾。自釐捐法行。商賈不無怨謗。然一省之中。每年或得數十萬。或得百餘萬。或得二百餘萬。而不甚費力。余謂辦捐之道。切不可過分。此是國家不得已之政。須體朝廷不忍人之心。持己以嚴。免招物議。待人以恕。用卹商情。自然商賈願藏于其市。行旅欲出于其途。而捐數可以旺收。聲名不致敗壞矣。其有以刻爲能者。尺布斗粟。併計起捐。碎物零星。忘報卽罰。此是關市之盜臣也。兼之設卡既多。立法益密。大小委員。一局三四輩。巡丁司事。一卡數十人。人數猥雜。局

用益大。所入不敷。則不得加意搜求。再人之賢者少而不肖者多。查察不及。弊端百出。既爲暴客。又爲盜臣。而商賈徒耗其財。餉需仍無有濟。言之可爲痛恨。雖大吏時加檢攝。有犯必懲。而吞舟之漏者。又不知凡幾。此固非江創法之初。必然江則爲其濫觴矣。故此時但願軍務早嚴。釐捐得停。復睹嘉道承平之治。斯爲美耳。然江以一匹夫創成天下釐捐之舉。論平賊之資。固屬功之首。追思病商之源。亦是罪之魁也。

按釐捐之法。肇于宋陳亨伯之經制錢。增酒價。添商稅。及公家出納。每千收二十三文。紹興時。歲入共一百二十萬緡。史稱其多。江之釐捐。寔祖其意。雖云每千取十。其究也。亦將至二十三文。第以江浙二省計之。每歲已三四百萬緡。于軍餉寔爲大宗。朝廷雖屢有經減之旨。總以軍務未平。未能已也。

左爵相奏開船政局

又云同治元年冬。甯波諸軍。進攻粵賊于紹興。三戰三捷。將傅其城。而洋火藥

告罄。史士良觀察令余赴上海向李爵相商借數千劔。乃爵相亦以剿賊藥盡。而洋船不至。正在躊躇。無可應付。余乃遄返。謂不如自己仿照造之。于是開局製配。無機器則以手春當之。無洋硝。則以土硝鍊淨抵之。無藤炭。則以柳炭及杉炭代之。以意加樟腦等物。春配極細。居然造成。第力較洋藥少遜。且發後有渣滓留存管底。須時加刮洗耳。然足以資救急之用。爵相聞之。亦飭余在甯局製造萬劔。久之洋人之藥運到。遂止。然自是知藥可配。因從而推廣。及洋鎗洋礮等類。並仿造小火輪船二隻。試之。均能合用。第以公費甚鉅。無欵可籌。且賊已將次勦滅。乃置之不講。至五年秋。左爵相由廣東平賊歸。遂決計開輪船局。疏陳于朝。朝議允之。局將開。爵相又奉陝甘總督之命。率師西征。奏保前江西巡撫沈公葆楨爲船政大臣。莅其事者九年。沈公擢兩江總督。又命前江蘇巡撫丁公日昌繼之。從此中國之輪船。與外洋爭烈矣。左爵相之疏。剴切詳明。籌畫周密。今節錄載之。俾後世言船政者。有所攷焉。公疏謂竊惟東南大利。在

水而不在陸。自廣東福建而浙江。江南山東直隸盛京以迄東北。大海環其三面。江河以外。萬水朝宗。無事之日。以之籌轉漕。則千里猶在戶庭。以之籌懋遷。則百貨萃諸廛市。匪獨魚鹽蜃蛤足以業貧民。舵梢水手足以安游衆。也有事之時。以之籌調。發則百粵之旅。可集三韓。以之籌轉漕。則七省之餉。可通一水。匪特巡洋緝盜。有必設之防。用兵出奇。有必爭之道也。況我國家建都于燕津。沽寃爲要鎮。自海上用兵以來。泰西各國火輪兵船。直達天津。藩籬竟成虛設。星馳颺舉。無足當之。自洋船准載北貨。行銷各口。北地貨價騰貴。江浙大商。以海船爲業者。往北置貨。價本愈增。比及回南。費重行遲。不能減價。以敵洋商。日久銷耗愈甚。不惟虧折貨本。寢至歇其舊業。濱海之區。四民中商居十之六七。坐此閹閽蕭條。稅釐減色。富商變爲甕人。游手驅爲人役。並恐海船擣朽。目前江浙海運。卽有無船之慮。而漕政益難措手。是非設局建造輪船不爲功。從前中外臣工。屢議雇買代造。而未敢輕議設局製造者。一則船廠擇地之難也。二

則輪船機器購覓之難也。一則外國師匠要約之難也。一則籌集巨欵之難也。一則中國之人不習管駕。船成仍須雇用洋人之難也。一則輪船既成。煤炭薪工需費不貲。月需支給。又時須修造之難也。一則非常之舉。謗議易興。創議者一人。任事者一人。旁觀者一人。事敗垂成。公私均害之難也。有此數難。毋怪執咎無人。不敢一抒籌策。以徇公家之急。臣愚以爲欲防海之害而收其利。非整理水師不可。欲整理水師。非設局監造輪船不可。泰西巧而中國不必安于拙也。泰西有而中國不能倣以無也。雖善作者不必其善成。而善因者。究易于善創。如慮船廠擇地之難。則福建海口羅星塔一帶。開漕濬渠。水清土寔。爲粵江蘇所無。臣在浙時。卽聞洋人之論如此。昨回福州。參以衆論。亦復相同。是船廠固有其地也。如慮機器購覓之難。則先購機器一具。鉅細畢備。覓雇西洋師匠與之俱來。以機器製造機器。積微成鉅。化一爲百。機器既備。成一船輪機。卽成一船。成一船。卽練一船之兵。比及五年。成船稍多。可以布置沿海各省。遙衛

津沽。由此更添機器。觸類旁通。凡製造鎗炮。炸彈。鑄錢。治水。有適生民日用者。均可次第爲之。惟事屬創始。中國無能赴各國購覓之人。且機器良料。亦難驟辦。仍須託洋人購覓。寬給其值。但求其良。則亦非不可得也。如慮外國師匠要約之難。則先立條約。定其薪水。到廠後由局挑選內地各項之少壯明白者。隨同學習。其性慧夙有巧思者。無論官紳士庶。一體入局講習。拙者惰者。隨時更補。西洋師匠。盡心教藝者。總辦洋員。薪水全給。如斬不傳授者。罰扣薪水。似亦易有把握。如慮籌集巨款之難。就閩而論。海關結欵既完。則此款應可劃項支應。不足則提取釐稅益之。又臣曾函商浙江撫臣馬新貽。新授廣東撫臣蔣益澧。均以此爲必不容緩。願湊集巨款。以觀其成。計造船廠購機器。募師匠。須費三十餘萬兩。開工集料。支給中外匠作薪水。每月約需五六萬兩。以一年計之。需費六十餘萬兩。創始兩年。成船少。而費極多。迨三四五年。則工以熟而速成。船多而費亦漸減。通計五年。所費不過三百餘萬兩。五年之中。國家捐此數百

萬之入。合雖見多。分亦見少。似尙未爲難也。如慮船成以後。中國無人堪作船主。看盤管車諸事。均須雇請洋人。則定議之初。卽先與訂明。敎習造船。卽兼敎習駕駛。船成卽令隨同出洋周歷各海口。無論兵弁各色人等。有講習精通。能爲船主者。卽給予武職千把都守。由虛銜淳補憲職。俾領水師。則材技之士。爭起赴之。將來講習益精。水師人材。固不可勝用矣。且臣訪聞浙江甯波一帶。現亦有粗知管駕輪船之人。如選調入局。船成卽令其管駕。似得力更速也。如慮煤炭薪工。按月支給所費不貲。及修造爲難之費。則以新造輪船運漕。而以雇沙船之價給之。漕務畢。則聽受商雇。薄取其值。以爲修造之費。海疆有警。專聽調遣。隨賊所在。絡繹奔赴。分攻合剿。尅期可至。大凡水師。宜常川住船操練。俾其服習風濤。長其精力。深其閱歷。然後可恃爲常勝之軍。近觀海口各國所駐兵船。每月操演數次。儼臨大敵。遇有盜艇。卽踴躍攬擊。以試其能。所以防其惡勞好逸者如此。且船械機器。廢擋不用。則朽鈍堪虞。時加淬厲。則晶瑩益出。故

船成之後。不妨裝載商貨。藉以捕盜而護商。兼可習勞而集費。似歲修經費。無俟別籌也。至非常之舉。謗議易興。始則憂其無成。繼則議其多費。或更譏其失體。皆意中必有之事。然臣愚竊有說焉。防海必用海船。海船不敵輪船之靈捷。西洋各國。與俄羅斯米利堅數十年來。講求輪船之制。互相師法。製作日精。東洋日本。始購輪船拆視。仿造未成。近乃遣人赴英吉利學其文字。究其象數。爲仿製輪船張本。不數年後。東洋輪船亦必有成。獨中國因頻年軍務繁興。未暇議及。雖前次有代造之舉。現復奉諭購雇輪船。然皆未爲了局。彼此同以大海爲利。彼有所挾。我獨無之。譬猶渡河。人操舟而我結筏。譬猶使馬。人跨駿而我騎驢可乎。均是人也。聰明睿知相近者性。而所習不能無殊。中國之睿知運于虛外國之聰明寄于實。中國以義理爲本。藝事爲末。外國以藝事爲重。義理爲輕。彼此各是其是。兩不相喻。姑置弗論可耳。謂執藝事者舍其精。講義理者必遺其粗。不可也。謂我之長。不如外國。藉外國導其先可也。謂我之長。不如外國。

讓外國擅其能不可也。此事理之較著者也。如擬創造輪船。即預慮難成而自沮。然則治河者。慮合龍之無期。卽罷畚築。治軍者。慮歲役之無日。卽罷徵調乎。如慮糜費之多。則自前道光十九年以來。所糜之費已難數計。皆因無輪船致所費不可得而節矣。今仿輪船。正所以預節異時之費。而尙容斬乎。天下事始有所損者。終必有所益。輪船成。則漕政興。軍政舉。商民之困紓。海關之稅旺。一時之費。數世之利也。縱令所制不及各國之工。究之慰情勝無。倉卒較有所恃。且由鈍而巧。由粗而精。尙可期諸異日。孰如羨魚而無網也。計閩浙粵東三省。通力合作。五年之久。費數百萬。尙非力所難能。疆臣誼在體國奉公。何敢惜小費而忘至計。至以中國仿製輪船。或疑失體。則尤不然。無論禮失而求諸野。自古已然。卽以鎗炮言之。中國古無範金爲炮。施放藥彈之製。所謂炮者。以車發石而已。至明中葉。始有佛郎機之名。國初始有紅衣大將軍之名。當時得其國之器。卽被以其國之名。謂佛郎機者。卽法蘭西音之轉。謂紅衣者。卽紅夷音之。

轉蓋指紅毛也。近時洋鎗開花砲等器之製。中國仿洋式製造。亦皆能之。砲可
仿製。船獨不可仿製乎。安在其爲失體也。臣自道光十九年海上事起。凡唐宋
以來史傳別錄說部。及國朝志乘載記。官私各書。有關海國故事者。每涉獵及
之。粗悉梗概。大約火輪兵船之製。不過近數十年事。于前無徵也。前在杭州時。
曾覓匠。仿造小輪船形。模粗具。試之西湖。駛行不速。以示洋將德克碑。稅務司
日意格。據云大致不差。惟輪機須從西洋購覓。乃臻捷便。因出法國製船圖冊
相示。並請代爲監造。以西法傳之中土。適髮逆陷漳州。臣入閩督勦。未暇及也。
嗣德克碑歸國。繪具圖式。船廠圖冊。並將購覓輪機。招延洋匠各事宜。逐款開
載。寄由日意格。轉送漳州行營。德克碑旋來漳州接見。臣時方赴粵東督剿。未
暇定議。德克碑辭赴暹羅。屬日意格候信。彼此往返講論。漸得要領。日意格聞
臣由粵凱旋。擬來閩面訂一切。臣原擬俟其來閩商妥後。再具摺詳陳請旨。因
日意格尙未來。適奉購雇輪船。寄諭應先將擬造輪船緣由。據寔馳陳。伏乞

聖鑒。

續又疏陳。據日意格等稟呈保約條議清摺合同規約各件。業經法國總領事官白來尼印押擔保。臣逐加覆核。均尙妥洽。所有鐵廠船槽船廠學堂。及中外公廨工匠住屋築基砌岸一切工程。經日意格等覓中外殷商包辦。由臣核定。計共需銀二十四萬餘兩。船槽尤爲通局最要之件。應用法國新法。購辦鐵板。運來船廠。嵌造成槽。此外一切局中應用什物。由護撫臣周開錫委員估置。日意格德克碑。俟廠工估定。卽回法國購買機器輪機鋼鐵等件。並購大鐵船槽一具。募雇員匠來閩。一面開設學堂。延致熟習中外語言文字洋師。敎習英法兩國語言文字算法畫法。名曰求是堂。藝局挑選本地資性通敏穎悟通文字義子弟入局肄習。並採辦銅鐵木料。一俟船廠造成。卽先脩造船身。庶來年機器輪機運到時。可先就現成輪機配成大小輪船各一隻。此後機器輪機。可令中國匠作學造。約計五年限內。可得大輪船十一隻。小輪船五隻。大輪船一百

五十四馬力可裝載百萬斤。小輪船八十四馬力可裝載三四十萬斤。均照外洋兵船式樣。總計所費不逾三百萬兩。惟採買物料一切。有此月需多。彼月需少者。勢難劃一。應將關稅每月協撥兵餉五萬兩。劃提四萬兩歸軍需局庫。另欵存儲。以便隨時應付。而前後牽計。仍不得踰每月四萬之數。以示限制。抑區區之愚。有不敢不盡者。茲局之設。所重在學造西洋機器。以成輪船。俾中國得轉相授受。爲永遠之利也。非如雇買輪船之徒取濟一時。可比其事較僱買爲難。其費較僱買爲鉅。臣德薄能淺。不足爲其難。又去閩在卽不能爲其難。當此時。紬舉盈之際。凡費宜惜。鉅費尤可惜。而顧斷斷于此者。竊謂海疆非此。兵不能強。民不能富。僱募僅濟一時之需。自造寔無窮之利也。于是則雖難有所不避。雖費有所不辭。然而時需五載。銀需二百數十萬兩。事屬創舉。成否未可預知。幸而學造有成。縱局外議論紛紛。微臣尙有以自解。設學造未能盡洋技之奇。卽解造輪船。不能自作船主。曲盡駕駛之法。則費此五年之時。日二百數十

萬之帑金。僅得大小輪船十六號。機器一分。鐵廠船槽船廠及各房屋。雖所造輪船較尋常購買各色輪船精堅適用。而估計所費。多于價買一倍。于大局仍少裨益。責以糜帑。咎何可辭。凡此皆宜預爲綱繆。而不能預爲期必者。故此局之定。要臣者多以異時之咎責爲臣慮。局外之阻撓爲臣疑。卽日意格亦言此時局面旣更勢難兼顧。如欲停止。願將已領之銀。仍卽繳回。臣答以事在必行。萬無中止之理。但願一一謹守條約。盡心經畫。共觀厥成。如有差謬。當自請朝廷嚴加議處而已。察看情形。尙可望其有成。合將日意格德克碑合纂保約條議清摺合同規約。照抄咨呈軍機處。總理各國事務衙門存案外。謹臚舉船政事宜十條。另繪清單。恭呈御覽。謹會同兼署閩浙總督臣英柱。恭摺具奏。伏乞聖鑒訓示施行。

陸清獻公

履園叢話云。陸稼書先生。宰嘉定日。坐堂上。課子讀書。夫人在後堂紡績。民有

事控縣者。卽出票交原告喚被告。如抗出差。其聽訟也。以理喻。以情恕。如家人父子。調停家事。漸成無訟之風。有兄弟爭訟不休。公謂之曰。弟兄不睦。倫常大變。予爲斯民父母。皆予教訓無方之過也。遂自跪烈日中。訟者感泣。自此式好無尤。嗚呼。若先生者。誠聖人所謂道之以惠。齊之以禮。有恥且格者也。公生辰貧不能備壽筵。夫人笑之。公曰。汝且出堂視之。較壽筵何如。但見堂上下香燭如林。斯民敬之若神明焉。

相傳稼書先生歿後。爲嘉定縣城隍。縣民數百人。直至平湖接公上任。時先生夫人尙在。謂縣人曰。公在縣時。不肯費民一錢。今遠道見迎。恐非公意耳。

鐵面御史

湯文正公（斌）蒞任江蘇。聞吳江令卽墨郭公（琇）有墨吏聲。公面責之。郭曰。向來上官要錢。卑職無措。只得取之於民。今大人如能一清如水。卑職何敢貪耶。公曰。姑試汝。郭回任。呼役汲水洗其堂。由是大改前轍。公喜。特保舉卓異。而

前任督撫江蘇者。余公國柱也。方掌綸屏。徵賄巨萬。聞之。脚恨刺骨。嗾人劾奏。
虞山翁鐵庵司寇。從而和之。賴聖祖皇帝英明。稔知郭無他。故得以保全。時長
洲貢生何義門（焯）在京考選。爲司寇門生。遂登翁之門。攘罵不已。索還門生
帖。否則改稱。不認爲師。義門由是知名。二十六年。郭公內陞御史。于半年中。參
罷三宰相。兩尙書。一閣學。直聲振天下。稱爲鐵面御史。旋以吳江張令虧空。舉
發舊案。株連落職。擬遣戍。幸蒙聖明洞鑒。以郭秀居官尙有風力。免其治罪。二
十八年。擢兩湖總督。

張船山侍御之直節

春冰室野乘云。遂甯張船山先生。書畫妙一時。性伉爽。無城府。由檢討遷御史。
上官日連上三疏。一劾六部九卿。一劾天下各督撫。一劾河漕鹽政。或謂之曰。
子不慮結怨中外乎。先生笑曰。我所責難者。皆大臣名臣事業。其思爲大臣名
臣者。方且感我。爲達其意。若無意於此者。吾將其身分擡高。至於如此。慚媿之。

不暇。又何暇怨我乎。先生當畫一鷹題一斷句云。奇鷹曾然來。攫身在高樹。風動乍低頭。沈思擊何處。讀此詩可想見其風采矣。

楊遇春逸事

庸閒齋筆記云。富陽周芸皋觀察凱由進士歷官至福建興泉永道。所至卓有政聲。道光十二年。臺灣民張丙作亂。大府調觀察攝理臺灣道事。戡定之際。搜捕餘孽。鞠訊犯供。無枉無縱。辦理善後事宜。籌畫周密。去任至今將四十年。臺地疊遭東西夷外警。而境內風塵不驚。盜賊不起。則措置之善也。溯自康熙二十二年。臺灣始入版圖。至道光十二年。僅一百五十載耳。而亂者凡十五起。或請大兵剿之。或以本省兵平之。其亂之生也。或數年。或十數年。輒一見。其自相殘賊。則間歲有也。觀察精心運用。力籌所以善厥後者。條教章程。規畫悉當。海疆得以久安無事。其功甚偉。去歲日本窺臺。東南旰食。惜觀察久歸道山矣。觀察文集中。有記前陝甘總督楊侯逸事一則。仰見疆臣養威重尊國體之至意。

讀之不勝佩服。侯豈預知今日東夷之抗我顏行耶。因亟錄之。使後世知我朝廷之威德焉。

回疆張格爾之亂。狀大臣。據喀什噶爾城。圍和闐葉爾羌英吉沙爾三城。上命大學士長公爲揚威將軍往征之。以陝甘總督楊侯參贊軍事。抵七里河與賊夾河而軍。侯以所部先濟。賊見中流人馬高大殊于常。驚爲神。侯擊之。伏屍萬餘。張格爾遁。復喀什噶爾城三城。圍解既而久不得賊。或謂賊畏侯不敢出。侯在軍不可得也。上召侯回陝甘總督任。總督駐蘭州。控嘉峪關。回疆出入要地也。尋遣伯克伊薩克誘張格爾出。獻俘京師。回疆平。上嘉伊薩克功。加郡王銜。伊薩克素強盛。雄長諸伯克。與二子分領三大城。桀黠通華言。道光十一年奉詔入朝。自恃功高。益驕侈非分。輿馬繁多。所經回疆。諸伯克盛其供張。比入關猶盛。甘肅府縣請于布政使白侯。將迎諸郊。侯曰無須。第視我行事。明日將至。俟以令箭招至數里外。伊薩克乃單騎從數人來。侯令自戈什哈以上。有項戴

者冠帶華服不佩刀。轅門平列至堂下皆滿。伊薩克至轅門下馬步行。見兩旁官屏息立無聲。僕僕不敢仰視。至堂側少許。命入見。堂以內虛無人焉。一巡捕官導之行。歷聽事數重。侯見之便室居中高坐。常衣冠。二童子侍旁。于地施紅裯。一伊薩克及門未踰限。雙足跪。摘冠扣頭。侯令一童子扶以入。命坐。伊薩克叩頭者再。乃坐。與溫語竟。侯自拂其鬚曰。吾老矣。較在回疆時奚若。曰更精神。侯曰汝亦老。鬚髮加白。吾輩受大皇帝厚恩。當思及時報稱。爲子孫計。無妄想。伊薩克叩頭曰。謹受教。俟又曰。大皇帝念汝少住即行。無多從。宜往謁各官。皆有食物。恣汝啖也。令一童子扶之出。伊薩克汗流竟體。裏衣皆濕。上馬行數里。神始定。侯諭布政使下及府縣官。以外藩禮禮之。明日伊薩克減騎從行。或請故。侯曰蘭州爲入關第一省會。俾知天朝儀注。他省加禮。乃知恩矣。同安令項廷綏。時官甘肅。親見之爲凱言。又曰凱旋兵初過州縣。橫甚。殿知縣報聞皆咎。令侯意不謂然。比至。親臨堂皇就轅門。捆賣帶兵官各四十。受責者五十餘人。

斬歐官者一人以徇。兵後無敢譁。侯任固原提督三十年。陝甘婦豎識與不識。皆畏愛俟。及官總督。見所屬益謙。曰吾蠻人。公事懼有失。幸助我。然所策斷悉中度。非人所及。凱嘗見侯于乾清門外。偉軀幹美。丰儀賴面修目。詞氣藹然。髯長三尺許。覆胸白如銀。文武威風。天人也。侯名遇春。四川崇慶人。經大小二百八十餘戰。無不以身當先。未嘗受創。年八十有一。以疾致仕。未報。次子國楨。時巡撫河南。求解職侍養。蘭州詔許之。在官受養。中外以爲榮。旋侯復請命安車入都。召見數四。賜克什穢幣無算。侯初以平滑縣功。封一等男。至是晉一等侯。勑各省地方官護送以歸。食俸于家。夫人年亦八十。子弟官文武一品者。一門八人。舊所部戈什哈官提鎮者。同時十餘人。貴州果勇侯芳。侯同姓。繼侯爲固原提督。先侯而侯。亦侯所拔也。

不輕裁陋規之用意

又云。先伯半帆太守錫熊。由知縣。游歷牧守。所到之處。裁革陋規。一切用度。皆

是伯祖長蘆運使任內攜往。時有陳青天之號。先大父時官安徽。聞之弗善也。貽書戒之曰。若父爲都轉。若故能取給。後任官之父。安得盡爲都轉耶。將來不給于用。勢必仍復舊貫。居已以清名。陷人于不肖。非仁者之用心也。若果無須此項。盍留爲地方公用乎。先伯不能從。比去任後。後來者果盡復之。同時帥仙舟中丞承瀛。官浙撫。解任後。以鹽規二萬留爲書院經費。後左季高相國撫浙。亦以甯關平餘萬六千金。捐作賑濟之用。均不裁此規目。二公皆一時名臣。前後所見相合如此。

道光朝州縣陋規之紛議

又云道光初年。英煦齋相國和。初爲軍機大臣。以州縣辦公無資。而取民無藝。奏請以各省陋規酌定其數爲公用。有于數外多取者。重罰之。宣宗諭直省督撫議奏。言人人殊。兩江總督孫相國玉庭。上疏極言不可。奉旨嘉許。英相國得薄。謹撤出軍機。而孫相國賜公忠大臣四字。天下頌聖主之明。同時廣東巡撫

康公紹鋪一疏。尤爲暢達。其略曰。粵東負海濱山。盜會諸匪。甲尤他省。公用以緝匪爲大宗。捐攤賠補次之。辦公雜項又次之。粵東州縣歲入所藉。專在兵米折價。歷久相沿舊規。官民相安。緣粵東產米稀少。全賴粵西湖南兩省接濟。故民間皆願折納。地方官代爲買穀碾支。百數十年循照已久。若概收本色。事涉更張。轉滋擾累。其餘雜稅。及車舟行戶鹽當規禮。或有或無。不能一律。此粵東陋規與州縣辦公之大概情形也。今欲明定章程。立以限制。其中有窒礙難辦。勢不能徑情直行者。卽如兵米折價一項。朝廷取民歲有定制。抑且應徵本色。折取卽爲違令。今以例徵本色例嚴浮收之正供。忽明著申令。許其折價。許其多取。無論國家輕徭薄稅。斷不值因辦公費用。誤蒙加賦之名。且卽以折價而論。在馴謹花戶。雖照舊規完納。而刁生劣監。頑抗百姓。多不能照數。有于正數之外。絲毫無餘者。更有正賦之內。收不足數者。州縣以浮折事屬違例。往往將贏補納。自行賠補。今若定以折收額數。則所浮之價。卽爲應納之數。設有短少。

似難辦理。又粵東兵米零尾挂欠頗多。須州縣先爲墊解。是照正項。尙不能年清年欵。設經明定額數。其挂欠代墊。恐較前尤甚。況貪官汙吏。視所加者爲分內應得之數。以所未加者爲設法巧取之數。聞之雍正年間議將地丁火耗。酌給養廉。當時議者謂今日正賦之外。又加正賦。將來恐耗羨之外。又加耗羨。八九年以來。錢糧火耗。視昔有加。不出前人所慮。前項折價。與從前火耗增收事。寔相近。卽能明查暗訪。堅持于數年之間。亦斷難周防遠慮。遙制于數十年之後。夫兵米正額。各州縣有定數折收之價。粵省有通例。其不能行尙如此。況雜稅等項。名目不一。或此地有而彼地無。或此地多而彼地寡。愿者減其數以求悅。黠者浮其數以取贏。究之浮者已浮。數已定而難改。減者非減。事甫過而復加。此時毫髮未盡之遺。卽他年積重難返之漸。其中更有持蠻行戶。刁滑商人。向不完納平餘。致送禮規。今以案經奏定數已申明。在官視爲宜然。在民視爲非舊。兩相脇制互爲稟呈。上司既不能爲官吏分外婪索。予以糾參。又不能

因民間不繳陋規。懲以官法。爾時辦理。更形掣肘。是雜項等稅之難辦。較兵米折價尤甚也。再四思維。實無萬全良策。且各項所入。既有陋規名目。今逐款臚列。上瀆聖聽。于體制似亦未協。夫弊去其太甚。事不外舊章。臣等受恩深重。于查辦此事。萬不敢畏難推委。而事有窒碍。不敢不將情形據實密陳。應請照常辦理。並隨時稽察。如有于常額外多取絲毫。一經訪聞。輕則撤參。重則治罪。並督率飭道府廳州縣等官。力行儉節。屏除浮費。庶以儉佐廉。省一分之費用。卽以紓一分之民力云云。此奏可謂通達治體矣。按英相國原奏。誠恐州縣取民無制。亦具一片婆心。而揆以國家大體。實不可行。且又不勝其流弊。故聖主不惜收回成命也。

人心刁詐

履園叢話云。康熙二十三年。兩江總督于清端公（成龍）喜微服潛行。察疑獄。求民隱。然奸人造言散布。以傾怨家。或反失人屬吏雖灼知。而不敢言也。有布

衣程姓者。進見直言。且指目擊一二事爲徵。公悚然曰。微子言。吾安知人心刁詐若此耶。陳恪勤公（鵬年）守吳。亦喜微行。有金獅巷富室汪姓兩子。以曖昧事殺其師。賄通上下衙門。以疑案結局。惟公不可以利誘。汪遂重賄左近茶坊酒肆脚夫渡船諸人。囑其咸稱冤枉。公察之衆口如一。遂不深究。又劉家浜富家乳媼。攜一小孩。看稍懈。忽不見。殺死城干。剝去金珠衣服。緝凶無著。公夜出查訪。遇醉漢曰。此沈某殺也。次日拿沈審問。沈極口稱冤。其實並無此事。略加刑。卽釋焉。孔子曰。衆好之必察焉。衆惡之必察焉。善夫。

李爵相奏開輪船招商局

庸間齋筆記云。李爵相鴻章既平粵賊後。于同治四年。先在上海開機器局。以製造洋鎗洋礮及銅帽洋藥諸軍火。比督兩江。于金陵亦設製造局。曾文正公再督兩江。仍踵行之。嗣福建創造輪船。文正公亦令于上海兼造。數年來已成八艘。十二年又仿造鐵甲船一艘。洋人所能者。我盡能之矣。十三年李爵相又

奏開輪船招商局。共集資一百五十萬。（官給二十萬商集百三十萬）先購買外國輪船。而以機器局所造之輪船益之。以運江浙二省漕糧。漕運既畢之後。准商人雇載赴外洋及各海口銷售貨物。以分洋船之利。無事則運糧販貨。收其資爲脩購船隻之用。有事則用爲戰船。以之巡防。以之攻擊。蓋一舉兩得之術也。光緒元年于招商局內又分設保險公司。以保輪船。先由商集資十五萬。本局之船可以無須向外國保險。而外國之船我轉可保之。則保險之利亦分之矣。李左二相國所以爲國計民生籌畫者至矣盡矣。惟鐵甲船之造費較輪船十餘倍。只能爲攻戰之用。且船身太重。時處擱淺。若海口以最巨之礮擊之。亦不能抵禦。此時英國已經停造。計數年之後。各國未必踵行。則我國亦似可不須效顰也。

左爵相創設書局

又云今各直省多設書局矣。而事則肇于左爵相。局則肇于甯波。爵相創軍府

于嚴州。嚴當兵燹之後。田疇荒蕪。草木暢茂。遺民無所得食。爵帥于賑濟之外。發銀萬兩。購買茶筍。俾百姓得採擷于深山窮谷。以爲資。茶筍製成。札發甯波。變價。往返二次。歸正欵外。得羨金數千兩。爵相以亂後書籍板片多無存者。飭以此羨餘刊刻四書五經。嗣杭城收復。復于省中設局辦理。卽以甯波之工匠從事焉。蘇州金陵江西湖北相繼而起。經史賴以不墜。皆爵相之首創也。爵相自奉甚儉。所得養廉銀。除寄家用二百金外。悉以賑民。甯波海關有巡撫平餘銀八千兩。循例解往。爵相謂今日之我。無需于此。欵本可裁。然裁之則後任將不給于用。不可以我獨擅清名。而致他人于困境。遂受之而轉給賑局。其用心忠厚如此。後丁雨生中丞爲方伯時。不受平餘。比升巡撫。則命復之。曰不可累後人。亦同爵相之意也。

左文襄遺議

春冰室野乘云。左文襄戲定西垂。功名與曾李埒。然實有未盡滿人意者。其奏

疏鋪排戰功半屬子虛所以奏肅清之績者。純恃招降以集事耳。肅州之役。一敗塗地。幾不能軍。幸虜酋無遠志。涎降人待遇之優。排衆議而就撫。關內賴以奏肅清。然亦危矣。近讀江都史繩之中丞（念祖）復程伯宇一書。其詆訶甚至。史爲人晚節不足重。而此書則不可謂非實錄也。今節錄於下。（上畧）足下來書。下詢邊徼漢唐之形勢。近代之變遷。每欲作札。畧述近日攻剿之機。邊民流離之慘。輒咄咄不能置一語。嗟乎。塞則猶是也。漢唐守備之故。形勢阻隔之險。久不復聞矣。方謂山遷河改。無事法古。安問當年形勢乎。國朝乾嘉之間。撫馭籍制。漫不復稽。（此書下膏蠹魚。至此戛然而止。殊爲憾事。書此誌歎。）

閻文介軼事

朝邑閻文介公敬銘。狀類侏儒。貌復不揚。一目一高一低。恂恂如鄉老。未第時。應大挑。甫就班跪。某親王遽抗聲曰。閻敬銘先起去。公深以爲恨。常慨然歎曰。一歲三落第。而會試不與焉。蓋公於是歲試中書敎習。皆被擯也。其後入翰林。

改官戶部。胡文忠奏調總辦東征糧臺。疏中有闔散銘氣貌不賜而心雄萬夫之語。未幾即超擢藩臬。晉撫山東。東事既定。公亦乞病解組。以故居逼近大河。時虞水患。乃徙居解州之運城。光緒元年。秦晉大飢。奉命偕曾忠襄公督辦晉賑。吉州牧段鼎燿冒侵振歛。奏斬以徇。諸官吏皆惕息。莫敢骯法。晉人歌詠其事。至以比包孝肅。辛巳冬。與南皮張文達同被召命。長戶部。知遇之隆。一時無兩。癸未春。奏結雲南報銷案。公與樞臣同入見。奏對至三時許。太后以某事問恭王。王奏曰。此事丹翁知之最悉。太后可問彼。后顧公亦曰。丹翁以爲何如。公聞命。惶悚萬狀。亟免冠叩首。衆皆不喻其故。后徐悟。微笑曰。汝以吾誤稱汝字耶。吾敬汝德望。在宮中語及汝。未嘗不以字也。一時聞者。以爲異數。光緒甲申。法越事亟。北甯失守。慈聖下手詔責樞臣襄贊無方。盡退恭忠親王以下諸公。而以禮親王世鐸及文介張文達額勒和布諸公代之。時高陽李文正以協辦大學士降調侍郎。協揆一缺。應由吏部具題請旨。先一日。召樞臣面議。文介力

保文達及徐蔭軒相國。慈聖猶豫久之。曰。用他門不如用你。文介亟頓首謝。不允。次日。枚卜之命遂下。

文介長戶部數年。其最有力之改革。即以漢司員管理北檔房是也。故事。天下財賦總匯。皆北檔房司之。而定例。北檔房無漢司員行走者。以故二百餘年。漢人士大夫。無能知全國財政盈絀之總數者。文介爲戶部司員時。夙知其弊。及爲尙書。卽首建議。謂滿員多不諳握算事權。半委胥吏。故吏權日張。而財政愈棼。欲爲根本清釐之計。非參用漢員不可。當時滿司員尙無所可否。而胥吏皆懼失利權。百計沮之。文介毅然不少動。幸是時慈聖眷公方殷。竟從其請。邦計出入之贏縮。至是乃大暴於天下。此亦滿漢權力消長之一大事也。

文介既得政。忽失慈眷。此中蓋有秘密之關係。論者舉謂慈聖方興三海頤和園之役。而文介斬不與欵。以此惡而逐之者。猶是皮相之論也。初文介極敬戚婉某上公之清節。某上公亦極意交驩文介。文介遂力請以某上公爲滿尙書。

冀收和衷共濟之益。某上公既爲尙書。則又進福文慎銀於文介。文介亦器其材。奏爲戶部侍郎以自副。某上公與文慎既同得志。朋比而傾文介。所以齷齪者備至。文介遂以此積失慈眷。不得不求去矣。初以久疾。請解機務。專辦部事。疏上。遞得請。都下皆駭然。莫喻其故。然此時文介雖筦部。而權力已大遜爲尙書時。故常請假不至署。會江西布政使李嘉樂署陝西布政使。李用清。皆奉旨開缺候簡。二李皆一時廉吏。爲文介所舉。而被疆臣劾罷者也。命下。文介方在告。遽奏辨贛陝兩撫之謠。請旨收回成命。疏入。奉旨嚴行申斥。責以不諳國家體制。公於是遂決浩然之志矣。然其歸也。猶溫旨慰諭。俾馳驛歸里。食全俸。且戒以國有大事。宜隨時以所見入奏。及其薨也。乃僅贈太子少保銜。一切輔臣恩澤。俱不得與。故事。輔臣身後。必晉三公。卽不能。亦當贈太子太師。今以一品大臣。而身後飾終之典。乃以二品銜予之。國朝二百年間。蓋公一人而已。是時幾。並予謚而斬之。賴南海張樵野侍郎力爭。始得請。內閣原擬清勤慤介四字。

硃筆獨點用第四字。亦不滿之意也。

光緒乙巳冬薄遊漢阜宿漢陽兵工廠廠吏某君咸同時舊人也年七十許矣猶及事胡文忠爲述文忠及朝邑閻文介公遺事甚悉文介之署鄂藩也文忠已薨官文恭爲總督新繁嚴渭春中丞（樹森）繼文忠爲巡撫嚴公原籍渭南整屋李午山方伯（宗壽）知武昌府皆文介鄉人也故事兩司必兼督撫總營務處銜故能節制諸將領某弁者文恭之孌童也文恭寵之甚令帶衛隊且保其秩至副將某居然以大將自居恃節相之寵勢張甚視兩司蔑如也一日帥親兵數人闖城外居民家奸其處女女哭詈不從以刀環築殺之而逸其父母入城呼冤府縣皆莫敢誰何文介聞之大怒急上謁督署某弁固知文介之必不赦已也先入督署求救于文恭文恭置之有頃文介已上謁文恭辭以疾文介稱有要事必欲面陳如中堂不可以風即臥室就見亦無妨閨者出固拒之文介曰然則中堂病必有痊時俟其痊必當傳見吾卽居此以待可耳命從者

自輿中以櫟被出。曰吾卽以司道官廳爲藩司行署矣。臥起于官廳者三日夜。文恭囑司道勸之歸署必不可。文恭窘甚。以嚴李兩公與文介同鄉。急命材官延之至。浼其爲調人。而自於屏後竊聽之。二公讐諭百端。文介終不屈。誓不斬某弁。不還署。文恭無所爲計。乃自由相見。卽長跽。文介岸然仰視。不爲動。嚴公乃正色曰。丹初亦太甚矣。中堂不惜屈體至此。公獨不能稍開一面網乎。文介不得已。則趨扶文恭起。與要約。立斥某弁職。令健兒解歸原籍。立啟行。無許片刻逗遛。文恭悉允諾。乃呼某弁出。令頓首文介前。謝再生恩。文介忽變色。叱健兒執詣階下。褫其衣。重杖四十杖畢。立發遣以行事訖。始詣文恭前。長揖謝罪。然文恭由是益敬憚文介。且密疏保奏。俾撫山東。文介之執法不阿。固未易及。而文恭之休休有容。不以私憾廢公義。又豈能求之於今日哉。

董曹兩相國遺事

庸閒齋筆記云。董文恭相國（誥）曹文正相國（振鏞）嘉道兩朝名臣也。文恭

盛德偉望。朝野欽仰。嘉慶十八年。天理教匪林清遣賊入禁城爲亂。時上方幸熱河。聞變。近臣有以暫行駐蹕請者。文恭力請迴鑾。繼以涕泣。文正在京師。于亂定後。鎮之以靜。畿甸遂安。時有無名子撰一聯云。庸庸碌碌曹丞相。哭哭啼啼董太師。二公聞之。笑相謂曰。此時之庸碌啼哭。頗不容易。文恭初加大子太師銜。人有尊以太師之稱者。公輒笑辭曰。賤姓不佳。後二公皆加大傅銜。文正訏謨遠猷。小心翼翼。歷相兩朝。福壽近世罕比。余于二公皆姻家。故熟聞之。

羅文俊奏對得體

又云南海蘿村羅文俊先生。督學浙江時。衡鑒公明。拔取多知名之士。經賞識者。大都破壁飛去。所取優貢洪張伯昌燕。丙辰探花金翰臯鶴清。乙巳榜眼章采南鎔。壬子狀元。此外捷鄉會試。登臺閣者。指不勝屈。惟余兩列前茅。一無成就。殊累公知人之明。公素短視。尋丈外即不能辨。嘗于召見時。上笑問曰。汝見朕否。公奏曰。天威不違顏咫尺。人共服其應對之得體。

醉公

嘯亭雜錄云。睿忠親王嗣曾孫。名(塞勤)。性爽伉。嗜糟醕。日夜不醒。雖朝會酒氣猶熏然。人呼爲醉公。然遇大事。多直鯁。康熙戊戌。理邸以罪黜。東宮虛位。聖祖命諸臣集議。時廉王覲覲大器。揆叙王鴻緒。復左右之。公憤怒。起於座。高聲曰。惟有立雍親王。天下蒼生始蒙其福也。衆爲之憚。然後世宗卽位。召公責之。曰。當日汝言。幾有危於朕躬。然汝忠藪可嘉。嗣後慎勿多言也。公免冠謝曰。臣一時直性。不能自遏抑也。後乾隆戊戌。復睿邸。追贈公王爵。

袁子才逸事

沈起風雜記云。錢塘袁公簡齋。爲先大父同譜。由翰苑改授上元縣令。風骨錚然。不阿權勢。引經折獄。有儒史風。時民間娶婦。甫五月。誕一子。鄉黨媢媢笑之。某不能堪。以先孕後嫁。訟其婦翁。越日集訊於庭。兩造俱備。觀者環若堵壘。公盛服而出。向某舉手賀。某色媢。俯伏座下。公曰。汝鄉愚可謂得福而不知者矣。繼

聞其婦翁汝曾識字否。對曰未也。公笑曰。今日之訟。正坐兩家不讀書耳。自古白鹿投胎。鬼方穿脣。神仙荒誕。固不必言。而梁惠之孕逾期。孝穆之胎蚤降。有速有遲。載於史冊。總之逾期者。感氣之厚。生而主壽。蚤降者。感氣之清。生而主貴。主壽者。若堯年舜祚。爾等諒亦習聞。主貴者。不必遠徵。卽如僕亦五月而產。雖甚不才。猶得入掌詞垣。出司民牧。謂予不信。令汝婦入間太夫人可也。某唯。唯卽命婦抱兒入署。少選兒繫鈴懸鎖。花紅繡葆而出。婦伏拜地下曰。蒙太夫人優賞。許螟蛉作孫兒矣。公正色謂某曰。若兒卽我兒。幸善視之。他日功名勿使出我下可耳。繼又顧衆笑曰。爾衆中有明理之士。幸諒予心。勿以前言爲河漢也。衆齊聲附和。於是兩家之疑盡釋。後兒讀書食餚於庠。奉公長生祿位。朝夕供養不衰。

鐸曰。舍垢納汚之說。爲臨民者言。此印板律例。非讀書人不能解也。然捨身以保赤子。類非守經者所能。公殆現不壞身。連廣長舌。向訟庭。爲衆生說法耶。

彭剛直公遺事四則

竊名筆記云。剛直公之奉命巡江也。每至一處。輒與聞地方民刑事。而公又不喜衣冠草帽芒鞋。素巾布服如居士。以故官吏聞其至。皆不知送迎。惟各惴惴焉。効時間公軼事綦多。不能盡記。今僅述其四事耳。

常州武進縣西三十里。有奔牛鎮。鎮爲南運河河濱一市集。置釐局焉。公一日舟行檣其地。見有麻衣而杖者。縛兩豕置河干。而身與局役作哀冤狀。爭辨狀。憤急狀。不已。而局役若甚傲岸而弗聞也。者公前問其故。麻衣者哭告曰。母死。不得棺。將渡河求之於豕價。局役謂過此卽應稅。予謂生之河東。鬻之河西耳。且兩豕非往來販賣比也。哀以情則不可。爭以法則不理。乞得價而還納之。卒亦不允。而死母已望屋竟日矣。天下有仇死人逼生人而行此不仁者乎。公憫其情。代哀之。局役不識。公怪其多事。捶叱之。公怒其橫且非法。召舟兵。一公舟水兵。平時亦不軍服。縛之樹。鞭斃之。而繫其局員登舟去。局員以職守辭。公

立召奔牛巡司。至。命代之。竟挾與之省。交藩司。並請於撫院。褫其職。而院司竟不敢以越俎爲公咎也。

江甯上舍生某。妻有姿。時傅相李文忠公督兩江。有弟稱四大人者。愛悅之。託太夫人命誘入署。逾月不令歸。生憤知其情。請之。不能得。控之縣不理。控之府亦不理。生知無訴。大恚。遂病癱。終日語喃喃。不絕口者皆此事也。公一日泊舟水西門。遇生茶肆。異其狀。詢悉之。因教曰。子不聞老彭來乎。盍訴之。生疑問所在。公示以停舟處。並捉筆爲之詞。翌日生果往呼冤。公令從者召之入。一仰視。則昨日茶肆客也。生驚喜。公亦笑受其詞。而慰遣之。曰。明日候婦歸也。生謝出。公卽懷詞謁文忠。縱論巡江事。言次。若佯爲不知刑事者。問設或使有民人誘姦民人婦。當如何。文忠語之法。公復曰。使有官吏誘占民人婦。法如何。文忠亦語之。公又曰。今使有封疆大吏之子弟。誘占民人婦。於法又如何。文忠愕然。強語之。而公已探懷出詞授文忠。且曰。公能行法。則了之否。當請諸朝耳。文忠閱

詞色變。遽起謝曰。此事實不知。然劣弟母所愛。請以私誼故。稍寬假可乎。公曰。頃已言之。但不上聞。斯爲私已厚耳。曰。然則請以家法寘之。何如。公曰。可。曰。請少緩其死可乎。公曰。他唯命是則不敢。文忠不得已呼其弟出。擲以詞。其弟見公大懼。及閱詞色沮汗流。惟叩頭乞貸死。文忠作色曰。已爲汝請不得活。速自裁。其弟曰。請一別老母可乎。文忠語公。公許之。而待諸庭。入久不復出。公逼文忠。甚。文忠顧謂左右曰。入見四大人。令揭吾某號箱。取朝珠上物。一卽鶴項紅沾舌。卽死凡一二品則有之一。舐之可耳。勿望生也。從者入。少頃而內廷哭聲作。則喧傳四大人死矣。公乃拜揖謝罪去。翌日。值視生。則婦歸而生竟不癡。

揚子縣十二圩村民某。以孝母名。公往來其地久。時有聞日者薄暮過其居。僞爲大解者。蹲籬下察之。適聞其母在牀呼兒曰。兒取溺器來。子應之而不卽至。頃母又呼曰。兒速來。子又應之而仍不卽至。俄聞其母若甚急者。責之曰。兒何不來。公以此瑣事且若此。其他色養大節可知。方竊歎名實相副之難。而人言

之不足遽信也。乃念未已而旅聞其子似撫牀進器者。婉語曰。溺器露外久。恐冷氣侵肌膚。故兒先溫之耳。公乃大贊賞。逕起扣其扉。作索飲者與之語。果愚民之純孝者也。憫其貧無養。因拾紙書錢帖二百千。蓋以章令付諸儀棧。儀棧者淮鹽囤積地。楊子穆觀察所總辦也。楊不識公書。且疑其詐。執而送諸縣。縣令以楊故。亦不察。笞責而後釋之。時公適他往。不之知也。踰日公再至。村民訴所苦。且甚怨公之給己者。公慚忿。與之邑令見公。惶懼乞贖罪。公責令倍給之。以所乘輿送之歸。而短楊於江督曾公。(國荃)楊竟以是撤差去。

江中漲沙。無主之物。故定例新沙初起時。有先泗水赴其地而樹標者。卽屬之。他人不能奪也。光緒某年。焦山近東漲一沙洲。民無賴某先得之。而山僧以其近己。與之爭。某訟之丹徒令。令以故例不直僧。僧忿訴於公。且證某無賴狀。時公巡江。每年夏則駐焦山以避暑。故識僧。而又怒僧言。遂不問爭沙之是非。竟以某索行不善置之法。而沙爲山僧有矣。山僧獲沙後。沙竟歲歲不毛如石田。

翰曰。觀此則彭亦不免有偏私處。甚矣哉無偏無私之難也。惟彭性過剛慎。每草旨人命以博己之直聲。此無賴之屈死。特其一耳。雖然。一視今之糊塗世界。雖欲求此人而又不可得也。

復封攝政睿親王冊文

庸問齋筆記云。本朝攝政睿親王輔世祖定天下。有周公之功。身歿未幾。被謠削奪。高宗登極。昭雪復封。誠千秋曠典也。茲于皇朝文典中見追復其封冊文錄之于右。

闡宗勛于故府。典重睦親。察往跡于遺聞。義彰繼絕。念精白具。徵信史兼偉。代以昭垂。尤宜平反。追覈爰書。煥綸光澤。維爾多爾衰。造邦翊連。作翰宣勞。入關克展壯猷。遂集勳以大定。當軸更襄碩畫。爰攝政以多年。羣不逞怨積于生前。莫須有反誣諸地下。值沖歲未親幾務。衆因矯命以除封。詎深文竟指歟。衣久令銜冤于沒。朕恭稽實錄。惻念純誠。拒二王勸進之勤。誓死力全顧托成一

統廟清之業。奉迎式肇基圖。勗尊親則切誠羣工。持法紀則靡私同氣。貞心如揭。軌事咸存。祚以世封。聿準懿藩之舊。列之璫牒。仍延嗣續之常。葺潤寢而祀秩春秋。侑廟饘而位循伯仲。傳以表勸。謚以褒忠。茲復封爾爲和碩睿親王。世襲罔替。錫之冊命。於戲削除匪出于聖裁。獄久成爲不白。功伐久彰于實典。忱尤耿其如丹。遠昭盈篋之誣。篤棐期風百世。載錫維城之命。沈淪庶雪九原。式慰神靈。垂休無斁。

伊犁疆域

嘯亭雜錄云。國家綏定新疆。戢寧西域。設立職官。星羅棋布。因地制宜。開屯列戍。以爲駕馭邊氓之計。旣善且備。因綜其崖略。以見國家武功之盛焉。伊犁乃準噶爾建庭之地。因之定爲將軍駐防之所。建惠遠惠甯二城。設將軍一人。叅贊大臣一人。領隊大臣五人。分統滿洲蒙古綠營。索倫喜伯厄魯特回民諸營。以爲邊防阨要之區。其漢南去伊犁三千餘里。曰烏魯木齊。設都統一人。副都

統一人。提督一人。掌漠南軍務。通北去驛路。實爲新疆門戶重地。其北近哈薩克。曰塔爾巴哈台。設叅贊大臣一人。領隊大臣一人。厄外夷要路。其地西連哈薩克。北界俄羅斯。爲二國郵貢要隘。其哈薩克入冬後。則遷幕于卡倫內避寒。春夏始驅逐之。實爲北門關鍵也。其山南諸路最要者。曰喀什噶爾。設叅贊大臣一人。協辦大臣一人。其爲拔達克山接壤。風俗醜良。土地肥沃。所轄皆二和卓之遺氓。撫綏尤宜得體。其北曰葉爾羌。其西南曰和闐。皆設辦事大臣各二人。惟司回民採辦玉石以爲貢獻。其地富渥。天時和暖。有類內地。非漠北窮荒甌脫者比也。其南五百餘里。曰烏什。曰庫車。曰阿克蘇。皆設辦事大臣各一人。爲回部心腹之區。綏定保障。尤加慎重。其南吐魯番。設領隊大臣一人。其地爲古火州。夏時天氣炎酷。焦爍千里。人皆避入地窖中。至夜間始出爲市。歲以爲常。其北曰古城。設領隊大臣一人。其城相傳爲唐李衛公建節之所。溫相國福從紀曉嵐議。因建城焉。其又南曰巴里坤哈密。各設辦事大臣及營汛諸官。其

轉通糧幣。開牙設候。咸如內地焉。

永年令捕盜

蜋階外史云。李時茂。字蔚之。遼東人。赤骨精悍。善左右射。馳馬如飛。順治間爲永年令。邑有王昌者。無賴子也。素驍黠。從土寇張甫爲盜。既投誠授職。居里門。莠民爭蟻附之。籍富人名及鄉之患者。索例金以時至。不則立筆撻。或刲婦女。恣淫斂。焚掠鄉里。因以所獲啖。當事貴游。邑長吏爲所脅。率震懾莫敢誰何。由是益橫。李下車持刺來謁。李疑其貌不類。已而廉得其不法狀。謀捕之。顧左右無可用者。因佯與修好。招之飲。啟門以待。而陰令親從藏其槊馬。蓋昌工槊刺。有馬日行五百里。爲諸不法。常恃此。至是昌入。置門外。乃飲其從者。匿馬既入。門掩。昌心動。欲辭出。挽之則疾跳走。李急掣劍。劍長不可卒擊。遂徒手搏昌。亦格鬪。相持不下。當是時。左右出。不意躰斷。不知所爲。稍定。乃羣起捽縛之。置階下責狀。昌大言不服。乃以大杖撲百餘。繫獄絕脰死。方李之擊昌也。或云宜上

白李曰。刺虎容可緩哉。若爪牙多少。遲敗矣。迅殺之。死而未晚也。昌既死。明日所啖。當世貴游者。果以書至。人尤服其先見云。

私造假印案

驥亭雜錄載云。嘉慶己巳冬。工部有書吏王書常者。私鑄假印。冒支國帑。其於欽派歲修工程。皆假捏大員名姓。重復向戶曹支領。每歲耗銀至數十餘萬兩。久之爲工頭某告發。始置書常於法。大吏降黜有差。夫水曹支領銀兩。必須諸司空簽押畢。關知戶曹。度支大員。復加查核。然後發帑。定例本爲詳慎。乃諸部曹夤緣爲奸。伺大員談笑會飲時。將稿文雁行斜進。諸大員不復窺目。仰視屋梁。手畫大諾而已。更有情幕友代畫者。其習已久。故使奸蠹胥吏。得以肆其奸志。嗟夫。於照常供職之事。尙復泄沓若此。又安望其興利除弊。致吾民於熙皞之世也哉。宜夫我皇上屢降明諭。諄諄告誡也。

清談卷之三

軍事談

包立身與太平軍

洋將之儒雅

團練害民

英將戈登事略

華爾

包立身

書光顯寺戰事

金川之戰

天津水兵師

用兵以氣爲主

女子從戎

西城用兵始末

王曉上李秀成陳攻上海策

岳威信始末

道光朝兩儒將

桂林寇警軼事

李地山殉難

李壯烈戰蹟

紀馬江死事諸將

記洪秀全事

阿文成公用兵

陳張兩忠愍公

十五

二〇

二二

二三

二四

二五

二七

二八

二九

二九

黃文襄

李奉貞

不知姓名之忠義士

李方伯姬人殉節

衣衣道人

張玉良

張忠愍公軼事

三三

三三


三三

三三

三四

三四

三五



清談卷之三

軍事談

安吳胡懷琛編次

休寧汪輪校閱

包立身與太平軍

庸間齋筆記云。咸豐辛酉之冬。諸暨包立生。初與賊拒。時賊屢以萬衆環攻之。立生率村衆出戰。輒得大捷。每一陣必斬刈千百。賊多束手就戮者。因相傳立生有異術。得仙靈護佑。及壬戌之夏。一敗塗地。初無神奇。人多不解其故。因憶家梅亭方伯。嘗言嘉慶初年。三省效匪作亂之際。方伯時爲縣佐。解餉銀數萬赴大營。中途猝與賊遇。望見前山有一營官軍駐扎。走急依之。未及里許。賊已至。乃推餉車入深草中潛匿。已及人夫皆伏于車畔。賊大隊從旁吹昏而過。竟不之睹。以爲山前必決翻矣。乃從草間遙望之。但見賊至營內。官軍並不接仗。皆延頸就戮。賊遂燒營而去。始相慶幸。不走入營盤得免死。然官軍所以不

鬪之故。卒不能知。比數匪破敗時。官軍數十人追賊。可以斬殺數百千人。無一人扞格者。乃悟刦運使然。前後皆是氣之所燭。立生之勝敗。亦此類也。

洋將之儒雅

庸間齋筆記云。英國總兵。哇樂德克。奉其國主之命。駐防寧波。以保衛彼國之商旅。同治元年四月。甯城之復。哇興有力焉。及九月中。賊大隊攻撲甯郡。哇率洋兵五十人入城助守。出奇制勝。嗣緣頭勇滋事。哇復會同我官軍靖其難。哇爲人恂恂儒雅。和衆識大體。甯之官紳。皆親愛之。十二月。我軍之洋將。買忒勒。攻紹興城中。礮死。李帥所遣之德克碑。未來在紹之洋鎗隊。無統帥。史士良觀察。請咈往權代之。咈不可曰。我國法駐防官不能出百里外。觀察強之。其國之領事。繙譯等官。亦相爲讐患。咈乃以打鳥報其提督而率衆行。蓋打鳥則可出百里矣。既至與賊戰。大破之。俟德克碑至。乃退。明年正月。紹城克復。咈只因擅離汛地。爲其提督劾罷。甯人大戚。公籲留之不可。觀察與衆紳士籌商。餽白金。

萬以爲贐。唔不受。固與之。則曰我國法。人臣不能受鄰國贈賄也。無已。則留二千金以犒其軍士。曰是從我與中國捍患者。其八千金。斷斷郤之矣。臨別流涕謂觀察曰。我與甯人相處久。承相愛。歸後。雖死亦不忘甯人。更有一言相告。洋鎗隊勇丁訓練已成。不可以賊平而遂撤之。留之不特以自衛。亦可備意外警。須切記之。遂揚帆去。余以其事啟聞李帥。帥復書以此等舉動。中國士夫所難。不意得之島客。可勝欽佩云云。至今甯波人士言及唔總兵者。未嘗不畧然思也。買忒勒法國人。受中國總兵官銜。臨陣奮不顧身。遂殞于紹興城下。頗讀華書。吳春泉刺史。冬日嘗往訪之。會北風大作。買執吳手曰。北風其涼。雨雪其雱。惠而好我。攜手同行。洋將也。而頗有中土儒將風流。

團練害民

又云咸豐中。以粵賊肆擾。舉辦團練。各省均設團練大臣。以巨紳主之。蘇則龐公鍾灝。浙則邵公燦。王公履謙。後浙事敗。王公護遭戍之罪。然團練大臣。特有

其名目不能節制諸郡縣也。每縣各有練局委員紳董主其事。第認真舉行者少。故賊所到之處。勢如破竹。不能支吾耳。金華府屬辦團練者。推金蘭二縣。金紳則朱駕部允成。生員方滋李瑤。賊至皆與之角戰。久乃敗散。蘭則諸葛一村拔貢令優貢壽靈爲之主。各村皆附和之。其初聲勢聯絡甚爲賊憚。後則村董內良莠不齊。于是施家灘等處藉盤查奸細爲名。殺人奪貨。行旅視爲畏途。諸葛二君亦不能禁止。王壯愍中丞委段梟使光清親往查辦。竟不能戢。大營兵勇非數十人連檣而行。卽不得免。甚至本地差委各官過之。均遭擄掠。示以冠服。曰僞也。驗以印文。亦曰僞也。幾至無理可喻。余初以爲傳聞之過。嗣因嚴州糧臺公事舟經其地。卽有數人登舟。口稱盤查。搬動箱籠什物。見余項幘。則譁曰。此僞官也。一時聚集至百許人。各持刀杖。勢已洶洶。適有一武生鄭姓者來見之。叱曰。此金華陳老師也。若等不可無禮。乃皆散去。鄭君來前慰藉。謂此輩業已豺狼成性。攘奪戕殺。將來必致大禍。某行且避去矣。未幾張帥自金華敗

退。潰兵過此。憤其從前之阻梗。登岸焚殺。兩岸十餘里。靡有孑遺。此亦好還之報。第未知鄭君已先避去得免于難否。然蘭谿之團練遂散矣。夫團練而至于爲暴。此亦何異于作賊。是蓋由前邑令某公遇逃散兵勇過境者。不問是非。概行殺戮。人皆視殺爲固然。遂致尾大不掉。後來莫可如何。同治元年。李爵相在上海軍中。與余言及某公殺勇事。深以爲非。蓋爵相爾時過蘭溪。寓唐副憲壬森家。習聞其事也。

英將戈登事略

張文襄幕府紀聞云。戈登英國名將。名查里斯若耳治。道光十二年春。生於烏利刺城。父爲御軍礮隊大將。娶婦宴德庇氏。名以利撒畢。生四子。戈登爲季。戈登之先。出於巴克邑之名族。即今英國侯爵亨特利氏之支派也。戈登初在塘墩就學。年十四歲。進烏利刺武備館。十九歲。授御軍工營校。咸豐五年。英人伐俄羅斯。始從征至俄國。圍西拔斯拖浦海口。在此晝夜守城。濛督戰。自咸豐五

年春至城陷始罷。嘗受微傷。先城南既陷。戈登卽調赴梗盤。尋仍回西拔斯拖浦。城陷。令毀城中礮臺船廠。英俄事平。從勘定俄突新界。咸豐十年中外構釁。英人犯我順天。戈登從英軍陷京師。焚圓明園。事平。適中國粵匪亂。同治二年。江浙兩省上游在滬設洋鎗隊。將校皆用歐美人。乃向英官商使戈登領之。戈登遂與賊轉戰於江浙兩省。二年間凡三十三戰。克復城邑無算。江浙爲中土最富繁之地。數年經賊蹂躪。至是兩省強寇始悉殲平。是役經時一十八月。僅費軍需一百萬金。人皆以爲奇功。稱戈登爲當時名將。戈登謙遜曰。平此烏合之賊。豈足稱耶。但緩以時日。中國官兵亦可以平賊也。然中國上官急奏膚功。遂在上海招募外洋無業亡命之徒。欲借以平賊。不知此輩旣以利應。反復無常。幾將貽害中國。較土匪之禍尤烈耳。鄙人得統此輩。嚴加約束。事後設法遣散。不使爲患。此則鄙人所以有微功於中國也。當時蘇州克復。江蘇巡撫今相國李公毅降賊。戈登不義。中國賜戈登萬金。戈登辭之。曰。鄙人効力中國。實

因憫中國百姓之荼炭。鄙人非賣劍客也。同治三年自中土回國遊橐索然如故。尋擢補格列弗司恩海口軍領工程隊居此六年。每於公餘之暇。籌給貧乏。遇有病疾者施醫藥。民間流離無依小兒皆爲收養教之讀書。或薦至各船傭工。不使失所。先英俄諸國議開灘扭河。准各國商船出入。各派使守河口。同治十三年戈登解任。簡赴渤海勒卡利亞國。爲灘扭河河口使。光緒元年戈登應埃及王之聘至蘇丹。先是埃及國沿尼羅河南邊近赤道之境。總名曰蘇丹。皆沙漠荒野之地。然此域土地寬闊。極南近又尋得大湖數處。埃及王曾令英人伯客沙謬往開闢。二年未竣事辭職去。王聘戈登仍令往接辦其事。戈登在此煙瘴絕域三年。竭力任其事。凡地理之險阻。天時之惡劣。以及土人之悍梗。皆以堅心毅志勝之。沿尼羅河一帶皆設汛兵。又自埃及定造輪船。使上駛尼羅河。遇灘水淺。即將船折爲數段。過灘後。仍再合攏。於是蘇丹南境大湖曰亞勒伯堦恩舍。始有輪船行走。戈登在此苦心竭力任事。其意不在徒得土地之利。

蓋此域土人之強者。向刦掠人口販鬻爲奴。戈登至此。卽欲化其俗。禁販奴事。然蘇丹西境有二省。曰哥爾多番。曰達爾夫。此皆爲販奴者澤藪。兩省不歸戈登一人統轄。則販奴之事。實不能禁絕。埃及王乃不授此兩省。故於光緒二年。戈登遂辭職回國。光緒三年春。經埃及王再三重請。戈登乃復至埃及。授蘇丹全境總督。凡北自尼羅河之第二灘。至南境之大湖。東自紅海。至西境又特湖諸水發源之處。皆歸戈登統轄。三年之間。徧巡諸地。居無定所。時或至東境。與啞比西尼亞國諸部。勘定疆界。時或輕騎減從。驟至西境達爾夫省。捕拿販奴暴客。並以懲服部酋之倔强者。常竟月在駱駝背上。未嘗解鞍。政令一出。志在必行。境內強暴雖多。沙漠烈日雖酷。皆不能稍抑其堅力銳志。又四出無常。土人視之猶鬼神出沒。無所不至。故諸部蠻夷皆爲震服。而蘇丹境。至此始有王法政令行焉。當時外人在埃及獻說。干預政事。王大臣不能鎮定。遂聽外人遊說。紛紛更改法制。以致政令朝出而暮改。於是戈登在蘇丹。覺事事掣肘。於光

緒六年。遂又解職回國。此年英國簡命子爵黎本爲印度經略大臣。黎本辟戈登爲參軍記室。同至印度。無幾。戈登覺經畧幕僚意見與己不能合。即請解任。適中國與俄國爲伊黎事牴牾。中國洋關總稅司赫德。逕電請戈登至中國商量事件。戈登此行。英國政府因戈登係英國職官。干預中俄事。恐貽俄人口實。故電止戈登。令卽時回國。戈登復電曰。我至中國爲排難而已。如朝廷因我係職官。恐貽口實。請悉除銜職。則萬無誤事。戈登至北京。見總理各國事務大臣。力陳中國武備不修。戰無策。不如遷就護大局。大臣問曰。如事決裂。肯相助否。對曰。事如決裂。皇帝肯遷駕內地。鄙人當爲中國効力任疆場事。後事遂解。當時戈登行至天津。見中國北洋大臣李文忠。文忠對外人怨北京諸大臣主戰誤國事。有某國公使。勸中國李文忠借戈登力擁兵至京師。黜諸大臣。廢皇帝。自立爲皇帝。戈登聞之歎曰。鄙人雖一武夫。作事何肯鹵莽至此耶。戈登回國。是時英國阿爾蘭島富豪世族。兼并貧戶。私斂重於公稅。民庶困窮。亂人充斥。

戈登因往徧歷阿爾蘭諸郡。目覩田疇荒蕪。農夫凍餓。遂條陳變田租法。朝議不可。然所建白皆切時弊。後數年英廷竟改阿爾蘭田租法。本戈登意也。戈登條陳多忤朝臣意。自知在朝必不得大用。適英屬地毛里西亞島統兵大將出缺。毛里西亞在印度洋大海中一孤島也。英人置戍兵。英官畏遠戍。皆不願往。戈登遂自請往署焉。戈登官斯島一年。軍民稱之。會阿非利加洲極南有英屬地曰岌朴。望角或曰好英人建埠頭。闢地利。英民與鄰境番部時有爭鬪。官吏不善處置。各部遂叛英國。駐岌朴大臣因請英廷特派戈登往。調停其事。戈登卽由毛里西亞航海至岌朴。檢察情由。卽上書大臣曰。番部之叛。皆由官吏不能約束本國人使侵害番人。今擬先簡嚴正之員。令其約束本國人。然後可以服番衆。而保無虞也。乃條陳處置法。然所議皆爲大臣幕僚梗阻不行。戈登遂請解任回國。戈登既在閒散之列。請假往遊猶太國。猶太昔西人教主耶穌生育行教之地。多古名勝。戈登至此。感古今興衰滄變之蹟。徧歷流覽。一年始回國。是

時埃及國南境之地。自戈登去後。官吏貪酷虐民。各屬回部皆叛起。殺官吏。攻官兵。有大酋自稱救世主。奉天命復國。誅無道埃及。官兵竟被困在嘎墩城。於是埃及王乃請於英廷。借一大將使救出困兵。英廷仍派戈登。隨帶將校二員。至嘎墩城。時圍尙未破。戈登卽欲率被圍官兵出城。然城中避難官吏及家屬老弱婦女萬餘人。戈登不忍棄之。故留守先將婦女二千餘人護送出境。逮及城圍既重。英廷有電催戈登率部曲棄城。戈登復電曰。軍民爲我抗賊守城。今事迫乃棄之。此豈丈夫之所爲耶。戈登在圍已五閱月。外援已絕。糧食將盡。然猶從容督率軍民拒守。於是英廷乃撥兵合埃及官兵溯尼羅河赴救。兩月後。救兵始至。然城已陷。戈登卒被害。時年五十三歲。喪耗至英國。官民皆哀傷之。英廷賜其家屬十萬金。並爲鑄銅像於都城。以誌其忠烈云。

華爾

對山書屋墨餘錄云。西兵臨敵。俱用洋槍。無雜械。其槍不需火繩。以瑪瑙石相

擊。發火甚便。其製精。其藥淨。故力猛而發必遠。粵兵踞金陵。咸豐末。陷蘇常。分股竄松郡。青嘉川南等處。先後失守。滬城危如累卵。時有華爾者。花旗國人也。長於粵。嘗來申江貿易。乃招精壯數百人。以花布纏頭。服青呢小袖短衣。狀類西兵。各執洋槍。教以進退布陣之法。凡八十人爲一排。挨次而進。步無錯亂。號長勝軍。人又呼爲洋槍小隊。其後攻城奪邑。長爲諸軍冠。賊甚憚之。時各國助剿。兵未集。曾帥大軍亦未至。滬城實賴以安。迨賊棄松江。大憲卽飭華爾往守。廣招勤習。所謂洋槍隊者。共得四五千人。值賊勢方熾。浙之嘉湖。松之青金奉。皆爲賊窟。去郡又不及百里。而賊始終不敢犯。且嘗分軍協擊。所到必克。朝廷獎其功。授職總戎。卽鎮松江。蓋中國之練洋槍。實自華始。後以攻甯波陣亡。松郡士民。思其戰守之績。無不悼惜。同時又有法蘭西提督卜羅德。協剿柘林。受槍殞命。仰見我國家化及四夷。雖異域之人。無不同心敵愾如此。華爾旣沒。復有夷人白齊文統其衆。不久從賊。旋爲我兵所獲。朝廷法外施仁。赦罪逐回本。

國繼又私入中原。在漳州助逆。爲閩浙總督左帥宗棠所擒。時英國福州領事仍請解回審辦。左帥不允。差官押赴蘇城。詎惡貫已盈。以舟覆蘭谿溺死。嗟乎。白亦花旗國人也。甘心助逆。卒罹天譴。以視華總戎之爲國捐軀。爲民紓難。生膺懋賞。歿受隆名。其志識抑何相遠者。

包立身

對山書屋墨餘錄云。包立身。居紹興諸暨之包村。世務農業。而曾習奇門遁甲術。能料敵之進退。虛實而制其命。咸豐辛酉。粵兵擾浙。包聚村人練兵籌餉。竟以一隅之地。當數十萬方張之敵。屢挫兇鋒。終不少屈。於是人始知其有異能。依倚者日衆。時吳曉飄觀察。方以蘇松兵備攝藩篆。吳亦浙人。聞其異。欲招致幕中。以爲己助。因於佐雜班中。訪得包之姑表兄弟馮仰山。潛令蓄髮三月。乃備文書。改衣裝。命赴包村致意。時浙境偏地。皆賊。馮逡巡不敢遽入。適遇被擄逃出之素識某。探知前路賊守將性暴好殺。手下盤詰最嚴。斷難混過。惟包村

有勇目某。常雜處賊中。現居某地。然必繞道二百餘里。始能曲達。馮晝伏夜行。三日夜至某所。既見卽述來意。某以此去包村雖不遠。然賊守甚衆。去必成擒。因藏馮密室。不令外出。一日謂馮曰。今已覓得賊處路憑。且有賊卒二。賄令護送。然文書當留此。斷不可帶去。因促馮往。馮行。果有二賊前導。途中屢經要隘。鋒刃奪目。心膽幾碎。歷數日夜。去村不過二三里。二卒辭去。馮單身前進。遇村中巡勇。疑爲賊細作。欲殺之。馮以包某至賊告。遂引馮入見。各道艱苦。馮見眷族亦在包村。皆無恙。喜甚。因備述吳公相招意。包嘆曰。我亦知孤村無援。勢難久守。緣無長策。勉酬衆志耳。刻下軍糧僅支二月。幸有賊之通我者。私接濟。不然。斷已久矣。今承吳公美意。奈賊衆我寡。恐難突圍出也。因與掌案某共議。某以賊勢甚大。媚賊者衆。馮某雖親。遠出已久。又無文憑。君雖信之。奈衆人何必。使人隨馮出村。取文書示衆。衆志既堅。然後刻期衝圍。并約吳公統兵接應。始爲萬全。事關一村民命。斷不可草草從事。包是之。馮因暫留包村。閱二旬餘。值

夜大雨。忽命護勇六人。身穿賊服。送馮出村。馮欲掣眷。包卜曰可。遂帶家屬冒雨行。黑暗中見無數皂衣紅帽人。僵立村外。似守護者。而寂無聲息。馮怯甚。私問送者。此何兵。勇但搖手。遂繞小徑出。至舊處。卽取文牒付勇。囑包速定行期。而馮自歸。包旣得牒。邀衆密議。則皆願從。包大喜。卽布卦以占。卦成。又大驚。曰。細察卦象。惟今夜二鼓可出。若交子正。卽無可出之日。且有大禍。衆皆失色。僉曰。今浙地四處皆賊。又未約有援兵。縱使突圍而出。將何所歸。時有掌文案某曰。離此百二十里。地名岱河口。某處地僻。可以屯軍。河闊可通海道。聞無賊守。若暫紮營彼處。卽由海道通信吳公。使以輪船接應。或可轉危爲安。除此恐無良策。包曰。我方寸已亂。不能自主。但今勢已至此。不出亦難持久。姑從某先生言。死生命也。諸族可速歸。各自收拾。時已薄暮。雨方霽。而陰雲未開。村路尙濕。遙聽賊營寂靜。號炮無聲。包卽傳集團勇四千人。按旗色。分作五隊。隊各八百人。選勇敢者入紅旗隊爲前鋒。令西初出隊。各帶衣糧鍋被。由西北方進攻。

賊北營。衝透賊圍。於某村取齊。白旗繼之。皂旗殿後。中權青黃兩隊。保護衆家族。傳令既畢。時值戌初。紅旗隊已發。遠聞金鼓震天。鎗炮聲不絕。而一村之人。亦遽亂如潮湧。聚哭包門曰。包君若去。我等從亦死。不從亦死。惟留包君。或可苟延旦夕。一時人聲鼎沸。包欲出而爲衆所阻。嘆曰。天乎。命耶。時將錯過。不能逃也。因令後隊且勿進。時白旗隊亦已出村。以聞令欲退。致前後不相顧。隊伍遂亂。忽見四野火光燭天。殺聲動地。賊衆大至。亂拋噴筒火箭。鎗炮齊發。鉛丸如雨。村勇各無鬪志。又值村衆擾攘之際。賊遂乘勢衝入。見屋即火。逢人便刃。頃刻間。煙焰滿村。屍如山積。時惟紅旗隊已衝圍而出。白旗生死參半。餘衆鮮有得脫。而包與同事諸人皆死於賊矣。先是賊患包甚。檄調各路精銳。誓破包村。是日調兵適至。入夜陡聞村中人聲四騰。賊慮乘夜劫營。方發號聚衆。而紅旗隊驟然衝至。賊素聞包有異術。且以月黑路滑。不敢追逼。又意村人絕糧。夜遁。村中必虛。因而并力進攻。致爲所破。然後知數之難逃。有如此云。此皆聞之。

友人友蓋得諸馮某及是日幸免者所述。并云馮在村時。每晨起見包必登高望氣。既下。卽令衆曰。今日賊來自某處。將攻我某方。當撤他防。并力禦之。繼而果然。屢試不爽。所練之勇。能禦敵者三千餘人。以五色旛。按五方。分五隊。進退有常。臨陣不亂。常邀馮共瞭賊營。忽推馮倒。身亦伏地。方伏而震霆一聲。炮子簌簌從上飛過。既免。謂馮曰。此炮在艮方。月神適犯我村。當去之。馮見炮架前山麓。約遠四五里。有賊守衛。私忖如何可去。繼見包脫帽散髮。洗足仗劍。如道家步罡狀。選三勇目。衣皂隨行。包口喃喃若誦咒。其行如飛。將及而遙見一賊忽撲地。餘賊盡退。瞬息間。炮已取歸。約重四五百觔。不知三人之力。何能勝任如此也。時方涉冬。天久不雨。忽令衆曰。久不與賊戰。賊必謂我兵單怯敵。明日某時。當有大雨。賊守必怠。可衝破其西營。雖不能大勝。亦可殺賊數百。獲牲口器械。以挫凶鋒。乃預傳令。何時出隊。何時攻營。何時收隊。明日果大雨。破賊一如所言。時賊欲由溫台攻閩省。患包牽制。願以紹興府城與之。請其不助官。

軍。或言若得府城。足資守禦。勸包姑從。包笑曰。此誘我也。無論江浙俱陷孤城。難守。且入城則如困罔。糧草更易斷絕。扼吭之勢。恐無一人可逃也。遂斬其使。馮嘗竊問包曰。弟與君自幼同堂共學。弟以薄宦遠離鄉井。聞君素守田廬。罕至城市。何時得靈飛六甲十二真傳。而道妙至此。包曰。余於廿年前。曾遇異人。授我祕冊。雖非全帙。然上觀天象。能知風雲雷雨。時運變遷。下察地理。則可安營布陣。縮地驅山。而凡卜易算數之類。吉凶禍福。皆可預決。前取賊炮。卽六丁縮地法。故三人能得數十人之力。但我所學。不過顯易數端。若能盡其底蘊。則此小醜。指日可除。何至困於此耶。馮又問賊勢至此。何日得平。包曰。我曾觀星象。兼占易數。江浙之賊。不久當滅。惟自此村之吉凶。家族之安危。反不能了了。是豈學之不精耶。抑所謂馬前易數。近易明而遠難驗耶。及包死。馮始知數有前定。故占不能明。因爲之歎詫累日。後嘗以其所聞見者述於人。蓋友之言。又如此。余維君子憑理不憑數。包以一村民。而能識尊君親上之義。因遂毀

家禦賊偉矣。至捐其軀亦勢使之然耳。就所挾持實甚正大。其他權謀術數已爲餘事。若遞艷稱則包之爲包。不幾郭京之續哉。紀成適有餘墨。漫附此數語。質之知者。當不以爲河漢也。

書光顯寺戰事

嘯亭雜錄云。雍正庚戌敗軍之事。余旣詳書於前卷矣。今閱先外祖行述。乃知光顯寺大捷之事。其謀乃發出於一偏帥。因詳書之以誌往事。初富爾丹之既敗也。虜勢日張。無敢撄其鋒者。因闖入喀爾喀界。時超勇親王(策凌)遠屯他戍。酋帥利其厚貨。欲攜其游牧。其副曰。彼爲盟長。北藩之最强者。若激其怒。以遏吾歸。諸顏難生還矣。酋長不從。乃破其寨。擄其妻孥。驅牛羊數萬以行。因南犯大青山。當是時。先脩親王屯歸化城。順承郡王屯賀蘭山。互相掎角。聞警先脩王調宣大二鎮卒。整旅以待。事聞。世宗命大學士馬爾賽。佩撫遠大將軍印。一等侯李林副之。率精卒數萬人。遏其歸路。虜酋知有備。因而南擄諸蒙古。無

敢拒者敗亡者數部落。時超勇王聞警趨歸。知其妻孥已被擄。倉卒計無所出。適先外祖舒穆祿直恪公諱（綽爾鐸）以理藩院侍郎轉餉至彼。超勇王因謁之告其故。且欲奔訴於朝。直恪公笑曰。余素以豪傑待王。今乃知王直匹夫耳。夫蒙古諸藩。以王爲最。朝廷方恃以辦賊。今雖妻孥失陷。然其勁卒尙存。王若統率諸部。盡力向敵。遏其歸路。則可一戰成功。然後妻孥可全。疆域可復。朝廷則必旌王之功。厚賚以酬其勞。其收功遠矣。今若不顧大計。單騎歸朝。諸將帥不明王心。必以王爲敗績。收付廷尉。按律定科。吾恐漠北諸部不復爲王有也。超勇王感激歎曰。君言良是。男兒一腔血。當爲諸顏倒也。因反旆以向敵。諸顏者蒙古所謂君也。直恪公復命使謁順承王。乞出師以相助。超勇王聞之益用命。其護衛某能日行千里。嘗立高峯上。拱手作鵠立狀。賊人不覺。王因命其潛入賊營。悉知其虛實。然後檄調諸部落蒙古兵。得三萬人。王自賊衆三十萬。以一誅十。可以禦敵矣。乃會順承王。請其孱弱滿軍以行。順承王簡其精銳付之。

超勇王笑曰。吾所以請王師者。欲以餌敵也。不然王師縱強。焉能禦彼百戰之師哉。乃易孱弱以行。日行三百里。至光顯寺。王笑曰。其險已爲吾據。賊雖百萬。可成擒也。寺左阻河。右阻山。衆請王登山據險。王曰。賊知吾據要害。若自上游以渡。吾軍反不易成功也。因命諸滿軍背水而陣。諸蒙古軍於河北而已。率勁旅萬人伏於山側。且屬諸將曰。聞胡笳聲。卽率以進。部署始定。賊衆果大至。見我背水軍盡滿洲卒。其酋笑曰。前日敗亡之餘。復敢與鬥。因僕可增額矣。其副曰。策凌人傑也。今吾已破其部落。彼豈甘心於吾。而吾往來數千里。並未見其禦敵。恐彼駐師於此以遏吾歸也。酋笑曰。彼國之制。從無以外藩將滿兵者。彼烏敢在此哉。因率衆越險以進。滿師皆披靡棄甲沿河而走。虜衆適追掠間。聞陣作胡笳聲。須臾旌旗遍滿山谷間。王倏作蒙古語曰。策凌在此。阻君之行。因率衆從右山下馳如風雨。王擲帽於地曰。不破賊不復冠矣。其軍無不一當百。爭先用命。谷中之戶。踴躍而行也。賊狼狽渡河以逃。河北諸蒙古將。聞笳聲。結

隊以進。復半渡以擊之。虜衆大潰。其副戰死。酋帥率數百人騎白駱駝。陰夜以遁。河水盡爲之赤。王從容於馬上彈琵琶唱胡曲以歸。先是馬爾賽之師屯於烏蘭城。以爲虜不復經此。因日置酒高會。置軍事於不理。李杕故馬戚。惟其言是用。及諸路捷書至。其軍士咸欲出師立功。馬屢止之。復聞賊哨騎至。諸將復請命曰。吾奉命屯戍於此。未奉命退賊也。諸將士銜刀斫柱間有泣者。李杕以鞭揮之曰。守吏緊閉其關。其越出者。吾以軍令斬之。諸將益憤。傅閣峯尙書(龜)時以偏裨從軍。慷慨言曰。相公奉命遏賊歸路。今逆賊天亡其魄。豕突於此。正男兒殺賊立功時。奈何緊閉其關。任其颶去坐失機宜也。因率本部斬關而出。馬不得已。始下令追賊。時虜已遠去。適副都統達爾濟受先修王節制。追至馬悞以爲虜師。因命軍士擊之。兩軍互多傷損。然後知之。乃收兵歸。託辭爲賊行速急。難以追及。入告。賊竟得從容去。奏入世宗大怒。因斬馬爾賽於軍。李杕長流塞外。超勇王等論功封賞有差。虜帥歸告其主曰。南朝大有人在。策凌

謀勇兼備。未可攖其鋒也。然後虜酋始歛兵戢衆。微吐和意。上復遣傅閣峯尙書(鼐)阿文勤公(克敦)往諭其間。和議乃成。事詳傅閣峯事。茲不複載。越十年。超勇王薨於軍。純皇帝念其勳勞。命配享太廟。蒙古王公以勳勞佑享朝廷者。王一人而已。嗟夫。當是時。諸大將坐擁強兵者不下十數。莫不養寇自重。不肯禦敵。幸而直恪公籌畫於前。超勇王奮激於後。乃始挫挫其鋒。和議始成。若非馬爾賽之閉關縱寇。則其酋可擒。其部可滅。不待夫日。後其國內亂。自相敗亡。歷二十年之久。始克收復其土也。

金川之戰

又云。金川爲漢冉駩地。隋置金川縣。唐屬雅州。至明隸雜谷安撫司。其地高峰挿天。層疊迴複。中有大河。用皮船笮橋通往來。山深氣寒。多雨雪。所種惟青稞。蕎麥。其番民皆築石碉以居。與綽斯甲布等九土司壤相接。康熙中。內附後莎羅奔。以土舍率兵從岳威信公征羊峒有功。雍正元年。授爲安撫司。莎羅奔既

得官號。自號大金川。以舊土司澤旺爲小金川。於是又有兩金川之稱。莎羅奔尋以女阿扣妻澤旺。旺懦爲妻所制。乾隆十一年。莎羅奔刦澤旺師。十二年又攻革布什。咱及明正土司。時制軍慶復用兵瞻對土司。草率完局。頗不當上意。巡撫紀山覬覦其位。遂主用兵進剿之說。純皇帝壯其請。紀山因命副將張興倉卒進兵。反爲所敗。上知紀山不足有爲。慶復又以班滾事被逮。因命張公廣泗改督川陝。主剿金川。張故老將。初隨鄂文端公征苗。所向披靡。因易視金川與諸苗寨相等。夷遂慷慨覆旨。謂旦夕可以奏功。調兵三萬。分兩路由川西進者。攻其河東。噶拉依諸巢穴。由川南入者。攻其河西諸碉卡。副將馬良柱已乘勝攻克孫克遜。賊衆驚服。累具稟請降。張公以小醜故。毀書辱使。務期搗其巢穴。又因馬未請命而戰。因檄調馬還。改以他將。賊乘勢建築巨碉。蓄糧養銳。我兵阻於險隘。終不得進。張公泥於前奏。不敢據實入告。仍以期於冬盡殄滅醜類爲言。至十三年春。諸將反多失事。張興爲降番所誘。被戕。噶固土兵與賊交游。

擊孟臣死焉。張公復以增兵籌餉爲請。上疑其妄。乃命大學士訥公親往督師。岳威信起自廢籍。授總兵銜。命岳公由丹灞取勒烏圍。張公由昔嶺取噶喇。依議甫定。而訥公至。訥故近臣。望族。負上恩寵。銳意滅賊。遂諭軍中期以三日取噶喇。依違者以軍法從事。諸將身蹈烽火。總兵任舉。副將賈國良殲焉。訥自是不敢言戰。仍倚張公辦賊。張公復輕訥不知兵。而事權出己上。陽奉而陰忮之。諸將無所稟承。率觀望不前。訥復密劾張公袒庇黔兵。輕信胡士勇諸欵。時莎爾奔之弟良爾吉在我軍中。張公爲其所愚。倚爲心腹。反爲賊之耳目。軍中動息。賊悉先知。早爲之備。故兵老氣竭。株守半載。無尺寸功。上大怒。立逮張訥二公。先後明正典刑。命傅文忠公爲經略。將八旗勁旅。復調吉林黑龍江諸趨捷之士以從。傅文忠臨行時。上親禱明堂。張黃幔以宴。公親酌之酒。命於御道前上馬。設大將旗鼓。軍容頗肅。命將之典。實近代之所罕覩者。公既至。軍任治軍門(大雄)爲總統。凡張訥誤算者。咸更置之。壁壘爲之一新。又偵知良爾吉之

奸。召至幕中。責其貳心之罪。立置於法。人皆畏懼。又於雪夜攻克堅碉數處。察其道路險峻。非人力之所易施。據實奏聞。上亦知羣竄穴門。無須勞我兵力。會孝聖憲皇后中降。懿旨以休兵息民爲念。賊亦畏懼。具稟於岳威信公。代爲乞降。傅文忠公命岳公來會師。岳公乃袍而騎。從者十三人。直入噶喇依賊巢。莎羅奔等稽額膜拜。衷丙持弓矢。迎公目莎羅奔。公故緩其轡。笑曰。汝等猶識我否。衆驚曰。果我岳公也。皆伏地請降。爭爲前馬。導入帳中。手茶湯進。公飲盡。即宣布天子威德。待以不死之意。羣番歡呼。頂佛經立。椎牛行炙。留公宿帳中。公解衣酣寢如常。次日莎羅奔率子郎卡入傅文忠公營投降。傅公擁蓮幕。諸將士佩刀環侍。岳公引二酋入跪啓事。傅坐受岳公拜。始呼二酋入。撫以威德。二酋戰慄無人色。匍匐而出。謂其下曰。吾儕平日視岳爺爺爲天上神祇。傅公何人。乃安受其拜。天朝大臣。固未可量如此。金川遂平。傅岳二公凱旋。上郊勞於黃新庄。行抱見禮。封傅文忠爲忠勇公。賜雙眼花翎。四團龍褂。寶石項紫韞。

。舊爵加威信二字以寵異之立碑太學大赦天下詔與民休息焉。

天津水師

又云雍正中憲皇帝念津門附近京畿海防綦重因設滿洲水師都統一員副都統二員其協領下若干員兵三千名守禦海口以防鯨濤不測之變然滿兵雖雄健不利水師初設時章程草率所訓練技藝不及綠營之半乾隆丁亥純皇帝巡幸津甸是日大風海船逆勢難以施展時都統爲奉義侯英俊年既衰老復戎裝繁重所傳令俱錯悞兵丁技藝既疏隊伍紊亂竟操喧譁不絕上大怒因裁革焉。

用兵以氣爲主

庸閒齋筆記云用兵以氣爲主咸豐庚辛間浙江賊氣甚熾官軍屢挫張璧田軍門嘗指其士卒告余曰子視其狀貌糾糾桓桓殊不知迭經喪敗心膽俱碎見賊卽走不可用矣至同治壬戌相距僅一年耳左帥駐師衢州李帥紮營滬

上一號令之。壁壘旌旛，均各變色。余時在四明軍中，所用之兵勇將弁，率多杭州遺散之餘。然遇賊輒奮擊，所向有功。先時我軍望見賊之旗幟，則走。後則賊望見我之旌麾，即逃。豈非氣之爲哉？壬戌夏五月二十一日，粵賊十餘萬自蘇來，分十二枝，四面馳突。圍程軍門，學啟新橋營數十匝。李帥聞之，親勒兵馳救。所部卒離皖數月，不得一當賊。至是勇氣百倍。軍門望見帥旗，亦突圍夾擊。我兵無不一當十。賊大敗奔還。是役也，有一卒殺數十人。最後遇一悍賊，鑿戰良久。兵刃俱折，至以手相搏，互瘖于地。賊取其斷刀，刎其頸。卒亦以拳搘其胸，正危急間，忽見賊失其首，躍起驚視，則一卒手斬賊頭去矣。次日余謁李帥，帥爲余備言戰事。余因言公重臣當持重，不可親冒鋒鏑。萬一飛礮偶集，羅忠節已事可鑒也。帥言若不親自督陣，則士卒必不能如是效命。因歎從來文臣爲大帥，類深居簡出，不肯親臨行陣，故不能成功。前數年以編修從軍，每親出擊賊。軍中呼爲武翰林。我戲應之曰：僕乃文蝦耳。蓋滿洲中稱侍衛曰蝦。新武進士

人。仁衛學習者曰拉蝦也。先是外國人輕中國兵以爲無用。至是戰乃稱中國有人。

女子從戎

又云。粵賊洪秀全之自廣西竄長沙也。其妹洪宣嬌。稱元帥。常騎馬率粵之大腳婦出隊。服五綵衣。備極怪狀。官軍望之奪氣。然第炫人耳目。其寔不能衝鋒決鬪也。其時唐縣李方伯孟羣有妹。名素貞者。知書工騎射。熟孫吳兵法。于天文占驗之學。靡不窮究。父兄皆奇之。咸豐四五年。方伯以知府奉楚撫胡文忠公檄。督師討賊。招女至軍中。女戎裝往。代爲畫策。決勝累建奇功。殺賊逾萬。方伯常勸賊失利。被圍十餘重。他將軍皆不能救。女怒馬獨出。於槍林礮雨中突圍而入。手斬數十人。護方伯歸。甲裳均赤。賊衆萬目注視。驚爲天神。後胡中丞攻漢陽。城堅不能下。女與方伯謀。夜襲之。孤軍深入。中伏。救兵不至。遂血戰而死。年二十餘耳。報至。舉軍皆哭。後二載。方伯亦於安徽戰歿。女子從戎百戰捐。

驅。軍興二十年來所僅見者也。余有詩弔之曰。百騎甘甯襲賊營。紅妝血戰獨捐生。漢陽若舉褒忠祀。先拜英雄李素貞。

西域用兵始末

驥亭雜錄云。準噶爾自光顯寺之敗。決意請和。至乾隆四年。和議始成。又許通市。及入城作佛事。人馬貨物皆限以數。噶爾丹策零於乾隆十四年死。生三子。一女。長曰喇嘛達爾扎。次曰那木扎爾。又次曰莫克什。女曰烏蘭巴雅爾阿扎。母貴蒙古最重嫡庶。國人因立阿扎坐床。坐床者華人言卽位也。那木扎爾殺莫克什。喇嘛達爾扎自危。乃弑阿扎而自立。烏蘭巴雅爾與其夫擁戴有功。因其委任疎遠。叛去。遠又擒而殺之。當是時大策零王孫達瓦齊與輝特台吉阿睦爾撒納另居雅爾地方。各有阿拉巴圖數千戶。達瓦齊於達爾扎爲近族。貴而無位。阿逆出身微賤。而狡黠凶狠。迴撲諸酋。亦皆不平。達爾扎之所爲。與之相抗。不奉教令。達爾扎命衆討之。達瓦齊等兵敗。竄入哈薩克。達爾扎以二人

不除。終爲禍害。遂遣心腹人率兵六萬追之。期於必獲。達瓦齊計無所出。日夜涕泣而已。阿逆曰。與其束以待擒。何若鋌而走險。兵法所謂往厄其吭者也。因率精銳卒一千五百人。裹糧懷刃。於山嶺僻境。繞道入伊犁。乘其不備。夤夜突入其幕。達爾扎方圍爐擁妾飲酒。阿逆趨而斬之。撫定其部落。迎達瓦齊入。立之初策零拉布坦欲叛中國也。以衛藏據其右臂。欲與之和。使無後顧之患。因其女妻拉藏王子。入贅其國。陰說拉藏王頗羅鼐。叛中國。頗感仁皇帝之恩。固守臣節。策逆怒。遂親率師由回部之沙雅爾潛襲衛藏。近星宿海。爲導者誤入大澤中。沮洳難行。人馬多死。窮蹙而歸。遂斬其贅婿。其妻有遺腹女。長而適阿逆父。阿逆初生時。滿身鮮血。或謂其復讐而來也。達瓦齊既立。不能統馭其屬。歲多叛亡。每遇急難。必檄阿逆至。與之調停。阿逆誚讓之。達瓦齊不甘曰。彼雖才能。終爲我之臣僕。何敢以臣凌君。而忘其己爲所立也。其後達部署漸定。因曰不誅阿某。禍終未艾。因統領國兵討之。阿逆不敵。十九年。遂率所部二萬。

餘人來降。且乞師往靖亂。欲藉我兵力滅達瓦齊而已。得據其位也。純皇帝實知其國內亂之可乘。足以竟先朝數十年未竟之緒。今事會適至。乃天以其國畀我大清。時不可失。遂決意用兵。時舉朝不知。準噶爾內亂。狃於辛亥敗兵之事。不願勞師動衆。惟傅文忠公一人力贊成之。上曰卿朕之張華裴度也。阿逆入覲。上以撫綏事急。乘馬三日而至熱河。命王公大臣皆從往陪宴。阿逆行抱見禮。上從容撫慰。並賜上駟與之乘。親與其分較馬射。並以蒙古語詢其變亂始末。賜宴而退。阿悚然。時冬月嚴寒。阿逆汗下如雨。退告其下曰。眞天人也。敢不讐服。傅文忠退曰。余今日膽裂。自不知生死矣。乙亥春。遂兩路進兵。北路以班直義公(第)爲定西將軍。阿逆爲定邊左副將軍副之。西路以陝督董鄂公(永常)爲定西將軍。薩賴爾爲定邊右副將副之。盡簡八旗子弟。吉林索倫諸精銳士卒從之。所至準噶爾各部落。大者數千戶。小者數百戶。無不攜酒牽羊以降。兵行數千里。無一人敢抗者。五月五日。齊抵伊犁達瓦齊阻淖爲營。衆尚萬

餘我兵追及之。侍衛阿玉錫以二十二騎直薄其營。呼噪突入。賊衆驚潰。達瓦齊竄走。陰計阿克蘇回人伯克霍迪斯爲己所立。必不負之。因率親丁百餘騎逃至回疆去阿克蘇四十里。霍迪斯已遣人具牛酒以迎。達瓦齊之黨以爲不可信。而達以爲與其有恩。遂殺牛酌酒。與衆酣醉。後霍迪斯盡縛之入城。後承班公檄獻諸軍門。並獲青海叛賊羅卜藏丹津。先後檻入行獻俘禮。上御午門樓受之。以達瓦齊人固庸慾可憫。特赦之。封以親王。賜第寶禪寺街。擇誠隱郡王孫女配之。然不耐中國風俗。日惟向大池驅鵝鴨浴其中。以爲樂而已。體極肥。面大於盤。腰腹十圍。羶氣不可近。上命爲御前侍衛。終優容之。準夷之先。故有四衛拉特。華言四部落也。部各有汗。上初用兵。欲俟平定後。仍其舊設四汗。衆建之而分其力。如喀爾喀之編七旗。至今長享太平。而阿逆志不在此。上預燭其情。甫出兵即密諭班公。示以分封四汗之意。以消其妄念。又以額駙色布騰巴爾珠爾爲科爾沁親王。與阿逆言語相通。氣類相近。令與之偕行。俾耦居

無猜。實陰伺之。乃額駙爲其所給。反與之昵。阿逆遂恃爲奧援。既平伊犁。阿逆處事多不稟承將軍。生殺自專。置副將軍印不用。用其國汗舊用小紅鈐記。發書鄰部。哈薩克及俄羅斯等國。皆不言降我朝。但謂率滿洲蒙古兵來定準噶爾。又使其黨等流言。不立阿逆爲汗。終不得甯。班公憂之。鄂襄烈公曰。吾儕大臣所謂消患於未萌。昔拉忠烈公誅朱爾墨。扎身雖殉死。終膺懋典。吾等可彷而行之。此傳介子請纓日也。班曰。阿逆叛迹未見。安可妄誅藩臣。以擗上之怒哉。遂密以其事馳奏。上命卽軍中誅之。母濡忍貽後患。而是時大兵皆凱旋。隨二公者僅五百人。餘皆新附衆。班公遂不敢舉事。上先有旨。命阿逆以九月至熱河行飲至禮。班公等趣其行。欲使入我境則易擒也。先是六月中。額駙奉旨先歸。阿逆私以總統舊部之意。乞其代奏。並約以期如得請。旨當七月下旬至。及額駙歸。事已中變。遂匿其奏。阿逆待命久不至。班公迫其行。令喀爾喀親王額林沁。多爾濟伴之。阿逆不得已起程。中途遷延。猶有所望也。迨八月中。尙無

信。疑事已變。入境且得禍。遂陰召其衆。張幕請額宴酒數行。起謂額曰。阿某非不臣。但中國寡信。今入其境。如驅牛羊入市。大丈夫當自立事業。安肯延頸待戮。遂命呼酒者再。伏兵四起。旌旗耀目。擁阿逆出營去。阿逆徐解副將軍印組。擲與額曰。汝持此交還大皇帝可也。遂據鞍馳去。額林沁多爾濟瞠目視之。無如之何。阿逆遂寄聲伊犁。嗾其叛。又遣其黨阿巴噶斯哈丹等掠西路軍臺。而伊犁宰桑克什木敦多卜等果蠭起爲亂。倉卒兵少。班鄂二公扼腕無計。鄂曰。今日徒死無濟于事。有負上付託矣。班公持劍太息久之。刎頸而死。鄂故書生。腕弱不能下。命其僕割腹而死。事聞。上以額駙匿情不奏。欲立正典刑。來文端公請曰。願皇上念孝賢皇后莫使公主遭嫠獨之歎。上揮淚太息。勘其死。祇褫其爵。額林沁多爾濟以元裔故。特與賜死。改命公策楞公達爾黨阿由巴爾坤速進兵。二十二年。參贊公(玉保)至特克勒。探知阿逆僅距一程。欲急追之。忽有報言。吉諾爾布已擒阿逆至。遂駐兵俟之。而不知報信者。即阿逆之僨者。以

爲緩師計。阿逆得從容而去。遂逃入哈薩克。上怒。拜瓜爾佳公（哈達哈）鈕祜祿公（達爾黨阿）爲定西大將軍。加大學士銜。以擒阿逆事專委之。復命擢二大將軍印使。阿逆心以爲傅文忠公至。冀其自投羅網。達至哈薩克界。阿逆方借哈薩克兵來拒我。兵擊敗之。禽其酋長。願往說其主阿布賚。擒阿逆來獻。達受其給。縱之去。卒無音耗。達復使人詢之。訖未得要領。而西路降夷巴雅爾噶爾藏多爾濟哈薩克錫喇尼瑪舍楞等。皆羣起叛亂。都統公（和起）殲焉。兆文襄公（惠）復有濟爾哈朗之圍。上以諸賊甫受封賞。輒叛知厄魯特人。概不可以恩信結。故命喀爾喀超勇王（成袞札布）出北路。兆文襄公出西路。皆於三月中起行。會諸賊自相蹂躪。扎那噶布爾襲殺噶爾藏多爾濟呢瑪。又欲襲扎那噶爾布不果。阿逆自哈薩克歸。會諸賊於博羅塔拉。欲自立爲汗。聞我兵將至。又遁去。諸賊皆竄匿。於是兆文襄擒原任貝勒納奇木。海超勇公蘭察。擒巴雅爾烏爾登。大臣厄爾錐。音圖倫楚擒原任散秩

擒呢瑪扎那噶爾布已病死。台吉璉齊達瓦以其首來獻。惟阿逆尙未獲。六月兆文襄公使愛將軍（星阿）阿拉善王（羅卜藏）等追阿逆至哈薩克。其長阿布賚以爲大兵取其部也。鋒刃既交。我兵勢寡。阿拉善王曰。與其同沒。何若冒死說敵。猶可冀免。因脫帽蹈烟礮馳去。作蒙古語曰。吾來說降。阿布賚因收軍見王。王從容曰。吾亦係也。速後。（王之父阿贊如降本朝。）固厄魯特也。因歸降故。荷大皇帝撫綏。裂土封茅。永爲藩服。今部長最爾小國。何可信阿逆之言。自與天朝爲敵。是代人受禍也。阿布賚悟。請降爲屬國。適阿逆率二十人往投之。阿布賚約以詰朝相見。先使人收其馬。阿逆驚。又逃。阿布賚執其兄達什策凌。送軍門。事聞。上大悅。封羅爲親王。受阿布賚降。令其歲時納貢。如朝鮮琉球云。阿逆徒步入鄂羅斯爲樵者所得。守卞之瑪玉爾。（官名）送往其國。我侍衛順德訥尋踪往。瑪玉爾諉爲不知。時廷臣議。又恐挑鄂羅斯之釁。兵連不結。陳文勸公有將帥糧餉帑餉三議。史文靖公直欲退守玉門關。上笑曰。皆書生迂語。

不足與較。因命理藩院行文鄂羅斯索之。阿逆患病死。鄂羅斯以其屍送入邊。上命素誠阿逆之林丕多爾濟往驗屍屬實。於是阿逆之局始結。上命兆富二將軍擇地過冬。明年再盡剿厄魯特之漏網者。二十三年春。兆文襄由博羅布爾蘇富公由賽里木。如獵場中分兩翼合圍。約相會於伊犁。凡山陬水涯可漁獵資生之地。悉搜剔無遺。時厄魯特懾我兵威。雖一部有數十百戶。莫敢抗者。呼其壯丁出以次斬戮。寂無一聲。駢首就死。婦孺悉驅入內地貢軍。多死於途。於是厄魯特之種類盡矣。計自準夷內亂以來。惟杜爾伯特策楞內附。始終無異志。其王策楞臨終時。諱諱囑其子孫報效天朝。百世毋忘此德。故其所部得保全至今無恙。世襲藩封云。其次則達什達瓦之妻。當阿逆初叛時。正伊犁騷擾之際。獨率所部欵關來投。上憫其誠。使居巴里坤。後徙熱河。編其人爲兵。俾資餉以給。若沙克都爾曼吉不從亂。全部內移依巴里坤。近城以居。宜得免矣。值巴雅爾等之亂。上諭巴里坤大臣雅將軍(爾哈善)密察之。如可信。則坦懷

以待。勿使疑。否則先發制人。毋令爲肘腋患。初非必欲殺之也。雅故書生不敢保。時餉正乏。而沙請糧不休。雅患本軍缺糧。而又齎敵。遂令裨將閻師相率五百人入其壘。若失路借宿者。沙屠羊以待。中夜大雪。閻曰此擒吳元濟時也。遂以笳爲令。襲其臥廬。盡殲全部四千餘人。沙被殺時。殘燈未滅。其妻睡夢中驚起。不忍其夫之戕於亂刃。裸而抱持之。如兩白蛇宛蜒穹慮中。以至於死。雅以沙謀叛被殺報。上封雅爲一等伯。雅歸朝日。拜其祖祠歎曰。李廣以殺降不封侯。至於失道自刎。今我罪踰於廣。而反膺五等之爵。祖宗蔑血食矣。其後果以失機被誅。上於庚戌中詠西域諸故事。猶及雅之濫殺云。其他諸賊既降復叛。自取誅滅。草薙禽獮。無噍類固無論已。此固厄魯特一大劫。凡病死者十之三。逃入鄂羅斯哈薩克者十之三。爲我兵殺者十之五。數千里內。遂無一人。蒼天欲盡除之。空其地爲我朝耕牧之所。故生一阿逆以爲禍首。輾轉以至澌滅也。自此偃息兵戈。墾闢屯田。中原民爭趨之。村落連屬。烟火相望。陌巷間牛羊成

羣。皮角甌砌之所出。商賈輜輶。自有天地以來。漠南北之地。未有如今日景象也。惟純皇帝天亶聰明。乾健不惑。見事機可乘。順天而行。每軍書旁午。應機指示。必揭要領。或數百言。或數十言。軍機大臣承旨。出授司員屬草。率至腕脫。或軍報到以夜。分則預飭內監。雖寢必奏。迨軍機大臣得信入直廬。上已披衣覽畢。召聆久矣。撰擬繕寫。動至一二十刻。上猶秉燭待閱。不稍假寐。或一二日無軍報。則延望不釋。蓋數年如一日也。領兵者奏事。大率藏短露長。上卽其所奏勇怯勤惰。洞見肺腑。分別功過。信賞必罰。是以人人効命。有進無退。成此大功。歷觀史冊。漢唐以來。何代可以比隆者也。

王晚_上李秀成陳攻上海策

庸閒齋筆記云。宋不用張元。而元昊用之。大爲中國患。人多咎宋之遺才。而不然也。此其中固有天存乎其間焉。同治元年春二月。上海中外諸軍攻克粵賊七堡逆壘。獲蘇州諸生王晚_上僞忠王書。具陳攻取上海之策。薛觀堂中丞閱

之大驚疏聞于朝。江南北大爲警備。幸賊不從其計。卒以無事。至四月後。李爵相督師來滬。以上海爲關中。戰勝攻取。遂奏廓清之功。然當琬獻策之時。使賊稍聽其謀。上海一有失事。則後來爵相無駐節之所。餉源斷絕。不知又多費若干營濟矣。賊平後。琬遁入咪唎堅墨海書院以死。不嬰顯戮。三吳人有遺恨焉。然琬先時亦嘗謁吳曉帆觀察陳書。當事者不置意。遂往從賊。此亦張元之流亞也。國祚中興。彼昏不用。豈非天哉。琬書余于薛中丞幕府中見之。洋洋數千言。今則不能記憶矣。大略勸賊與洋人和。而藉其勢以圖中原。謂洋人遣使至金陵。以各國貿易所在。請無攻滬。而賊猶不許。洋人遂助中國城守爲失策。此時宜急許其不攻。而要令不得以軍裝火藥資中國。再遣舟師渡江。分擾通泰裏下河完善之區。并于海道劫掠華商。使不敢載運貨物。貿易不通。釐捐斷絕。官軍乏餉。洋人坐困。上海聚數百萬避難之人。無所得食。必且生變。而洋人生理既絕。亦必俯首來求脩好。然後脅之使獻上海。策之上也。若一時不能與洋

和人而先欲得上海亦不必調集大兵也。蓋洋人嗜利近以蘇浙二省避難人屬至滬地遂于夷場廣造房屋重收租息初不問人之來歷也。宜遣精兵數千人僞作難民貰洋屋以居地係夷場中國官無從稽察中夜一呼應者四起縱火焚燒遇人斫殺洋人計惟登舟逃逸而上海唾手得矣。上海既得然後招回洋人而厚待之不擗其怒而仍可爲用策之次也。云云其慮甚周其計甚毒故在上海者聞之無不髮指無不失色乃以梟雄之李秀成亦如陳叔寶之昏庸棄書牀下此眞國家之福也。嗚呼豈非天哉。

岳威信始末

嘯亭雜錄云。岳威信公。諷撫遠大將軍印以入覲。命提督紀公成炳權其篆。會準夷入寇。據馬駝萬餘。紀不時奏。乃爲總督查郎阿所發。遂褫岳公爵。置紀於法。然嘗聞老卒有云。岳旣入朝也。紀以滿人強勁。因以駝馬命副參領查鷹領卒萬人驅牧。廩性懦。畏邊地寒。因以馬駝付偏裨。以五十人放牧而已。率衆

避寒山谷間。日置酒高會。挾娼妓以爲樂。會準夷入寇偏裨報廩。廩笑曰。鼠盜之輩。不久自散。因按兵不往。及馬駝被擄。廩聞信乃先棄軍去。過曹總兵（勑）壘。呼曹救之。曹性急。因率兵往。爲其所敗。單騎而奔。賴樊提督（建）率本標卒追之。轉戰七晝夜。始却其敵。廩見紀公皆委罪於曹勑。紀笑曰。滿人之勇固如是耶。將收縛斬之。會岳公至。紀告其故。岳公驚曰。君今族矣。滿人爲國舊人。黨類甚衆。吾儕漢臣。豈可與之相抗以干其怒也。因解廩縛。以善諭之。因皆委罪於曹。斬之以徇。而以捷聞。廩乃恨公入次骨。會查郎阿巡邊。故廩戚也。廩因矯控岳公諸不法事。以及紀公掩敗爲功諸狀。查故怒岳公。因誣實其言以聞。上大怒。斬紀公於營。置岳公於詔獄。而廩官固如故也。嗚呼。世宗之於岳公。君臣之際。可謂至矣。因誣一滿人卑賤者。乃使青蠅之譏。爲禍若爾。持國柄者。可不省歟。

道光朝兩儒將

春冰室野乘云。道光季年英吉利擾浙海。定海之陷三總兵死焉。三總兵者。山陰葛壯節公雲飛。湖南鳳凰廳鄭忠節公國鴻。寧河王剛節公錫朋也。鄭葛兩公皆以儒將著。葛公有四十自傷詩。爲人傳誦。其詩曰。馬不嘶風劍不鳴。等閒已老健兒身。近來不敢窺明鏡。恐照頭顱白髮新。烈士暮年壯心不已。足與岳忠武滿江紅詞莫等閒白了少年頭之句。後先耀映矣。葛公之授命也。義勇徐保求其屍。得諸竹山門下。時雨霽月明。見公立厓石前。半面已爲賊能去。左目猶瞇瞇如生。欲負之行不能起。拜而祝曰。盍歸見太夫人乎。乃行。嗚呼。敵愾之志。將母之忧。歿而猶不能忘哉。鄭公文學甚優。而尤精經術。著有詩經疏義行世。

桂林寇警軼聞

又云粵西撫幕有陳君者。年八十餘矣。在撫幕數十年。金田之亂。固所目擊。嘗爲人述粵匪圍桂林時事。至可駭笑。省城被圍。先後三年餘。於時撫桂者爲長

沙勞文毅公崇光所恃以爲守者。撫署親軍三百餘人。武巡捕某弁統之。民團五百餘人。紳士張某統之。駐城中。湖南援軍千餘人。駐城外。賊雖圍城。實未嘗一日進攻。蓋其精銳。統悉數北趨。留桂林者。半皆老弱罷病。本不欲戰。聊以牽制而已。士人初尙畏賊。久之乃與賊相忘。省城四門。局其三。惟開西門。以通樵采。民或出城。路經賊壘。賊亦不過問。賊中食物偶缺。亦時時入城購買。長髮羣衆。紅布帕首。游行街市。人共知其爲賊。賊亦不自諱。城中大小將校。皆與賊通款曲。酬酢往來。而團總張紳。蹤跡尤密。令節朔望。賊營常置酒。招張紳與諸官飲。張紳諸官。皆坦然赴之。醉飽而歸。亦時時置酒。請賊目以答其意。惟必在城外。不敢公然延客入城而已。桂林被圍。久餉源斷絕。公私墮地赤立。主客軍不滿二千人。欠餉皆積年未發。軍士知其不可得也。亦相與安之。文毅一日怒某弁。詬之甚厲。某弁不能堪。怏怏出。語軍士曰。當此世界。猶向我輩使上官身分耶。吾行卽辭差。不能鬱鬱久居此矣。衆皆曰。君去固不敢留。然吾輩欠餉

如何者。某弁曰。吾已失歡於大帥矣。安能更索欠餉。君輩自向大帥理論可耳。於是又有數人據撫署大堂。自訴飢苦者。俄而增至數十人。噪聲漸厲。文毅在內室聞之。則自出彈壓。甫及門。不鋒已。自門內出矣。始悚然退歸。召某弁至。譙讓之。使以大義安慰衆心。某弁辭不往。文毅大怒。乃坐以激變軍心。而下諸臨桂獄。別簡一人爲親軍督。一面令司道府縣。安撫變兵。許以餉至。卽發。諸軍士亦本不欲與巡撫爲難。聊藉此爲戲。以抒其憤懣而已。得諸官撫慰。亦遂散去。如是者又數月。某弁被禁。久意忽忽不自聊。一日忽上書文毅。自稱從戎數年。一無建樹。中路蹉跌。實所不甘。與其羈死囹圄。何如戰死沙場。倘蒙恩釋出。當率所部殺敵致果。以報文毅得書。笑曰。某特欲出耳。然果能出戰。亦大佳事。卽召之。至面獎其勇敢。謂曰。汝所將特三百人耳。烏能與賊戰。某弁曰。尙有張紳所統團練五百人在。可令彼爲後勁。某當力効前驅。文毅首肯。卽以令箭召張紳。至語以故。張紳大驚。念今日乃言戰耶。然不敢違巡撫令。姑許諾。遂相率出城。

歷賊壘而陣鳴鼓大譟。賊出視亦大驚。迎謂曰：「彼此相安。耦俱無猜久矣。今奈何遽以此面目相向耶？」某弁不答。麾衆直前搏戰。賊始知其真欲戰也。亦蜂擁拒敵。不食頃。某弁與三百人者。遂皆併命稱國殤焉。張紳徐至。頓足曰：「今茲敗矣。某弁全軍覆沒。吾何以復命？」凝立良久。卽馳去。逕赴賊壘。令從者以被虜歸報。團勇皆桂林城中無賴子。惟張紳能統馭之。張紳既去。軍無統率。諸軍士日爲暴闖市。官吏不敢詰。命他紳接統。則皆辭以不能。文毅無如何。則謀贖回張紳。乃遣使者詣賊營商之。賊目允贖。而要以大砲四尊。紅綢十疋。爲交易之媒介。使者歸復。命使者往。議以數百金爲大砲代價。賊目不允。必欲得砲而後可。使者歸。諸官相顧無策。藩司某進曰：「今旣無用砲處。砲之在我與在賊。庸何擇焉。但勿令士民知之耳。」請聲言允給紅綢。不允給砲。而密以綢繩砲身。使人但見爲綢。不見爲砲。昇而置諸城外。俾賊目取之。不亦可乎？」文毅亦蹶然曰：

君眞善辦事者矣。如其計行之。而張紳果歸。

李地山殉難

庸閒齋筆記云。粵匪之難。浙江之官紳殉義者最多。余之所不相識者無從論定。相識中則當爲李地山明府首屈一指。地山名福。諱湖北之監利人。咸豐戊午來攝金華縣事。會粵匪石達開由處州攻陷永康武義。逕逼金華。一時佐貳諸君多托故引去。官舍一空。城中現任地方官。只太守及明府二人耳。士民奔走。不可禁止。難復力事城守。然風聲鶴唳。一夕數驚。賊苟乘銳來攻。實無抵禦法。余見人心搖動。有不可終日之勢。慷慨謂明府曰。以金郡之大。若無一二死節之官。不亦辱朝廷而羞當世之士哉。明府持其衣帶間所賚藥示余曰。子無慮。我必死之。因與謀所以死之處。余曰。聞古人有止水之說。今大橋下水清而深。當可爲葬身之地。明府曰不然。投水而或爲人所援救。或爲賊所鉤獲。求死不死。反受玷辱。不如仰藥自盡之有把握。遂指永福寺內之塔曰。我死必于更

上一層所謂置身百尺也。余笑曰。君可謂得死所矣。比賊退。明府調攝仁和縣事。余送其行曰。腰間藥可棄之矣。明府曰不然。今賊雖竄去。並非敗滅。安見其不再來。我仍當戒備耳。庚申二月。賊破杭州。明府時在局中。聞賊已陷城。乃步出局門。謂同行某公曰。子當何如。曰有老母在。明府曰然。各行其志可也。遂登吳山之麓。坐城隍神位前。吞藥而死。所謂置身百尺之上。竟踐其言。廟中道士。取民家所寄棺盛之。比城復改殮。已半月餘矣。面色尙如平生。嗚呼慷慨赴死。從容就義。明府二者殆兼之矣。同時殉難爲余所識者。有太倉葛小鐵主簿。家達江分司。無錫倪時帆。景忻。皆曾宦金華者也。

李壯烈戰蹟

嘯亭雜錄云。閩中固積富區。自總督雅德伍拉納等驕奢貪縱。吏治廢弛。下屬習爲懈怠。海中盜艇猖獗。鯨鯢日盛。閩中水師懦怯。莫敢與擣。提督倪斯得。老而耄。不諳紀律。惟令士卒避寇而已。故蔡牽。朱漬等嘯聚海濱。兵至十萬。於乙

丑冬突入臺灣。賴浙江提督李公（長庚）抵死禦之。臺灣得以恢復。公同安人由武科起家。出爲浙江副將。福文襄王（康安）見而奇之。時安南阮光平陰叛。本朝命其夷官等入中國海面攜劫。以充其國帑。王命公往擒之。公曰。官船釘。踈板薄。不能衝突波濤。長庚願傾家造船以適其用。惟火藥非私家所有。願公賜之。其餘不費官絲毫物也。王大悅。奏署總兵銜。並賜銀數萬。公乃造海船數十艇。不加鏽飾。與客船無異。率兵三千。尾追夷艇。夷人以爲客船。遂返舟與之。敵公乃旗鼓突出。聲振數里。加以颶風大作。海濤洶涌。公士卒百倍。鎗砲驟發。賊船潰驚。覆船餘百殆盡。俘斬數千人。生擒夷僞官倫貴利等以獻。王優獎之。請命於朝。任海壇總兵。浙撫阮公（元）倚爲左右手。公雖武人。好讀書。樂靜坐。與阮公唱和無虛日。臺灣之役。公已將蔡牽賊艇圍于鹿耳門。計日可擒。其時所率多閩兵。公浙中精兵祇五百餘人。蔡牽以鯢錢四百餘萬。遍聚閩中將卒。諸將遂解體。不爲力戰。數日牽遣變童踏小船僞獻降書。欲效郭循之策。公覺。

之抵書於地。褫衣刃見。公立誅之。是晚大風雨。蔡牽乘勢解纜而去。公方飲酒。立傾杯。整隊進。閩中兵無不披靡。莫有繼者。公太息曰。朝廷養兵百餘年。一旦用之。乃反爲賊之間諜。諸將帥果何爲者。因全軍而歸。閩督阿林保置酒與賀。筵間從容笑語曰。海上事易爲掩飾。如公以蔡牽假首至。余卽飛章露布。不惟公居首功。吾亦當受帷幕之賞。如此則海氛告成。此局易了。豈不勝衝突鯨濤。僥倖於萬一哉。公奮然曰。于清端之捉賊。姚制府之用兵。長庚所知也。石三保聶人傑之擒。長庚所未解者。皇上之所以委任長庚者。蓋欲使永靖海氛。以綏民命。其成功與否則天也。公以文吏徇律中外。故宜幸其事早成其功。僕則視海舶如廬舍。不畏其險也。公今以逗撓効長庚之罪。他日以覆舟諱長庚之死。皆維公命之是從也。僕一武夫。猶知以死報國。公以世臣名族。揚歷封疆。縱未嫋於軍旅。亦固識忠孝二字乎。公何其淺視僕也。遂推几而出。其幕客諫曰。將軍誤矣。自閩粵用兵以來。生靈糜爛者幾數百萬。皆以蔡牽一人故也。今或

假傳其授首。以博天顏之喜。或羈縻以官爵。收其桑榆之效。則其局可了。將軍宴坐衙齋。緩帶投壺。不亦樂乎。定必冒風濤之險。必欲潤其巢宅。一旦颶風阻路。音耗莫通。糧餉莫繼。士卒散亡。縱竭將軍一人之力。難以敵衆。踰百萬之師。倘稍失利。大吏朦朧奏之。將軍必遭獄吏之辱矣。公慨然曰。君不聞王彥章人死留名。豹死留皮之語乎。僕雖不肖。願與蔡牽同日死。不願與其同天生也。國督故恨之切齒。至漁山之戰。公船遭風失信。阿遂誣公逃寇。不知所之。入奏。賴阮公以公受傷入告。上優詔獎之。後於丁卯十二月二十五日。戰於黑水洋時。蔡牽以三舟檮島去公船半里耳。寇勢已窮。迫公因山爲壘。以逸待勞。舟師四面圍之。計日以擒。而閩督以飛檄催戰。動以逗撓爲詞。幕客勸公封章以奏。公研軒怒曰。大丈夫以死報國。不受唾面之辱也。因整軍進。下令軍皆持短兵。以爲必死計。及戰。浙軍無不一當百。有卒校跳牽船上。牽幾被其擒。以衆寡不敵。死之。而牽奴林小綱素識公。面暗中指示。由篷窓中出火鎗。中公胸。公茹痛呼。

諸將部署其事。曰。諸君不殺此賊。老夫死不瞑目矣。因長號而終。事聞。上震悼。封一等壯烈伯。謚忠毅。祀昭忠祠。公卒後二年。公部將邱公（良功）王公（得祿）等率公舊卒建功海上。時閩督易以方保巖制府（維甸）與二將合志殲賊。戴文端公（衢亨）時掌樞柄。凡所請無不立時俞允。中無阻撓。二將得以用命。蔡牽投海死。其子小仁獲而奴之。海氛遂平。然皆由公裹血茹瘡。大小百餘戰。於驚濤怒浪之中。使賊無以休息。其精銳日見耗亡。是以繼之者奇功之易歲也。

紀馬江死事諸將

春冰室野乘云。甲申馬江之敗。世皆歸罪于張幼樵學士。然諸將用命。力戰死。綏其忠盡實有不可沒者。且法人內犯。實仗孤拔一人。自孤拔斃於砲。法人已失所恃。遂不復能縱橫海上。功過亦差足相抵。較之大東溝劉公島諸役。其得失必有能辨之者。爰檢叢中舊所錄存摺上為督府備部充。錄之。今七方今

朝廷銳意規復海軍。聽鼓鼙而思將帥。其亦有奮袂而起。以追先民之風烈者乎。按是役死事最烈者。爲督帶飛雲兵輪副將銜參將高騰雲。管帶福星輪船五品軍功陳英。原疏敘高事云。該叅將由粵來援。論事呐呐。如不出口。前月二十六日法增一船。諸將請來援。高騰雲獨義形于色。臣心異之。夜復來見。詢以方略。高騰雲曰。閩防之意。本以牽制使敵不發耳。廠非戰地也。但砲注子人枕戈者已一月。晝夜相持。咫尺間恐釀成戰事。知帥意急欲先發。必多牽制。不得南洋援必不來。卽來怯將亦無用。徒害事耳。臣詰之曰。然則奈何。對曰。專攻孤拔。得一當以報而已。臣欲令其統率諸將。則辭以資望在李新明後。且曰。水師船各自爲戰。非若陸軍一將能指揮十餘萬也。請不必紛更。堅守以待上命。該叅將既去。臣復囑各船就商籌策。該叅將志定神完。誓死報國。是日手發巨砲擊其烏波船。一一命中。以一飛雲小艦。當敵人三大艦。中流堅拒不退。忽橫來一砲。該叅將艦爲之折。復一砲。遂飛入水中而沒。舟乃發火。其敘陳事云。該

軍功人極瘦弱。文理甚優。方敵艦日增。臣深憂之。陳英上書。請以各輪船合攻孤拔座船。而艇船等發火牽制下游。使各輪小商船水勇及擣雷船截其魚雷艦。所論均有條理。臣采其論下諸將。布置略定。無如法暗約英美先發也。陳英見英美船驟下。急起槩誓衆曰。此吾報國日矣。吾船與砲俱小。非深入不及敵船。敵以三船環之。舟中機損人亡不顧。但以砲向孤拔船。孤拔船受礮畧退。敵復增船來。持至一時許。陳英猝中礮於望台。學生王漣隨殉。船始焚毀。英美船觀戰者均稱歎不置。爲之深惜云云。後奉旨。高騰雲照總兵陣亡例從優議。卹陳英給都司銜。照都司陣亡例從優議。卹王漣照五品官陣亡例議。卹是役力戰死者。尙有千總許壽山葉琛。五品軍功林森林二人。

記洪秀全事

庸閒齋筆記云。粵寇洪秀全。廣東花縣人。飲博無賴。以演命賣卜爲業。先從上帝會。繼托名西洋天主教。捏造天父天兄名目。撰各妖言書。肆爲煽惑。遠近不

逞之徒附之。道光三十年六月桂平縣金田村倡亂。不過千百人耳。延既久。脅從愈衆。僭僞號太平天國。稱天王。騷擾至十六省。陷名都大城郡縣六百餘處。伊古以來。盜賊縱橫之甚。未之有也。同治三年五月。大軍圍之于江甯城。垂克。乃仰藥死。賊平。搜得其尸。寸磔之後。烈火焚之。其子洪福墳。次年亦獲于江西之廣昌縣。凌遲處死。此案遂結。然天下被其毒者已十有五年。攷其行事全無義理。而能作亂如是之久。殆劫運使然耳。洪先改正朔。以三百六十六日為一年。一月有三十日三十一日者。遂不置閏。而改天干地支之名。如丑為好卯為榮。亥為開之類。繼滅人倫。令軍中夫婦不得同處。蕭朝貴封僞西王。其妹壻也。朝貴之父于長沙途中私招朝貴之母同臥。朝貴卽公訟斬其父母警衆。揚揚語人曰。父母違犯天條。不足為父母也。而其妻洪宣嬌與僞東王楊秀清通。嘗共臥起。為衆所見。乃傳天父令曰。秀清宣嬌同胞兄妹。臥何嫌。我令宣嬌與秀清臥者。為天下兄弟姊妹贖病也。洪逆乃號楊逆為禾。乃師贖病主。蓋賊最尊。

者曰天父。追其所自出云。有叔嫂姦而生耶火華。卽爲天父。天父以一七日造成世界。生五子一女。長爲耶穌。次爲洪逆。次爲楊逆。又次爲馮逆。爲韋逆。女爲宣嬌。卽洪逆之親妹。肅朝貴殺其父母以示天條。而妻與楊逆通。則不敢言。韋逆之父尊爲國宗伯。然見韋逆亦跪而稱千歲。其悖謬如此。後馮逆被擒正法。韋逆殺楊逆並宣嬌。後亦爲洪逆所殺。肅朝貴于湖南爲官軍擊斬。其起事死黨。遂無一人存者。

賊之最無道理者。曰講道理。每遇講道理之時。必有所爲也。凡擄衆搜量。則講道理。行軍出令。則講道理。選女色爲妃嬪。則講道理。驅蟲夫壯丁。爲極苦至難之事。則講道理。究其所講者。其初必稱天父造成山海。莫大功德。天王東王。操心勞力。安養世人。莫大功德。理應供奉歡喜。娛其心志。暢其體膚。爾等衆小。安得妄享天父之財祿。驕淫怠惰。犯天條律云云。以後則宣揚賊將欲爲之事。以一衆心。而復引天父之語以證之。如謂孔子爲不通秀才。天父前日已將其責

打手心等語聞之令人髮指。卽在賊中之人聞之亦不復信也。

阿文成公用兵

璫亭雜錄云。乾隆辛丑夏。撒爾回民叛。上命阿文成公征之。時阿文成公視中
卒決口。丁未卽趨赴。上命和相往攝其篆。和固自負其才。欲於公至前。先時驅
滅。乃刻期進師。卒爲所敗。又所調至將帥。俱不爲所用。和每發一議。衆輒沮之。
亦不能難也。及公至。和出迎。公問其失機狀。和赧然曰。將帥皆傲慢。不爲吾用。
公請試之。公曰。然則斬耳。和復問進兵狀。公笑不答。令諸將帥於次日晨集轍
前。公每呼一將入。輒命和坐其側。公有所調撥。及命屯戍處。其人輒應如響。如
是者數。和坐上甚憲憤。公部署畢。問和曰。諸將初不見其慢。尙方劍不知誅誰
之頭也。和戰慄無人色。公乃命和卽日銜命歸。和於是恨公入骨。故終身與
之齟齬。蓋構釁於此也。

陳張兩忠愍公

壺天錄云。人臣效忠之地。必曰能致其身所謂致者。非曰殉節也。然至於戎馬倥偬大勢已裂。隻手難擋。不得不以一死報國家。諸葛云。鞠躬盡瘁。死而後已。即此意也。而其情則慘矣。雲間逸史有陳張愍公死事記。甚詳且盡。可以見當日之死。實有爲人擠迫者。爰錄其詞曰。宋史載韓岳扼金人於險地。於危無可遁之時。有秀士叩馬而諫曰。國有奸宄擅權於內。未有大將能立功於外者也。旨哉斯言。我朝道光咸豐間。一則西人犯吳淞口。一則粵逆陷金陵城。陳張兩公之所以失守。致垂成之偉績。墮於一朝兵潰敵竄。乃以一死報國。不禁歎秀士之言確有明徵。古今人同此恨也。按陳忠愍公諱化成。籍隸閩垣。由行伍起家。緝捕洋盜。屢建奇勳。洊擢提督。道光二十年。調任江南。不逾月。滬上有西兵之亂。親帥部兵防堵。吳淞與士卒同甘苦。攘臂一呼。應如雲集。以其得將士心深也。先是吳淞口南北兩岸。南係公自將。北爲牛制軍檄令。太湖水師鎮守。公以其師多怯弱。力阻之。不從。五月八日。諜人來告云。西人船勢將直逼。公乃登

砲台持遠鏡窺探知敵船將至弁飭將巨砲裝彈藥以待之無何遙見黑霧漫天奔騰漸近聞砲轟擊不絕恐彈藥不繼赴演武廳牛制軍處接領詎意制軍不發日傳諭速退公恐亂軍心仍令盡力攻敵敵人亦有退意或教其將長鉄裝入銅砲向演武廳施擊牛制軍正屬目探視忽當空如火龍翔至驚慌無措卽乘肩輿而逃公見制軍已遁回顧北岸太湖兵亦散去西船傍北岸駛入公知勢不可爲遂具衣向北叩拜曰臣力竭矣遂服毒自盡裨將劉國標負其屍墮塘下蘆葦中是役也使北岸有勇敢之兵主帥無畏避之舉彈藥不匱應接無虧西船未必能逞志乃矯矯虎臣竟至束手無策是誰之咎歟厥後十餘年髮逆猖獗盤踞金陵總帥向（諡忠武名榮）督兵規復累年不下張忠愍公國梁於行陣間屢立奇功總帥薨卽以張忠愍公繼之功日隆爵日晉而忌之者日多時和帥督辦軍務公擁重兵數萬分道進剿餉糈告匱迭催接濟和帥忌之按而不發兵心離散公以大勢將潰屢請於和仍不發不得已商於何制軍

何亦置之度外。適浙省有警。羽書迭至。請濟師制軍又遣公之前鋒張玉良分兵前往。其時餉缺兵變。危在旦夕。復恐叛兵勾通髮逆。潰圍而出。求制軍調回玉良。相爲控制。何又不許。事遂掣肘。不數日兵潰。大隊衝出。勢不可遏。公遂死之惜哉。二者相提並論。則陳張兩公之捐軀殉難。均有所迫而然也。陳誤於牛制軍之怯敵。張誤於和帥之置餉。又誤於何制軍之疏防。罪案昭彰。國典已分別懲治。惟兩公嗣續。雖邀旌卹之典。未蒙破格之恩。善人有後。况忠烈乎。余先後目擊其事。因備詳之。功罪昭然。自有公論。亦毋庸贅言也。

黃文襄

嘯亭雜錄云。乾隆中。漢軍人登仕版者。多以玩法被罪。其始終聖眷優隆者。惟黃文襄公（廷桂）一人而已。公以武弁歷任巖疆督撫。其操縱嚴切。下吏多不善之。而上眷爲獨注。其督陝時。西域用兵。投誠之虜酋既宜撫綏。其竊發叛逆。又應勦捕。兵出萬里。糧運維艱。公以爲先安內而後攘外。外夷跳梁。國無大損。

若因軍需驛騷。致內地有事。則所係者大。乃命運糧車十家抽一。厚其值。許帶什物貿鬻。民踴躍爭先。又以凡事豫則立。糧待盡而後運。則士飢。馬待缺而後補。則戰衄。乃命安西至哈密。沿路開池蓄豆。馬到行且喂。以故馳千餘里愈壯。臺站有缺米者。曰吾撫蘭時。曾買穀三百萬石。分貯河東西。正爲此耳。蓋公久知純皇帝之欲西討也。上倚任如左右手。以鄆侯劉晏褒之。加太保。封忠勤伯。賜紅寶石項。四圍龍黼。公素喀血。旣理軍務。中夜輒起。或張目達旦。致積勞成疾。疾劇時。疊語猶以馬駛糧運進剿擒賊諸務。喃喃不絕。官吏文武。繞榻環聽。爲之泣下。上以其未及預飲玉之禮。深惋惜之。然性陰刻。督江時。值上南巡。公逼諸鄉紳。命各出重賞辦演燈彩。而不爲之上。達爲錢侍御所劾。又與雅將軍（爾吉善）不睦。故陰絕其糧。使其士卒飢餓。致採青杏葉以食。稚因之獲罪。故世以此詬之。

李奉貞

春冰室野乘云。勝國末造。奇女子最多。其能執手戈以衛社稷者。秦玉良最烜赫。外若沈雲莫。劉淑英。畢畢著。皆見諸名家集中。爲之碑版歌詩。功雖不成。而名足以不朽矣。獨國朝閨閣之知兵者。不少覩見。咸豐朝唐縣李武愍公孟羣。有從妹。名奉貞者。知書工騎射。六韜孫吳風角古驗之書。鑒不精究。而奉母不字。武愍以知府奉胡文忠檄督師討賊。招奉貞同往。奉貞卽戎裝從行。在軍中畫策決勝。往往建奇功。武愍由郡守數年間擢至藩憲。帮辦軍務。半奉貞力也。武愍一日以輕兵追賊。失利。被圍十餘重。他將悉束手不敢救。奉貞獨率所部馳赴之。鎗林彈雨中突圍而入。手斬勦賊數十級。賊衆披靡。卒護武愍歸。甲裳均赤。萬衆駭視。驚爲天神。後文忠以大軍攻漢陽。寇堅守久不能克。奉貞與方伯謀夜襲之。孤軍深入。中賊伏。援兵不至。遂血戰死。年纔二十餘。奉貞死。武愍軍氣驟增。未幾亦戰死矣。往時見某說部紀奉貞事。獨深致不滿。亦可謂不成人美者矣。武愍擢帮辦時。年亦甫二十七。商城周文勤時長軍機。與李氏世姻。

上一日從容語及武愍因垂詢曰。李孟羣相貌不知如何英偉。卿當識之。文勤故與武愍父子不協。卽奏曰。李孟羣固勇於任事。但惜其年太少耳。上聞之怫然曰。如卿言。少年人皆不能辦事耶。文勤亟皇恐謝罪出。蓋文宗嗣服之初。春秋鼎盛。銳欲有爲。文勤之言適中上所忌也。未幾。文勤卽緣事罷軍機大臣。畢著事國朝詩別裁。載諸小傳。謂其父爲流賊所殺。著募兵爲父復仇。卒殲賊。考明末流寇。未嘗至山東。著父之死。實在崇禎十五年。正太宗文皇帝親統大兵南下時也。著實與我朝兵戰。歸愚未考。遽以流賊書之。後來館臣重訂。竟不加改正。尤爲巨謬。

不知姓名之忠義士

庸閒齋筆記云。自咸豐軍興以來。忠義之士。奮身殉難不可勝計。其被表揚旌子孫者固不少。然湮沒無聞。并姓氏不傳者尤不少也。王鼎丞刺史定安。嘗言從曾文正公攻安慶時。江邊有一賊壘。諸軍環攻之一。營官戰甚力。所部死傷

甚衆。鼎丞念其勤。當諸軍暫退。尋食時。親指其營視之。此營官方歸就。貪金瘡遍體。部卒已亡其半。忿怒大言。不破此壘。誓不生還云云。比暮壘拔。又往視之。則其人已陣亡。殘卒亦幾盡矣。至今言之。猶爲慨然。然此君姓名。鼎丞不能記憶也。咸豐辛酉四月十九日。粵賊自湯溪撲金華寺。太守王君桐有楚勇五百。駐於城上。城大勇少。不敷守陴。乃令出守大橋。余登城觀賊。見一勇方據地蓐食。一勇荷戈至。謂之曰。賊勢甚盛。我與若走乎。其人大怒。目光如炬。擲其碗起。曰。吃伊口糧。此時可言走乎。若與我往殺賊耳。卽持一鎗疾馳而去。余竊歎曰。若兵勇盡如此。賊不足平也。乃此五百勇守橋力拒。自卯至巳。賊竟不能過。而張軍門玉良率援軍由蘭溪至矣。方忻憇間。軍門一戰而北。賊遂長驅入城。金華立時失守。此人計必死矣。然其姓名并不能知也。此爲余所目擊者。乃談者謂賊以六騎至。而金華卽失。此五百人三時力戰之勤。一人奮身之勇。均抹煞不傳。哀哉。

李方伯姬人殉節

又云。仁和李方伯本仁。開藩皖江時。以千金至吳門聘一姬。美而慧。方伯寵之專房。又于蘇州招一老伶。工教度曲。花晨月夕。檀板金樽。極聲色之娛。僚屬多竊議之。安慶不守。移省廬州。軍事又急。方伯誓以身殉。姬請隨死。不許。請益堅。則謂之曰。汝欲死歸。至家死可也。遂遣人護之出。又陳金几上。集家衆諭曰。我受國恩。自當城亡與亡。爾輩願同我死者留。否則各持金去。于是衆皆懷金哭拜而散。老伶奮然曰。衆皆去誰侍主者。擲金地上。遂獨留。方伯歎曰。歲寒知松柏。不圖于伶人遇之。越二日城陷。方伯戰死。老伶掩其屍。已亦吞金死。時姬行尙未百里。迴望城中煙焰燭天。慟哭欲絕。遂曉夜遄行。不匝月抵家。發喪成服。衆方幸更生。姬獨詣夫人前。叩首請死。夫人勸之曰。若已脫難。吾亦善視。若何必死。姬對曰。主人命我到家乃死。我不可負主人。遂不食數日而卒。于是向之竊議方伯者。至是乃共哀方伯焉。嗟呼。慷慨赴死。從容就義。不圖于弱女子。

中見之。惜不知姬之姓氏也。卽如老伶者。亦人所難能也。

衣衣道人

嘯亭雜錄云。乾隆初。宗室樸公(某)任安徽按察使時。有畫士年九十餘。相貌偉然。自號衣衣道人。杜公善遇之。嘗談及京都。道人言之井井。杜怪問之。道人泣然淚下曰。某本滿人。初屬滿洲某將軍。從征吳逆。某將軍以軍降。某恥爲其下。故乘夜潛出。遂流落江湖間。以賣畫爲活。因言當日滿州諸將自尙營貝勒一路外。皆懷二心。有欲舉襄陽以北降者。賴襄制府(毓榮)持之以免。故屯兵岳州城下。八年不戰。諸將皆閉營壘。擁諸婦女逸樂而已。後幸吳逆冥誅。其黨自潰。又聞東西兩路屢奏捷。始不得已進兵。(按東路爲先良親王。西路爲馬文襄公。)及賊平後。諸將皆蒙上賞。而東西兩路。反有以敗亡致罪者。良可慨也。杜亦憤懣。故入都後。屢舉以告人云。

張玉良

庸閒齋筆記云。張璧田軍門玉良。四川人。由行伍從向忠武公自廣西轉戰至金陵。積官至廣西提督。賞穿黃馬褂。短小精悍。驍勇善戰。威名甚著。咸豐庚申。杭城被圍。軍門奉檄來援。至則杭城已失。軍門以三十騎乘城而上。既登。則周靡而呼曰。大軍至矣。賊狼狽奔逃。不費一矢。杭城遂復。于是聲望大振。浙省倚之。有若長城。未幾金陵大營告急。檄之回救。杭人留之。幾乎攀轅臥轍。時余從署布政使麟壯介公到省目睹。將軍瑞公。學政張公。挽留之切。竟至跪求。而軍門以令嚴不敢少止。遂率師去。乃到中途。大營已破。常州蘇州均不能守。仍返于杭。所存親軍僅數百人。巡撫王壯愍公招集潰散。悉軍寔以予之。俾進規嘉興。以固浙江門戶。乃連戰失利。軍械遺棄殆盡。而所將之卒。均是敗兵逃勇。銳氣盡墮。已不能軍。不得已復歸于杭。杭人已自輕之。兼所部不能歛戢。時有騷擾。杭人恨之。譽之至斥之爲通賊。巡撫亦不加以禮遇。任其飄搖江渚。庚癸頻呼無人過問。較之前日跪留之歛密崇重若天壤矣。未幾嚴州被陷。巡撫檄令

往援。軍門率所部五千餘人至蘭溪之大洋鎮扼守。蒐卒簡陣。力圖攻取。時余奉檄佐松百川太守辦理軍米糧台。因時與軍門相見。談次每以兵勇不能用命爲恨。余曰何不重賞罰以激厲之。軍門曰此等屢敗之卒。一言及賊。卽心胆墮地。非獎勸所能振作。因頓足痛恨。何制軍棄常州不肯守。不然同死于彼。豈不光明磊落云云。又言杭人謂我通賊。我以一走卒蒙拔擢官至一品花翎黃馬褂。皆邀異數。就令降賊。安能如此。此時亦不必辨。正當一死報國。明吾心耳。然其勇大卒驕悍。擄掠不可制。營官亦無如之何。商民怨之切齒。嗣後援金華。復敗走。攻嚴州。克而守之。旋又爲賊破。威名沮喪益甚。久之杭州被圍。奉檄回救。駐師江干。餉援俱絕。人無固心。軍門志氣益厲。每日出隊擊賊。出必珊瑚冠。黃馬褂以自表。其時余避居富陽。曾掉小舟往見之。以高敖曹旗蓋爲戒。軍門慨然曰。力竭勢窮。杭城必失。我軍必潰。與其草間求活。孰若先死于行陣之得所哉。會報賊出隊。卽麾衆持矛而去。余知其志在必死。太息而歸。越數日果爲

賊砲攢擊折其左股。昇至營。以軍事屬總兵況文榜而暝。況統其軍。逾月城破。軍潰。況間行至上海。投李爵相軍。爵相用之。擊賊有功。竟以功名終。聞軍門歿。後三四日。夜中士卒忽號。號令出隊殺賊。一軍驚起。開營欲出。忽悟其死。皆大驚痛哭。其義憤之氣。雖死猶生。謚曰忠壯。宜哉。同時將帥援浙有名者。曰江長貴。李定太。周天受。皆不能成功。異時江李署續他省。周則戰死甯國。

陳忠愍公軼事

龜天錄云。趙峯陳忠愍公。以身殉難。大節昭然。人皆仰之。至一身瑣屑事。則蹕有記憶者。瀛上無名氏。有公軼事記。見公之英勇。固異尋常萬萬矣。按公爲江南提督時。愛民禮士。撫循營卒。道光壬寅歲。築砲壘禦敵吳淞口。旋以失利戰亡。部下武進士某。匿其屍。事平成殮。面目如生。此其忠烈之氣。固足以炳靈區塞。宇宙矣。當其守吳淞也。檄鎮將某分駐西砲臺以示固守。其部卒有盜民雞者。民訴諸公。公飭鎮將率所部卒至。將以狗裹求乞免。乃減等以軍棍插箭遊

營以示戒。會謠言敵至。吳淞羽書告警。公與制軍某約海口軍事。一以付余君。但無出寶山縣城一步。併力相擊。寇不濟矣。未幾敵入口。公儘力轟擊。戰將捷矣。制軍乃棄寶山而遁。西砲臺守將。轡前隙。反砲擊公。中項而卒。吁。可惜也。此記與前說稍異。蓋當其死事之日。戎馬倉皇。傳聞異詞。故記之者。疑以傳疑耳。要之皆殉節也。而千古不朽矣。

清
故
元
三
書
卷

清談卷之四

外交談

德宗外交之大度

戈登遺言

洪秀全國書

乾隆間勅英國王諭

尹杏農侍御

愚民不解文告

五口通商軼聞

論和議書

李文忠庚子議和事

滿州失地記(三則)

一一二二二三三四五六七九〇

間島交渉（二則）

清談卷之四

安吳胡懷琛編次

休寧汪翰校閱

外交談

德宗外交之大度

春冰室野乘云。光緒乙未。朝鮮既稱帝號改元。明年遣使來聘。用敵國禮。廷議朝鮮吾舊藩。今夜郎自大如此。不如絕之上曰。我不能有而附於日。日既左右之。立國建元稱帝號矣。固儼然鄰國也。此與東西諸國。甯有少殊乎。我不能拒絕東西諸國之使。奈何獨拒朝使。遂令其覲見而報以國書如常理。上之豁達大度。黜虛文而崇實際類此。戊戌夏。聯日議起。始命黃京卿遵憲爲出使大臣。故事。實缺道員出使。皆以四品京堂候補。黃時官長寶道。獨以三品卿用。蓋重其事也。先期令總署恭撰國書。依故事擬草上。上閱之殊不愜意。因於大日本國皇帝之上。御筆親加同洲同種同文最親愛九字。中間詞意。亦多所改定。書

成命王文勤及張樵野侍郎奉詣日使館。與日使矢野文雄商榷而密詔不令李文忠與知。蓋文忠仇日甚。不願聯日。而忌者又爲蜚語以中之。故上怒遂不解也。未旬日而文忠出總署之命下矣。文雄深漢學觀見頌詞自稱外臣文字略仿春秋辭頗淵雅

戈登遺言

又云。英將戈登。曾立功中國。隸李文忠麾下者十餘年。後歸國死事埃及。吾國士大夫語及戈。以爲不知華爾。然華不過一戰將。戈則具有文武才畧。且其人忠於吾國。功不可沒也。其歸國時。當光緒六年。嘗上書文忠。論外交軍事甚悉。皆瑩瑩大端。使早從其言。何至有後來喪地失權之禍。不幸而戈所深戒者。吾事事莫不蹈之。今距戈去時。甫三十年耳。而每下愈况。遂至此極。戈登有知。應亦自歎其言之不幸而中也。戈所陳十策。爲撮其要如下。

一 中國與外國議約。當在中國開議。按吾國與各國立約。蹈此戒者。實不可勝數。馬關一約。尙不在內。

二與外國議約。須多用文字。少用語言。文書以簡明為貴。或先將其意暗詢別國。因各國互相猜忌。若某款吃虧。必為指出。按此策十年以前猶可用。今則均勢之局已定。協以謀我。雖此策亦無所用矣。

三中國一日不去北京。則一日不可與人開衅。因都城距海口太近。無能阻當。此為孤注險著。按此條予頗不謂然。雖然。旅順威海之不守。戈固先見之矣。

四陸軍無勁旅。則水師無退步。今宜先練陸師。再練水師。
五所購船礮甚為失計。當時若以購船砲之款。盡購新式槍。較為有益。俟陸軍練成勁旅。再購船砲。按此二條。今之任海軍者聽之。

六中國有不能戰而好言戰者。皆當斬。

七應多方幫助華商出洋。徑向製造廠購貨。

八總稅司宜駐上海。專管稅務。不令攬越他事。若與外國公使議事。不宜令

局外之洋人干預。按後來赫德權力之膨漲。孰實使之。袞袞諸公。不惟負國負民。抑且無以對戈登矣。文忠在總署時。不喜與赫德商榷國事。殆猶未忘戈登之戒歟。

九當責成出使大臣。承辦外洋軍火。如與各國公使談論有不諧之處。當令出使大臣在外商辦。按十條中。惟此條無關緊要。

十亟宜設稅務學堂。令華人學習稅關事宜。以備代替外人。薪水宜照外人例優給。按赫德總權政幾六十年。此條竟無人議及。他尙何言哉。今上海黃浦江濱銅像巍峩。西人豈無意識者。要亦沐其賜範此志報云耳。

洪秀全國書

英雄墨寶云。太平天國天王告美國大民主。前上海貴國領事。以貴民主意上書天朝。書達金陵。經東王金眼閱過。跪承朕覽。朕以貴民主遠居東海外。音問不通。翩然來庭。實洽朕意。特遣朕弟仁玕。遠使貴國。朕聞貴國重人民。事皆平

等。以自由爲主。男女交際。無所軒輊。實與我天朝立國相合。朕甚嘉賞。一切交涉事件。可與朕弟仁玕往還。凡貴國人民來天朝者。皆上帝之子。朕必以兄弟相待。以後兩國永久和好。朕有厚望焉。

乾隆間勅英國王諭

國故野獲編云。乾隆五十八年八月。上勅諭英吉利國王。爾國國王遠慕聲教。嚮化維殷。遣使恭賚表貢。航海祝釐。朕鑑爾國王恭順之誠。令大臣帶領使臣等瞻觀錫之筵宴。賚予駢藩。業已頒給勅諭。賜爾國王文綺珍玩。用示懷柔。昨據爾使臣。以爾國貿易之事稟請大臣等轉奏。皆係更張定制。不便准行。向來西洋各國。及爾國夷商。赴天朝貿易者。悉於澳門互市。歷久相沿。已非一日。天朝物產豐盈。無所不有。原不藉外夷貨物以通有無。特因天朝所產茶葉磁器絲斤。爲西洋各國及爾國必需之物。是以加恩體恤。在澳門開設洋行。俾得日用有資。并霑餘潤。今爾國使臣於定例之外。多有陳乞。大乖仰體。天朝加惠遠人。

撫育四夷之道。且天朝統馭萬國。一視同仁。卽在廣東貿易者。亦不僅爾英吉利一國。若俱紛紛效尤。以難行之事。妄行干瀆。豈能曲徇所請。念爾國僻居荒遠。間隔重瀛。於天朝體制。原未諳悉。是以命大臣等向使臣等詳加開導。遺令回國。恐爾使臣等回國後。稟達未能明晰。復將所請各條繕勅。逐一曉諭。想能領悉。

據爾使臣稱。爾國貨船。將來或到浙江甯波珠山及天津廣東地方收泊交易一節。向來西洋各國。前赴天朝地方貿易。俱在澳門。設有洋行。收發各貨。由來已久。爾國亦一律遵行多年。并無異語。其浙江甯波。直隸天津等海口。均未設有洋行。爾國船隻到彼。亦無從銷賣貨物。况該處并無通事。不能諳曉爾國語言。諸多未便。除廣東澳門地方。仍准照舊交易外。所有爾使臣懇請向浙江甯波珠山及直隸天津地方泊船貿易之處。皆不可行。又據爾使臣稱。爾國買賣人。要往天朝京城。另立一行。收貯貨物。發賣。倣照俄

羅斯之例一節斷不可行。京城爲萬方拱極之區。體制森嚴。法令整肅。從無外藩人等在京地開設貨行之事。爾國向在澳門交易。亦因澳門與海口較近。且係各國聚會之處。往來便益。若於京城設行發貨。爾國在京城西北地方。相距遼遠。運送貨物。亦甚不便。從前俄羅斯人在京城設館貿易。因未立恰克圖以前。不過暫行給屋居住。嗣因設立恰克圖以後。俄羅斯在該處交易買賣。卽不准在京城居住。亦已數十年。現在俄羅斯在恰克圖邊界交易。卽與爾國在澳門交易相似。爾國既有澳門洋行。發賣貨物。何必又欲在京城另立一行。天朝疆界嚴明。從不許外藩人等稍有越境攬雜。是爾國欲在京城立行之事。必不可行。

又據爾使臣稱。欲求相近珠江地方小海島一處。商人到彼。卽在該處停歇。以便收存貨物一節。(卽香港)爾國欲在珠江海島地方居住。原爲發賣貨物而起。今珠江地方既無洋行。又無通事。爾國船隻。已不在彼停泊。爾國要此海島。

地方亦屬無用。天朝尺寸俱歸版籍。疆址森然。卽島嶼沙洲亦必畫界分疆。各有專屬。况外夷向化天朝。交易貨物者亦不僅爾。莫吉利一國。若別國紛紛效尤。懇請賞給地方居住買賣之人。豈能各應所求。且天朝亦無此體制。此事尤不便准行。

尹杏農侍御

春冰室野乘云。桃源尹杏農侍御爲咸豐朝直隸。戊午英艦抵天津。舉朝惶攘。無所爲計。侍御獨疏陳戰守機宜。先後八九上樞臣主和議。卒格不行。最後疏上。奉命隨同王大臣會議。鄭親王端華厲聲詰責。侍御抗辯不少諱。由是直聲震天下。而權貴益側目。卒藉科場案去之。

愚民不解文告

庸間齋筆記云。今世遇有條款禁約之事。上官必曰出示曉諭。曰多出示曉諭。于是匿示不張者有罰。出示不遍者有罰。上官以爲立法周密矣。而屬吏之復

于上官者亦不過曰已出示曉諭矣。已多出示曉諭矣。更有格外認真者。曰已勒石曉諭矣。一曉諭而上官之心已盡。屬吏之責亦卸。庸詎知畫蟲之氓。固有一字不識者乎。民不識字。則不特出示無益。卽勒石之示。亦復何益哉。同治丁卯九月。有英國商人載煤夾板船于大洋膠沙觸沉。煤遂浮散海面。南匯海濱之民咸撈獲儲于家。固不見洋船也。但識爲洋煤而已。未幾有洋人挾通事來縣見余。謂南民搶掠其煤。焚燒其船。索賠銀五萬兩。余以其語涉狂誕。拒之去。而密遣人赴海濱察得其情。因思我民斷無賠銀之理。而洋人必不肯已。若不查還其煤。必致肇釁。事聞總理衙門。所傷寔多。則不賠而賠矣。且庸知不飭令賠者焉。不如先事圖之。遂選幹差往沿海各村挨查。又繕手諭數百張。挨村遍貼。剴切曉諭。令將撈存之煤繳向公所。免致拖累云云。語極諄切。又親自赴鄉督查。乃沿海之地延袤百有餘里。一時不能周歷。而英國領事官已照會上海道。札委華洋同知陳君寶渠。暨伊國施繙譯官偕洋商來。並令火輪船駛至海

面巡邏。開砲示威。勢洶洶然。民情震恐。而洋商則仍力持賠銀五萬之說。以相
喝。余大聲疾呼。以理折之。洋商氣稍沮。然總執賠銀之說。惟不言五萬耳。余
曰。若爾以失煤之故。乞我代爲查還。我體兩國交好之情。自然竭力查辦。若言
賠銀。是訛詐矣。訛詐則安有交情。我官可去。爾銀不可得。于是陳君亦以正誼
責之。其繙譯官從而調停之。則須查煤矣。余于次日復偕施繙譯暨洋商到海
濱審視。一片汪洋。無從究詰。相顧無策。余乘其意氣沮之時。因與約。查得煤若干。
即以若干還之。令其先歸聽信。而自向最大之村落名泥城者。集衆諭話。附
近各村之民聚觀者不下數萬人。余先以夷情諭之。又以揜一官保衛百姓之
語告之。更以手諭之意。反覆開導數百言。鄉人多有感動泣下者。云實不知有
此道理。于是均願以所撈之煤送還。余喜問曰。爾等豈不見我手示乎。則萬口
同聲對曰。雖經見示。寔無一人識得字也。余不覺駭然疑。因歷詢保董諸人所
言。如一。余又不禁慨然歎。始悟古人懸書讀法之意。懸書以治識字之人。讀法

以治不識字之人耳。是役也。共收繳煤十八萬斤。皆以舟由內河運還之。匝月竣事。共費錢千緡。悉余捐給。不以累民。民得晏然無事。至次年。余遂于境內鄉鎮設立義學二十所。俾之讀書識字。海濱之人靡然從風。即泥城左近亦自捐置義學二所。不廩于官。從此南邑四郊之內。絃誦之聲相聞矣。

五口通商軼聞

春冰室野乘云。道光末。五口通商之約。穆鶴舫相國一人實專主之。王文恪既薨。祁文端尙力爭。然文端在軍機爲後進。且漢大臣不能決。故穆愈得志。然王祁兩公之忠。宣廟未嘗不深知之。傳聞和局既定。上退朝後。負手行便殿塔上。一日夜未嘗暫息。侍者但聞太息聲。漏下五鼓。上忽頓足長歎。旋入殿。以硃筆草草書一紙。封緘甚固。時宮門未啟。命內侍持往樞廷。戒之曰。俟穆彰阿入直。卽以授之。并囑其母爲祁鬻藻所知。蓋即諭議和諸大臣畫押訂約之廷寄也。自是上遂忽忽不樂。以至棄天下。

蒲城王文恪公鼎道光末以爭和議效史魚尸諫自縊死其遺疏嚴劾穆相彰阿穆大懼令其門下士以千金暗文恪公子仇且以危詞脅之遂取其遺疏去而別易一稿以進人皆知爲涇陽張文毅芾所爲而不知其謀實定於文毅同縣人聶澤之手聶字雨帆以拔貢朝考一等官戶部主事入直軍機處爲穆相所深倚旣得文恪遺疏穆相面許以大魁酬之是時聶已捷京兆試矣及禮部試屈期穆相授以關節且偏囑四總裁十八同考官時同考官有某侍御者晉人也夙倔強生平未嘗趨謁穆相得穆囑陽諾之及入闈聶卷適分某侍御房侍御亟扃諸篋中而固鑄之榜旣定獨不得聶卷主司房考相顧錯愕羣知爲侍御所匿也因議搜遺卷至某侍御房侍御故爲侘傺狀曰吾某夕不謹致一卷爲火所燼榜發後不得不自請議處矣公等所求者得非卽此卷乎衆知無可爲廢然而返聶此歲亦補缺不復應禮部試後聶官至太常少卿穆敗聶亦謝病歸回匪之亂首擾涇陽涇陽爲西北商旅所輻輳繁盛亞漢皋賊故首趨

之。衆謀城守。議廣積芻粟。蓄以官貴爲衆紳領袖。謂賊可旦夕平。城決無久守理。而其家有積粟數千石。可規善價也。乃倡議賊方苦乏食。故所至鈔掠。今積粟城中。是招之使來也。力爭不令一粟得入城。後賊圍城年餘。城中食盡。守禦具一無缺。獨人皆餓仆。莫能乘城。城遂陷。所失以數千萬計。涇陽不守。而西北之元氣盡矣。嗟夫。僉士之爲禍也烈哉。文恪諸子。旣賣其父。後來文恪墓志。撰文者。仍穆彰阿也。於力爭和議事。竟不及一字。文恪其不瞑矣。

論和議書

庸間齋筆記云。四川余紫松軍門步雲。嘉慶初年。以鄉勇從軍。勦白蓮教匪。力敵百夫。所向無前。由偏裨擢至太師。加太子少保銜。圖形紫光閣。征伐之事。無役不從。威名亞于楊侯。道光二十年。西夷事起。定海失陷。軍門由福建調督甯波。年已暮矣。兼之兵將不習。駐守招寶山者二年。和戰之議未決。而蛟門不守。軍門伏失律之誅。雖罪有應得。而其情則可原焉。軍門與家梅亭方伯。在川楚

軍營共事日久。其初來甯波也。致書方伯道契闊。並及議和事。方伯囑余代爲作答。時余年少氣盛。一揮而就。書達侯官林文忠公見之。矜賞甚。因之頗得聲譽。迄今三十餘年。不幸所料之事。多有中者。辛酉金華失守。余詩文藁均付劫灰。駢體文二卷。亦歸烏有。此書乃門生姜梅生編修所錄存者。甲子年寄以還。余茲附存之。

執別三巴歲。星八易鱗羽。並曠烏兔爭馳。瞻望旌麾。時形轘轔。近聞移北門之鑰。視東浙之師。望重寰中。威行海上。想聖人洪福。元老壯猷。揚武烈于青簡。擒蘇文于鴨綠。翹足可待。屈指以期。頃展芝械。式慰蕭念。承示大軍雲集。小醜勢窮。夷目乞降。廷臣議撫。凱旋不日。師撤有期。既循覽之再三。輒有疑於萬一。不能懷遠人之志。威不立不足懾狡寇之心。故六月行師。宣王薄伐。三苗逆命。虞帝徂征。沿及漢唐之朝。率有羌戎之役。古來令主。豈好窮兵。良以蠻夷之情。

性感德少而畏威多。是以中國之聲光遠揚。靈武備修。斯文教洽。今者逆夷事
勢居然。猾虜機謀。明曰通商。陰圖蠻邑。其遊奕四處。卽肆楚之狡謀。其盤踞一
隅。乃齊防之故智。兵寔怯于來戰。故純以砲火作虛聲。情究畏我。久持故壘。致
書函爲疑陣。揆厥伎倆。已見端倪。倘復信其詭詞。必至墮其奸計。未堅心服。益
長天驕。生四夷輕漢之心。恃中國和戎之議。損威失體。貽患將來。糜餉勞師。後
憂方大。就此一節。慮有三端。從來大信不齊。况在夷德無厭。倘或陰圖深入。故
爲陽乞緩師。使臣方持玉節。而臨贊曾。已鑄金枷以待。我將釋甲。寇且張弧。事
起蒼皇。禍成黑子。雖依漢與依天同。誓不少恭命之詞。而受降與受敵無殊。終
恐劫盟之變。此其可慮者一也。人面獸心。非情可喻。蠅營狗苟。惟利是圖。縱令
此日尙可羈縻。難保異時不生反覆。尋覓白馬。諾賣黃龍。俺答貢明朝市。不妨
夕掠。元昊通宋。賤貨可索貴酬。喜則連艘而爲商。怒則分踪而入盜。此其可慮
者二也。揆其入犯之由。寔係禁烟而起。驟通貿易。難立章程。卽嚴命之重申。恐

難違乎。令甲紛紜。估舶乘鯨浪而明來。雜沓漁網。駕櫂帆而暗引。截之。則彼時仍慮興戎。縱之。則前詔豈非反汗。始猶私漏。繼且公行。機失一朝。毒流四海。此其可慮者三也。我國家金虎開圖。銀鑿拓地。德威所被。寰宇胥臣。閣下專閫大員。中朝宿將。假狄天使平南之節。肅馬伏波下瀨之軍。草木亦識威名。婦孺皆知姓氏。掃清螟特。無待鶻蓍。況以邇者情形尤見勝謀。在我。狐跳梁而尚短鼠。門穴以將疲。何必故作趨趣。重煩擬議。請上防邊之策。歷排築室之謀。追原定海之亡。實以重洋之恨。鞭長莫及。湯沃無從。故遂鷗張。得成鳩占。然敗之于崇明。挫之于廈門。殲之于姚江。郤之于乍浦。突豕失勢。錠鹿已窮。迄今餽運時增。師徒日集。諒軍食則彼寡而我多。計兵力則彼薄而我厚。論氣勢則彼驕矜而我忿怒。度器械則彼損疲而我繕完。機若建瓴。事同沃雪。先眺奚慮必克焉。誣擒且勝于渡瀘。功更逾于橫海。犬羊入笠。只用箠笞。魚鱉無橋。何須靴踢。不疑何卜。惟斷乃成。固將却四座以勿喧。決兩言而不再。某受恩深重。衰病不支。際

此位。惱未能。於。効莫上。匡時之策。徒深憂國之心。所望閣下刻玉燕山。銘金鑄
海。葱珩未。歸。賚方叔之元勳。桓豐青。圭。祝。召公之萬壽。在公固多偉績。于某亦
有榮施。事業千秋。起居萬祀。謹承勸。靜無任。主臣。

李文忠庚子議和事

清史。獲野錄云。庚子六月。李文忠奉命入都議和。是月二十一日。自廣州登舟。
裴往送之。他官皆不見。獨以鄉里後進召裴入。時炎熱甚。文忠衣藍繩短衫。著
魯風履。倚一小簾榻坐定。語裴曰。廣州斗大城中。緩急可恃者幾人。爾能任事。
取信於民。此正大可有爲。爲地方弭患。督撫誠不若一州縣也。能遏內亂。何致
召外侮。爾其勉之矣。先是五月十日。總稅務司赫德以電告急。畧言都中事。文
忠卽致電榮祿。力言外釁不可開。參黨不可信。語頗忤榮意。自此京電遂絕。僅
日接項城山東來電。藉知京中消息而已。時則河面洋商。相率赴香港避亂。文
忠亟添一營保護河面。命裴及廣州協往晤各國領事。告以力任保護。赴港者

逡巡復返省。未幾忽聞入都之命。粵中人心。又爲一震。裴因進言曰。內亂爲外侮之媒。東南之安危。視乎上海。上海之安危。則視乎香港。香港之安危。視乎廣州。廣州之安危。則視乎南海之沙面。領事洋商。聚集於此。而匪人日思暴動。以沙面爲發難之基。沙面不保。香港受其牽動。東南大局。不可問矣。某旣爲地方官。自當與共存亡。公過港時。盍將此意。告知港督。同心協力。以保東南危局。文忠曰。我雖離粵督任。然缺尙未開。若有大事。仍當與靜山一力主持。靜山者。巡撫德壽字也。裴曰。公已調補北洋矣。諸領事今晨已得電。皆額手相慶也。文忠忽拈髯自語曰。當今之世。舍我其誰。已而又曰。百足之蟲。死而不僵。京師難作。根本雖已搖動。然慰亭。樞柱。山東。香濤。峴莊。皆有定識。必聯絡保全。不致一蹶不振。以各國兵力論之。京師危急。當在八九月之交。但樞功亭已陣亡。馬宋諸軍零落。牽制必不得力。日本調兵最速。英人助之。恐七八月已不保矣。語至此。潛然淚下曰。內亂如何得止。良久無他語。裴將辭出。文忠止之曰。潮尚未至。且

勿忙。乃自飲牛乳而命以荷蘭水餉客。裴復啟曰。萬一都城不守。公入京當如何辦法。曰。必有三大問題。剽奪匪以示威懲罪魁以洩忿。先以此二者要我。而後注重兵費償欵。此勢所必至也。兵費賠欵之數目多寡。此時尙不能豫料。惟有極力磋磨。展緩年分。尙不知作得到否。我已篤老。尙能活幾年。總之當一日和尚撞一日鐘。鐘不鳴了。和尚亦死了。語次。淚下如綆糜矣。裴亦愴然。遂辭出。文忠當命取影像爲贈。送至艙口。仍執手再三囑曰。地方要緊。裴唯唯登岸。而安平船遂起碇去。德壽故庸駛然不肯自用。始終守文忠訓。不敢妄有更張。故文忠雖去。而粵東卒獲無事。此裴親以語人者。

滿洲失地記三則

雞林舊聞錄云。前清咸豐八年。奕山與俄督巴拉諾夫訂約。始失黑龍江以北。興安嶺及烏得海以南。地在東境一部。訂明烏蘇里河東至於海。其間作爲兩國共管之地。約文含混。誠世界萬國所無。咸豐十年。奕訢與俄使伊格那替葉

夫再定界約。則明言烏蘇里江。琿春河。圖們江以東地割界矣。翌年滿員成琦。遂有照約分立界碑之舉。逮光緒十二年。吳大澂勘界。與俄使喀咱切巴把諾夫。重行商定。即今日之國界是已。計自圖們江左。土字碑起。至白綾河口。喀字碑止。共立九碑。（江口耶字等碑不在內）其土帕倭那啦喀六碑。爲咸豐十一年原有。薩拉瑪三碑。則是次增置者。而土倭那三碑。亦均略有更易。（吳大澂時賦詩。故有一寸河山盡寸心之句。）所勘交界道里。凡分六段。自圖們江下游土字。至長嶺之天文台爲第一段。再至蒙古街之啦字爲二段。再至瑚布圖河口爲三段。再至那字爲四段。再至瑪字爲五段。再至白綾河口之喀字爲六段。每段各爲一圖。又於六段間增立記號二十六處。此東界割棄之大略也。又云俄人侵畧遠東。撫有西比利亞土地。尙在前明之季。（其前爲元成吉斯汗子拔都之後裔。佔有自月馬。攻破庫程汗之都會。瑟畢爾元裔遂衰。瑟畢爾今俄領。拖慕司科也。西比利亞名稱。即瑟畢爾之轉音。）當彼羅馬諾夫皇統

開創之世。今年俄舉皇統創立三百年紀念。今皇尼古拉士第二爲第十八世君主。藉大盜月馬之力。得奏成功。其後俄將喀巴羅甫繼起。又畧地東方。築雅克薩城於江岸。仍未能逾混同江南下。及咸豐四年五月十三日。俄將摩力搖夫猝犯我黑龍江。北海蘭泡。後又橫行而東。擊併旁部。我吉林東邊藩衛。乃織決裂。故閏四年。卽愚弄奕山奕訢。有一誤再誤之約。俄人乃急起直追。遽駐固畢那托爾（俄都督名）。於東海極邊之奇吉（繼遷廟爾。三遷伯力。已在光緒十年）。便令摩力搖夫充任。畀以顯爵。大概我黑龍混同兩江以北地。喪自喀巴羅夫之手。烏蘇里江以東地。則被攫於摩力搖夫。現在俄人卽名伯力曰喀巴羅夫。並鑄像於伯力江岸。一手持地圖一束。一手指江流。所以銘其攘我江左之功也。又從前松黑烏三江。俄以兵艦三十四艘。編成遠東獨立艦隊。內有一艘。卽名摩力搖夫。最精堅。歲修並有特別費。至今未替。則以表摩力搖夫吞併吾吉林東土之烈也。此東界被侵之原始也。

又云。前清光緒十二年。清廷派吳大澂以勘界名義來吉。因咸豐九年十年兩次與俄結割地之約。將烏蘇里江以東盡畀俄人。俄又任意侵入。吳蒞東後。勉強爭持於圖們江下游黑頂子南。建土字界碑。爲南境分界之起點。因仿伏波故事。建銅柱而刻銘其上曰。疆域有志。國有維。此柱可立不可移。今已爲俄人遷入伯力。(俄名喀巴羅夫)博物院作陳列品矣。

間島交涉二則

又云。日俄戰事將終。有日人龜井版本等私製地圖。潛將我界延吉地方之牛心山脈。海蘭河以南悉繪入韓界。同時派測繪者至千人。專測此一帶土地。日政府月費十萬金。僑裝密偵之武員有三十三人。而此事之主動發難人齋藤中將亦在內。蓄謀之深遠。蓋非伊旦夕。光緒三十三年七月十一日。日政府忽有照會致清政府云。間島容爲清國抑韓國之領土。今統監府。(時日本駐統監於韓都漢城。由依藤博文充任)派齋藤中將來間島保護韓人。時清廷初

不知間島繫何解釋。而此項無中生有之大交涉已破空而起。且是照會甫來。而日本所謂保護之兵已北遼圖門江進逼。雙方齊舉。令人錯愕。

又云中韓在光緒二十九年之爭議。韓指假江爲間島。原不過叢爾土壤爲租借墾種之關繫。至中日交涉起。日人乃廓而大之。其說曰豆滿江。（豆滿卽圖們。以中韓語音之訛。強歧而爲二。日本至是。遂亦襲其舊說。）各地異名。左側支流向西逆溯。中國人謂之佈爾哈通河。西南分歧。名駭浪河。上游又有南出支流。韓人稱爲土門江。在豆滿土門間。區域爲間島。（意殆以海蘭河南圖們江北今和龍縣境。消納於間島範圍。海蘭卽彼所稱駭浪也。）已又誕而出之。其說曰間島卽女真。距豆滿江千里之夾皮溝。亦其區域。中有韓氏之小獨立國。沿輝發河達松花江南岸島之面積。大比日本之九州。（意殆將以吉省東南路。今樺甸濛江磐石。并延吉各屬。悉納入間島之範圍。夾皮溝。韓氏事蹟見後。）是說已愈辯而愈妄。其計乃在弄假而成眞。由是兩國文書爭執。變幻譎

張及前清宣統元年七月始將其前後謬說一齊駁斥乃緩解決幸得邊隅無缺隣謀未逞顧當事磋摩幾及五載亦吾國外交之要史也（時督辦邊務之陳昭常吳祿貞俱明達有爲圖們江爲中韓國界江左舊屬中國之鐵證采之檔案旁搜韓史并及日本與俄國之朝野記載至有三十一種抵隙導竅令無辯難之餘地方能就範）奈清廷畏葸失敗卒許開六道溝百草溝龍井村和龍峪四商埠訂合辦吉長鐵路之約當事雖力爭已無及矣清初以後朝鮮貢道出奉天（由韓新義州過江至鳳凰城中國乃伴送之入貢）中韓互市於鴨綠江之中江台（九連城東江中洲渚）若吉林省圖們江左岸固自來采斷寨主義者其奈韓境人稠土瘠一遼江流北入我界便沃壤膏原天然寶庫（今延吉和龍汪清等屬正當長白山之東以金礦爲最富有石建坪等綾金產地有黑頂子琿春河等砂金產地開采期始自同治間而延吉正西約百里天寶山銀礦發見在光緒初尤稱寶藏餘如鐵鑛煤鑛蘿蔔俱厚加以森林蔚蔚

獵業斯興。河流縱橫。漁業兼適。皆農業之副。產地富饒。爲吉省冠。故清廷以韓民越墾。屢下嚴令刷還。今弛輒又侵入。光緒初。法禁稍懈。至者遂多。已而吳大澂勘邊至此。曾有一例。薙髮入籍。編甲升科之請。韓王尼之未果。十一年俄人有與朝鮮陸路通商之意。當事欲安撫之。所以與韓改訂通商章程。一面有越墾局之設。舊令悉除。韓民屬集。越五年准領照升科。(十六年)旋改設撫墾局。初韓人蹤迹限於海蘭河南。(今和龍縣屬)其後華民傭雇爲佃。租給開耕。蔓延益遠。及光緒三十年。中日間島交涉起。韓民已幾徧延吉。墾民已達五萬餘戶。

按光緒十一年。中韓勘界。爭執原因。卽惟越墾韓人故。因我界韓僑既多。懼我一旦逐去。韓王故藉界議延宕。冀保其民人生計也。中日間島之交涉。亦惟越墾韓人之故。因日將滅韓。韓人即其有人斯有土。遂從而生心。覬覦吾土地也。今日邊務已經解決。國界依然。然而韓人於延寧和汪四屬。舉族來

遷人數已逾四十萬。勻計戶口。韓人將過半數。其間桀黠者多。一進會中人領荒租地。詭托混冒。吾深懼。一進會爲犬。而日人嗾之一。一進會爲傀儡。而日人牽其繩索而動也。則延邊卽朝鮮之覆轍也。履霜堅冰。亦曰殆哉。

清談卷之五

權貴談

年大將軍先兆

和珅後裔

和珅查抄單

明珠家累世富厚

蘇昌

權貴之淫虐

張汝祥行刺案

白石獅

明太傅珠遺事

郭華野遺事

四三三二二一一一

和珅食珠

馬太傅

嘉慶待和珅

和珅善謔

和珅供詞

管韜山待御之直節

索家奴

苗氏婦

記和珅軼事四則

道光時南河官吏之侈汰

穆相權勢之重

野虎入年羹堯家

張汝祥案異聞

十三十三十二十一十九九八五五五四四

清談卷之五

安吳胡懷琛編次

權貴談

休寧汪 輓校閱

年大將軍先兆

嘯亭雜錄云。年大將軍賜第在宣武門內右隅。其額書曰。邦家之光。及年驕汰日甚。有識之士過其第。哂曰。可改書敗家之先。蓋以字形相似也。未逾時年。果償事。

和相後裔

嘯亭雜錄云。和致齋（坤）當權時。赫奕一時。其賜死後。門楣衰替。其子豐紳殷德。號天爵。善小詩。俊逸可喜。尚和孝公主。初賜貝子品級。因父獲罪。降散秩大臣。中年慕道。與方士輩講養生術。余每嬉侮之。卒以是致喘疾。號數旬死。年未交不惑也。相公弟制府（和琳）有子名豐紳伊綿。號存谷。初襲宣勇公。嗣降襲

其祖廢一等輕車都尉。善堪輿。貴家爭延致之。間有踰者。以抑鬱故。飲隔酒。近婦人。卒以勞瘵終。去其弟沒未數年也。惟餘一幼子。年甫四齡云。

和珅查抄單

庸間齋筆記云。嘉慶三年。先大夫在京邸。見相國和珅家查抄。嘗告余等。以爲私家之富。較前明嚴氏天水冰山錄。有過之無不及也。近於陸定樞寓滬瑣記內。見其籍沒單一紙。可謂洋洋大觀矣。用特錄其金銀之數。以作貪夫之鑒焉。
銀號十處。本銀（六十萬兩）當鋪七處。本銀（十八萬兩）赤金（四萬八千兩）
元寶銀（五萬五千六百个）鏡棵銀（五千三百八十萬个）蘇棵銀（三百十
五萬个）番銀（五萬八千圓）制錢（二千五十萬串）

明珠家累世富厚

嘯亭雜錄云。癸酉之變。有侍衛那倫者。納蘭太傅明珠後也。少時家巨富。凡滌面銀器。日易其一。晚年貧窶。一冠數年。人多笑之。是日應值太和門。聞警趨入。

遂被害。

又云納蘭侍衛寧秀爲太傅明珠曾孫。生時有蛇數十莖。羅羅頤下。年弱冠。顏貌蒼老。宛如四五十人。未三十卽下世。其家因之日替。

蘇昌

曠亭雜錄云。蘇昌滿洲人。以繙譯進身。累任浙閩兩粵總督。其材具庸下。爲僚屬所揶揄。坐擁苞苴。初無善政。其子富綱。爲滇督幾二十年。其貪婪倍於其父。目不識丁。凡有文稿。皆倩吏胥講釋。合省傳爲笑柄。後卒以貪婪正法。人皆快之。然蘇昌督粵時。其屬縣有巨室橫斃人母。反誣其子毆死者。其案久具勾決。木已下。昌疑其冤。復親鞫之。得其實。乃上疏自効。純皇帝獎諭之。因將縣令抵法。亦當時督撫之罕能者。秉節鍼者。宜法效焉。

權貴之淫虐

又云。雍正中。某宗室家。有西洋椅。於街衢間覩有少艾。卽擄歸坐其椅上。任意

宣淫。其人不能動轉也。又有某公爵。淫其家婢不從。以雞卵塞其陰戶致死。乾陵中。某騎馬家巨富。嘗淫其婢不從。命裸置雪中僵死。其家撻死女婢無算。皆自墮穴棄屍出。其父母莫敢詰也。後卒以勞瘵死。

張文祥行刺案

庸間齋筆記云。同治庚午秋七月。兩江總督馬端敏公（新貽）於督署內教場閱兵訖。事還。行至西夾道。爲賊所刺。賊亦當時就獲。公傷重不能言。頃刻遂卒。事聞。中外驚駭。天子震怒。悼惜賜謚。並命入祀賢良祠。安徽浙江等省經公所蒞治者。感念恩德。咸爲公建立專祠。奏奉諭旨。生榮死哀。近年督撫所未有也。賊張文祥。河南人。奸狡凶惡。各官嚴刑訊問。無一寔供。上命刑部尙書鄭公帶同司員來江審辦。僅據供係浙江海盜餘孽。前來復仇。他無一言。遂擬以凌遲完案。所寄者伊。自供出妻女所在。毫不隱諱。提到妻女嚴鞫。亦無一供詞。余戚錢慎庵太守。時署江甯府事。慎庵受公知甚深。極欲究出寔情。爲公雪恨。乃殫

精極思研訊兩月之久。卒不得要領。發憤臥疾者累日。此案慎庵爲余詳細言之。故知外間之謠傳均不足據。尤奇者。是月有湖州人費君。以畫師流寓在上海。患瘧疾甚劇。公被刺三日。上海卽得信而未知賊主名。其同鄉沈姓爲布捐局司事者。往告之。費瞿然曰。賊必張文祥也。沈驚問故。費曰。數日前瘧作。昏憤之際。忽見一隸手牌票上書張文祥刺殺馬總督一案。係一百二十年前之事。今當完案。在案人証合行拘提云云。共計一百五十餘人。首名卽馬總督。而我之名亦在內。方擬細視。忽妻持藥至。隸遂不見。彼時自思與總督無一面之識。何以連及。殆噩夢耳。今乃有是事。我其死乎。閱數日。知賊名果爲張文祥。費亦旋卒。次年余攝上海縣事。訪之布捐局而信。噫。此夙冤耶。與前明張差挺擊本朝嘉慶時之成得行刺。同爲千古疑案矣。

此案薛君曲阿所好。不足爲訓。引證鬼神。猶涉不經。果該司事先得主名。當事者安得不窮究。此更足證其偏翰記。

白石獅

龜臘云。粵東既定。建平南靖南二王府。東西相望。備極雄麗。而靖藩性尤汰侈。謂門前兩獅必用白石琢成。而石以星巖者爲良。乃飛檄肇慶行高要縣取之。時浙中楊自西雍建爲邑令。承命開鑿。督促頻繁。斧斤丁丁。晝夜不得暫息。僅獲胚石二具。駕以艤船。行至峽口。舟不勝載。與石俱沈。復命更取。其督愈亟。藩官日喧詣於堂。令唯俯首隱忍而已。未幾雍建內擢兵垣。疏言粵東不堪兩王一條。其累民之弊二十餘事。因遷耿於閩。今其府已改將軍第。而獅狹列峙於門者。猶是楊公經營之石也。

明太傅遺事

春冰室野乘云。納蘭太傅明珠爲康熙時權相。卒以賄罷。而生平馭下極嚴。以故當政柄十餘年。而門客家奴無敢爲城狐社鼠之行者。其智計亦足多也。太傅既貴。乃廣置田產。分命諸奴僕主之。厚加賞賚。使人人充足。而嚴禁其干預。

外事立主家長一人。綜理家務。諸奴有不法者。許主家長立斃杖下。卽幸免而被逐亦無他人敢容留者。曰伊於明府尙不能存。况他處乎。故其下愛而畏之。莫敢不奉法者。太傅雖能黜。而後嗣奕世富豪。爲滿洲世家冠。至裔孫成安。忤和相坐法斬沒。其所庋珍玩。有天府所無者。或有以此事證紅樓夢一書。爲演太傅家事者。則誤矣。蓋成安籍歿時。距太傅執政已及百年。其時代迥不合也。

郭華野遺事

又云郭華野總憲琇。康熙中由江南縣令行取御史。其劾明太傅珠一疏。至今爲人傳誦。聞其上疏時。適直太傅誕日。賀客滿堂。郭公旣遞封事出朝。卽命駕之太傅宅求見。蓋自行取入都。未嘗一履時宰門。太傅聞其來。則大喜。不啻王毛仲之得宋璟也。急延之入。衆愕然。胥謂此老嫗強。何忽貶節若此。郭公入長揖不拜。而數引其袖。若有所陳。太傅益喜。曰侍御亦有詩章相藻飾乎。公正色曰。非也。彈章耳。因出疏草以進。太傅受讀未畢。公徐徐長揖曰。郭琇無禮。應罰。

自飲一巨觥。趨而出。有頃太傅聽勘之旨下矣。嗟夫。使華野生於今日。亦不過追隨二霖。〔謂趙炳霖江春霖耳。〕一霖光緒季年參親貴得名。故云。後欵段出都門耳。太傅雖以好貨聞。然其優禮士大夫。又豈令人之所及耶。

和珅食珠

焦循憶書云。吳縣石遠梅。以販珠爲業。一小匣。錦囊繡裹。以赤金作丸。破之。則大珠在焉。重者一粒價二十萬。輕者或一萬。至輕者亦八千。爭買之。唯恐不得。余嘗以問遠梅。遠梅曰。所以獻相中堂也。中堂每日清晨。以珠作食。服此珠。則心竅靈明。過目即記。一日之內。諸務紛沓。其智中了然不忘。珠之力也。珠之舊者。與已穿孔者不中用。故海上採珠之人。不憚風濤。今日之貨。無如此物之奇也。遠梅有一珠塔。高尺許。以珠結成。其頂上天生一珠。成葫蘆形。適和敗無有。買此者。今不知所在。

馬太傅

嘯亭雜錄云。馬太傅（齊）富察氏爲文忠公之伯。歷仕兩朝。居相位者幾三十年。時明索既敗。後公同其弟太尉公（武）權重一時。時謠云。二馬吃盡天下草。云公不甚識字。延西賓課子弟學。其師不時至。太傅告僚屬曰。所雇先生終不愜人意。他日當買一先生。定當差勝此也。時人傳爲笑談。

嘉慶待和珅

嘯亭雜錄云。丙辰元日。上旣受禪。和珅以擁戴自居。出入意頗狂傲。上待之甚厚。遇有奏純廟者。託其代言。左右有非之者。上曰。朕方倚相公理四海。事汝等何可輕也。珅又薦其師吳櫻堂（省南）與上錄詩草。覩其動靜。上知其意。吟咏中。毫不露圭角。故珅心安之。及純廟崩後。王黃門（念孫）廣侍御（璽）等。先後劾之上。立命儀成二王傳旨逮珅。並命勇士阿蘭保監以行。珅毫無所能爲。控制上。相如縛庸奴。眞非常之妙策。恭讀味餘書室稿中。唐代宗諭有云。代宗雖爲太子。亦如燕巢于幕。其不爲輔國所譖者幾希。及帝卽位。若苟正輔國之罪。

肆誅市朝。一武夫力耳。乃捨此不爲。以天子之尊。行盜賊之計。可愧甚矣。乃知睿謀久定于中矣。

和相善謔

又云。和相雖位極人臣。然殊乏大臣體度。好言市井謔語。以爲嬉笑。嘗於乾清宮演禮。諸王大臣多有俊雅者。和相笑曰。今日如孫武子教演女兒兵矣。又安南貢金座獅象。空其底者。和諺曰。惜其中空虛。不然可多得黃金無算也。爲夷官所姍笑。其器量淺隘若此。嘗閱聞兒後錄。載章子厚好爲市衢談。以取媚於神宗之語。可見今古權奸如出一轍。

和珅供詞

春冰室野乘云。宣統庚戌秋。北游京師。從友人某樞密處。獲覩嘉慶初故相和珅供詞。用奏摺書。酒是進呈舊物。惜僅存四紙。不過全案中千百之一。其訊與供亦多不相應。蓋又非一日事矣。錄而存之。以見當時獄事之梗槩。

一紙係奉旨詰問事件。凡兩條。

一問和珅。現在查抄你家產。所蓋楠木房屋。僭侈踰制。並有多寶閣。及隔段樣式。皆仿照壽宮安設。如此僭妄不法。是何居心。

一問和珅。昨將抄出你所藏珠寶進呈。珍珠手串有二百餘串之多。大內所貯珠串。尙祇六十餘串。你家轉多至兩三倍。並有大珠一顆。較之御用冠項蒼龍敎子大珠更大。又真寶石頂十餘個。並非你應戴之物。何以收貯如許之多。而整塊大寶石。尤不計其數。且有極大。爲內府所無者。豈不是你貪贓証據麼。

一紙係和珅供詞。凡三條。

奴才城內原不該有楠木房子。多寶閣及隔段式樣。是奴才打發太監胡什圖。到甯壽宮看的式樣。仿照蓋造的。至楠木都是奴才自己買的。玻璃柱子內陳設。都是有的。總是奴才糊塗。該死。

又珍珠手串。有福康安海蘭察李侍堯給的珠帽頂一個。也是海蘭察給的。此外珍珠手串原有二百餘串之多。其饋送之人一時記不清楚。寶石項子奴才將小些的給了豐紳殷德幾個。（豐紳殷德爲和珅子卽尙和孝公主者）其大些的有福康安給的至大珠項是奴才用四千餘兩銀子給佛甯額爾登布代買的。亦有福康安海蘭察給的鑲珠帶頭是穆謐額給的藍寶石帶頭係富綺給的。

又家中銀子有吏部郎中和精額於奴才女人死時送過五百兩。此外賓著伊齡阿都送過不記數目。其餘送銀的人甚多。自數百兩至千餘兩不等。實在一時不能記憶。再肅親王永錫襲爵時彼時繩住原有承重孫永錫係繩住之姪恐不能襲王曾給過奴才前門外鋪面房兩所。彼時外間不平之人紛紛議論此事奴才也知道。以上俱是有的一紙亦係供詞而問詞已失之凡十四條。

大行太上皇帝龍馭賓天。安置壽皇殿。是奴才年輕不懂事。未能想到從前聖祖升遐時。壽皇殿未曾供奉御容。現在殿內已供御容。自然不應在此安置。這是奴才糊塗該死。

又六十年九月初二日。太上皇帝冊封皇太子的時節。奴才先遞如意。洩漏旨意。亦是有的。

又太上皇帝病重時。奴才將宮中秘事向外廷人員敘說。談笑自若。也是有的。

又太上皇帝所批諭旨。奴才因字跡不甚認識。將摺尾裁下。另擬進呈。也是有的。

又因出宮女子愛其貌美。納取作妾。也是有的。

又去年正月十四日。太上皇帝召見時。奴才因一時急迫。騎馬進左門。至壽山口。誠如聖諭。無父無君。莫此爲甚。奴才罪該萬死。

又奴才家資金銀房產現奉查抄可以查得來的至銀子約有數十萬一

時記不清數目實無千兩一定的元寶亦無筆一枝墨一匣的暗號。

又蒙古王公原奉諭旨是未出痘的不叫來京奴才無論已未出痘都不叫來未能仰體皇上聖意太上皇帝六十年來撫綏外藩深仁厚澤外藩蒙古原該來的總是奴才糊塗該死。

又因腰痛有時坐了椅轎擡入大內是有的又坐了大轎擡入神武門也是有的。

又軍報到時遲延不卽呈遞也是有的。

又蘇凌阿年逾八旬兩耳重聽數年之間由倉場侍郎用至大學士兼理刑部尚書伊係和琳兒女姻親這是奴才糊塗（琳坤弟也）

又鐵保是阿桂保的不與奴才相干至伊犁將軍保甯升授協辦大學士時奴才因係邊疆重地是以奏明不叫來京朱珪前在兩廣總督任內因

魁倫參奏洋盜案內奉降旨調奴才實不敢阻抑。

又前年管理刑部時奉勅旨仍管戶部原叫管理戶部緊要大事後來奴才一人把持實在糊塗該死至福長安求補山東司書吏奴才實不記得又胡季堂放外任實係出自太上皇帝的旨意至奴才管理刑部於秋審情實緩決每案都有批語至九卿上班時奴才在圍上並未上班

又吳省蘭李濱李光雲都係奴才家的師傅奴才還有何辨呢至吳省蘭聲名狼藉奴才實不知道只求問他就是了

又天津運同武鴻原係卓異交軍機處記名奴才因伊係捐納出身不行開列也是有的

又清單一紙開列正珠小朝珠三十二盤正珠念珠十七盤正珠手串七串紅寶石四百五十六塊共重二百二十七兩七分七釐藍寶石一百十三塊共重九十六兩四錢六分八釐金定金葉二兩平共

重一萬六千八百八十二兩。金銀庫所貯六千餘兩。

按此單與世傳籍沒清單多寡迥殊。當是初供未肯吐實。惟正珠朝珠一事。傳抄本無之。

管韞山侍御之直節

又云管侍御以制藝雄一代。其韞山堂稿百年以來。幾於家絃戶誦。士束髮受書。無不知有管韞山者。而其氣節事功。轉爲文名所掩。士之立身植學。以蘄傳於後世者。其亦有幸有不幸哉。初侍御數躡秋闈。中年始通籍。授戶部主事。旋入直軍機處。以才行受知阿文成。時和相已爲軍機大臣。赫奕冠一時。侍御時時持正論。折其牙角。和恨之甚。欲中以危法者屢矣。賴文成始終保全之。和於同列諸臣。俱視之蔑如。獨畏文成。故無如侍御何。侍御既傳補御史。文成慮其以言賈禍。乃面奏軍機章京。唯管世銘一人。諳練故事。下筆敏捷。世銘去。繼之者無人。請以御史仍留軍機處行走。故事。軍機傳補御史。卽退出直廬。若留則

不得上疏奏事也。侍御未引見時。已艸疏數千言。備論和之奸狀。引見歸。急繕摺。將於次日上之。而仍留軍機處之命已下矣。侍御大失望。泊入直。謁文成。猶侘傺不平。文成慰之曰。報稱有日。胡必亟亟以言自顯乎。且和相方得君。豈一疏所能仆。徒以取禍而已。於國事無補也。留有用之身。圖異日之報稱。不亦可乎。侍御惑其言。乃稍稍自悔。及文成薨。侍御亦旋下世。去和敗時僅數月耳。

侍御龜山堂詩。宗法杜蘇。不隨俗靡。方袁隨園之執牛耳於東南也。天下之士從之如市。侍御獨不肯附和。嘗賦詩以見志。曰。耆舊風流屬此翁。一時月日擅江東。寸心自與康成異。不肯輕身事馬融。可謂婉而嚴矣。

索家奴

嘯亭雜錄云。索相當權時。性貪穠。一時下屬多以賄進。然多謀略。三逆叛時。公料理軍書。調度將帥。皆中肯要。吳逆患之。乃密遣刺客刺之。公正秉燭治軍書。見一脩髯偉貌者立其傍。問曰。汝得非吳王刺客乎。客長跪頽首。公曰。然則取

吾頭。客曰。若果害公。早取公首領去。不待公命也。吾至良久。見公批示軍機。咸如身至其地。料理軍書。竟夕不寐。誠良相也。某雖愚豈敢刺賢。相因反接請死。公笑揮之去。次日乃投公邸中執奴僕役甚恭。公驅使無不如意。後公下獄。客潛入獄饋飲食。及公伏法。客料理喪殮事畢。痛哭而去。不知所終。按公此事可比張魏公。然張以忠貞立朝。名播後世。公乃苞苴不禁。致干國紀。反有負於客所望矣。

苗氏婦

又云。乾隆戊午春。和相妻死。發殯於朝陽門外。一時王公大臣。無不往送。余亦從衆而行。比至車馬壅阻。因飯於農家。逆旅苗姓。有老婦云。觀君容止。必非不智者。今和相驕溢已極。禍不旋踵。奈何趨此勢利之途。以自傷其品也。余赧顏以退。不踰年。和相果敗。卒應其婦之言。嗟夫。當和相擅權時。一時貴位。無不仰其鼻息。視之如泰山之安。初欲終身以賴之者。乃其智反不若一村婦識也。

紀和珅遺事四則

春冰室野乘云。高宗純皇帝之訓政也。一日早朝已罷。單傳和珅入見。珅至。則上皇南面坐。仁宗西向坐一小杌。(每日召見臣工皆如此)。珅跪良久。上皇閉目若熟寐然。口中喃喃有所語。上極力諦聽。終不能解一字。久之忽啓目曰。其人何姓名。珅應聲對曰。高天德。苟文明。上皇復閉目誦不輟。移時始麾之出。不更問訊一語。上大駭愕。他日密召珅問曰。汝前日召對。上皇作何語。汝所對六字。又作何解。珅對曰。上皇所誦者。西域秘密呪也。誦此呪則所惡之人。雖在數千里外。亦當無疾而死。或有奇禍。奴才聞上皇持此呪。知所欲呪者必爲敵匪悍酋。故竟以此二人名對也。上聞之益駭。知珅亦嫾此術。故上皇賓天後。數日卽誅珅。

珅伏誅時。諭旨謂其私取大內寶物。此實錄也。孫文靖士毅歸自越南。待漏宮門外。與珅相直。珅問曰。公所持何物。文靖曰。一鼻煙壺耳。索視之。則明珠一粒。

大如雀卵雕成者也。坤贊不絕口曰。以此相惠可乎。文靖大窘曰。昨已奏聞矣。少選即當呈進。奈何。坤微哂曰。相戲耳。公何見小如是。閱數日復相遇直廬。和語文靖。昨亦得一珠壺。不知視公所進奉者若何。持示文靖。即前日物也。文靖方謂上賜。徐察之。並無其事。乃知坤出入禁庭。遇所喜之物。逕擋之以出。不復關白也。其權勢之恣橫如此。

宮中某處陳設有碧玉盤。徑尺許。上所最愛。一日爲七阿哥所碎。大懼。其弟成親王曰。盍謀諸。和相必有所以策之。於是同詣坤述其事。坤故爲難色。曰此物豈人間所有。吾其奈之何。七阿哥益懼。失聲哭。成邸知坤意所在。因招至僻處。與耳語良久。坤乃許之。謂七阿哥曰。姑歸而謀之。成否未可知。明日當於某處相見也。及期往。坤已先在。出一盤相示。色澤尙在。所碎者上。而徑乃至尺五寸。許成邸兄弟感謝。坤不置。乃知四方進御之物。上者悉入坤第。次者始入宮也。偶讀焦里堂憶書。有宰相食珠一則。最爲異聞。亟據錄之。吳縣有石遠梅者。以

販珠爲業。恒衷一小籠。錦囊緼裹。赤金爲丸。破之則大珠藏焉。重者一粒直二萬金。次者直萬金。最輕者猶直八千金。士大夫爭購之。惟恐不得。間所用。則曰所以獻和中堂者也。中堂每日晨起。以珠作食。服珠後。則心竅透明。過目即記。一日之內。諸務紛沓。胸中了了。不少遺忘。珠之舊者。與已穿孔者。服之皆無效。故海上采珠之人。不憚風濤。今日百貨。無如此物之奇昂者也。按周官有供王食玉之說。今乃有供宰相食珠者。眞異聞矣。西人所撰金塔剖尸記小說。載埃及女王格魯巴堅。錦帆張燕時。用酒化一珠而服之人。已驚爲窮奢極汰。今和珅乃以此爲常服之藥餌。其汰不又在格魯巴堅上萬萬耶。

道光時南河官吏之侈汰

又云。銅瓦廠河決以前。治河有兩總督。北督駐濟甯。南督駐清江浦。北河事簡費絀。繁劇迴遜南河。方道光中葉。天下無事。物力豐厚。南河歲脩經費。每年五六百萬金。然實用之工程者。不及十分之一。其餘悉以供官吏之揮霍。一時飲

食衣服。車馬玩好。莫不鬥奇逞巧。其奢汰有帝王所不及者。河防如是。普通吏治。益可想見。宜乎大亂之成。痛毒遂遍於海內也。某河帥嘗宴客。進豚肉一盤。衆賓無不歎賞。但覺其精美迥非凡品而已。宴罷。一客起入廁。見死豚數十。枕藉院中。驚詢其故。乃知頃所食之一盤。即此數十豚背肉集腋而成者也。其法。閉豚於室。屠者數人。各持一竿。追而秩之。豚負痛必叫號奔走。走愈亟。撻愈甚。待其力竭而斃。亟剗割背肉一瓣。復及他豚。計死五十餘豚。始足供一席之用。蓋豚背受挾。以全力護痛。則全體精華。皆萃於背脊一處。甘腴無比。而餘肉則皆腥惡失味。不堪復充烹飪。盡委而棄之矣。客聞之不覺慘然。宰夫夷然笑曰。窮措大眼光。何小至是。吾執爨甫兩月。已手剗數千豕矣。此區區者。曾何足顧問耶。其烹鵝掌之法。用鐵籠籠鵝于地。而熾炭其下。旁置醯醬之屬。有頃。地熱。鵝環走不勝痛。輒飲醯醬自救。及其死。則全身脂膏。萃於兩掌。厚可數寸。而餘肉悉不堪食矣。有食駝峰者。選壯健橐駔。縛之於柱。以沸湯澆其背。立死。菁華皆

在一峰而全驅可乘。一席所需恒駢三四驅。又有吸猴腦之法。尤爲慘酷。選俊
猴。被之錦衣。穴方桌爲圓孔。納猴首孔中。挂之以木。使不能進退。乃以刀剃其
毛。刮其皮。猴不勝痛楚。叫號聲極哀。然後以沸湯灌其項。用鐵椎擊破顱骨。諸
客各以銀勺入猴首中。探其腦吸之。每客所吸。不過三二勺而已。此不過略舉
一二。其他珍怪之品。莫不稱是。甚至食一豆腐。而製法至有數十種之多。且須
於數月前購集材料。選派工人。統計所需。非數百金。不能贅嘗其一箸也。食品
既繁。一席之宴。恒歷三晝夜。不能畢。故河工燕客。往往酒闌人倦。各自引去。從
未有終席者。各廳署自元旦訖除夕。非國忌無日不演劇。每署幕客數十百人。
游客或困頓無聊。乞得上官一刺。以投廳汎各署。無不立即延請。有賓主數年。
曾未一謀面者。幕友終歲無事。事主人夏饋冰金。冬饋炭金。佳節饋節敬。逾旬
月必饋燕席。幕中人爲樗捕戲者。得赴帳房支費。皆有常例。防江緊急時。有一
人得派赴工次三五日者。同人爭羨。以爲至榮。其歸也。主人必有酬勞。百金至

數百金不等。其久駐工次。與署中有執事之幕客。沾潤尤肥。非主人所親厚者。不能得也。新翰林携朝貴一紙書謁河帥。河帥爲之登高一呼。萬金可咄嗟致。舉人拔貢。携京員一紙書謁庫道者。千金可立致也。驕奢淫泆。一至于此。此眞有史以來所未聞者。釀成大刦。不亦宜乎。

穆相權勢之重

又云。順德羅椒生尙書。(惇衍)涇陽張文毅公。(芾)雲南何根雲制府。(桂清)三人同年登第。入翰林。年皆未弱冠。且同出湯海秋農部房。海秋爲之狂喜。賦三少年行者也。時道光末造。穆鶴舫相國彰阿執政。炙手可熱。張何兩公皆附之。獨椒生尙書絕不與通。散館後。初考試差。三人皆得差。命既下。尙書往謁潘文恭。文恭問見穆中堂否。曰未也。文恭駭然曰。子未見穆相。先來見我。殆矣。尙書少年氣盛。不信其說。亦竟不往。次日忽傳旨。羅惇衍年紀太輕。未可勝衡。文之任。著母庸前往。另派某去。人皆知穆所爲也。其權力回天如此。國朝已故差

而收回成命者尙書一人而已。實則張何之年皆小于羅也。（考是年登科錄羅十九張十八何十七）

野虎入年羹堯家

永憲錄云。虎由西便門進正陽門西江米巷入年羹堯家。咬傷數人。九門提督率侍衛鎗斃之上降旨朕將年羹堯解京。本欲仍加寬宥。今伊家忽然出虎。眞乃天意當誅。相傳羹堯生時有白虎之兆。今野虎由郊外入其家。而無一人見之。亦非偶然矣。

張汝祥案異聞

春冰室野乘云。張汝祥刺殺馬新貽一案。當時間官含糊了事。以故事後異論蠭起。大抵皆謂馬新貽漁色負友。張汝祥爲友復仇。近人且以其事演成新劇。幾於鐵案不可移矣。然以蒙所聞。則有大異者。張初在髮逆軍中。爲李侍賢裨將。金陵既下。侍賢南竄閩廣。數爲官軍所敗。汝祥知其必亡。陰懷反正之志。會

有山東人徐姓者。仕爲武職。被賊掠去。適與汝祥同營。二人遂深相結納。謀同逃。誓富貴無相忘。未幾竟得脫。時馬已官浙撫矣。徐與同鄉故相識。遂留其幕下爲材官。而張則展轉至甯波。開小押當自給。一日張至杭訪徐。徐留與飲酒。酣。徐忽慨然曰。竊鉤者誅。竊國者侯。古人信不吾欺。以堂堂節帥之尊。而竟甘心外嚮。曾無人發其覆者。而吾儕小人不幸被擄。伺便自脫。官府猶以賊黨疑之。或竟求生得死。天下不公之事。孰有甚于是者。張異其言。固詢之。徐乃言。旬月前撫帥得一無名書。發視之。新疆回部某叛王之僞詔也。(馬新貽故回回種人)僞詔畧云。現大兵已定新疆。不日入關東下。所有江浙一帶征討事宜。委卿便宜料理云云。馬得書。卽爲手疏以報。略言大兵果定中原。則東南數省。悉臣一人之責。張聞言大憤。拍案叫曰。此等逆臣。吾必手刃之以洩憤。已而馬下令禁私開押店。盤利害民。而張肆遂被封。益落魄無俚。殺馬之志益決。未幾。馬已擢任江督。張適以事詣金陵。遂謀行刺。是日馬未曉已出閑操歸署。時甫

黎明。張潛伏箭道門側以俟。會有一山東人漂泊白下。求馬資助者與甫入門。其人卽攔輿遞呈。馬探半身出接呈。張狃出進刃。刃從脅下入。本向上。張又力絞之使下向。迨刃抽出。已卷作螺旋形矣。其用力之猛如此。馬旣飲刃。卽大呼謂左右曰。扎著了。南人不明北語。誤扎爲找。故疑二人本相識。因以有復仇之說也。馬死時家有兩妾。皆四十許。蓋從馬已廿餘年矣。張旣被獲。羣擁之入署。兩司集訊之。張據地趺坐。抑使跽。卒不肯。但問上坐者何官。曰臬藩兩司也。笑叱曰。兩司那配問我。請將軍來。我始肯言耳。有頃將軍至。訊其何以行刺。則曰。請先飭制臺家屬。一律出署。再遣兵役圍其內宅。我方肯說。將軍以語不倫。斥之。則曰。若是吾終不肯言矣。窮詰之。終不吐一語。不得已。乃屏左右。誘使吐實。始以徐語告。且曰。公不信。第遣人往搜其秘匿。苟不得僞詔者。吾甘伏反坐之罪。問官聞此。咸大惶惑。不欲興大獄。故矯爲獄詞。而亟磔張于市。實則終無確供也。莫子偲先生之弟某。于時署江甯府。親覩其事云。

清談卷之六

風俗談

雍正朝不識鴉片煙

和真艾雅喀

服飾之沿革

滿州跳神儀

滿州跳神儀合於禘祭

綠頭牌

稱尊官爲大人始於清
忌辰禁嫁娶始於雍正

鍋鑊及占葫蘆

福色

清

談

卷六

目錄

四 四 四 四 三 三 二 二 一

雍正時禁民間用銅器

順治年間物價甚賤

目連戲

五通神

堂子

滿俗紀畧

包衣旗

蒙古紀畧

京師戲館

裹足

京師園亭

十十九八七六五五五四

清談卷之六

風俗談

安吳胡懷琛編次

休寧汪翰校閱

雍正朝不識鴉片煙

庸閒齋筆記云。道光年間。查禁鴉片煙甚嚴。吸食者罪至繯首。蓋此物在國初以能淫蕩人心。貽患不淺。世宗飭部議覆。定例通行禁止。興販者枷杖後。發邊衛充軍。罪名固綦重矣。自通商開禁之後。販煙者乃稱巨商。且欲以捐欵上邀議敍。余任釐局提調時。曾力拒之。而其意未已也。前數年復申此議。丁雨生中丞不許。乃止。然已流毒海內。雖十室之邑。必有煙館。遊手之人嗜之若命。有心世教者。無不痛心疾首也。近聞雍正七年福建巡撫劉世明奏稱。漳州府知府李國治。拏得行戶陳遠鴉片三十四斤。擬以軍罪。而陳遠于巡撫過堂時。堅稱鴉片原係藥材必需。並非做就之鴉片煙。當傳藥舖戶認驗。供稱藥名鴉片。熬

膏藥用的。又可製鴉片丸。醫治病疾。這是並未做成煙的鴉片等語。巡撫因謂鴉片爲醫家需用之藥品。可療病。惟加入煙草。始淫蕩害人。爲干犯例禁之物。李國治以陳遠家藏之鴉片爲鴉片煙。甚屬乖謬。應照故入人罪。列欵題參云。云閱之不禁失笑。夫鴉片卽鴉片煙。豈又須加入煙草乃成鴉片煙之事。足見當時吸食者極少。故尙不識鴉片煙爲何物耳。

和眞艾雅喀

嘯亭雜錄云。吉林東北有和眞艾雅喀部。其人濱海而居。剪魚皮爲衣裙。以捕魚爲業。去吉林二千餘里。卽金時所謂海上女眞也。其舊俗父母至六十誕日。卽聚宗族會飲。刲其父母軀肉以供賓客。埋其骨於戶樞前。歲時以爲祭奠。其鄉黨始稱孝焉。仁皇帝習知其弊。許其世娶宗女。命改正其汚習。至今其部落及歲時至吉林納聘。將軍卽購買民女。乘以紅輿。代宗女以厚奩贈之。其部落甚爲尊奉。初不計其僞也。

清朝服飾沿革

嘯亭雜錄云。國初尙沿明制。套褂有用紅綠組繡者。先良親王有月白繡花褂。先恭王少時猶及見之。今吉服用紺素。服用青。無他色矣。花樣康熙朝有富貴不斷江山萬代。歷元五福諸名目。又有暗紋蟒服。如宮制蟒袍而却組繡者。余少時猶服之。袍褂皆用密線縫綴。行列如繪。謂之實行。袖間皆用熨摺如線。滿名爲赫特赫。今惟蟒袍尙用之。他服則無矣。又燕居無着行衣者。自傅文忠征金川歸。喜其便捷。名得勝褂。今無論男女燕服皆着之矣。色料初尙天藍。乾隆中尙玫瑰紫。末年福文襄王好著深綠色。人爭效之。謂之福色。近年尙泥金色。又尙淺灰色。夏日紗服皆尙棕色。無貴賤皆服之。夔服初尙白色。近日尙玉色。又有油綠色。國初皆衣之。尙沿前代綠袍之義。純皇帝惡其黯然近青色。禁之。近世無知者矣。近日優伶輩皆用青色倭緞漳絨等綠衣邊間。如古深衣然。以爲美飾。奴隸輩皆以紅白鹿革爲背子。士大夫尙無服者。皆一時所尙之不同。

也。

滿洲跳神儀

又云明堂之制。余已載諸前卷中。凡八旗長白舊族。跳神之儀。今書錄之。以爲文獻之徵。宗室王公家。每祀神一日。前於神房敬造旨酒。用黍米糟麴如江南造酒式。前三日。每日朝暮獻牲各二。名曰鳥雲。(華言引祀也)。前一日敬製糕餌。用黃黍米以椎擊碎。然後蒸餽。名曰打糕。每神前各置九盤。以爲敬獻。其大神日五鼓獻糕於明堂如儀。俟其使歸。主人吉服嚮西跪。設神幄。嚮東供糕酒素食。其中設如來觀音關聖位。巫人(用女使)吉服嚮西跪。設神版。嚮東供糕酒素食。祈康年諸詞。主人跪擊神版。諸護衛擊神版。及彈絃。箏月琴以和之。其聲嗚嗚可聽。巫言歌畢。念祝詞。主人敬聆畢。叩首興司香婦。敬請如來觀音二神位出戶牖。西設龕。南嚮以供奉之。司俎者呼進牲。牲入。主人跪。家人皆跪。巫者前致詞畢。以酒澆牲耳。牲耳膾。司俎者高聲曰。神已領牲。主人叩謝。司俎者揮庖人。

進封牲俎。烹畢及熟。薦選牲內之最精者。以爲醢。供神位前。主人再拜謁。巫人致辭。主人叩畢。巫以繫馬吉帛進。巫者祝如儀。主人跪領吉帛。付司牧者。叩興。始聚宗人分食胙肉焉。禁令肉不許出戶庭中。諱言死喪事賓至。主人迎送不出庭門。以誌敬焉。暮時供七仙女長白山神。及遠世始祖位西南嚮。以神幕隱蔽窓牖。以誌幽冥之意。其祝詞舞刀進牲。祝詞如朝儀。惟伐銅鼓作淵淵聲。祝詞聲調各異焉。次早設位於庭院神竿前位北嚮。主人吉服如儀。用男巫致詞畢。以米酒揚趨退。主人叩拜。其牲肉皆刲爲俎醢。和稻米以進。名曰祭天還願焉。再明日於神位祈福。供以餅餌。以五色縷供神前。祝辭畢。以縷繫主人胸前。以爲受福。凡三日祭乃畢。其長白滿洲舊族。近興京城者。其祀典禮儀皆同。但不於明堂報享焉。惟舒穆緣氏。供昊天上帝如來菩薩諸像。又供貂神於神位側。納蘭氏則供羊雞魚鴨諸品。其巫用銅鈴繫腰以跳舞之。以鈴墜爲宜男之兆焉。有蒙古跳神。用羊酒觶和跳神。以一人介胄持弓矢。坐墻堵上以爲儀。蓋

其先世有刲祀者。故預使人防之。因相沿用以爲制云。

滿洲跳神儀合於禘祭

又云。余攷滿洲跳神儀書前卷矣。近聞宗老云。其南嚮陪祀。正中位爲祀始祖之莫知名者。故俗呼神位爲祖宗版。良有以也。按古董子云。禘者。禘其所自出也。禘禮上溯遠祖。旁及毀廟。與今滿洲所祀者殊多相似。然則跳神禮儀。實沿古明堂之舊制。益有徵矣。

綠頭牌

又云。定制。凡召見引見等名次。皆用粉牌書名。雁行以進。王貝勒用紅頭牌。公以下皆用綠頭牌。繕寫姓名籍貫。及入仕年歲。出師勳績諸事。以便上之觀覽焉。

又王士正池北偶談云。國朝六曹章奏悉沿明制。惟緊急事。或設瑣細者。則削木牌而綠其首。以滿洲字書節略於上。不時入奏。請旨不下。內閣票擬。謂之綠

頭牌子。

稱尊官爲大人始於清

王應奎柳南隨筆云。稱謂亦隨時爲重輕。如大人之稱。至尊也。而在前明時。則不以爲重。有嘉定縣丞李玉森。呼直指爲大人。直指怒。玉森抗言大人之名。美而未易踐。若不典之稱。丞雖至卑。亦能得此於下隸。不足重也。直指乃改容禮之。又吾邦夏玉麟。垂髫時。呼縣令爲大人。令不悅。命歷數書冊中大人。以百爲率。玉麟對以孔門七十二賢。雲臺二十八將。令乃笑而遣之。今數十年來。內而大小九卿。外而司道以上。無不以此爲稱。按此則稱尊官爲大人。當始於清矣。

忌辰禁嫁娶始于清雍正

葉名澧橋西雜記云。忌辰向不禁嫁娶。雍正五年。古北口游擊劉繼鼎。于忌辰皆娶。爲提督郭成功所劾。革職治罪。今時憲書于忌辰不載。宜嫁娶。字世宗憲皇帝。命欽天監詳議。永爲定式。

鑼鍋及占葫蘆

西清黑龍江外紀云。八旗兵每名例弓一張。梅鍔箭五十枝。腰刀一把。皆官物。而橐鞬自備。外銅釜一口。兩共之。晝可炊。夜擊以警。號鑼鍋。蓋刀斗類也。亦有司掌之。從軍用梅鍔箭。行獵用骨披箭。骨披箭。骲頭銜鐵鏃。較梅箭鏃數倍。一人例佩十三枝。今則十一枝爲壯士。率佩七八。國語〔按國語卽滿語也〕。骨披箭曰占。故俗謂其鏃曰占葫蘆。

福色

李斗揚州畫舫錄云。揚郡著衣尙新樣。近用高粱紅。櫻桃紅。謂之福色。以福大將軍〔即福康安諱文襄〕征臺匪時。過揚著此色也。

雍正時禁民間用銅器

永憲錄云。上諭錢文日增。而錢不見多。價復不減。必奸民圖利銷燬。打造器皿。嗣後除三品以上官准用黃銅器皿。其餘限三年之內。將所有黃銅器皿出賣。

給以應得之價。違者治罪。尋議除一品外悉不准用。奉行不善。至沿門搜索。賤價勒買。十三年又查買一次。乾隆元年戶部尙書海望奏停止收買。禁用黃銅。悉從民便。

順治年間物價甚賤

龔煌巢林筆談云。清河與太原聯姻。兩家皆貴而贍其記。順治二年婚費。會親嵒席十六色。付庖銀五錢七分。蓋其時兌錢一千。只須銀四錢一分耳。而豬羊鷄鴨甚賤。准以全之錢價。斤不過一二分有奇。他物稱是。庶之所以易辦也。

目連戲

董含尊鄉贊筆云。二十二年癸亥。上以海宇蕩平。宜與臣民共爲宴樂。特發帑金一千兩。在後宰門架高臺。命梨園演目連傳奇。用活虎活象真馬。按此清康熙中事也。

五通神

聞見偶錄。云吳俗有五通神。相傳爲明太祖定鼎後夢中求封者甚衆。由是各處鄉里立小廟。每祀五人。以仿軍中隊伍之意。故俗稱爲五聖。吳中之上方山。建有大廟。塑神像。正中一婦。名太母。謂生五神者也。左列五男。即爲五通。右列五女。爲五夫人。謂五通之妻。旁側有白髮老者。名馬阿公。謂其僕也。能降禍福。於人有病或事故。卽問巫者。無非云觸犯某相公。或云某相公要某女。某婦服侍。須用某某物件。某等筵席到廟祈福。畫船簫鼓。開塞於石湖。焚香禮拜。絡繹於西郊。一日之費。不下數百金。有愚邪小人。向神稱貸者。至廟禱祝。取神前紙錢而歸。後或負販或賭博等類。卽有利益。每歲必上息錢若干。幾年還以若干倍。或有少艾。爲某相公所悅。其女於神采之時。如醉如迷。已嫁者。夫婦不得同衾枕。在室者。父母不得至牀前。是以吳中娶婦之家。必先祀五神。豐潔其儀。倩男巫宣祝疏意。樂人度曲吹彈。盈畫徵夜。謂之待茶筵。然後迎娶。又有花轎送與新婦。戴以入門。髻上爲紙人一百有八。取八罌地煞。以鎮壓邪神之意。自是

花燭之夕。新郎則下拜。新婦袖手一福而已。邑有諸生范姓。其妻亦爲神悅而歿。憤控當事。睢陽湯公斌巡撫江南。奏於朝。康熙二十四年乙丑歲十月毀之。將上方山神像。投於石湖。并行文各省。咸卽投之水火。此患遂絕。然今吳俗凡娶婦者。猶踵待茶筵。戴花髻之陋習。更見常州府署左。有五通神廟。毀滅時。添塑二像爲七。僞稱他神得免焚毀。至今猶存。按吾鄉有五昌五道之神。亦云明太祖所封。鄉人極尊敬之。云犯者必死。甚矣迷信之難破也。

堂子

嘯亭雜錄云。國家起自遼瀋。有設竿祭天之禮。又總祀社稷諸神祇於靜室。名曰堂子。實與古明堂會祀羣神之制相符。猶沿古禮也。既定鼎中原。建堂子於長安左門外。建祭神殿於正中。卽彙祀諸神祇者。南向前爲拜天圓殿。殿南正中設大內致祭立杆石座。次稍後兩翼。分設各六行。行各六重。第一重爲諸皇子致祭立杆石座。諸王貝勒公等各依次序列。均北向。東南建上神殿。南向相

傳爲祀明將鄧子龍位。蓋子龍與太祖有舊誼故附祀之。歲正朔。皇上率宗室王公滿一品文武官詣堂子行拜天禮。凡立杆祭神於堂子之禮。歲以季春季秋月朔日舉行。祭日懸黃幡。繫采繩。綠五色繪百縷。楮帛二十有七。備陳香錢。司俎官於大內恭請神位。由坤甯宮以綵亭导出。行中路至堂子。安奉於祭神殿內。東向陳糕餌九盤。酒瓊三圓。殿陳糕餌三酒瓊一。楮帛如數。司俎官以贊祀致辭行禮。大內致祭後。越日爲祭馬神於堂子如儀。凡月祭。孟春上旬三日。餘月朔日。大內遣司俎官率堂子官吏於圓殿奠獻糕酒。行禮如儀。是日內管領一人。於上神殿獻糕酒楮帛。親郡王各遣護衛一人於上神殿獻楮帛。凡浴佛之禮。歲以孟夏上旬八日。司俎官率執事人等自大內請佛至堂子祭神殿陳香燈。獻糕酒。王公各遣人獻糕執事設盥盤。替祀二人浴佛畢。六酌獻三。致福如儀。是日大內及軍民人等不祈禱。不祭神。禁屠宰。不理刑名。凡出師展拜堂子之禮。皇上親征。如仁皇帝征噶爾丹事。諭吉起行。內府官預設御拜得

於之殿外。及內門外御營黃龍大纛前。兵部陳螺角。鑾儀衛陳鹵簿。均如儀。皇上先詣圓殿。次詣纛前。均行三跪九叩體。六軍凱旋。皇上入都門。先詣堂子行禮。命將出師。皇上率大將軍及隨征將士詣堂子行禮。儀均與親征同。凱旋日。詣堂子行告成禮。均與古之禡禡告功明堂之禮相同。實國家祈禱之虔。百神方所佑庇。與商周之制若合符節。所以綿億萬載之基也。

滿俗紀略

方式濟龍沙紀略云。鄂倫春婦女皆勇決善射。客至腰數矢上馬。獲雉兔作炙以餉。載兒於筐。裂布縣項上。射則轉筐於背。旋回便擗。兒亦不驚。

又云。臘月八日。達呼里紅呼里。男婦並出。獵鬼取腦爲速產之藥。

又云。東北邊有風葬之俗。人死以芻裹尸。懸深山大樹間。將腐解其懸布墮戶於地。以碎石逐體薄掩之。如其形然。

又云。稻米甚貴。販自瀋陽。用以待賓客及病者。

方承觀下魁風土記云。泥撲處人禳病祈神。列植松櫟於野。徧挂牛羊肉。羅拜於下。

吳帳臣寧古塔紀略云。房屋大小不等。木料極大。只一進或三間五間。或有兩廂。俱用草蓋。草名蓋房草。極長細。有白泥。泥牆極滑可觀。牆厚幾尺。然冬間寒氣侵人。視之如霜屋。內南西北接繚三坑。坑上用蘆席。席上鋪大紅氈。坑闊六尺。每一面長二丈五六尺。夜則橫臥坑上。必並頭而臥。櫬箱被褥之類。俱靠西北牆安放。有南窗西窗門在南窗之旁。窗戶俱從外閉。恐夜間虎來。易於撞進。靠東邊間以板壁隔斷。有南北二坑。有南窗即爲內房矣。無椅杌。有坑桌。俱盤膝坐。客來俱坐南坑。內眷不避。無揖打恭之禮。相見惟執手送客。垂手略曲腰。如久別乍晤。彼此相抱。後執手問安。如幼輩兩手抱其腰。長者用手撫其背而已。如以右手撫其額點頭爲拜。如跪而以手撫額點頭爲行大禮。婦女輩相見以執手爲親。拜亦偶耳。除夕。幼輩必到長者家辭歲。叩首受而不答。等輩同叩。

元旦城門必嚴列旌旗弓矢以壯威武。家家必於夜半置羹。如遲至午。便爲不恭。滿洲人家歌舞。名曰莽式。有男莽式。女莽式。兩人相對而舞。旁人拍手而謌。每行於新歲或喜慶之時。

方拱辰寧古塔志云。尋常庭中必有一竿。竿繫布片。曰祖先所憑。依動之如掘其墓。剗冢而羣鳥下啖其餘糞。則喜。曰祖先豫。不則懼然。曰祖先恫矣。禍至矣。又云。百里往返不裹糧。牛馬不攜粟草。隨所投如舊主人焉。主人隨所供。不責報。亦無德色。按楊賓柳邊紀略云。十年前行柳條邊外者。率不裹糧。今則一飯一宿。必厚報之矣。

楊賓柳邊紀略云。滿洲有大宴會。主家男女必更迭起舞。大率舉一袖於額。反一袖於背。盤旋作勢。曰莽勢。中一人歌。衆皆以空齊二字和之。謂之曰空齊。蓋以此爲壽也。每宴客坐南炕。主人先送煙。次獻乳。名曰奶子茶。次注酒於爵。承以盤。客年差長。主跪以一手進之。客受而飲。不爲禮。飲畢乃起。客年稍長於主。

則亦跪而飲。飲畢客坐。主乃起。客年小於主。立而酌客。客跪而飲。飲畢起而坐。與席少年欲酌同飲者。與主客獻酬等。婦女出酌客亦然。是以不沾脣則已。沾脣則不可辭。蓋婦女多跪而不起。非一爵可已。又客或懼醉而辭。則主不呼婦女出。出則萬無不醉者矣。凡飲酒時。不食飲已。乃設油布於前。名曰劃單。卽古之單也。進牲以解手刀割而食之。食已盡賜客奴。奴席地坐。叩頭對主食不避。

滿洲西清黑龍江外紀云。夏日婦女多跣足。或划襪行。然野花滿鬢。老少無分。故有修頭不修腳之諺。

又云齊齊哈爾。賭風最盛。貴賤老少。罔不醉好。

白衣旗

息樓談餘云。內務府各官皆白衣旗人爲之。白衣旗者。名雖滿人。實漢軍也。自太宗御宇之初。簡先朝俘虜明人之驍健者。成漢軍左右兩翼。設都統統之。以

備折衝之用。(後以降人衆。乃分爲漢軍八旗。官職俸餉。一如滿洲八旗之制。)其留以給事宮庭。(時未入關。尙無奄宦中涓之職。皆此輩充之。)與分配諸王府供奔走者。皆撥入滿洲。而錫之名曰包衣旗。以示區別於漢軍焉。雍正中復定制漢軍上三旗。每旗設佐領四十人。下五旗。每旗設佐領三十人。其有崎零之數不能成一佐領者。皆撥入內務府隸包衣旗籍。是以內務府旗人既有滿姓。復有漢姓。如前戶部尙書立山姓楊氏。前大學士崇禮姓蔣氏之類是也。蓋其先世皆出自漢人也。至於王府包衣旗人。其卑彌甚。雖有入仕途浮擢至侍郎開府。而一入本王府邸。輒與興臺齒躬親賤務。如左傳所謂隸子弟也。必官至尙書。乃能邀特恩升入滿洲旗。謂之抬旗。故包衣旗人視抬旗之典爲希世之殊榮也。

蒙俗紀畧

阮葵生蒙古土風記云。蒙古不建祠廟。山川神祇著靈應者。疊石象山。家懸帛

以致禱報賽則植木表謂之鄂博過者無敢犯。

又云草囊以革爲之用代筐篋器皿食用鉅細無所不納行汲或以貯水涉川則挾之肘間亂流以濟或謂之皮饑飪蓋俗然也。

李德喀爾喀風土記云杭鶻山之西北地名陀羅海近黑道故寒七月雨雪五月始釋山之巔六月不釋築土爲屋屋內糊堅氈數寸乃暖臥則火匱早起嚴霜被地出門數步鬚髮凌封手僵必待呵耳鼻血凝枯脆窸窣有聲或爛且脫徐蘭塞上雜記云蒙古棋者局縱橫九綫六十四畝棋各六十枚八卒二車二馬二象一駁一將別以朱墨將居中之右駁居中之左上將於一畝車馬象左右列卒橫於前此差同乎中國者也其棋形而不字將刻塔崇象教也象刻駝或熊迤北無象也多卒人衆以爲強也無士不尚儒也棋不列於綫而列於畝置器於安也馬行六卦駝橫行九卦以駝疾於馬也滿局可行無河爲界所爲隨水草以蓄牧也卒直行一卦至底斜角食敵之在前者去而復返用同於車。

嘉有功也。衆棋還擊一塔。無路可出。始爲敗北。考象戲始於周武王。司馬溫公損益其法。爲古局象棋圖。蒙古此戲。其仿中國。或以意創爲。皆不可知。然國手爲之。亦有工拙之不同焉。

京師戲館

戴濬藤陰雜記引亞谷叢書云。京師戲館。惟太平園四宜園最久。名亦佳。查家樓。月明樓其次。比年如方壺齋。蓬萊軒。昇平軒最著。今諸園俱廢。查樓僅存木榜。惟方壺齋屢易新名。人尙稱爲方壺齋。城西僅此一館。春初尙盛在永光寺西街。

吳長元宸垣紀略云。查樓在肉市。明巨室查氏所建。戲樓巷口。有小木坊。書查樓字。乾隆庚子。燬於火重建。

裹足

履園叢話云。本朝崇德二年七月。奉諭旨。有效他國裹足者。重治其罪。順治二

年禁裹足。康熙二年又禁裹足。七年七月禮部題爲恭請酌復舊章。以昭政典事都察院左都御史王熙疏內開。順治十八年以前民閒之女未禁裹足。康熙三年奉上諭下議政王貝勒大臣九卿科道官員會議。元年以後所生之女禁止裹足。其禁止之法該部議覆等因於本年正月內臣部題定元年以後所生之女若有違法裹足者其父有官者交吏兵二部議處。兵民則交刑部責四十板流徙十家長不行稽察枷一箇月責四十板。該管督撫以下文職官員有疏忽失於覺察者聽吏兵二部議處在案。查立法太嚴或混將元年以前所生者捏爲元年以後。誣妄出首牽連無辜亦未可知相應免其禁止可也。裹足自此弛禁。事見蝴蝶瑣語及池北偶談。

京師園亭

嘯亭雜錄云。京師西北近隅海澨。有勾園爲明米萬鍾所造。結構幽雅。今改集賢院爲六曹卿貳寓直之所。其他多諸王公所築。以和相十笏園爲最近。爲成

邸所居。又右安門外有尺五莊爲祖氏園亭。近爲某部曹所售。一泓清池。茅檐數椽。水木明瑟。地頗雅潔。又名小有餘芳。春夏間多爲游人讌賞。其南王氏園亭向頗爽壇。多池館林木之盛。嘉慶辛酉爲水所冲圮。後明太守(保)售之。力爲構葺。修繕未終。而太守遽卒。故今池館尙未黝畫。半委於荒烟蔓草之中。殊可惜也。

清談卷之七

文學談

清朝欽定諸書

高江村

文宗賜林文忠公輓聯

神童

錢辛楣之博

吳廷楨

御舟卽事詩

吳春麓話

玉瓊

詩龕

六五五五四四四三三一

驥驥詩

蘭坡樓

喜對

二潘

宗室詩人

蒙古儒士

四布衣

袁子才江賦

屬對

圖文章

紀曉嵐

何義門

九 九 九 八 八 八 八 七 七 七 六

聖武成功詩

練

魚頭

清朝文人多壽

曹學士

不准

牡丹亭腳色

晚遇

題壁詩

燕京元夜詞

五經中式

一隊夷齊下首陽

一 一 一 三 三 三 三 二 二 二 二 九

高文良公夫人之能詩

畢太夫人訓子詩

李巨來夙慧

餓餓

連兒

武子不知文字

太無窮

紀文達煙量

清康熙己卯順天鄉試之獄

戴名世之獄

梁山舟遺事

聖教西行

洪大全詞

康熙新天文

洪秀全之檄告百姓

洪黨之安民告示

錢江上洪秀全書

剛中堂之識字

文人善飲

文人食量

金聖歎身後異事

虎林軍營唱和

四庫全書之濫觴

二五

二六

二七

二八

二九

三〇

三一

三二

三三

三四

三五

三六

張南皮

潘力田之修明史

康熙御製旃檀佛西來歷代傳祀記

都門詞事彙錄（七則）

知不足齋日記鈔本

三進士出身之奇

奏疏糾繆

文牘繆誤

洪大全詞

王漁洋秋柳詩

劉文清之書易食物

畢秋帆之賞鑑僞碑

四三

四三

四三

四三

四二

四一

四一

三四

三五

三四

三四

三三

阮雲台之考釋鐘鼎

吳梅村身後之文字獄


石達開之日記

時藝餘譚

四三

四四

四四



清談卷之七

安吳胡懷琛編次

文學談

休寧汪 翰校閱

清朝欽定諸書

聊亭雜錄云。列聖萬幾之暇。乙覽經史。爰命儒臣。選擇簡編。親爲裁定。頒行儒宮。以爲士子模仿規範。實爲萬目之巨觀也。今臚列其目於右。

經部
易經通注四卷 日講易經解義十八卷 御纂周易折中二十一卷
御纂周易述義十卷 日講書經解義十三卷 欽定書經傳說彙纂二十四卷
欽定詩經傳說彙纂二十卷 御纂詩義折中二十卷 欽定周官義疏四十八卷
欽定儀禮義疏四十八卷 欽定禮記義疏八十二卷 日講禮記解義二十卷 日講春秋解義六十四卷 欽定春秋傳說彙纂三十八卷
御纂春秋直解十六卷 御注孝經一卷 御纂孝經集注一卷 日講

四書解義二十六卷 御纂律呂正義五卷 御纂律呂正義後編一百二十
卷 御定康熙字典四十二卷 欽定西域同文志二十四卷 御定音韻闡
微十八卷 欽定同文統韻六卷 欽定叶韻彙輯五十八卷 欽定音韻述
微一百六卷 史部 欽定明史三百六十卷 御批通鑑輯覽一百二十卷
御定通鑑綱目三編四十卷 開國方略三十二卷 御定三逆方略 親
征平定朔漠方略四十八卷 平定金川方畧二十二卷 平定準噶爾方略
前編五十四卷正編八十五卷續編三十三卷 平定兩金川方畧一百五十
二卷 臨清紀畧十六卷 蘭州紀畧 石峯堡紀畧 臺灣紀略 平定廓
爾喀紀略 平苗紀略 平定三省教匪紀略 辛酉工賑紀畧 太祖高皇
帝聖訓四卷 太宗文皇帝聖訓六卷 世祖章皇帝聖訓六卷 聖祖仁皇
帝聖訓六十卷 世宗憲皇帝聖訓三十六卷 高宗純皇帝聖訓三百卷
上諭內閣一百五十九卷 碣批諭旨三百六十卷 欽定明臣奏議二十卷

欽定宗室王公功績表傳十二卷 欽定蒙古回部王公表傳六十卷 欽定八旗滿洲氏族通譜八十卷 欽定勝朝殉諸臣錄十二卷 御定月令輯要一十四卷 大清一統志五百卷 欽定熱河志八十卷 欽定日下舊聞考一百三十卷 欽定滿洲源流考二十卷 欽定皇輿西城圖志五十二卷 皇清職貢圖九卷 欽定盛京通志一百卷 詞林典故八卷 續詞林典故 卷 欽定歷代職官表 卷 欽定大清會典一百卷 新定大清會典 卷 大清會典則例一百八十卷 新定大清會典則例一百八十卷 欽定續文獻通考二百五十二卷 欽定皇朝文獻通考二百六十二卷 欽定續通志一百四十四卷 欽定皇朝通志一百卷 欽定皇朝通典二百卷 幸魯盛典四十卷 萬壽盛典一百二十卷 欽定大清通禮四十卷 南巡盛典一百二十卷 皇朝禮器圖式二十八卷 國朝宮史三十六卷 繼國朝宮史 卷 欽定滿洲祭神祭天典禮六卷 八旗通志初集二百

五十卷 八旗通志二集

卷 大清律例四十七卷 欽定天祿琳琅

十卷 御製詳鑑闡要二十卷 子部

御撰資政要覽三卷後序一卷 聖

諭廣訓一卷 庭訓格言一卷

御製人臣儆心錄一卷 御製日知薈要一

卷 御定孝經衍義一百卷 御定內則衍義十六卷 御纂性理精義十二

卷 御纂朱子全書六十六卷

御定執法成憲八卷 欽定授時通考七十

八卷 欽定醫宗金鑑九十卷

御定歷象考成四十二卷 御定歷象考成

後編十卷 御定儀象考成三十二卷

御製數理精蘊五十三卷 御定星

歷考源六卷 欽定協記辨方書三十六卷

欽定佩文齋書畫譜一百卷

秘殿珠林二十四卷 石渠寶笈四十四卷

續石渠寶笈 卷 錢錄十

六卷 欽定西清古鑑四十卷

欽定西清硯譜二十四卷 御定古今圖書

集成五千二百卷 欽定淵鑑類函四百五十卷

御定駢字類篇二百四十

卷 御定分類字錦六十四卷

御定子史精華一百六十卷 御定佩文韻

府四百四十二卷 御定韻府拾遺一百十二卷 御注道德經二卷 集部
聖祖仁皇帝初集四十卷二集五十卷三集五十卷四集三十六卷 僕宗
憲皇帝文集三十卷 高宗純皇帝樂善堂全集三十卷 御製文初集三十
卷二集四十卷餘集二卷 御製詩初集四十四卷二集九十四卷二集一百
卷四集一百二十卷五集一百四十卷餘集四卷 今上皇帝味餘書室集

卷 御製文初集 卷 御製詩初集 卷二集 卷 御定全唐
文五千卷 御選古文淵鑒六十四卷 御定賦彙一百四十卷外集 卷
補遺二十二卷 御定全唐詩九百卷 御定佩文齋詠物詩選四百八十二
卷 御定歷代題畫詩類一百二十卷 御選四朝詩二百九十二卷 御定
全金詩七十四卷 御選唐詩二十二卷 御選唐宋文醇五十卷 御選唐
宋詩醇四十七卷 皇清文穎一百二十四卷 繼皇清文穎 卷 欽定
四書文四十一卷 御定歷代詩餘一百二十卷 御定詞譜四十卷 御定

高江村

又云。高江村。(士奇)華亭人。家甚貧。鬻字爲活。納蘭太傅(明珠)愛其才。攜入內庭。仁皇喜其才便捷。凡遇巡狩出獵。皆命江村同禁練羽林諸將校並馬扈從。故江村詩曰。身隨翡翠叢中列。對入鵝黃隊裡行。蓋紀實也。江村性謹巧。遇事先意承志。皆傾聖懷。一日上獵中馬蹶。上不憚。江村聞之。乃故以淤泥污其衣。趣入侍側。上怪問之。江村曰。臣適落馬墮積澗中。衣未及浣也。上大笑曰。汝輩南人。故懦弱乃爾。適朕馬屢蹶。竟未墜騎也。意乃釋然。又上登金山。欲題額。濡毫久之。江村乃擬江天一覽四字於掌中。趨前磨墨。微露其跡。上如其所擬書之。其迎合皆若此也。

文宗賜林文忠公輓聯

庸閒齋筆記云。道光辛丑。候官林文忠公奉命至鎮海軍營。比遣戍新疆。居恆

常誦苟利國家生死以。豈因福避趨之二語不置。不知是公自作抑古人成句也。然忠義之忱。可想而知矣。後公以貴總督引疾家居。咸豐初元。奉詔起討粵西賊。海內欣望。而公卒於途中。文宗震悼。御製輓聯以賜云。答君恩清慎忠勤數十年。盡瘁不遑解組歸來。猶自心存軍國。殫臣力崎嶇險阻。六千里出師未捷。騎箕化去。空教淚灑英雄。非常知遇。天下臣民。讀之皆代爲感泣也。

神童

嘯亭雜錄云。乾隆戊辰。純皇帝東巡濟南。張宦家有童子。年七歲。能默誦五經。及上御製樂善堂集中詩。上大喜。欽賜舉人。命後官遍覽。一時傳爲神童。不久即卒。

錢辛楣之博

嘯亭雜錄云。錢辛楣先生（大昕）。江南嘉定人。中甲戌進士。幼聰敏。過目成誦。凡天文地理。經史小學算法。無不精通。所著經史答問數卷。其暢發鄭賈之

學直接嫡乳。非他稍知皮毛之可比者。近時考據之儒。以公爲巨擘焉。又習蒙古語。故考核金元諸史。及外藩諸地名。非他儒之所易及者。成王言其在上書房。時質莊王嘗獲元代蒙古碑版。體製異於今書。人皆不識。因詢諸章嘉國師。情其繙譯漢文。因命吾題跋端末。吾方揮毫。先生過而見之曰。章嘉固爲博學。然其譯漢文某字句有錯誤者。吾有收藏元時曇曇所譯漢文。可取而証之。因歸寓取原文出。章嘉所誤處畢見。故人皆拜服云。聞其歸後。曾著元史續編。採擇頗精。當惜未見其本焉。其所著小學諸書。譖切頗爲精當。惟所講字書。株守許氏說文。別解者。皆遭排斥。故取擇頗褊窄焉。

吳廷楨

又云。吳太史（廷楨）爲諸生時。以詩鳴世。宋漫堂尙書喜之。聖祖南巡。嘗迎駕於郊。宋漫堂指以奏曰。此吳中才子也。上因命扶上御舟。當面御試。以聖駕巡幸爲題。限江韻。吳應聲曰。龍舟彩鷁動旗幢。聖主巡方至越邦。上問侍臣曰。舟

至何處。對曰已至吳江。公乃續曰。民瘼關心忘處所。侍臣傳語到吳江。上笑曰。
卽景生情。眞才子也。因欽賜舉人。

御舟卽事詩

履園叢話云。吳南村（廷楨）博學多才。書法少師趙董。館于巡撫慕公（天顏）署中。南村故吳人。因冒陝西籍中式北闈。行查斥革。康熙三十八年三月。恭逢聖祖南巡。（廷楨）獻詩。四月朔日。上自浙江回鑾。伏謁平望河干。上召見。命作御舟卽事韻。限三江一絕。吳援筆立就。云。金波溶漾照旗幢。共慶回鑾自越邦。正在構思。聞自鳴鐘響。宋中丞（燦）奏曰。將到吳江矣。吳遂得續句。云。御幄裁詩行漏報。計程應已到吳江。上得詩甚喜。稱賞次日引見。命（廷楨）寫擘窠大字訖。問（廷楨）曰。蘇州民既庶矣。看來是庶而未富。對曰。並非不富。只因皇上視民如傷之心太切了。覺得如此。天顏甚豫。遂命禮部註冊。復還舉人。其明年會試中進士。入翰林。官至宮諭。此與前誌稍有詳異。并記之。

吳春麓語

嘯亭雜錄云。吳春麓御史。(廣枚)桐城人。中嘉慶己未進士。性忠懇。頗以理學自命。與余交最篤。嘗與余書曰。奮與儻。盛衰之本。勤與惰。成敗之原。貪與廉。得失之林。寬與虐。恩怨之府。靜與躁。壽夭之徵。忍與激。安危之券。謙與盈。禍福之門。敬與肆。存亡之界。此數語真見道之言也。

玉甕

嘯亭雜錄云。承光殿南乾隆十年建石亭以置元代玉甕。按輟耕錄黑玉酒甕。玉有白章。隨其形刻爲魚獸出沒波濤之狀。其大可貯酒三十餘石。徑四尺五寸。高二尺。圍圓一丈五尺。至元二年告成。勅置廣寒殿云。其後屢易朝代。廢置某道院中。以爲舊瓶。有工部侍郎三和者。善博古物。於道院見之。因賤價贖以歸。進上。仍置故處。純皇御製玉甕歌以紀其事。命廷臣賡和。以鄭虎文之詩爲最。其詞曰。天啟聖端玉甕出。惟聖克受昭聲。歌臣愚未覩法官寶。伏讀睿藻心。

爲摹。甕廣三尺容五石。隨形窟突浮圓荷。刻劃類鑄象鼎物。長風蹴踏萬里波。腥涎怪物走蛟蜃。呀呷啖睛騰龍鼈。陽冰不治陰火闌。怪變滅沒吞江河。伊誰鏟削運鬼斧。或巨靈掌吳剛柯。吾思此玉當在璞。魂然萬古藏嵯峨。百靈孕含胚太極。潤及草木輝巖阿。原爲聖役剖鑿出。宛轉人世變白策。那知德薄不能有。供玩耳目羞媿。如延津劍洒水鼎。神物終化理不訛。於時恭承陛下聖。萬方貢獻聲猗猗。那人無遺賢物鮮棄。希世寶肯終煙蘿。熊熊龍氣光燭夜。乃迹而得歸搜羅。轉勑內府輸朽貫千金。易致駟馬默陳之。廣殿重圖訓奠如金甌。無傾陂龍翔鳳翥發天唱。四十八人鳴相和。嗚呼隱見會有遇。委棄道院歲已多。冬菹實腹泥沒足。學士憑弔資吟哦。拂拭偶及光萬國。經天不掩同羲娥。甄幽拔隱寄深慨。誰其會者空摩挲。異物且貴况奇士。努力明盛無蹉跎。

詩龕

又云。蒙古法祭酒（式善）榜名運昌。中式時。純皇帝曰。此奇才也。賜改今名。

祭酒居淨業湖畔。門對波光。修梧翠竹。饒有湖山之趣。家藏萬卷。多世所罕見者。好吟小詩。入韋柳之室。頗多逸趣。家築詩龕三間。凡所投贈詩句。皆懸龕中。以誌盍簪之誼。任司成時。惟以獎拔後進爲務。同汪瑟菴先生。選成均課士錄。其取售者。率一時知名之士。海內遂爲圭臬。己未春上疏。請旗人屯田塞外事。上以爲故違祖制。降旨編修。因引疾去官以終。先生慕李西涯之爲人。訪其墓。田代爲葺理。又邀朱石君太傅。謝薌泉侍御等。鳩工立祠。歲時祭享焉。先生與余最善。每相見。勵以正身明道之詞。坐談終日不倦。實余之畏友也。

騏驥詩

履園叢話云。吾鄉有錢一飛者。嘗賦騏驥詩七古一首。言馬至騏驥之良。尙爲人駕馭羈絆其身。故結句云。何如猛虎深山裏。一嘯風生百獸寒。其父見之歎然曰。此子將來必爲盜賊。欲殺之一。飛遂逃去。後爲逆臣吳三桂將領察謀。康熙十九年正月。勇畧將軍趙良棟領兵追勦。一飛始逃歸。老而無子。竟以壽終。

關波樓

又云。太倉東門有王某者。以皮工起家至巨富。構一樓。求吳祭酒梅邨榜額。梅邨題曰。關波樓。人咸不喻其意。以爲必有出典。或以詢梅邨。梅邨曰。此無他意。不過道其實。東門王皮匠耳。聞者皆大笑。乾隆中。鉛山蔣心餘題一醫者之堂。曰。明遠堂。人問其典。心餘曰。子不聞不行焉。可謂明也已矣。不行焉。可謂遠也已矣。尤妙。

喜對

又云。獻縣紀相國。善諧謔。人人共知。有天津牛太守名稔文者。其子坤娶婦。相國與太守本爲中表兄弟。送喜對一聯云。繡閣團圓同望月。香閨靜好對彈琴。初尙不覺也。次日相國來賀。指此聯曰。我用尊府典。故何如。

二潘

觚賸云。潘力田嘗戲謂吳槐庵曰。世有潘吳之目。豈不以潘勝吳耶。吳曰。世皆

言蛟龍。未見龍遜蛟也。近日博學鴻儒。復稱南潘北李。李謂天生。潘謂稼堂也。稼堂與力田爲異母昆弟。雖隱顯殊途。而才名接武。可方二儒。

宗室詩人

嘯亭雜錄云。國家厚待天潢。歲費數百萬。凡宗室婚喪。皆有營恤。故涵養得宜。自王公至閑散宗室。文人代出。紅闌主人。博問亭將軍。塞曉亭侍郎等。皆見於王漁洋沈確士諸著作。其後繼起者。紫幢居士文昭。爲饒餘親王曾孫。著有紫幢詩鈔。宗室敦成。爲英親王五世孫。與弟敦敏齊名。一時詩宗晚唐。頗多逸趣。耀仙將軍永忠。爲恂恪郡王嫡孫。詩體秀逸。書法遒勁。頗有晉人風味。常不衫不履。散步市衢。遇奇書異籍。必買之歸。雖典衣絕食。所不顧也。櫛仙將軍書誠。鄭獻王六世孫。性慷慨。不欲娶世俗情。年四十。卽託疾去官。自比錢若水之流。邸有餘隙地。盡種蔬果。手執畚鍤從事。以爲習勞。晚年慕養生術。每日進食十數。稍茹甘味。卽哺出。人皆笑其迂。然亦可諒其品矣。先叔嵩山將軍諱。永奎。

詩宗盛唐。字摹榮祿。晚年獨居一室。人迹罕至。詩篇不復檢閱。故多遺佚。近日科目復盛。凡溫飽之家。莫不延師接友。則文學固宜其暇。暇然盛也。

蒙古儒士

又云。敖漢部落爲元太祖第四弟某王裔。其子吉額駙彭楚克林沁者。尙簡親王郡主。通文藝。熟習遼金元諸代事。嘗與裴文達公談三史事。裴爲之瞪目。然以他書卷詢之。彭亦不能驟答也。純皇帝呼之曰。敖漢先生。見御製詩註中。彭既習漢俗。不樂居本土。故典宿衛數十年卒於京邸。

四布衣

又云。乾隆中。上特開四庫全書館。延置羣儒。劉文正公薦邵學士（晉涵）。于文襄公薦余學士（集）。周編修（永年）。戴東原檢討（震）於朝。上特授邵等三人編修。戴爲庶吉士。皆監修四庫書。時人謂之四布衣云。

袁子才江賦

又云袁子才先生性聰慧滑稽一時黃文襄公督兩江時袁爲屬員黃本惡儒者謂先生曰子號子才以才子自命歟先生曰然黃曰然則命汝頃刻爲文可乎先生曰能請公命題黃厲聲曰江賦復請限字曰一萬復請限時曰三時先生砥墨濡毫筆不加點凡奇誕字盡加水旁須臾而就公故武夫因傾倒曰汝果名不過實也

屬對

蝶階外史云獻縣紀文達參知天才宿學屬對之妙信手拈來觸口成趣如太极兩儀生四象春宵一刻值千金已見英旭齋相國恩福堂筆記矣他如六味地黃丸二則天青綬工絕妙絕或謂綬對丸少差公曰古段字與綬通張平子四愁詩美人贈我錦繡段可證也段對丸有何不工一日陸耳山學士錫熊云適飲馬四眼井四眼井以何爲對公曰即以閣下對可乎兩人各大笑或謂公曰京師招牌如祖傳狗皮膏秘製烏蠚藥去風柳木牙杖滴露桂花頭油學經

蒙任附店草料俱全。秋爽來學。冬季調經。揭表唐宋元明古今名人字畫。發賣雲貴川廣生熟地道藥材。凡此者既聞之矣。若書坊之老二酉。以何爲對。文達曰。汝進正陽門羅城時。試於布傘上觀之。其人不悟。至其處賣卜者。書大六壬三字也。

此地有崇山峻嶺。茂林脩竹。是能讀三墳五典。八索九邱。聯懸隨園。又聞純廟持套紅鼻烟壺。一面鑄蘭亭景。一面刻序中十一字。示沈文恪公。初曰汝能對否。沈應聲曰。若周之赤刀大訓。天球河圖稱旨。即以壺賜之。

圈文章

履園叢話云。吾鄉有王榮世者。其父乃販牛估也。一字不識。而榮世少聰穎。喜讀書。既開筆作詩文。每至文期。父必索其文而閱之。數其圈多者。則喜形於色。圈少則詫之。未數年。榮世舉入泮。皆趙青藜先生館選後。掌教徽州紫陽書院。娶兩妾。各生一子。俱同庚。後皆長成。能作文矣。趙自爲批閱。二妾亦各閱其子。

之文。較相比對。以圈多者爲偏愛。必訥罵終日。至於不食。趙不得已。每閱文時。必置算盤于案頭。總以圈點同其數。以平兩妾之譽。後二子皆中式。

紀曉嵐

嘯亭雜錄云。北方之士。罕以博雅見稱於世者。惟曉嵐宗伯。無書不讀。博覽一時。所著四庫全書總目。總滙三千年間典籍。持論簡而明。修詞澹而雅。人爭服之。今年已八十。猶好色不衰。日食肉數十斤。終一日不啖穀粒。眞奇人也。

何義門

又云。何義門先生。值南書房時。嘗夏日裸體坐。仁皇帝驟至。不及避。因置爐坑中。久之不聞御音。乃作吳語問人曰。老頭子去否。上大怒。欲置之法。先生徐曰。先天不老之謂老。首出庶物之謂頭。父天母地之謂子。非有心誹謗也。上大悅。乃舍之。此錢鏞堂侍郎(樾)親告余者。以南書房侍臣相傳爲故事云。

聖武成功詩

輒贊云。康熙丁丑上親征葛爾丹。鐵魁係擎。大定漠北。閏三月十三日奏凱而旋。萬騎駿駿。六師烈烈。天子橐鞬戎服。從德勝門入。諸王羣臣蒲伏郊迎。珪組充溢。髦倪抃舞。誠所謂敷天之鴻休。無前之偉績也。還宮而後。在朝者擬藻彰勳。諸體咸備。京江張公。新城王公。各有凱歌數十首。矞皇肅穆。盛世元音。其他以蒼健稱者。有慈谿姜西溟之頌。以雄麗稱者。有海寧查聲山之賦。而崑山徐公果亭倣唐楊巨源體。獻聖武成功詩五言十章。章十二句。尤爲典雅。其第一章云。玉帛朝宗會。車書定保年。顯承揚往烈。欽若契眞傳。協律姚風奏。恢絃嫋日懸。時巡龍馭出。清間鳳綸宣。紫禁桐頻錫。黃壤賦屢捐。巍巍唯帝德。丕冒本如天。二章云。敷文凝定命。奮武訖方隅。跋扈殲三孽。披猖蹶一夫。縱當收貔貅。卽已靖萑苻。海國雲沈艦。天出月挂弧。式圍真有截。咨牧正無虞。共仰垂衣治。淳風叶瑞圖。三章云。正朔通魚海。輿圖拓象胥。豈期遺小醜。尙敢極恣睢。負險營區脫。憑遐樹拂廬。詔曾馳博望。名每繡扶餘。蠶食侵藩部。鷗張震里闐。安民

行一怒中外有寧居四章云帳殿神居迴戎衣睿慮長。靺韋珠作服。轉璘玉爲裝。蓄衆仁無敵。勝殘武獨揚。旌旃林蔽影。組練日流光。魚麗成前列。龍韜運上方。軍容分左右。黃鉞在中央。五章云貞卜師行吉。狂知賊勢微。自違雞犬詛。遂失虎狼威。乍遇朱旂合。何當赤羽飛。倒戈晝染鷹。積甲薛生衣。路有千輶委人無六騎。歸渠魁亡可待。蚤已決神機。六章云嘉歲逢柔兆。仁聲浹狄鞮。載驅勤展輶。衆望慰揚霓。儻休陳歌合。蒲萄飲醻齊。係嬰收乳贍。納賓上文犀。驛絡投毒海。欹斜舞白題。垂恩行大賚。天外醒羣迷。七章云金鑄諧雅奏。玉帳啟高雲。兩屆芳春節。三占絕塞雲。長征輕險阻。勝略重憂勤。駭浪平浮馬。危峰遠繩軍。枯源泉自湧。凍澤草能薰。瑞應山誠感。羣神仰大君。八章云大武張皇地。洪勳赫濯時。山形規聚米。土氣鼓行糜。寇自歸連尹。威猶斬郅支。傾心輸靺鞨。流唱息胭脂。溢路聯冠珮。充闈擁旄倪。天街迎萬乘。歌舞看班師。九章云鑾發秦川永。龍回晉水清。睿情周隱鄙。朗鑿肅彩纓。兵自天河洗。功因月峯成。三農安饑

換一宿落櫛槍大漠烟何峻。周行砥似乎無窮。宵旰及蒼生。十章云。三靈環誦座。萬壽進簫韶。廷集瞻雲策。獨盈擊壤謡。祖功分櫛沐。天德共鈞陶。銀漢奎章麗。金闕甸宇遙。池開非舞駿。門闢更誦堯。自昔聞恭已。尊光獨聖朝。韓學十見而更曉。曰我輩當焚硯矣。是時上在暢春苑。奏進稱旨者加秩有差。其文書以葉金之箋。絰以文錦之卷。而各鐫姓名銜職於牙籤。以束之一帙之備。所費多金裝潢。善手獲利頗厚。

線

又云蒲城王孝齊名線。謁選縣令。唱名讀如梁王不應。唱至再三。王趨進曰。知縣名讀如京而呼作梁。未敢應耳。吏部哄然曰。汝進士出身。卽已名尚未識耶。線爲繫冠之繩。古謂之幘梁。故字書止有梁音。汝乃以偏傍讀之。謬矣。又吳江有廩生沈龍。順治中江南督學御史歲試點名。不解龍字。乃破龍爲兩。呼云合龍。誠字之難如此。王線以知縣內陞禮部康熙三十二年出爲江西督學道。今

之司文柄者。其學問大抵然歟。

魚頭

又云。陳州環城皆水。水產佳鯽。康熙初。旗人張自用。巡撫河南。陳州牧以鯽餽之。揭書鮮鯽百頭。張甚駭愕。促召中軍。以手摺示之曰。送魚者皆稱尾。此獨稱頭。陳州牧由進士得官。當必有說。中軍曰。職有知書之胥。白謙可令入對。須臾謙至。跪而答曰。小人常讀詩經。有在藻之篇。其首章云。魚在在藻。有頌其首。其次章云。魚在在藻。有莘其尾。故魚有稱尾。亦有稱首者。今州牧之稱頭而不稱尾。正見其尊上之意。張大驚喜。手扶謙起曰。汝有此大學識。豈可屈居下役。汝即入我幕府。耑掌書記可也。自後事必諮詢。謙行則行。謙止則止。不踰年。拔爲本省提塘。復改文職。以同知解秩歸。儼然據開封搢紳之座矣。昔人有一字師。今之白謙。其一字官乎。唐賈島騎驢遊東都。得鳥宿池邊樹。僧推月下門之句。又欲用敲字。改推字。沈思未定。不覺墮驢。適昌黎韓公輿從而出。遇於塗。島以

質。公曰：敵字佳矣。島起而下拜。宋范文正公撰嚴子陵祠堂記成，末句爲先生之德。山高水長。李太伯在座曰：公此文一出，名世只一字未安。公曰：何字？李曰：先生之德不如以風字代德字。公欣然從之。元薩天錫有詩送笑隱往龍翔寺頸聯云：地溼厭聞天竺雨。月明來聽景陽鐘。虞學士見之曰：詩固好，但聽聞字意重。唐人詩有林下老僧來看雨。改作地溼厭看天竺雨。音調更勝。薩大服而去。皆所謂一字師也。

清朝文人多壽

嘯亭雜錄云：王弇州著文人九厄，使人閱之，索然氣盡。余按：本朝文人多壽。可以證王之失。如王文簡公（十禎）七十七。朱竹垞（彝尊）八十四。尤西堂（侗）八十五。沈歸愚尚書（德潛）九十五。宋漫堂（鑒）七十二。查初白（慎行）七十八。方靈皋（苞）八十二。袁簡齋（枚）八十二。錢辛楣（大昕）七十七。紀曉嵐尚書（昀）八十二。彭芸楣尚書（元瑞）七十三。姚姬傳（鼐）八十四。翁覃溪（方

綱八十餘。梁山舟（同書）九十二。趙臥北（翼）八十二。四公至今猶存。

曹學士

又云。成王言。乾隆中有直上書房者。爲內閣學士曹某。性迂魯。每以帝子皆生深宮。身體柔脆。必須輔以藥石。因上疏言。近日諸皇子日習書史。馳騁鞍馬。身甚勞瘁。皆宜服六味地黃丸。以補腎水之源等語。爲上所斥云。

不准

履園叢話云。爲官者。必用讀書人。以其有體有用也。然斷不可用書獃子。凡人一獃而萬事隳矣。有名進士某者。選得知縣。到任未幾。有報稿案刃傷事主者。刑席擬批。總嫌不當。乃親書狀尾云。賊凶人也。兵凶器也。以凶人而持凶器。爾必擗其鋒而試之。其被殺也。宜哉。不淮。昔傳歸襄川先生作令。視民如子。每坐堂。皇觀者如雲。不禁也。一日訊奸情。觀者益衆。先生曰。汝等若不退。吾灑墨水矣。滿堂大笑。

牡丹亭脚色

又云乾隆庚辰一科進士大半英年。京師好事者以其年貌各派牡丹亭全本脚色。眞堪發笑。如狀元畢秋帆爲花神。榜眼諸重光爲陳最良。探花王夢樓爲冥判。侍郎童梧岡爲柳夢梅。編修宋小巖爲杜麗娘。尙書曹竹墟爲春香。同年中每呼宋爲小姐。曹爲春香。兩公竟應聲以爲常也。更有奇者。派南康謝中丞啟昆爲石道姑。漢陽蕭侍御芝爲農夫。見二公者無不失笑。

晚遇

觚賸云。高詠字阮懷。別號遺山。宣城人。姜宸英字西溟。慈谿人。俱以詩古文見重於時。其蹶弛不羈性亦相似。阮懷十五省試不售。年近六旬。始歲貢入太學。崑山徐相國爲大司成。奇其才。延之家塾。常謂曰。先生弱冠。蚤致盛名。余甫就傳。願一見顏色不可得。今乃屈至門下。實慙且幸。阮懷唯唯。絕無遜讓意。又數年召試博學鴻儒。授翰林院檢討。未幾以老病去官而卒。西溟長身多鬚。尤工

書法。相國監修明史。疏其名以聞。因得借佚史館。屢試京兆。乃得薦。康熙丁丑成進士。時聖駕親征葛爾旦。奏凱旋京。舉朝獻頌。諸體畢備。唯西溟文最古雅。適遇傳臚。皇上特拔置一甲第三名。已七十有餘歲矣。西溟書素以行草擅長。登第後乃善作小楷。以三指撮管端。懸腕疾揮。分行結體。疎密合度。其紙尾圖記曰丁丑後書。

題壁詩

履園叢話云。康熙十八年。三藩爲亂。調兵四出。有卒過橫涇宿關帝廟。題二絕句云。昔爲典兵使。今反在兵列。十載從軍行。太阿混凡鐵。四海男兒志。沙場得
得行。深閨今夜月。同此照淒清。此人亦奇士也。

燕京元夜詞

觚臘云。京城元夜婦女連袂而出。踏月天街。必至正陽門下摸釘乃回。舊俗傳爲走百病。海寧陳相國夫人有詞以紀其事。詞云。華燈看罷移香屨。正御陌遊。

塵絕。素裳粉袂玉爲容。人月都無分別。丹樓雲淡。金門霜冷。纖手摩挲怯。三橋婉轉凌波躡。歛翠黛。低回說。年年長向鳳城遊。曾望蕊珠宮闕。星橋雲爛火城日近。踏遍天街月。相國夫人姓徐名燦。字湘蘋。才華敏贍。此其從宦京邸所作。

五經中式

又云康熙丁卯順天鄉試海寧查嗣緝侯官林文英。皆全作五經題文。監察御史以違例不准謄錄。榜發後。知貢舉者疏二人名以聞。上許其一體會試。戊辰俱成進士。登詞苑。蓋特典也。比來咭唾之家。以帖括竊取科第。自本經而外。一無通曉。仕路之登進日繁。學殖之荒落日甚。查林二公。乃能於風簷刻燭時立就二十三藝。洵未易才。若非幸遇聖明。則格於成例。終至淹沈矣。考之有明三百年來五經中式者。僅二三人。崇禎甲戌會試。則福建顏茂猷。癸未則浙江譚貞良。馮元璽。今一科之內。兩獲奇雋。又仍出於閩浙。於以徵化成天下爲尤盛焉。

一隊夷齊下首陽

夕陽紅淚錄云。國變後。諸生有抗節不就試者。後文宗按臨出示。山林隱逸。有志進取。一體收錄。諸生乃相率而至。人爲詩以嘲之曰。一隊夷齊下首陽。幾年觀望好淒涼。早知薇蕨終難飽。悔殺無端諫武王。及進院。以桌櫈限於額。仍驅之出。人即以前韻爲詩曰。失節夷齊下首陽。院門推出更淒涼。從今決意還山去。薇蕨堪嗟已喫光。聞者無不捧腹。

高文良公夫人之能詩

春冰室野乘云。高文良公（其倬）爲康熙朝名臣。其夫人蔡氏。名琬。字季玉。綏遠將軍滿洲毓榮女。尙書珽之妹也。將軍平吳逆有大功。而尙書在雍正朝與李穆堂侍郎。謝梅莊侍御。以名節相砥礪。爲田文鏡所構。下獄幾死。夫人濡染家學。博極羣書。詩詞之外。兼通政術。文良別歷中外。奏疏文檄。出自閨中者居多。文良巡撫江蘇。與總督某不合。屢爲所傾。而文良卓然孤立。終不肯稍附和。

偶詠白燕得句云。有色何曾輕假借。對旬未就屬思久之。夫人詢其故。具以告。乃援筆代爲風對曰。不羣終恐太分明。蓋風之也。夫人詩集不傳。世僅傳其九華寺一章曰。蘿壁松門一徑深。題名猶記舊鋪金。苔生摩鼎無香火。經蝕僧廚有蠶蠅。赤手屠鯨千載事。白頭歸佛一生心。征南部曲今誰是。剩有枯禪守故林。蓋爲綏遠作也。方三藩之始叛也。朝廷猶沿開國故事。以諸王貝勒督軍。不肯委兵柄漢大臣。然是時去開國垂四十年。當時百戰健將。代謝已盡。子孫襲爵者。席承平久。皆不知軍旅爲何事。卽八旗勁旅。亦稍稍脆弱。致吳逆席捲湖南江西。所至如破竹。諸大帥皆擁重兵。雲集荆襄。不敢遣一族度江與賊角。幸三桂已老。頗持重。不敢輕進。使從諸將計。以偏師濟江而北。勝負之數。未可知也。諸帥旣無功。朝廷始不得不用漢人。於是綏遠及趙王諸將。始乘時而起。克藏大功。然滿諸帥忌之愈甚。趙忠襄被劾。幾不免。賴聖祖仁明。始得保全。而綏遠竟罷吏議。奪爵削職。於是棄家歸空門。謝絕賓客。長齋奉佛以終。九華寺實

其杖錫處也。

畢太夫人訓子詩

又云國朝閨秀能詩詞者多而學術之淵純當以婁東畢太夫人爲第一。夫人姓張氏名藻字子湘。秋帆制府之母也。其父本循吏。夫人稟承家學。湛深經術。制府之撫陝西也。夫人留居山東。以詩貽之曰。讀書裕經綸。學古法政治。功業與文章。斯道非一二。汝久宦秦中。淳膺封圻寄。仰沐聖主恩。寵命九重賈日夕。爲汝祈。冰淵慎惕厲。譬諸樽櫨材。斲小則恐斂。又如任載車。失誠則懼躡。捫心五夜慚。報答奚所自。我聞經緯才。持重戒輕易。教勅無煩苛。廉察無苛細。勿膠柱糾纏。勿模棱附麗。端已厲清操。儉德風下惠。大法則小廉。積誠以去僞。西士民氣淳。質朴鮮靡費。豐鎬有遺音。人文鬱炳蔚。况逢郅治隆。陶甄綜萬類。民力久曾存。愛養在大吏。潤澤因時宜。撙節善調理。古人樹聲名。根柢性情地。一一踐其真實心。見實事。千秋照汗青。今古合符契。不負平生學。弗存溫飽志。上酬

高厚恩下爲家門庇。我家祖德詒箕裘固或墜。痛汝早失怙。遺教幸勿棄。歎我
就衰年。垂老筋力痺。曳杖看飛雲。目斷泰山翠。二百七十字。爾雅深厚。粹然儒
者之言。當爲國朝閨秀詩第一。太夫人之卒也。高宗嘗賜御書經訓克家四字
以褒之。故制府遺集以經訓堂名。惜制府晚。竟違母訓。而諂事和珅。其督兵
征苗時。又與福文襄比驕奢侈。秦庫藏爲虛。身後竟遭籍沒之慘。而遺裔亦式
微矣。制府嘗以此詩手蹟。泐諸陝西撫署。昔曾得其拓本。今憶而錄之。書作行
楷。大半寸許。字體方嚴。殊不類閨閣手筆也。

李巨來夙慧

嘵亭雜錄云。李侍郎（紱）性聰慧。少時家貧。無資買書。乃借貸於鄰人。每一
翻繹。無不成誦。偶入城市街衢舖店。名號皆默識之。後官翰林。庫中舊藏有永
樂大典。公皆讀之。同僚取架上所有。抽以難公。無不立對。人皆驚駭。後典試江
南。闈中卷幾萬本。公皆披示。鉛華紛披。無不中肯。實近世文人所不逮也。

餕餕

龜臘云。丁丑狀元李蟠字根大。書法不甚精楷。文思亦復遲澀。當廷試日。諸進士薄暮皆出。而蟠獨畱殿前。護軍催督甚急。蟠泣告曰。畢生之業在此一朝。幸毋相促。以成鄙人功名。護軍哂諾。直至四鼓。始獲呈卷。上廉知之。以爲苦心之士。拔置一甲一名。同榜探花。則慈谿姜宸英也。姜作五言戲贈云。望重彭城郡。名高進士科。儀容如絳勃。刀筆似蕭何。木下還生子。蟲邊更著番。一般難學處。三十六餕餕。蟠偉幹虬鬚。狀似武人。其爲諸生時。以刀筆聞。廷試懷麪餅三十六枚。餐之至盡。餕餕都下方言也。

連兒

夕陽紅淚錄云。吳三桂之寵姬。人第知爲陳圓圓。而不知又有連兒也。連年十七。留侍三桂。頗蒙寵愛。姿容秀麗。尤長詩詞。洎三桂敗。連兒爲趙良棟部將所得。未幾卽死。其絕命詞中有君王不得見。妾命薄如煙句。麗質清才。猶非圓圓。

所可及已

武夫不知文字

庸閒齋筆記云。張璧田軍門玉良。起于行伍。目不識丁。余初於蘭谿軍次見之。適有急牒至。軍門拆閱。點首攢眉者良久。乃舉付從兵。令送文案處。余詢牒中何事。笑而不答。以爲秘不肯宣也。越日又見。持一札。顛倒觀之。大惑不解。旣乃知其本不知書。特爲此以掩飾人之耳。目嘗與程印鵠太守換帖。三代中有名輩者。頗以爲怪。繼復見其一帖。則是早字矣。因詢其文案某君。答曰。渠不能指定一字。第隨其口語而書之。是以如此。同時有吳總戎再升者。眇一日。每戰必先登。賊畏之。呼爲吳瞎子。嘗延僧追薦先人。僧請二代諱氏。張目不能答。急召文案委員。令撰一好名字與之。聞者捧腹。此與侯景之托王偉撰七廟諱者。何異。善乎國初之馬惟興也。惟興以孫可望將來降。官至福建總兵。順治之季。嘗賜諸將三代封典。惟興久之不下。撫臣問之。愀然曰。某少時爲寇虜。相從作賊。

今幸際會風雲。寔不知父何名。母何氏。若私撰之。不惟欺君。亦自诬其先人矣。願公以此語上聞。但恩榮及身而已。一時皆是其言。惜無人以是說告之。軍門及吳總戎也。

太無竅

履園叢話云。吳梅邨祭酒。旣仕本朝。有張南垣者。以善疊假山遊于公卿間。人頗禮遇之。一日到婁東。太原王氏設宴招祭酒。張亦在坐。因演劇。祭酒點爛柯山。蓋此一齣中有張石匠。欲以相戲耳。梨園人以張故。每唱至張石匠。輒譁張爲李。祭酒笑曰。此伶甚有竅。後演至張必果寄書。有云姓朱的有甚虧負你。南垣拍案大呼曰。此伶太無竅矣。祭酒爲之逃席。

紀文達烟量

庸閒齋筆記云。河間紀文達公。酷嗜淡巴菰。頃刻不能離。其烟房最大。入呼爲紀大烟袋。一日當直。正吸烟。忽聞召見。亟將烟袋插入靴筒中。趨入奏對。良久

火燬于襪。痛甚。不覺嗚咽流涕。上驚問之。則對曰。臣靴簾內走水。蓋北人謂失火爲走水也。乃急揮之出。比至門外。脫靴。則烟燄蓬勃。肌膚焦灼矣。先是公行路甚疾。南昌彭文勤相國戲呼爲神行太保。比遭此厄。不良于行者累日。相國又嘲之爲李鐵拐云。

清康熙己卯順天鄉試之獄

永憲錄云。康熙己卯順天鄉試。主考李蟠。姜宸英。賄囑公行。士子揭其實于市。聖祖震怒。宸英以老斃於獄。蟠戍邊。覆試。徐用錫名列第一。餘亦寬宥。壬午設官字號。十名中。分中一人。以爲限制。其揭曰。朝廷科目。原以網羅實學。振拔眞才。非爲主考納賄營私。逢迎權要之具。况聖天子加意文教。嚴飭吏治。凡屬在官。自宜洗滌肺腸。以應明詔。不意順天大主考李蟠。姜宸英等。絕滅天理。全昧人心。上不思特簡之恩。下不念寒士之苦。白鑪薰心。炎威眩目。中堂四五家。盡列前茅。部院數十人。悉居高第。若王李以相公之勢。猶供現物三千。(王熙孫)

景曾。李天馥子某。熊蔣以致仕之兒。直獻囊金滿萬。（工部尙書熊一瀟子。
本左都御史蔣宏道子仁錫。）史貽直。潘維震。因乃父皆爲主考。遂交易而得
售。（浙江主考史夢。福建主考潘雲鵬子。）韓孝塞。張三弟。以若翁現居禮部。
恐磨勘而全收。年羨堯揣湖撫資。潛通一萬。（年遐齡子餽一萬。）朱世衍。
昇督學穢蓄。直達寢門。（北直學院朱阜之姪。）勵廷儀。則畏宗卿要路。兼受
苞苴。（宗人府丞杜訥子。）杜嚴密。乃修同譜私情。不嫌乳臭。（榜眼嚴虞淳
子。）總是老師分上。且期囊橐之取盈。故舍其姪而獨取其婿。（秋字。乃李姜
二人本房老師之壻。）更恐言路關頭。必欲逢迎之盡致。遂因其弟而并及其
兄。（副憲劉謙子姪皆中。）尤可醜者。宛平之門館私人。亦不敢違其囑託。（
王熙西席二人。管當子二人。一齊中式。）所可奇者。總督之長班賤役。致無弗
盡其收羅。（王朝范父總名長班。）費士龍。以居停關說。半現半隠。（費爲黃
編修之舅。）蔣廷錫。餽學道遺貲。如攜如取。（河南學道伊子託嚴虞淳餽三

千。）王守烈憑處山一錢數月前先結狐羣。（王因嚴處憲獻三千。）廖廣鑾恃相國專房百名外續居狗尾。（廣融父鳳徵爲北門館客時出入其家。）張融許魁選而得義經之殿。嫌其少也。（預報元魁云定張融以所饋少名次畧後。）姚觀以同鄉而兼姻姪之親。豈爲文乎。（姚乃宸英妻親。）三場代筆。魏嘉謨遂占高魁。（魏代熊本終場本方十四歲。）午夜夤緣。劉師恕儼居首選。（督捕右憲劉國徽數日前夜至李姜寓。囑託其子。遂中式。）胡承謨之半萬均係徽商。李景年之八千專爲廢籍。（山東革職同學李膺薦之子。）編修豈能蔭姪。知借力於家兄。（陳恂弟澍餽銀三千。遂中北籍。）僉事誠爲有兒亦貽謀於乃祖。（趙繼朴濟甯道景從子皆其祖吉士所通。）超熊詔因王以通李數倍於王。（通熊詔託王守烈獻李銀三千。）徐陳基獻斬以媚妻。名先于斬。（周顥杭州人。挾貲五千。託徐轉交。姜二人皆中北籍。）二賀父子異籍。具大神通。（壬辰進士賀寬子。宏通中南籍。孫秉幽中北籍。）兩黃兄弟連名。若

合左券。（黃宏深宏湛兄弟各五千。）魏龍巨萬。淘是魁才。（魏壽讓係乙丑進士。專期子龍。河家有巨萬。）吳李多貲。果爲首選。（吳璉徽商。係陳恂說合。李治亦鹽商。）借藏身爲活計。徐用錫之陰謀。（徐藏身直撫。李光地幕中知縣獻以關節。）託假館以夤緣。謝緒宏之狡術。（謝乃洮岷道緒光之弟。假館於姜而納賄。）胡天不弔。任與獨少佳兒。（爲主考通繩索者張豫章陳恂嚴虞惇子姪皆中。胡任興無子。但得居閒錢耳。）黃物有靈。叔璥豈眞難弟。（黃叔琳居間中其弟。）不閱文而專閱價。滿漢之巨室。歡騰變多讀而務多藏。南北之孤寒氣盡。取人如此。公論謂何。况夫數世長隨。擢居鼎貴。（李蟠祖父。皆作長隨。）八旬老子。拔置清班。（姜宸英年老。）朝廷待彼不爲薄矣。二君設心何其謬哉。獨不念天聽若雷。神目如電。嚴虞惇撫床而囑。何偏直受命之辰。（嚴初六日至李寓囑。子姪皆中。）黃夢齡餽參爲名。何必在赴宴之後。（姜宸英赴宴後。差人至黃處。取參半觔。中其勇賚士龍。）龍門未啟。題目何以

喧傳。蕊榜未懸。元魁何由預報。（預報諸名。分毫不爽。）售關節於殺妻之兇犯。豈謂知人。（王兆鳳。本姓賈。高郵人。殺妻問罪。逃至京師。匿良鄉傳署中。李姜屬意中解元。冒北籍。）寄耳目於舐痔之懷來。寧云擇侶。（此番皆懷來縣錢世安把持。）嗚呼噫嘻。投身鮑氏。固已薄其爲人。（李蟠中狀元後。投拜內監鮑三老門下。）不赴親喪。早已窺其行短。（姜宸英親死不奔喪。）身辱者。心必喪。（李）孝虧者。忠必衰。（姜）似此敗檢。貽玷清流。以禦魑魅。未足蔽其厥辜。肆諸市朝。庶少伸夫公道。吾輩進退不苟。死生惟命。務請尙方之劍。斬彼元兇。當路風聞既確。目擊又眞。何惜彈劾之章。達諸天聽。不然苟白簡之遲遲。致羣情之洶洶。一旦有義士者挺身而起。或刺之於國門。或殺之於車下。四方聞之。恐笑士大夫之無人也。

戴名世之獄

桐城方戴書案記云。方孝標記。在滇黔時所聞所見。明季國初以來。彼邦時事。

刊入生平所撰鈍齋文集中。時邑人戴名世。亦與孝標晚年相接。名世早年聰穎。才思豔發。好讀左氏及太史公書。尤留心有明一代史事。網羅放失。時訪明季遺老。考求故事。兼訪求明季野史。參互考訂。以翼後來成書。仿太史公之意。藏之名山。嘗見方氏所撰滇黔紀聞之書。未及深考。康熙某年。其門人有舒城余湛。字石民者。偶與釋氏犁支相晤。談桂王時事。蓋犁支本爲宦者。後因桂王爲吳三桂所害。此宦者乃皈依釋氏。改名犁支。時名世聞之。乃往余生處訪問。而犁支已去。不及相見。名世歸。乃屬余生將所聞於犁支者。一一書示。逾年名世得余生所記。後得方氏滇黔紀聞。考其同異。并以所疑。致書於余生。書曰。

前者浮屠犁支。自言永歷中官者。爲足下道滇黔間事。余聞之。載筆往問焉。余至而犁支已去。因教足下爲我書其語來。去年冬乃得讀之。稍稍識其大略。而吾鄉方學士有滇黔紀聞一篇。余六七年前。嘗見之。及是而余購得此書。取犁支所言考之。以證其同異。蓋兩人之言。各有詳畧。而亦不無大相懸

殊者。傳聞之間。必有訛焉。然而學士考據頗爲確核。而犁支又得於耳目之所覩。茲二者將何所取信哉。昔者宋之亡也。區區海島一隅。僅如彈丸黑子。不踰時而又已滅亡。而史猶得以備書其事。今以弘光之帝南京。隆武之帝關越。永歷之帝兩粵。帝滇黔。地方數千里。首尾十七八年。揆以春秋之義。豈遽不如昭烈之在蜀。帝昺之在崖州。而其事漸以滅沒。近日方寬文字之禁。而天下所以避忌諱者萬端。其或菰蘆山澤之間。有厼摩識其梗概。所謂存什一於千百。而其書未出。又無好事者爲之掇拾流傳。不久而已蕩爲清風。化爲冷灰。至於老將退卒。故家舊臣。遺民父老。相繼漸盡。而文獻無徵。凋殘零落。使一時成敗得失。與夫孤忠效死。流離播遷之情狀。無以示於後世。豈不可歎也哉。終明之世。三百年無史。金匱石室之藏。恐終淪散放失。而當世流布諸書。缺略不詳。毀譽失實。嗟乎。世無于長孟堅。不可聊且命筆。鄙人無狀。竊有志焉。而書籍無從廣購。又困於飢寒。衣食日不暇給。懼此事終于廢

棄。是則有明全盛之書且不得見其成。而又何況乎夜郎、筇笮、昆明、洱海奔竄流亡、區區之軼事乎。前日翰林院購遺書於各州郡。書稍稍集。但自神宗晚節事涉邊疆者。民間汰去不以上。而史官所指名以購者。其外頗更有潛德幽光。碑官碑志紀載。出於史館之所不及知者。皆不得以上。則亦無以成一代之全史。甚矣其難也。余夙者之志。於明史有深痛焉。輒好問當世事。而身所與士大夫接甚少。士大夫亦無有以此爲念者。又足迹未嘗至四方。以故見聞頗寡。然而此志未嘗不時時存也。足下知犁支所在。能召之來與余面論其事。則不勝幸甚。

乃康熙二十二年癸亥時事也。至三十九年庚辰。至四十年辛巳。戴氏均膺浙江學使。保德姜侍郎棣之聘。姜公稍助買山之資。又以前次十五六年。幕囊存於友人趙良治所。趙爲買田五十畝。屋一區。於故里南山岡。以四十一年壬午冬。由江寧卜居於此。時其門人尤雲鄂。生平所鈔戴氏文百餘首。爲之付梓。因

卜居南山岡。卽以南山集命名。此與余生書。卽刊入集中。自云此集僅得全集五股之一。其集頗流行外省。至四十四年乙酉。應順天鄉試。中式第五十九名。已五十有三。至四十八年己丑會試。中式第一名進士。殿試第一甲第二名。授翰林院編修。年已五十有七。在京供職。至三十年辛卯冬十月丁卯。左都御史武進趙申齋。據南山集奏參。原奏云。

題爲特參狂妄不謹之詞。臣以肅官方。以昭法紀事。欽惟我皇上崇儒右文。敷尚正學。訓飭士子。天語周詳。培養人材。隆恩曲至。普天下沾濡德化者。無不恪循坊檢。懷畏章程矣。乃有翰林院編修戴名世。妄竊文名。恃才放蕩。前爲諸生時。私刻文集。肆口游談。倒置是非。語多狂悖。逞一時之私見。爲不經之亂道。徒使市井書坊。翻刻貿鬻。射利營生。識者嗤爲妄人。士林責其乖謬。聖明無微不察。諒俱在洞鑒之中。今名世身膺異數。叨列巍科。猶不追悔前非。焚削書板。似此狂誕之徒。豈容濫厕清華。臣與名世素無嫌怨。但法紀所

關。何敢徇隱不言。爲此特疏糾參。仰祈勅部嚴加議處。以爲狂妄不謹之戒。而人心咸知悚惕矣。伏候皇上睿鑒施行。

得旨。這所參事情。該部嚴察。審明具奏。旋據九卿議。戴名世一案。我朝定鼎燕京。剿除流寇。順天應人。得天下之正。千古之所未有也。七十載萬國朝宗。車書一統。薄海内外。咸奉正朔。皇上御極以來。隆禮前朝。軼古超今。天下人民。咸戴生全義育之恩。淪肌浹髓。方孝標喪心狂逆。倡作滇黔紀聞。以致戴名世摭飾其間。送書流布。多屬悖亂之語。罔識君親之大義。國法之所不宥。文理之所不容也。又刑部爲題參事。今看得左部趙參戴名世一案。夾訊戴名世供南山集子遺錄。方正玉刻的。南山集係尤雲鄂刻的。雲鄂是我門生。我作了序。放他名字。汪灝方苞方正玉朱書王源序。是他們自己作的。劉巖未有作序。我與余生書內有方學士名。即方孝標。他作的滇黔紀聞。內載永歷年號。我見此書。即混寫悖亂之語。罪該萬死等語。訊問方登燭。供我自幼繼與方兆及爲子。我生父

方孝標的演黔紀聞。我聽見戴名世被參之說。書內有方學士書。我問我姪方世樵。說家中有鈍齋文選板。我叫世樵寄信燒燬等語。據方世樵供。我寄信燒燬板是實。那演黔紀聞。即鈍齋文選內二篇書等語。據方苞供。我不合與戴名世作序收板。罪該萬死等語。據方正玉供。子遺錄是我銀子刻的。序文是我的名字。有何辯處等語。套訶尤雲鄂供。我先生戴名世書。是我銀子刻的。序文是我先生作的。放我名字等語。查戴名世書內。欲將本朝年號削除。寫入永歷大逆等語。據此戴名世照律凌遲處死。伊弟戴平世斬决。其祖父父子兄弟。異姓伯叔兄弟之子。俱解部立斬。其母女妻妾姊妹子之妻妾。伯叔父兄弟之子。給功臣爲奴。方孝標身受國恩。尊崇弘光隆武。永歷年號。大逆已極。依律凌遲。今已身故。應剉骨財產入官。伊子方登嶧。方雲旅。方世樵。照律斬決。孝標族人不論已否。孝服盡除。已嫁之女外。一應放黑龍江。汪灝方苞。應綏立決。方正玉。尤雲鄂。妻子放寧古塔。嚴劉僉妻。流三千里。至配所責四十。原任尙書韓菼三十。

七人俱係時文母庸議余生等六人至拿到日再結王源朱書已經病故母庸議南山集板燒燬行文各省將方孝標戴名世所造之書查出燒燬五十一年壬辰春正月丙午刑部等衙門奏審察戴名世所著南山集子遺錄內有大逆等語應卽行凌遲已故方孝標所著滇黔紀聞內亦有大逆等語應剗其屍骸戴名世方孝標之祖父子孫兄弟及伯叔父兄弟之子年十六歲以上者俱查出解部卽行立斬其母女妻妾姊妹子之妻妾十五歲以下子孫伯叔父兄弟之子亦俱查出給功臣家爲奴方孝標歸順吳逆身受僞官迨其投誠又蒙恩免罪仍不改悖逆之心書大逆之言令該撫將方孝標同族人不論服之已盡未盡逐一嚴查有職銜者盡皆革退除已嫁女外子女一并卽解到部發與烏喇寧古塔伯都納等處安插汪灝方苞爲戴名世悖逆書作序俱應立斬方正玉尤雲鄂聞拏白首應將伊等妻子一并發寧古塔安插編修劉巖雖不會作序然不將書出首亦應革職僉妻流三千里上曰此事著間九卿具奏案內方

姓人俱係惡亂之輩。方光琛投順吳三桂。曾爲僞相。方孝標亦曾爲吳三桂大吏。伊等族人不可留本處也。夏四月壬戌。刑部等衙門議覆。戴名世等一案上諭。大學士等案內擬絞之汪灝。在內廷纂修已久。已經革職。著從寬免死。但令家口入旗。方登嶧之父。曾爲吳逆僞學士。吳三桂之叛。係伊從中慇懃僞朱三太子一案。亦有其名。今又犯法妄行。方氏族人若留在本處。則爲亂階矣。將伊等或入八旗。或卽正法。始爲允當。此事所關甚大。本交內閣收貯。另行啓奏。五十二年癸巳春二月乙卯。大學士等以刑部等衙門審擬戴名世私造南山集。照大逆例凌遲一案。請旨上諭。戴名世從寬免凌遲。著即處斬。方登嶧。方雲。方世樵。俱從寬免死。並伊妻子充發黑龍江。此案內干連人犯。俱從寬免治罪。著入旗。按清初文字之獄。使聞者髮指。方戴之獄。此篇記之獨詳。故全錄之。

梁山舟遺事

春冰室野乘云。梁山舟學士。以晉名乾嘉間。平生深自矜重。不輕爲人作。乾隆

未入都視。謾道出山東。聞人言。運河盛漲。前途道阻。因詣撫軍某公咨之。某公者。滿洲旗籍也。相見。卽盛言水勢之大。因暫留居署內。館之後圃。膳餼豐隆。惟出入必經撫軍內室。殊苦不便。遂亦鍵戶不出。撫軍每三五日必來省。見則言水勢未平。咨嗟不已。室中一無書籍。惟插架古法帖十數種。隃糜數十丸。繅素數百番而已。學士終日無事。因以翰墨爲消遣。如是者。月。架上楮墨亦累罄矣。一日撫軍入見。喜動顏色。曰。水已全退。可行矣。遂張筵祖餞。酒半。忽顧架上楮素。歎曰。吾以王事鞅掌。友朋書債。皆堆積此間。何日始能清理耶。學士乃言曰。吾在此無所事。已敬爲代償矣。撫軍佯驚曰。此皆遠近名士。慕我書名。展轉請求者。今一日爲公汗盡。奈何亟呼僮斥之去。更易新楮來。學士大懼。遽匆匆別去。旣首途。則前驛並無水漲。事皆撫軍飾詞欺之耳。然莫明其故。久之始悟。二十餘年前。官翰林時。撫軍方官筆帖式。嘗以佳紙求書。學士拒而不許。今故爲此狡猾以報之。學士後與人言及。猶憤憤。遣人往覘。則撫署中四壁琳瑯。莫

非學士手蹟矣。此公可謂惡謔。然殊未傷雅。成哲親王曾爲謝學士階樹作黃庭經小楷。爲生平極精之作。旗下一都統見而愛之。乃以數十金購宋紙一卷。親詣邸跪求。王領之。翌日即送至某都統訝其神速。方竊自喜。展視了無一字。惟一角有蠅頭小字三猝不易辨。諦視之。則你也配三字而已。此則令人難堪矣。

官書錯誤

又云。乾隆中修四庫全書。高宗謂遼金元三史。地名人名。譯音皆失其真。因詔館臣重加改定。然武英殿本全史。刊於乾隆四年者。尙未暇追改也。道光初。乃詔軍機章京重復校正。刊改舊板。而其中有絕可笑者。金史地理志。有金復海蓋一語。乃總金州復州及蓋平海城兩縣而言之。今官牘中尙有此語。乃校者誤以海蓋爲人名。而改爲哈噶。又元史睿宗傳。有飲酒藥甚。顧謂左右曰兩語。校者誤以甚顧二字爲人名。而改爲薩賴。若此之類。甚多。殊堪噴飯。且其本地

名人名者。則又不遵欽定三史國語解。而以意更換。移步換形。遂令人莫知爲何人。何地矣。官書之不可信。大抵如此。

聖教西行

庸閒齋筆記云。朝鮮越南。本中國地。故周孔之道。至今被服。日本至魏明帝時。始通中國。自其主文武天皇。釋奠于先聖先師。尊崇孔子。而儒教遂東海矣。觀先哲叢談一書。知彼國儒生恪守程朱之說。于性理之學。寔有發明。不得以倭人而輕視之也。乃今閱香港華字日報。英吉利國牧師雅里。各將遊京師。以極觀光之願。又將迂道山東。往謁曲阜孔林等語。已心喜其知所趨向矣。復見王韜送雅牧師回國序。稱其注全力于十三經。取材于馬鄭。折衷于程朱。于漢宋之學。兩無偏袒。譯有四子書。尙書兩種。西儒見之。咸歎其詳明賅洽。奉爲南針。云云。不禁爲之起舞。深幸聖人之教。又被于西海。西儒能奉周孔。固堪嘉尙。而稚里各研究馬鄭程朱之學。用夏變夷。眞孟子所謂豪傑之士也。天之所覆地

之所載。凡有血氣者。莫不尊親。中庸之言。豈歎哉哉。

洪大全詞

英雄墨寶云。寄身虎口連籌工。恨當年徒困英雄。漫將金瑣綰飛鴻。幾時生羽翼。萬里馭長風。一事無成人漸老。壯懷要問天公。六韜三略總成空。哥哥行不得。淚灑杜鵑紅。

康熙祈天文

宣南耳食錄云。康熙二十六年十二月朔。康熙率諸王貝勒及文武官員步詣天壇致祭。親撰祝文曰。嗣天子臣。敢昭告于皇天上帝曰。臣仰承天祐。奉事祖母太皇太后。高年倚庇。藉得安康。今者疹患驟作。一旬以內。漸覺沈篤。旦夕可慮。臣夙夜靡寧。寢食捐廢。虔治藥餌。徧問方醫。罔克奏效。五內憂灼。莫知所措。竊思天心仁愛。覆轡無方。矧臣眇躬。夙蒙慈養。憶自弱齡。早失怙恃。趨承祖母膝下三十餘年。鞠育教誨。以至有成。設無祖母太皇太后。斷不能致有今日成

立。罔極之恩。畢生難報。值茲危殆。方寸懷迷。用敢潔蠲擇日。謹率羣臣呼籲皇穹。伏懇憫念篤誠。立垂昭鑒。俾沈疴迅起。遐算長延。若大數或窮。願減臣齡。冀增太皇太后數年之壽。爲此匍伏壇下。仰祈洪祐。不勝懇禱之至。

洪秀全之檄告百姓

尊鄉漫錄云。有洪秀全檄告百姓文云。奉天承運太平天國總理軍機天下大元帥萬歲洪爲憚切曉諭。伐暴救民事。照得天下貪官甚於強盜。衙門酷吏無異虎狼。皆由人君之不德。遠君子而親小人。賣官鬻爵。壓抑賢才。以致世風日下。上下交征。富貴者稔惡不究。貧家者銜冤莫伸。言之痛心。殊堪髮指。卽以錢糧一事而論。近加數倍。三十年之糧既而復徵。民之財盡矣。民之苦極矣。我等仁人義士。觸目傷心。故將各府州縣之賊官狼吏。盡行除滅。以救民於火水之中。刻下大兵雲集。廣西已定。湘鄂二省以及江西江南一帶。不得不先行曉諭。凡我百姓兄弟。不必驚慌。農工商賈。各安生業。富貴者須備辦糧食。助我兵餉。

多寡數目。親自報明。各給回借券。以憑日後清償。你等如有勇力者。智謀者。宜同心協力。共襄義舉。俟太平之日。各予榮封。現在各府州縣官員。逆吾者斬。順吾者生。著先赴還原籍。聽候他日起用。其餘豺狼差役。槩行剿除。懸首示衆。恐有流賊土匪。藉端滋事。准爾等指名投稟。俾加懲治。倘有鄉民敢助清官爲虐。以敵吾之士卒者。無論各府州縣村鎮。天兵所到。必予誅夷。凜之慎之。叩達特示。

洪黨之安民告示

又云安民告示云。大漢軍師。兼理內外政教。統屬官吏軍民。開國丞相左。爲上諭宣布中外事。照得安邦定國。弔民非所以害民。發政施仁。戡亂非所以擾亂。村鄉市鎮。不用驚惶。士農工商。各安本業。滿夷當滅。皇漢當興。久合必分。亂極思治。天地古今循環自然之理也。並因君弱而閹臣。暴而貪殘酷。日甚我民何堪。況且朝中文武。權重者盡屬旗滿之人。外省職員。戶位者無非捐納之子。士

人雪窗勤學終屬徒勞難抒抱負雖有經濟之才安有展用之日朝無善政野
多遺賈一臣盡自貪贓小吏能無索賄上有好者下必甚焉故張家祥等遂致
阻截江河擾亂鄉里逞其虎狼之性魚肉生民肆其狐狸之淫閭里受害如渠
等類聞風而興招集匪人凌暴黎庶沿江取稅到處搶掠商民富之者迎刃而
倒士庶聞之者望氣而逃官司不肯究詰猫鼠竟至同眠吁嗟我民際此聊生
何賴是以我聖神文武皇帝心懷惻隱日夜焦憂用是聚天下之義士弔民伐
罪大舉義旗以清妖孽八月初一日兵入永安陛下待庶民如保赤子本官深
體陛下之意自從出兵以來不許部下妄擒一物妄傷一人倘有抗拒不遵本
官定必重究各省州縣地方所在必宜更革編髮左衽之非奮厥乃心成茲偉
績効力有功定貽爵賞且俟東南底定然後戮力北燕擒獲虜酋問其累世猾
夏之罪光復中華一統之休賞德論功明刑設罰我國家自有常典爲此特示
凜遵母遠

錢江上洪秀全書

又云錢江上洪秀全書一通云。伏以大王起事之初。笄髮易服。欲變中國二三百餘年。索虜之俗。志謀遠大。創業非常。其不以武昌爲止足之境明矣。今日之舉。有進無退。區區武昌守亦亡。不守亦亡。與其坐而待亡。孰若進而冀其不亡。不乘此時爲破釜沉舟之計。長驅北上。徒苟且目前。懈怠軍心。誠無謂也。清初吳三桂舉兵之時。不數月而南六省皆陷。地廣衆附。自帝稱雄。可謂驟矣。然遣將四出。不越湖南一步。搶擗十數年。終抵滅亡。前車可鑒也。或謂武昌依阻江湖。襟帶漢湘。扼險自固。然後間道出奇。以一軍出鄖陽。攻潼關。趨陝西。擾彼關內外地。以一軍出荊州。攻夔郡。趨成都。先取四川爲基業。不知秦隴四塞。地錯邊鄙。人悍物嗇。糧食維艱。日重關疊隘。縱我攻必克。大費兵力。勞而莫必。固宜後悔。得不償失。盡棄前功。况削其枝爪。究不如洞其腹心之爲愈也。至四川小局。昔日已形。在蜀漢當日。先以諸葛之賢。繼以姜維之勇。六出九伐。不得中原寸。

土。且江南水邦。賴吳據之以爲脣齒。聯絡援應。尙難得志。况今日哉。天下財賦。大半萃於東南。當此遂鹿於甯謐之中。而欲以一隅敵天下。江決其無能爲也。以江愚昧。不若舍西而東。金陵建業。古帝王建都之所。鳳泗汴梁。眞聖人崛起之方。江詣宜先取江甯。以裕軍餉。繼取汴梁。以爲犄角。終趨濟南。以圖進取。扼齊魯之運河。可以坐困通倉之食。截南北之郵轉。可以牽制勤王之師。然後約我老萬。以攻梁夏。檄我丹山。以攻溫處。所遇則秋毫無犯。所至則招納賢能。而民有不完髮易服。草食蓬漿以迎者。江未之信也。南京不下。則江東不得渡。豐沛不陷。則青兗不得進。山東不搖。則燕京不得戒。嚴糧漕困於內。漢心離於外。孟子所謂不嗜殺人者能一之。正此時也。今日之事。勢成騎虎。萬一頹惰。轉致蹉跎。成敗之機。間不容髮。我軍遠離鄉井。志切從龍。聞進則同心同力。踴躍爭先。聞退則畏首畏尾。存亡莫保。戎衣兩截。捨命冲陷。渡湖而後。無復有南還之望者。皆欲立功名。享富貴。誓九死以垂勳。不願一生以伏莽也。誠因時而勵之。

羣策羣力。一可當百。萬戰何敢辭。時哉不可失。席前之箸。江願借而籌之。馬上之策。江願指而先之也。俟南京底定之後。招集流氓。秣厲兵馬。扼要南堵。揮軍北上。左出則趨江北以進戰。急則可調淮陽之軍以繼之。右出則握河海以拒敵。急則可調開歸之軍以應之。南陽海寧。則發一軍以突其西略。取河內州縣。乘勝入晉。直抵燕冀。無返旆。杭嘉金衢。則發一軍以冲其東。應我沿海舟師。相機定浙。伺間窺閩。無輕舉。兵不止於一路。計必出於萬全。內固江南之根本。外安新造之人民。修我政理。宏我規模。則西而秦蜀。南而豫粵。可傳檄而定。此千古一時也。自漢迄明。天下之變故多矣。分合代興。原無定局。晉亂於故宋。亡於元。數皆恃彼強婪。賺主中夏。然種類雖異。好惡則同。亦不數十年。奔還舊部。從未有毀滅禮義之冠裳。削去父母之毛血。儀制甚匪。官人類畜。中土何辜。久遭荼毒。若斯之酷者也。帝王自有眞。天意果何屬。大任奮興。能不弼諸。更有期者。旗旄所指。與民無逆。提劍號召。是漢即從。使天下咸知今日之舉。並非無名之

師亦使天下咸知中國之仍爲華。不皆終於夷王者發軫。彰明較著。陣堂旂正。不容秘詐。軍行令肅。所至如歸。彼縱有滿洲蒙古殲心竭力之臣。吉林索倫精騎善射之旅。苟不望風投順。我百姓其許之乎。方今天下以利爲治。上下交征。風俗之壞亦已極矣。人心之憤亦已久矣。納貳損名。覲然民上。紳紳之途亦已汚矣。而英雄豪傑之士。抱負名節。伏處於山林莽野之間者。亦已困矣。磅礴鬱勃之氣。積久必宣。有真人起。孰不欲去其舊染之污。拭目而觀新命之鼎哉。佈置調度。此其大略。欲成基業。願勿他圖。夫草茅崛起。締造艱難。必先有包括宇宙之心。而後有旋轉乾坤之力。知民之爲貴。得民則興。知賢之爲貴。得賢則治。如漢高祖之寬洪大度。如明太祖之夙夜精勤。一日天人合應。順時而動。事機之來。無可言喻。否則眷戀武昌。預懷得寸則寸之恩。偏隅自足。因循歲月。驕宇不增。糧竭衆危。四面受敵。大勢已去。不能復振。噬臍悔之悔。誠有非吾屬之所忍言者矣。江合觀天下之際。詳察地理之宜。謹撰興王之策。十有四條。伏乞採擇。

施之實爲至幸。（策勦）

剛中堂之識字

春冰室野集云。剛毅爲刑部尙書。上官日與諸司員言。稱臬陶爲舜王爺駕前刑部尙書臬大人臬陶。（陶字讀本音）此事早膾炙人口。而不知猶有令人發噱者。其在刑部日。提牢廳每報獄囚瘐毙之稿件。輒提筆改爲瘦字。且申斥諸司員不識字。諸司員咸匿笑而已。在軍機時。四川奏報剿番夷獲勝一摺。中有追奔逐北一語。剛覽摺忽大怒。謂川督何不小心至此。奏摺可任意錯訛耶。擬請傳旨申斥。衆詫而問之。則曰。此必逐奔追比之訛。蓋因逆夷奔逃。逐而獲之。追比其往時掠去漢人之財物也。若作逐北。安知奔者之不向東西南而獨向北乎。常熟在旁。忍笑爲解其義。剛終搖首不謂然。

文人善飲

梁章鉅歸田瑣記云。蒲城近日風氣遠不如昔。不但談藝無人。卽豪飲者亦少。清

文士飲更不待言。求如三十年前祖筋齋師之雅懷雅量。杳不可得。舊時門士落落如晨星。壬寅秋初寄廡時。有黃懋昭廣文(訓)者。可稱大戶。其時季述堂運副亦相伯仲。而意專角勝。終席叫呶。即其內不足之徵。逾年則述堂遠出。懋昭酒力亦驟退。惟季堯文廣文(松雲)尙堪自張其軍。一時遂無能出其右者。述堂嘗問余服官中外所值酒侶。果可當大戶者。有若干人。余曰里居時。惟見閩邑令海豐張曦亭(映斗)者。餉客以茶。陪飲以火酒兩杯。對舉並盡。後客來復然。可以終日不倦。通籍後。則惟同年安化陶文毅公。飲量食量並洪。嘗言火酒或可醉人。黃酒自可無量。不生並不知醉鄉爲何似。在安徽藩任時。嘗與孫平叔中丞以火酒角量。自辰至亥。孫已酩酊。而公仍陽陽如平常也。述堂曰。京中諸巨公先生。自不乏眞大戶。可能舉其人否。余曰。此則吾師紀文達公詳言之矣。師云。酒有別腸。信然。八九十年來。余之所聞者。以顧俠君前輩稱第一。繆文子前輩次之。余所見先師孫端人先生。亦入當時酒社。先生自云。我去二公

中間猶可著十餘人。次則陳句山前輩與相敵。然不以酒名。近時路晉清前輩稱第一。吳雲巖前輩亦駿駿爭勝。晉清曰。雲巖酒後彌溫克。是卽不勝酒力。作意矜持也。驗之不謬。同年朱竹君學士周稚圭觀察皆以酒自雄。雲巖曰。二公徒豪舉耳。毋陣喧呶。潑酒幾半。使坐而靜酌。則敗矣。驗之亦不謬。後輩則以葛臨溪爲第一。不與之酒。從不自呼。一杯與之。酒雖盈盞。無難色。長鯨一吸。涓滴不遺。嘗飲余家。與諸桐嶼吳惠叔等五六人角。至夜漏將闌。衆皆酩酊。或失足顛仆。臨溪一一指揮僮僕。扶掖登榻。然後從容登輿去。神志湛然。如未飲者。其僕曰。吾相隨七八年。從未見其獨酌。亦未見其偶醉也。惟飲不擇酒。使當酒亦不甚知美惡。故其同年以登徒好色戲之。然亦罕有矣。惜不及見。顧繆二前輩一決勝負也。端人先生恒病予不能飲。曰東坡長處學之可也。何併其短處亦刻畫求似。及余典試得臨溪。以書報先生。先生復札曰。我再傳有此君。聞之起舞。但終恨君是蜂腰耳。前輩風流佳話如此。近今則如廣陵散。渺不可追矣。

文人食量

梁章鉅歸田瑣記云。相傳國初徐健庵先生。食量最宏。官京師數十年。無能與對壘者。及解官言歸。衆門生醵錢之。謂將供一日醉飽也。預安一空腹銅人於座後。凡先生進一觴。則亦倒一觴於銅人腹。以至殼散羹湯皆然。銅人因滿而倒換者。再而先生健啖自若也。乾隆年間。首推新建曹文恪公。(秀先)次則達香圃大宗伯(椿)人言。文恪肚皮寬鬆。必摺一二疊。飽則以次放摺。每賜羹肉。准王公大臣各携一羊腿出。出則率以遺文恪。文恪輜箱爲之滿。文恪取置扶手上。以刀片而食之。至家則輜箱之肉已盡矣。香圃宗伯家甚貧。每餐或不能肉食。惟買牛肉數斤以供一鮑。肉亦不必甚爛。略煮之而已。宗伯人極儒雅。惟見肉至。則喉中有聲如貓之見鼠者。又加厲焉。與同食者。皆不敢下箸。都城風俗。親戚壽日。必以燒鵝燒豚相餽。達宗伯每生日。餽者頗多。是日但取燒鵝切爲方塊。置大盤中。宴坐以手攫啖。爲之一快。

金聖歎身後異事

周亮工賴古堂尺牘新鈔載稽永仁與黃余韶尺牘云。周計百使君司李廣南讀才子書。慕聖歎爲人。遣使齎舟車之費往迎之。聖歎適有唐詩選未赴也。然業已心許之。越明年使君夢一人披髮跣足。聳身案上。蒙面而泣曰。我聖歎也。使君晨起謂客曰。聖歎休矣。遣使再至吳門。始知使君夢中之夕。卽聖歎絕命之辰也。

宋長白柳亭詩話云。金聖歎既死。山左有官署召仙。仙乃聖歎判一詩云。石頭城畔草芊芊。多少愚人城下眠。惟有金生眠不得。雪霜堆裡聽啼鶯。吳菌次云。章有謨景船齋雜記云。金聖歎前身爲杭州昭慶寺僧。死後吾郡朱眉方夢聖歎謂之曰。吾前身乃僧也。常游歡愛河中。故有是劫。今脫矣。當爲鄧尉山神。

虎林軍營唱和

鈕琇觚臘云。吳愧菴名炎。潘力田名檉章。才望相埒。康熙癸卯二月。同以史事

株連。逮繫虎林軍營。吳有營中送春詩云。一半春光縹綫過。睡壺敲缺待如何。
鶯聲啼老聽難到。柳絮飛殘撲轉多。晚晚斜陽連雉堞。朦朧短夢遙岩阿。不堪
往事成回首。總付錢塘東逝波。潘漫成四首。其一抱膝年來學避名。無端世網
忽相罥。望門不敢同張儉。割席應知愧管甯。兩世先鳴悲欲絕。一家累卵杳難
明。自憐腐草同湮沒。漫說雕蟲誤此生。其二吳關一路作羈羈。棘木庭前聽五
詞。已分殘形輕似葉。却憐衛足不如葵。下堂真愧先賢訓。抱璧幾同楚客悲。從
使平反能苟活。他年應廢蓼莪詩。其三園土初經二月春。薰風又到繁維身。流
螢夜度綿袍冷。採蕨朝供麥飯新。敢望左驂歸越石。還期長珮擬靈均。多情最
是他鄉侶。閒譜龜茲慰苦辛。其四閱歷風霜祇自疑。難將身世問時宜。窮愁只
合吾儕事。姓氏羞爲獄吏知。見說成書刑鑄鼎。不聞有夢召胥靡。南山此去躬
耕好。未可重題酒後詩。吳懷古四首咏岳忠武云。將軍野戰最知名。半壁河山
一力撐。義在春秋臣節殫。法過韜略陣雲明。運移宋歷終江海。功就斬王敢弟

兄痛飲黃龍子。載恨錢塘夜。夜夜有潮聲。隊伍相國云。闔閭行歌未死身。一言投
契作宗臣。報仇暮日忘荆國。抉眼衰年看越人。羅刹江頭潮最怒。姑蘇臺畔草
常新。蟲沙猿鵠無窮化。願向波濤問大神。咏蘇文忠云。杭州刺史最風流。簫鼓
樓船春復秋。譏誚每擾丞相怒。判書常應老翁求。六橋花柳蒙遺澤。兩岸湖山
紀勝遊。當日憐才豈無意。峩嵋夜月照高丘。咏于忠肅云。開元城外黑雲屯。土
木營邊日月昏。手挾六龍羣喙定。身擔一線國威尊。戰爭有幾禁南牧。矰幣無
多返北轍。兩字獄成明主惜。高名贏得並乾坤。與美生對酌絕句云。平生恨不
學屠沽。輸與高錫一酒徒。此日尊前須盡醉。黃泉還有賣梨無。是歲五月吳與
潘俱磔於杭之臨教坊。同死者二百餘人。先一日吳語其弟曰。我輩必罹極刑。
血肉狼藉。豈能辨識。汝但覩兩股上各有一火字者。即我尸也。聞者無不流涕。

四庫全書之濫觴

春冰室野乘云。乾隆朝脩四庫全書。從永樂大典中輯佚書七百餘種。人皆知

其議之發於朱笥河學士。而不知徐健庵尙書已有此議。學士特因其成說耳。
考健庵所爲高詹事刻編珠序云。皇史宬永樂大典。鼎革時亦有散失。往語詹
事。皇上稽古右文。千古罕遺。當請命儒臣重加討論。以其秘本刊錄頒布。用表
揚前哲之遺墜於萬一。余老矣。詹事孜孜好古。幸它日勿忘此言也。(案大典
中佚書實不止此七百餘種。當時館臣蒐輯。大抵取其卷帙畧少者。宏編巨冊。
尚不暇甄錄。後來徐星伯先生所輯宋中興禮書。政和五禮新儀諸書。皆從大
典中錄出。張石洲實佐其役。石洲曾爲人言。其中秘本尙夥。惜無此暇日。盡錄
成書。以補四庫之闕。(此語見某說部中。今忘其名矣)庚子拳亂。翰林院被
焚。大典一書。遂無片紙留遺矣。惜哉。

張南皮

尊鄉漫錄云。南皮在都門。恒以詩鑄遣日。丁未之歲。江浙爭鐵路諸君入都中。
有王勝之太史(同愈)許久香觀察(鼎霖)南皮曾以煙惹御爐。許久香對以

□□□□王同愈。（闕四字者，余聞客述而忘之。）一時座客咸爲擱筆。以上四字難於工對也。閱數日，南皮忽得一無名信，內書一聯云：圖陳秘戲張之洞。煙惹御爐許久香。南皮大怒，擲之火爐中。

又云：挽張南皮聯。京師人作者頗多。有云：毀譽由人。畢竟是近世史重要人物。東南立約。也算得光緒朝汗馬功勞。

又云：南皮哀啟。聞爲梁節菴等所撰。有節啓中語作挽聯云：無一日不辦事。無一事不用心。疆寄三十年。竟至如此。治術行十分之四。學術行十之六。詩存五百。嗚呼痛哉。句句皆哀啟中語。稍爲顛倒意義。迥別是集句中之能手也。

又云：南皮在鄂時。有寄京爭司法獨立之長電。至三千餘字之多。電局往返譯對。耗時費日。有人謂此電倘有快車寄者。計快車到京時。此電譯發剛及半耳。

潘力田之修明史

戴笠。潘力田傳云：潘檉章字聖木。一字力田。專精史事。謂諸史惟馬遷書最有

條例。欲仿之作明史記。而友人吳炎所見畧同。遂與同事。檉章分撰本紀及諸志。炎分撰世家列傳及年表。歷法則屬諸王錫闡。流寇志。則笠任之。私家最難得者實錄。檉章鬻產購得之。而崑山顧炎武。江陰李遜之。長洲陳濟生。皆熟于典故。家多藏書。並出以相佐。檉章長於考核。炎長於叙事。互相討論。間出其稿質之錢宗伯謙益。謙益大善之歎曰。老夫耄矣。不圖今日復見二君。絳雲樓餘燼尚在。當悉以相付。連舟載其書歸。謙益有實錄辨證。檉章作國史考異。頗加駁正。數貽書往復。謙益不能奪也。撰述數年。其書既成十之六七。而南潯莊氏史獄起。參閱有檉章及炎名。俱及於難。莊氏書以故閣臣朱國楨繫爲粉本。自與茗士共足成之。刻成。兩人未嘗寓目。徒以名重爲所摭引。遂羅慘厥。

康熙御製旃檀佛西來歷代傳祀記

高士奇金鰲退食筆記云。宏仁寺。即康熙年間清馥殿基址改建。迎旃檀佛居之。佛像高五尺。鵠立上視。後瞻若仰。前瞻若俯。左手舒而直。右手舒而垂。扣之。

聲若金石。入水不濡。輕如髹漆。晨昏寒暑。其色不一。大抵近於沈碧。并恭載御
製旃檀佛。西來歷代傳祀。記其畧云。佛以周昭王二十四年甲寅誕生西域。穆
王五十二年壬申入滅。佛成道後。嘗升忉利天。爲母氏說法。時優曇王以久闇
瞻依。乃刻旃檀像。佛聖表目懶連。以神力攝三十二匠升天。諦觀相好三返。乃
得其真。及佛復降人間。其像升空謁佛。佛爲摩頂。記曰。我滅度千年後。爾往震
旦國。大興佛化。佛滅千二百八十餘年。始自西域。傳至龜茲。六十八年至涼州。
十四年至長安。一十七年至江左。百七十三年至淮南。三百一十七年至涼州。
江南。二十一年北至汴京。百七十七年。金太宗於辛亥歲迎至燕京閔忠寺。十
二年金熙宗於上京建大儲慶寺成。奉迎於積慶閣中。二十年金國海陵王復
南迎還燕宮內殿。居五十四年。元朝丁丑歲三月。內殿火。尙書石抹公迎往聖
安寺。一十九年至元世祖至元十二年。奉迎入萬壽山仁智殿。居十五年。建大
聖萬安寺。二十六年自仁智殿奉迎於寺之後殿。百四十餘年。自爾迎於慶壽

寺至嘉靖十七年居百二十餘年。因寺回祿奉迎於鷺峰寺。至康熙四年居一百二十七年。計自優曇王造像之歲。當穆王十二年辛卯。至我朝康熙五年丙戌。凡二千六百五十餘年矣。

都門詞事彙錄七則

春冰室野乘云。二十年來中外多故。詞人哀時閔世。不敢顯言。往往託爲吊古詠物之作。以寄其幽憂忠愛之志。非得同時人爲之箋解爬梳。數十年後。讀者不復知爲何語矣。今夏淳署逼人。聊取王佑遐黃門半塘詞。及朱古微侍郎彊村詞。讀之見其中多有涉及時事者。爰就所記憶。拉雜記之。不能得其什一也。半塘老人游仙詞。佑遐味梨集中。有望江南小遊仙詞十五首。皆詠頤和園故實。錄之以當詩史。排雲立飛觀。聳神霄。雙鶴每邀王母馭。六龍時見玉宸朝。阿闍鳳皇巢。(一)山徑轉雲磴。鬱盤紆。聞道鍊顏仙姥健。御風不用日華車。飛佩響瓊璈。(二)孝欽晚年甚健。每遊園。登山陟磴。步履若飛。宮婢有追隨不

及者。雲木杪。瑤殿敞山阿。天上也恩安樂好。璇題新署小行窓。富貴到烟蘿。

(三) 金闕秘朝暮。降真仙甲乙。親排承直日。英皇分侍上清廷。來往各翩然。

(四) 新漲落。荇藻碧參差。偶駕潛虬凌弱水。人間遙指是晴霓。金翠接天西。

(五) 多少事。天上異人間。電入夜城光不滅。月臨蓬島影長圓。雲水澄澄鮮。

(六) (此指電燈。) 壺中靜。揮灑出天真。題榜少霞官閣吏。侍書南岳召夫人。

清極絕纖塵。(七) (侍書夫人。擬指繆素筠。) 烟柳外。空翠濕衣裾。三塔高低

連北鎮。六橋縹緲似西湖。圖畫定誰如。(八) 屏山曲。雲母繞周遭。玉座重重遮

錦帳。琪花密密護仙茅。寒重覺天高。(九) 閑干側。風景更誰同。千步長廊隨曲

水。萬株寒翠間鞋紅。迎面碧芙蓉。(十) 琉璃壁。雲影四周圍。不遣輕塵粘舞席。

愛移行幃傍歌臺。羯鼓報花開。(十一) 雲水畔。奇幻絕人寰。泛海靈槎疑化石。

出林高閣欲藏山。休作化城看。(十二) 仙路迥。天外望青鸞。最是雲間雞犬樂。

因緣分得鼎餘丹。長日守松檀。(十三) 驂鸞路。行近意都迷。柳岸風輕煙絮軟。

因緣分得鼎餘丹。長日守松檀。

芝田日煖藥苗肥。雲控漫如飛。(十四)游仙樂。彈指現林邱。寶氣遠騰天北極。
豪情親遇海西流。終古不知愁。(十五)

九九消寒圖。亭前垂柳。珍重待春風。兩句九言。言各九畫。宣廟御製詞中語也。
懋勤殿謹依原蹟。雙鈎裝幅。爲九九銷寒圖。題曰管城春滿。南齋諸臣。按日填
注。陰晴風雪。日填一畫。八十一日而畢。歲爲故事。歸安朱古微宗伯集中。有齊
天樂一首詠此。詞云。龍池淺色東風緩。春光管城先透。三起三眠。一波一磔。妝
點銷寒時候。酥鈿九九。換新樣宮紺。墨塵雙逗。鵲尾香中。幾呵揮翰玉堂手。清
吟天上事。遠御屏宣侍處。玉案烏袖。六琯光陰。百年文物。不是尋常懷舊。芳韶
儘有。夢不到靈和。雨滋煙溜。自擘苔牋。細填梅蕊瘦。

鷓鴣天詠史。黃門半塘詞中。多以鷄鴣天詠史之作。實皆風議時事之什也。定
稿中僅留五首。(一)笑裏重簪金步搖。鷄哥學語儘能嬌。祇愁淡月朦朧影難
驗。微波上下潮。牋十色燭三條。東風從此得愁苗。靈蕤秘記分明在。回首神

峰萬仞高。此當指丙申丁酉間事。漚翁曾爲述其大畧。惜忘之矣。(二)卅載龍門世共傾。腐儒何意占狂名。武安私第方稱壽。臨賀嚴裝早辦行。驚割席憶橫經。天涯明日是春城。上尊未拜官家賜。頭白江湖號更生。(三)羣彥英英祖國門。向來宏長屬平津。臨歧獨下蒼生淚。八百孤寒媿此君。傾別酒。促歸輪。壯懷枉自託風雲。劇憐彩鷁乘濤處。親見蓬萊海上塵。兩首皆指常熟去國事。(四)屬國歸來重列卿。郭家金穴舊知名。似傳重訂冰天錄。那得長謠穎水清。仙仗入籞書傾。空令請劍壯朱生。好奇事盡歸方朔。殿角微聞叩首聲。此皆指南海張樵野尙書事。(五)注籍常通神虎門。書生恩遇本無倫。鬼神語秘驚前席。輓輶謀工拾後塵。空折角。笑埋輪。厲言秦鹿底翻新。可憐一闕成何事。贏得班姬苦乞身。此首爲朱古微學士張次珊參議劾某官事發。折角埋輪。指兩人姓也。

紀翁協揆去國。常熟之去國也。正當戊戌變法之初。彊村詞中有丹鳳吟一

首題爲和半塘四月二十七日雨聲之作。卽詠此事也。其詞云。斷送園林如繡。雨濕朱幡。塵飄芳閣。黃昏獨立。依舊好春簾幙。分明俊侶。霎時乖阻。鏡鳳盟寒。衫鬢妝薄。漫託青禽寄語。細認銀鉤珠淚。潛透殘角。此後別腸寸寸。去魂總怯波浪惡。夜暝天寒處。拚鉛紅都洗。眉翠潛鎔。舊情未訴。已是一江潮落。紅燭玉釵恩易斷。悔圓紈重握。影娥夢裏。知甚時念著。

詠珍妃殉國事。珍妃殉國一事。與孝哲皇后之殉節。義烈哀慘。同爲千古所未有。彊村集中。聲聲慢一首。題爲十一月十九日味聃以落葉詞見示。感和卽賦此事也。詞云。鳴螢頰城。吹蝶空枝。飄蓬人意相憐。一片離魂。斜陽搖夢成煙。香溝舊題紅處。拚禁花憔悴。年年寒信急。又神宮淒奏。分付哀絃。終古巢鸞無分。正飛霜金井。拋斷纏綿。起舞迴風。纔知恩怨無端。天陰洞庭波闊。夜沈沈流恨湘絃。搖落事向空山休問。杜鵑又兩家詞中。金明池咏扇子湘荷花一首。其後闋亦暗指此事。王云。忽湧飛塵驚掠。怕水佩風襟。舊情難問。芳時換哀。

蟬曲破。花夢短。野鴛睡穩。晏香煙複道垂楊。望太乙仙舟歸期難準。勝泣露欹
檠。飄零鉛淚悄共銅仙偷搘。朱云拗折西風絲寸寸。漫覓醉仙漿。碧笛深引霓
裳舞。今宵疊遍。梨淚影明朝吹盡。儘相思太液秋容。但墜粉空房。石鱗沈恨。怕
玉井峰頭月昏。煙淡翠被餘香愁損。

詠離伶五九事。京師離伶五九者。以色藝名。丁戊閒。南海張樵野侍郎妃之。
侍郎之謚成也。門生故吏無敢往送行者。五九獨棄所業。追送至西安而後返。
都下一時稱爲義伶。兩家集中各有氏州第一首。卽詠此事。王云。何事千卿。
笙鳳喚起。當歌對酒情抱。舞扇留雲。邊笳訴月。淒絕榮華露草。三五年時記舊
約櫳房深窈。張緒風前秦宮花底。負春多少。又試新聲鶯燕小話。前事亂愁
誰埽。迷蝶春心。聞蟬客思甚。夢醒人杳。乍開簾驚見處。歌塵惹閒情絕倒。玉笛
從今定愁翻伊涼別調。朱云輕薄箏塵。零亂鈿粉。當筵恨壓眉小密。緒連環清
吭掩扇。悽隔秦天縹綱。蕃馬屏風。有暗月窺人偷照。玉杵深盟金錢淺擲。頓催

懽老。八九驚烏棲樹少。定輸與羈雌鳴繞毳幙思新珠。田夢遠。驚并歸愁抱惹花前閒淚落。停杯處相看一笑。誰打鴛鴦錦塘空孤眠到曉。

紀王煥事。溫尹集中鳳銜杯一首哀山陰王郎中煥也。煥字輔臣。儀貌昳麗。才思倜儻。頗以天下才自負。入貢爲工部郎。與壽山爲昆弟交。壽山官侍衛。貧窶甚。幾不給餉。粥賴煥時時卵翼之。煥恒鬻室人簪珥衣飾以資壽山。壽山感煥甚。誓富貴無相忘也。俄而壽山以剛毅薦出爲黑龍江將軍。因奏調煥同往。軍府之事悉以委之。煥竊自喜。得藉此發舒。視官事如家事。經畫區處。井井有緒。壽山聲譽日隆。起已而都下拳禍作。東三省奸民亦紛紛應之。壽山承中朝意旨。一意招撫。且將盡除境內教士西商。煥力陳不可。壽山弗聽。煥爭之急。壽山大忿。遽攘袂大詬。立逐煥出署。煥知不可諫。亦遂驅車南返。行三日矣。壽山回念前事。益忿戾。忽轉念謂煥此去入都必且毀已。且其沮義舉爲外人遊說。心尤不可問。彼旣無君臣之倫。吾安能復顧友朋之誼。不速除之。將有後患。因

召材官數人。授以健馬。令速追煥還省。煥方在中途。見材官來。以爲壽山有悔。禍之心。仍用己謀也。乃欣然返至軍署。則壽山已盛服坐堂皇。健兒數百左右侍。乃大驚。壽山見煥至。憤怒跳踉。不復可遏。命侍者捽煥使跪。拍案大罵。叱其不忠。立命縛出斬之。未逾月。壽山亦敗死。詞云。幹難河北陣雲寒。咽西風鄰笛淒。說著舊恩新怨總無端。誰與問九重泉。悲顧景晦投牋。斷魂招哀逆朱絃。料得有人收骨夜江邊。英武賦誰憐。

陶農部宮詞。新建陶無夢農部。(襄)有宮詞百首。述三十年來內庭軼事。大都得自傳聞。爲錄其翔實者十五章。附以箋釋。皆他時史料也。倚虹堂外柳煙濃。御路無塵走六龍。歲歲宸游春色裏。萬人歌舞百官從。倚虹堂在西直門外。臨高梁河。慈駕幸頤和園。恒於此小憩進茶點。雕闌百折接明廊。仙殿排雲涌御香。天半銅亭光四照。日高草木遍山黃。(排雲殿爲萬壽山最高處)八方無事暢皇情。機暇揮毫六法精。宸翰初成知得意。宮人傳喚繆先生。(繆女

士嘉蕙。字素筠。雲南人。以畫筆供奉內庭。釘鈴佩馬去如飛。詣達垂鞭左右隨詔遣阿哥歸主祭。黃幡紫轡好威儀。(大阿哥溥儻立二年。凡大祀皆奉旨恭代行禮。諳達國語。謂師傅教授清文者。其儀祝師傅稍殺。)公使西來越巨漠。國書親奉覲宮庭。禮臣引入文華殿。天語溫和賜寶星。(文華殿在東華門內。爲各國公使覲見地。)景運門前曉色開。百官濟濟早朝回。御醫隨例聽傳喚。排日抄將脈案來。(戊戌九月後。上多不豫。隔數日輒以脈案頒示中外。)六龍倉卒幸西秦。玉骨含冤裹錦裯。從此笙簧休進御。武皇歸哭孟才人。(哀珍妃殉國也。)天家玉食喜奇瑰。潑翠茶濃瑪瑙杯。昨日使臣新貢入。柏林香草賜楊梅。(此下皆辛丑回變後事。)天半燈搖紫電流。玲瓏殿閣仿歐洲。却因一炬西人火。化出繁華佛照樓。(佛照樓卽儀經殿故址。殿燬于庚子之亂。回鑾後重修。費帑五百餘萬。改用西式。賜名佛照樓。)清華西苑景如仙。百頃琉璃漾井蓮。漢殺詞臣與樞密。獨邀天寵許乘船。(軍機大臣及兩書房翰林。

入直西苑。例得乘船。免迂途也。供御龍賓。發異香。新年染翰。伴君王。淋漓錫福。蒼生筆福。字先書絹一方。（賜福蒼生筆。聖祖所製。列聖寶用。每歲元日用此筆書福字。）園子春來柳早青。郊居景物暢皇情。輪船似報巡游信。一帶長河汽笛聲。（昆明湖中御座輪船二艘。某國所進也。）疆臣獻納太珍奇。一笑天顏喜可知。翡翠壽星高一尺。透明碧綠似玻璃。（翡翠壽星。回鑾後。浙撫某中丞所進。）蠶織蘇杭藝最精。詔徵機女入神京。綺華館內薰風暖。長晝遙聞絡緯聲。（綺華館在福華門內。徵蘇杭女子蠶織其中。）恭進應時春帖子。樞臣親寫硬黃箋。兩齋毓慶同頒賜。麝墨雞毫下九天。（立春日。軍機大臣進春帖子。五言截句一首。七言截句二首。用硬黃紙書之。毓慶宮及兩書房翰林亦如之。各拜筆墨之賜。近時春帖以張文襄所進為最工。）

百年前海王村之書肆（琉璃廠於遼為海王村）

春秋道野采云。乾隆時益都李文藻所著南澗文集中有琉璃廠書肆記云。琉

琉璃廠因琉璃瓦窯爲名。東西可二里許。未入廠東門。路北一鋪曰聲遙堂。入門爲嵩口堂。唐氏。名盛堂。李氏。皆路北。又西爲帶草堂。鄭氏。同升閣。李氏。皆路南。又西則路北有宗聖堂。曾氏。聖經堂。李氏。聚秀堂。曾氏。路南爲二酉堂。文錦文繪兩堂。寶田堂。京兆堂。榮錦堂。經腴堂。皆姓李氏。宏文堂。鄭氏。英華堂。徐氏。文茂堂。傅氏。聚星堂。曾氏。瑞雲堂。周氏。二酉堂。自明中葉已有之人。故呼爲老二酉。適西南轉沙土園北口。路西有金氏之文粹堂。肆賈謝姓。頗深目錄之學。爲乾嘉兩朝冠。又北轉至正街。爲文華堂。徐氏。在路南。而廠橋東之肆盡矣。橋西僅七家。先月樓李氏。在路南。又西爲寶名堂。周氏。在路北。又西爲瑞錦堂。亦周氏。在路南。其地即韋姓鑑古堂舊址。韋氏。在乾隆初。頗有聲。全謝山杭大宗朱笥河諸先生。皆折節與交者也。又西爲煥文堂。周氏。五柳居。陶氏。在路北。陶氏即黃蕘圃題跋所謂五柳主人者也。又西爲延慶堂。劉氏。在路北。又西爲博古堂。李氏。在路南。自此出廠西門。書肆盡矣。今去南澗時甫百年。而記中所列各

家。乃無一存焉者。求如陳思蔡益所之流。益不可得矣。南澗集在潘氏功順堂叢書中。今印本亦漸希。爰撮其要於此。以餉後之脩城坊記者。

知不足齋日記鈔本

春冰室野乘云。叢書之刻。至清朝而始精。若歙之鮑吳之黃。金山之錢。張南皮所謂五百年中。決不泯滅者也。然士禮居專重景宋。秘笈無多。守山閣專取四庫未刻之本。猶嫌其經說及考據書太多。而唐宋說部及前人遺集獨少。唯知不足齋三十二集。於四部無所不收。而雜史小說兩種。所收尤夥。皆據精本足本付刊。絕無明人專擅刪改之弊。且巾箱小冊。最便流通。其有功文獻者。更在黃錢上矣。南海潘驛琴學士(衍桐)嘗言。曾在揚州書肆。見有知不足齋日記鈔本數帙。密行細字。是深飲老人真蹟。皆記所得古書始末。及與乾嘉諸老往還商榷之語。於古刻之優劣。鑒別之方法。收藏家傳授之源流。皆言之綦詳。次日往購。則已爲他人取去矣。此書未經刻火。當仍在世間。海內好事家。倘爲之。

刻布流傳。其聲價當在百宋一塵賦之上也。

三進士出身之奇

又云。清朝進士出身最奇者三人。皆在國初。一和縣任暄。明末團練鄉勇。禦流寇有功。後仕福王。爲後軍都督。王師下南京。授誠隸旗下中順治壬辰進士。以磨勘被黜。後再中乙未進士。一邵陽吳芳。崇禎己卯舉人。永歷中官至左都御史。歸命後。願以科第進。中康熙甲辰進士。一五河錢世熹。明末官縣令。鼎革後。削髮爲浮屠。久之復還俗。爲諸生。康熙庚戌成進士。年已七十餘。

奏疏紕繆

又云。清朝滿洲入仕之途甚寬。各部院筆帖式。目不識丁者。殆居多數。循資比俸。亦可至員外郎中。然不能得京察一等。無外補之望。乃以保送御史爲出路。朝廷視滿御史甚輕。但保送即記名。不必考試也。故滿御史多不能執筆作書。間或上疏言事。然亦他人爲之捉刀。光緒甲午冬。東事正亟時。一日早朝。福山

王文敏在午門外與同列論及軍事。太息曰：「事急矣，非起檀道濟爲大將不可。」蓋指董福祥也。一滿御史在旁聞之，殷殷問檀道濟三字如何寫，或書以示之。次日卽上奏，請起用檀道濟。又有一御史上疏力保孫開華，不知開華已死數年矣。又某京堂上奏言日本之東北有兩大國，曰緬甸，曰交趾，壤地大於日本數倍。日本畏之如虎，請遣一善辯之大臣前往該兩國與訂約共擊日本，必可得志云云。聞德宗閱此疏，甚爲震怒，將降旨斥革。恭忠王在側言：「如此將使滿洲大臣益爲天下所輕。」乃止。昔康熙時一老侍衛直乾清門數十年，清寒甚，聖祖見而憐之，因授爲荊州將軍，詔下妻子皆狂喜。而某獨不樂，戚友來賀者輒對之痛哭。駁問其故，則曰：「荊州要地，東吳之所必爭。以關瑪法之智勇，尙不能守，何況於我。此去必死于東吳之手矣。」衆知其不可理喻，咸置笑而已。然此人猶能讀《三國演義》，猶自知才力之不勝，在今日飛鷹走狗之徒上萬萬矣。（關瑪法者，滿洲語貴神之稱。）

文牘謬誤

又云。光緒年相傳有兩事。絕可笑。某生者。夙以善書名。爲義州李子和制府（鶴年）司摺奏十餘年。義州後緣案革職。某生轉入合肥李筱泉制府（瀚章）幕中。時合肥方督兩湖。一日奏事至京。上發視之。則湖廣總督其官。而李鶴年其名也。合肥因此大被申斥。並交部議處。不知當時幕中人何以都漫不省視耶。一爲魏午莊制府（光緒）官平慶涇固道。時駐軍固原部下有逃卒數人。大索不可得。乃通札各府及直隸州飭所屬嚴緝。此本照例文牘。向無人措意。吏胥不通掌故。以奉天府雜入各府中。徑行札飭。且呼其官曰奉天府知府。是時官府尹者。爲松侍郎林。得札大恚。卽行文往詢其故。魏乃大窘。浼某貴人爲之緩頰。餽松萬金。自稱門生。事乃已。次年松復致書魏。託購玄狐猞猁猻等珍裘數十襲。爲價又以萬金計。時人稱此札直二萬金云。然自官制改革以來。奉天尹竟改爲知府矣。

洪大全詞

鋤經書舍零墨云。洪大全。湖南人。少時穎悟異常。兒年十三。卽能默誦十三經。尤工詩詞。屢試不售。憤而降賊。其就擒也。自題小詞曰。一事無成人漸老。壯懷要問秋風。六韜三畧。總成空。哥哥行不得。淚灑杜鵑紅。好事者錄而傳之。翰按此與前少異。駢錄存之。誌其一斑。

王漁洋秋柳詩

清陳康祺郎潛紀聞云。乾隆丁未春。禮部尙書某。掎摭王漁洋朱竹垞查他山三家詩。及吳蘭次長短句內語疵。奏請毀禁。事下樞廷集議。請將曝書亭集。壽李清七言古詩一首。事在禁前。照例抽毀。其漁洋秋柳七律。他山宮中草絕句。及蘭次詞。語意均無違碍。奏上報可。見管侍御世銘歸山堂詩集注。

劉文清之書易食物

趣史云。劉文清公書名重一時。然不肯爲人書。故當時欲得文清書者甚難。有

某公同直軍機時。饋劉精品飲食。劉輒函謝。不數日又致饋。年餘未嘗倦。一日劉詣某。適有一友在座。談次友求文清書。文清不肯。某曰渠書欲易食物。豈能爲汝書耶。文清愕然。某乃出一巨冊。咸劉手跡。曰許多珍跡。皆食物易得來也。文清視之。悉已之謝函。相與撫掌大笑。

畢秋帆之賞鑑僞碑

又云。畢秋帆制軍撫陝時。值生辰。某知縣特具古磚十數方爲壽。並將磚文楊出。裝成冊頁。古雅可愛。畢見之大喜。出勞其僕曰。我此回生日。惟爾主人所贈爲風雅。甚荷厚意。然未免勞苦矣。僕粗人。不知此中道理。遽答曰。然卽小人於此事亦出力不少。畢詢其故。僕卽將其主人如何覓舊本摹仿。如何在某處定造。如何下色。如何使之剝落。如何使之生苔蘚。一一言之綦詳。畢面頰不作一語。拂袖而入。旁觀者皆置笑。

又云。阮文達爲浙江巡撫時。其門生有入都會試者。偶於通州逆旅中。購一燒餅充饑。見其背面斑駁成文。戲以紙搘之。絕似鐘鼎。卽寄與文達。僞言某於北通州古董肆中。見一古鼎。惜無資不能購。某亦不知爲何代物。特將銘文拓出。寄請師長與諸人共相考訂。以證其眞贗。文達得書。卽集嚴小雅張叔末諸名士。互相商參。諸人臆爲擬議。皆不同。最後文達乃指爲宣和圖譜中之某鼎。卽加跋於後。歷言某字某字。皆與圖譜相合。某字年久銘文剥蝕。某字因搘手不精。故有漫漶。實非贗物云。某見之大笑。

吳梅村身後之文字獄

春冰室野乘云。清初南潯莊氏私史之獄。罹禍者至數十家。其始末人皆知之。吳梅村綏寇紀畧一書。身後亦幾成大獄。則無人能言之者。考是書本名鹿樵紀聞。不著撰人姓名。或以此疑非梅村所作。向莫明其故。後讀施愚山致金長真書。始知當時危栗情狀。其不至蹈力田赤溟之覆轍者。亦云幸矣。書畧云。梅

村鹿樵紀聞一編。鄒流騎以故入子弟之義。賣屋爲任劙刪。一備放失舊聞。一
以表章前輩箸述。良爲勝事。但不合輕借當時名流姓氏參評。致有此舉。蓋懲
前史之禍。(案此語卽指莊氏史獄。)不得不申明立案。非有深求於鄒也。聞
書中絕無觸犯。惟凡例所列。有大事記。似爲蛇足。令拘繫赴解。舉家號哭。悉焚
他書。笥橐爲空。毘陵士大夫。莫不憐之。鄒旣貧且老。莫爲援手。萬一決裂。不特
鄒禍不測。且恐波及梅村。遺孤惄惄。巢覆是懼。夫束天下文士之手。寒先輩地
下之心。或亦當世大賢所不忍爲也。云云。案此則梅村著述。其燬於一炬者。正
自不少。而世得紀畧之本。亦必非曩時原稿可知。

石達開之日記

又云。洪秀全諸將。兼資文武者。洪大全而外。惟翼王石達開。其上曾文正七律
五首。前已載新民叢報中。達開之入蜀也。意欲由川南襲成都。甯遠府萬山中。
有一鳥道。亘古榛蕪。未通人跡。由此北行出山。卽在成都南門外矣。達開僉得

此路輕騎趨之。會輜重在後。迷路相失。士卒皆餓莫能興。遂坐困。致爲土司所獲。達開在獄中。述其生平事跡。及洪逆作亂以來。與官軍相持。始終勝敗得失之由。爲日記四冊。紀載最詳。今其書猶存四川臬司庫中。藩庫亦存副本。官書紀載用兵時事。率多爲官軍廻護。掩敗爲勝。迺非當時實錄。昔李秀成被獲後。手書供詞。凡七八萬言。爲曾軍幕下士刪存什之三四。計其關繫重要之語。已芟蕪盡矣。達開此書。倘有人錄而傳之。其有裨史料者。當不少也。

時藝餘譚

又云。康熙雍正以前。功令未嚴。格式未備。生童應小試。尙無試帖。僅四書文一篇而已。江蘇爲人文淵藪。相傳昔學政有以快短明三字衡文者。大抵繳卷愈快愈妙。篇幅愈短愈妙。題紙一下。不容構思。振筆疾書。奔往投卷。取額一滿。則不待終場。輒出案。往往考生猶據案推敲。忽砲聲隆隆。鼓吹聒耳。則紅案已出矣。乃皆踉蹌不終卷而去。一日試題爲山梁雌雉。有一生文僅十六字。曰春秋。

絕筆。西狩獲麟。鄉黨終篇。山梁雌雉。榜發竟冠其軍。又一日題爲孟之反不伐。一生文曰。不矜功。良將也。夫伐情也。反不然。良將哉。春秋時不伐者二。一介子推。一孟之反。子推不貪天功以爲己力。之反不假人力以爲己功。吁良將哉。又拔冠其曹。評語謂其僅五十五字。而全篇規模已具。蓋隱然兩大比格也。又有塾童五六人同赴試。一送考之傭工。年過四十。蓋亦讀書未成。輟讀而畊者也。好論文。貪飲食。偶見諸童文。輒從而指摘之。諸童使具酒食。每先自飲啖。諸童疾之甚。相與謀曰。彼喜自衒其能。當思有以困之。乃用傭姓名。密爲躡卷。俾携考具相隨。若爲送考者。既唱名。一人在傭後代應。而推之使前。傭不得已。接卷入笑曰。若輩欲困我耶。我當有以閒執其口。是日題爲夫微之顯。傭憶少時在塾。曾讀此題舊文。小講下既承上文。即接筆曰。夫然而微矣。夫然而顯矣。夫然而微之顯矣。提比後用複筆。後比末之結筆。亦如之。因抄襲入文。而其他皆不知作何語也。遂首先交卷。學使見三複筆。即提筆密圈。不暇細閱他處。竟拔取

冠軍諸童皆喪氣而返。又乾嘉之際。漢學大行。有能以緯書及汲冢書穆天子傳等書入文者。輒獲上選。黠者因僞撰典故。以蒙試官。試官欲避空疎之譖。不敢問也。江左某生。素滑稽。值彭文勤校試。某生亦赴試。場期前一日。偶與同院生出游。道旁兩槐。濃陰蔽日。中一井。井畔有石。喜其清潤。因坐石上傾談。某生忽有悟。曰。此本地風光。卽吾明日場中文料也。同院生猶晒之。次日入試。榜發。果冠軍。索試卷觀之。小講起語。卽曰。且自兩槐夾井以來云云。以下皆杜撰語。而評語極賞其典雅。

清談卷之八

藝術談

鑒別書畫無真識

鑒別書畫真僞之不易

陳壽山

宋延清

雕工一

雕工二

祝玉成牙畫

銅章絕技

劍術二則

甯王養菊

四 四 三 三 三 二 二 二 一

先悼王善六合槍

清初一技之士

書劍俠事

少林寺僧

拳勇七著棋

畫眉楊

堪輿奇驗

劍俠

葉天士遺事

術士能代人飲酒

秦腔

三和尚

十二十九八八七八六五五四

鐵鎗

寥三

阿利瑪

四巧工

章冠鑒

十一
十二
十三
十四

清談卷之八

藝術談

安吳胡懷琛編次

休寧汪 輸校閱

鑒別書畫無真識

庸閒齋筆記云。世之稱鑒別書畫。大抵皆憑一己之見。不必盡真識也。其識之精者。不過能辨妍媸耳。近年錢唐重戴文節公山水。雖一扇一楮。價抵兼金。好事者爭收藏之。世姪錢伯聲太守。承其家鑠石宗伯畫法。花卉妙一時。初不以山水名也。近以世重戴畫。偶一臨摹。輒覺逼肖。因時時作小幅。署戴名。人爭購之。伯聲時告余以爲笑。前年消夏無事。以文節名作冊頁十二幅。裝潢交陳仙海司馬。戲索廿四金。時某廉訪備兵海上。留意翰墨。適欲購文節畫。陳以錢作示之。廉訪極爲賞鑒。卽留不還。陳懼以歎獲咎。因以是告。廉訪笑曰。此子不忍割愛。故造作此語耳。亟取金如數予之。伯聲得重值焉。伯聲之畫。爲張子青尙。

書賞識。余偶舉是事告之。尙書言咸豐年間。偕祁春圃相國入直南書房。蒙文宗召觀內府珍秘。見一巨然畫手卷。歷代名人題跋。無不精絕。驚歎希有。比出相國告以此卷。前曾兩見之。于今而三究之。孰真孰贗。卻未能辨別也。則收藏一事。豈易言哉。

鑒別書畫真僞之不易

又云。國初宋牧仲尙書。自謂精于鑒別。凡法書名畫。只須遠望。便能辨爲某人所作。自記于筠廊偶筆中。人頗奇之。余謂宋公閱書畫。多能辨識其氣韻耳。至其本之是否臨摹。恐亦未必卽能審定也。昔東坡初未識秦少游。少游知其將過維揚。作坡筆語題壁于一山寺中。東坡果不能辨。大驚及見孫莘老出少游詩詞數百篇讀之。乃歎曰。向書壁者。豈此郎耶。夫以東坡當時且不能辨少游之書爲已書。則千百年後人。乃能辨東坡之真僞。以爲必無一誤。豈理也哉。家匏廬宗伯。書得香光神髓。自少至老。日有書課。臨摹至千萬本。人往往取公書

截去某人臨數字。卽以贊香光書。售得善價。收藏家多不能辨。聖祖最喜香光字。遇外吏進呈之本。有疑似者。輒爲沈吟曰。其陳邦彥書耶。高宗嘗出內府香光真跡數十軸。召公詢曰。內中孰爲汝所書者。公審視良久。叩首謝。亦竟不能自辨也。

陳壽山

嘯亭雜錄云。陳處士（松）字壽山。天長人性豪宕。善繪事。少游楚。不遇。入京客余邸。中先恭王甚喜其人。日與壽山談。置其畫不論可也。先生繪事少師板橋諸派。故頗爲人所訾議。然善畫松。嘗於夕照寺壁間畫大松數株。枝榦長數十尺。夏日觀之。謾謾有聲。如身立深山中。人爭愛之。以先生終身筆墨。惟此爲最云。淹蹇以終。年未五十。其妻孥流落客邸。先恭王厚爲恤養。至今猶存。年已八十餘。蕭蕭白髮。亦可憫也。

宋延清

又云。勒相國（保）督黔滇時。南籠諸苗叛逆。毗連粵西。時川楚敷匪蠭動。川黔將士皆檄以北征。滇中士卒微弱。公善於撫馭。雖騎兵走卒。公皆能呼其名。有功罪者。立爲懲賞。故人皆爲之効死。有宋延清者。山東人。其父爲劉文清公輿夫。延清乃驍勇無敵。勒相親爲骨肉。每飲宴間。邀與同坐。延清嘗入苗寨殺賊。竟日不出。公設酒以待。至日暮時。延清持雙刀。背負首級十餘顆。以繩貫之。其甲裳盡赤。彳亍而行。如酒醉者。公望而喜。手酌以賚之。然後命其易服飲酒。竟夕後。延清復入苗寨。爲賊所害。公悼惜之。其後爲經略時。所有帳下裨將。如桂涵。羅聲。臯思舉。馬瑜。施縉等。皆由將校擢至開闔。卒賴以平賊焉。

雕工一

錢梅溪履園叢話云。嘉慶十九年。圓明園新構竹園一所。上夏日納涼處。其年八月有旨。命兩淮鹽政承辦紫檀裝修。大小二百餘件。其花樣曰榴開百子。曰萬代長春。曰芝仙祝壽。二十二年十二月。圓明園接秀山房落成。又有旨命兩

淮鹽政承辦索禮窗櫺二百餘扇。鳩工一千餘人。其窗皆高九尺二寸。又多寶架三座。高一丈二尺。地罩三座。高一丈二尺。俱用周製。其花樣又有曰萬壽長春。日九秋同慶。日福增貴子。日壽獻蘭孫。諸名色皆上所親頒。

雕工二

又云。乾隆初年。吳郡有杜士元。號爲鬼工。能將橄欖核或桃核雕刻成舟。作東坡遊赤壁。一方篷快船。兩面窗櫺。槳干。兩櫓頭梢篷及柁篙帆檣畢具。俱能移動。舟中坐三人。其巾袍而髯者爲東坡先生。著禪衣冠坐而若對談者爲佛印。旁有手持洞簫。啓窗外望者。則相從之客也。船頭上有童子持扇烹茶。旁置一小盤。盤中安茶杯三盞。舟師三人。兩坐一臥。細逾毛髮。每成一舟。好事者爭相購得。值白金五十兩。然士元好酒。終年遊宕。不肯輕易出手。惟貧困極時。始能鏤刻。如暖衣飽食。雖以千金不能致也。高宗聞其名。召至啟祥宮。賞賜金帛甚厚。輒以換酒。士元在禁垣中。終日悶悶。欲出不可。忽詐寢逸入圓明園。將園中

紫竹僞一枝。去頭尾而爲洞簫。吹于一大松頂上。守衛者大驚。具以狀奏高宗。曰。想此人瘋矣。命出之。自此回吳。好飲如故。余幼時識一段翁者。猶及見之。爲余詳述如此。余嘗見士元製一象牙臂擣。刻十八羅漢渡海圖。數寸間有山海樹木島嶼。波濤掀動翻天之勢。眞鬼工也。

祝玉成牙畫

述異記云。康熙初年。浙杭祝玉成號培之。年八十餘。畫事入微渺。如秋毫之末。余得一牙牌。長一寸五分。闊一寸。一面畫虬髯下海。其中虬髯公李靖。紅拂。虬髯公夫人。奴十人。婢十人。箱籠二十。楚楚排列。鬚眉畢具。上寫曲一韵。筆畫分明。一面畫二十小兒。種種游戲。悉備。內一小兒放風箏。其線有數十丈之勢。高空紙鳶。亦可辨焉。然其筆墨所占。特十分之三四耳。至於粒米而真書絕句。瓜仁而羅漢十八。無少模糊。觀者以顯微鏡映之。無一苟筆。

銅章絕技

又云康熙丙子余在杭見銅章二。各方寸一刻兩室銘。一刻愛蓮說。篆刻清晰。工妙無比。亦絕技也。

劍術二則

錢踏外史云。四川典肆常質古董。一日有客短衣虬髯持匣緘封甚固。索二百金。主者請開匣觀其稱否。客曰。此吾至寶。因有急需。三日來贖。匣不可開。開不利主者。主者曰。不見物何以質錢。客曰。必欲觀之。卽亦無難。因啓匣。竹劍一橫。八分許。長尺有奇。主者哂曰。此何物。直多金耶。客曰。無輕視此物。人自不識耳。持劍一晃。化爲龍。乘之天矯凌空而去。匣至今尚有。龐玉溪談。

驪崖大令那斯璉。甲寅孝廉弱冠時。隨其太翁官浙。常游尼菴。遇寄居女子。自言爲宋四娘。少年孤露。流落江湖。窺其居。聾媼在焉。打包之外。無長物。問所藏何物。曰劍耳。問精其術乎。曰頗學之。願爲君子一試其技。延驪崖上座。結束爲急裝。竦身立。初舞一片白毫光。如銀毬。旋轉渺不見人。繼而周承塵四隅。如白

練一燭候。左倏右不可端倪。時夜漏三下。燈光深碧。方目眩神悚。疾如鳥墮。女子已立面前。亭亭如不勝衣。仍不改如蘭之息也。復曰君子氣宇非凡。將來必遠到。能以筆墨傳予之技。感且不朽。約次夜仍會于菴。將有所語。次日其翁訓以課。不得出。越日訪之逝矣。

甯王養菊

嘯亭雜錄云。京中向無洋菊。籬邊所插。黃紫數種。皆薄瓣粗葉。毫無風趣。甯恪王(弘皎)爲怡長。王次子。好與士大夫交。因得南中佳種。以蒿接莖。枝葉茂盛。反有勝於本植。分神品逸品。幽品雅品諸名目。凡名類數百種。初無重複者。每當秋塍雨後。五色紛披。王或載酒荒畦。與諸名士酬唱。不減靖節東籬趣也。王又自製精扇。體制雅潔。名東園扇。一時士大夫爭購之。以爲賞鑒云。

先悼王善六合檜

嘯亭雜錄云。先悼王諱(椿泰)。先良親王嫡子。幼襲王爵。闢懷大度。撫僚屬以

寬恕。喜人讀書應試。人皆深感其惠。善舞六合槍。手法奇捷。雖十數人揮刃敵之。莫之能禦。又善畫硃砂判。當於端午日刺指血點睛。故每多靈異。余少時尙見一軸。其判俯首視傍側。如若有所覩。每使人警畏云。

清初一技之士

王士禎池北偶談云。近日一技之長。如雕竹則濮仲謙。螺甸則姜千里。嘉興銅爐。則張鳴岐。宜興泥壺。則時大彬。浮梁流霞器。則吳十九。江甯扇。則伊莘野。仰侍川。裝潢書畫。則莊希叔。皆知名海內。如陶南村所記朱碧山製銀器之類。所謂雖小道。必有可觀者歟。

陳康祺郎潛紀聞云。葉洮。字金城。青浦人。胸有邱壑。暢春園一樹一石。皆其布置。

又云。繆舍人炳泰。以諸生遠游。不得意。久之。以能寫像名於浙中。尙書福長安公。挾與俱。北聞於上。召入寫御容。拜文綺之賜。屬車所至。靡不從行。命更定紫

光闕五十功臣畫像。乾隆五十三年臺灣平後復繪功臣像。皆炳泰筆也。按此皆本朝方技之士。

書劍俠事

嘯亭雜錄云。余友異補垣云。粵西永甯州有陳氏者。家巨富。嘗飲於州署中。席間有偉丈夫闖然至。衣服鮮美。年甚髫稚。與州牧款洽。陳異其人。訊諸州牧。牧曰。此所謂李氏子。至州已三載。惟以交納官吏爲事。實未詳其世族。陳有少女。因欲贅李爲婿。情州牧爲媒。李慨允之。惟約曰。每月有數夕吾應夜出會客。莫相爲阻。陳允之。既贅數月。每夕出。終夜不返。所招徠者。皆峨冠奇服。相貌儼醜。之輩。陳叟亦頗悔。爲姻既已贅之。無如何也。吳中有葉氏子者。少無賴。好劍術。有老嫗導之。能以劍爲雙丸。納諸口中。又能使人以白刃擊其肩背。終無血跡。老嫗因曰。此麻姑避劍法也。葉拜學其術。因出游於外。時王師征緬甸。有轉餉至楚南沅州者。一夕忽失銀數百。守吏大驚。因督責胥隸捕緝。終日笞撻。有

老胥曰。銀至數百鞘。非一人之所能持。如其夥衆多。聲應喧沓。何以守者聞然無所聞見。其中必有異也。因號泣路旁。葉氏子適至沅。異而問之。老胥告其故。葉憐其老。曰。吾可爲代覈之。因赴滇黔物色之。終不得其要領。一日路之永甯。遇李生於途。詫曰。此小李將軍也。奚以至此。因問諸路人曰。此陳氏贊增也。葉氏子遂至陳宅。告楚中失帑之故。陳亦訝曰。數日前吾增頗暴富。未審其財物所自。豈即盜官項耶。葉曰。夜中令汝女細詢之。陳叟告其女。晚間李生至。入戶見妻色慘然。曰。此必有異。因究詰之。女戰慄無人色。長跽以謝。李生疑有他故。因拔壁上劍。將斬之。葉氏子自窓躍入。曰。不可害良家女。洩其機者爲某甲。請斬吾首可也。李嗒然棄劍曰。吾兄奚至此。吾事敗矣。不可久居於此。葉氏子忿然責之曰。吾儕以義爲重。豈可盜官家物使遺禍於他人。以遭天譴也。李生曰。諾。兄可速回楚。官帑保無遺失。吾亦棄此而他徙矣。葉氏子因辭陳叟歸。李生亦以其日棄家去。不知所之。是夜沅庫得所失鞘。封印如故。葉氏子旣歸吳中。

數載相物色者愈衆。葉氏子曰。布衣而享妖異之名。其禍足以殺身。因辭其父母云。欲之點蒼山學道。至今未歸云。此甲寅秋日告余者。今補垣已歿廿載。未知其事確否。聊漫錄之。誌異云爾。

少林寺僧

蝶踏外史云。少林寺僧以拳勇稱。欲學其藝者。先納貲若干。拜一人爲師。每日服食皆取給于貲。息學既成。從中門出。各門土木偶。皆有機觸。卽拳杖交下。能敵之無恙。出師設酒餞于門。反其貲。從此天下無與對。不然。仍返受業。往往學數年不能成。則越牆逸去。貲亦不可得矣。一日有瞽者來請業。僧視其瞳尚在。特外受膜障。持青銅錢五百。撒擲山上下。使瞽者覓之。曰。盡得當傳汝技。初不得。甚焦急。漸得一枚。輒喜。復連得數枚。日以爲常。兩餐外。躡躅山上下。暗中摸索。閱年餘。竟得四百九十九枚。其一大索不得。忽一日摸得之。狂喜。目頓明。竟受其技去。又有患痿症者。兩股不能動。亦持貲來學。僧命沙彌拾石子盈筐。置

其旁山上畫大墨圈。命之擊。既久。輒中。又畫小圈。無不中。乃命擊飛鳥。鳥應手
下。後以石子小于芥者擲鳥目。目穿而墜。前後左右。惟所擊之。無不如志。師曰。
汝技成矣。後每坐船頭護水標。身旁置石一器。劇盜咸不敢近。遂業此終老焉。

拳勇

又云。大江南北。以拳勇鳴者八人。約爲侶。甘鳳池其一也。王葑亭先生曾爲之
傳。鳳池金陵人。短小精悍。髯如戟。張手握錫器。鎔如汁。從指縫中流出。然在八
人中。尙居末席。第七人爲白泰官。常州人。技不如甘。而縱跳矯捷如飛。猱人不
能近。第一爲僧某。第二則呂四娘。僧淫霸無行。荼毒善良。七人咸惡之。思除僧
以自湔雪。然度藝不能勝。恐轉爲所戕。乃謀六人合圍之。鬪半日。白從空飛下。
以刀刺僧首。僧若弗知。門如故。白倏又飛去。六人驅集。如是三。乃殲僧于地。七
人各散去。以技雄一方。然矢不作蔑理事。至今談者稱之外史氏曰。甘鳳池居
第八人。則七人之技可知。僧之技更可知矣。顧不善用其技。卒以自戕其身。技

雖絕。何尙焉。中四人名姓不傳。益令人想像于吳山越水間也。

著棋

履園叢話云。相傳范西平與施本菴寓揚州。偶于村塾中夜宿。施戲與館中童子著棋。不能勝。范更之。又不能勝。兩人悵然若失。又西平遊甓社湖。寓僧寺。有擔草者來。范與奕數局。皆不能勝。問其姓名。不答。忽笑曰。近時盛稱范西平。施本菴爲天下國手。實吾兒孫輩耳。奕小數也。何必問出身。與兒孫輩爭虛譽乎。荷擔而去。

畫眉楊

喻亭雜錄云。京師有楊姓善作口伎者。能爲百鳥之語。其效畫眉尤酷似。故人皆以畫眉楊呼之。余嘗見其作鸚鵡呼茶聲。宛如嬌女窺窓。又聞其作鸞鳳翶翔。戛戛和鳴。如聞在天際者。至於午夜寒鷄孤牀蟋蟀。無不酷似。一日作黃鳥聲。如曉晚於綠樹濃陰中。韓孝廉（崧）觸其思鄉之感。因之落涕。亦可知其伎

矣。

堪輿奇驗

庸閒齋筆記云。杭州文風科第甲于一省。自嘉道而後漸不如紹。至咸同之際。復不如甯。(海甯)錢塘丁松生丙。謂爲府學風水所致。因于光緒乙亥科前期。請于大府。將門逕向置稍爲脩改。又將五魁亭飾而新之。八月初八日士子入場之日。適值工竣。松生于亭前燃雙響炮三十枚以振文氣。泊榜發杭人中式正副榜者恰三十人。松生之姪立誠得亞元。其以爲奇。堪輿之驗如此。不可解也。松生勇于爲善。其所爲者不顧艱阻。必底于成。杭城善後之事多得其力。左爵相薦舉浙江人才。稱其見義必爲。居心懇惻而有條理。若授以牧令之任。必能撫循黎庶。希蹤循良。奉旨以知縣發江蘇補用。松生高臥不起。其志趣可欽也。

劍俠

王士正劍俠傳云。某中丞撫巡上江。一日遣吏賚金數千赴京師。途宿古廟中。局鑄甚固。晨起已失金所在。而門鑄宛然。怪之歸以告中丞。中丞怒。亟責償官。吏告曰。償固不敢辭。但事甚疑怪。請予假一月往踪跡之。願以妻子爲質。中丞許之。比至失金處。詢訪久之。無所見。將歸矣。忽於市中遇瞽叟。胸懸一牌云。善決大疑。漫問之。叟忽曰。君失金多少。曰若干。叟曰。我稍知踪跡。可覓露車乘我。君第隨往。冀可得也。如其言。初行一日。有人烟村落。次日入深山行。不知幾百里。無復村疃。至三日踰亭午。抵一大市鎮。叟曰。至矣。君但入。當自得消息。不得已。第從其言。比入市。則肩摩轂擊。萬瓦鱗次。忽一人來問曰。君非此間人。奚至此。告以故。與俱至市口覓瞽叟。已失所在。乃與曲折行數街。抵一大宅。如王公之居。歷堵及堂。寂無人。戒令少待。頃之傳呼令入至後堂。堂中惟設一榻。有偉男子。科跣坐其上。髮長及眉。童子數人。執扇拂左右侍。拜跪訖。男子詢來意。具對。男子頤指語童子曰。可將來。卽有少年數輩。扛金至。封識宛然。曰。寧欲得金。

乎。吏叩頭曰。幸甚。不敢請也。男子曰。乍來此。且好將息。即有人引至一院。扃門而去。餽之食。極豐腆。是夜月明如晝。啟後戶視之。見粉壁上纍纍有物。審視之。皆人耳鼻也。大驚。然無隙可逸去。彷徨達曉。前人忽來傳呼。復至後堂。男子科跣坐如初。謂曰。金不可得矣。然當予子一紙書。輒據案作書。擲之。揮出。前人復導至市口。惝恍疑夢中。急覓路歸。見中丞歷述前事。叱其妄。出書呈之中丞。啟緘。忽色變而入。移時。傳令吏歸舍。釋妻子。豁其賠償。吏大喜過望。久之。乃知書中大畧斥中丞貪縱。謂勿責吏償金。否則。某月日。夫人夜三更睡覺。髮藏三寸。寧忘之乎。問之。夫人良然。始知其劍俠也。日照李洗馬應薦云。

葉天士遺事

梁章鉅浪跡叢談云。雍乾間。吳縣葉天士。名桂。以醫名於當時。自年十二至十八。凡更十七師。聞某人善治某症。即往執弟子禮。既得其術。輒棄去。生平不事著述。今惟存臨證指南醫案十卷。亦其門人取其方藥治驗。分門別類。集爲一

書。附以論斷。非盡天士本意也。世稱天士爲天醫星。亦非真有確據。相傳江西張真人過吳中。遘疾幾殆。服天士方得蘇。甚德之。而籌所以厚報。天士密語之曰。公果厚我。不必以財物相加。惟於某日某時過萬年橋。稍一停輿。謂讓橋下天醫星過去。真人許之。而是日是時。天士小舟適從橋下過去。城內外遂喧傳天士爲天醫星矣。天士宿學虛心。爲一時之冠。其老母病熱。而脈伏甚。似寒證。天士審証立方。其難其慎。中夜獨步中庭。搔首自言曰。若是他人母。定用白虎湯。其鄰叟亦行醫者。竊聞之。次早到門獻技。用白虎湯一劑而愈。其名頓起。而不知其即出於天士也。一日徒步自外歸。驟雨道壞。有村夫素識天士。負以渡水。天士語之曰。汝明年是日當病死。及今治尙可活。村夫不之信。屆期瘍生於頭。昇至天士門求治。與金遣之。不能過明日酉刻矣。已而果然。又嘗肩輿與行鄉村間。適有採桑少婦。天士命輿夫往摶抱之。桑婦大怒詈。其夫亦扭輿夫毆打。天士從旁解之曰。此婦痘疹已在皮膜間。因火甚閉。不能出。此我設法激其

一怒。今夜可遽發。否則殆矣。已亦果然。有木瀆富家兒。病痘閉。念非天士莫能救。然距城遠。恐不肯來。聞其好鬥蟋蟀。乃購蟋蟀數十盆。賄天士所厚者。誘以來。出兒求治。天士初不視。所厚者曰。君能治兒。則蟋蟀皆君有也。乃大喜。促具新潔大桌十餘。裸兒臥於上。以手展轉之。桌熱即易。如是殆徧。至夜痘怒發得不死。有外孫甫一齡。痘閉不出。抱歸求治。天士難之。女憤甚。以頭撞曰。父素謂痘無死証。今外孫獨不得活乎。請先兒死。即持剪刀欲自刺。天士不得已。俛思良久。裸兒鍵至空房中。自外出與博徒戲。女欲視兒。則門不可開。遣使數輩促父歸。博方酣。不聽。女泣欲死。至夜深歸。啓視。則兒痘徧體。粒粒如珠。蓋空房多蚊。借其蠭膚以發也。鄰婦難產數日夜。他醫業立方矣。其夫持問天士。爲加梧桐葉一片。產立下。後有效之者。天士笑曰。吾前用梧桐葉。以是日立秋故耳。過此何益。其因時制宜之巧如此。以醫致富。然性好嬉戲。嬾出門。人病瀕危。亟請不時往。由是獲謗。然往輒奏奇效。故謗不能掩其名。以高壽終。

術士能代人飲食

春冰室野乘云。頃讀漁洋池北偶談。載其叔祖李木吏部家中。有一方士。能代人飲食。其人自飽。亦往往令人代食。至洩溺亦如之。漁洋必非妄言者。然則催眠一術。吾國人二百年前。已有能通其子者矣。

秦腔

嘯亭雜錄云。自隋時以龜茲樂入於燕曲。致使古音湮失。而番樂橫行。故琵琶樂器。爲今樂之祖。蓋其四絃能統攝二十八調也。今崑腔北曲。卽其遺音。南曲雖未知其始。蓋即小詞之濫觴。是以崑曲雖繁音促節居多。然其音調猶餘古之遺意。惟弋腔不知起於何時。其鏗鏘喧闐。唱口囂雜。實難供雅人之耳目。近日有秦腔。宜黃腔。亂彈諸曲名。其詞淫穢猥鄙。皆街談巷議之語。易入市人之耳。又其音靡靡可聽。有時可以節憂。故趨附日衆。雖屢經明旨禁之。而其調終不能止。亦一時習尚使然也。

三和尚

蝶塔外史云。三和尚不知何許人。雍正間。祝髮寶坻城北宏福寺。善拳勇。某家延之守望。自言少年爲盜。誓不採花。(盜犯淫寓言曰採花)不繩善良。故生平未破案。後十八人同至關東。夜盜一家。牆甚峻。躍而登。推鑿絕倫者一人。下杳無聲息。又推其次。如之次。當至三和尚。和尚素執一熟銅杖。杖首銜鍊長丈許。遂先投杖。聞琅琅有聲。疾掣鍊。已削去半段。刀鋒稜稜。羣盜懼。如鳥獸散。三和尚遂棄去。爲僧。洗心滌慮。雖大戒律不啻也。夏夜宿某家廳事。門不關。橫置二橙。一閣腦。後一閣足根。空其中。骨頭如雷。某家小公子。聾。戲以鐵杖擊其腹。膨脹作皮鼓聲。目微張。呵欠曰。勿惡作劇。猶聲又作矣。某家有樓高數丈。前後有門。令小公子面北立門中。三和尚當面立。曰。汝面向南。公子轉身。和尚已從樓脊躍而過。又當其面。俄頃之間。已數十度。飛鳥騰猿。遜其矯捷。徧體傷痕鱗比。撫以手。膚內隱小鐵丸無數。間之。笑不言。臨示寂。始言某年走關東。官兵合圍。

火伴數人悉就擒。火槍如雨。伊身被數十創。潰圍出。每陰雨。傷處輒隱隱作痛。其徒間以告人云。

鐵鎗

竊名筆記云。嘉慶中阮芸臺撫浙時。海氛不靖。有張永祥者。英勇過人。善鐵鎗。世號爲張鐵鎗是也。芸臺之治盜也。多資其力。後屠零陽太守倬。宰儀徵。芸臺以此人薦之。故屠太守緝捕之聲滿於江南。

廖三

俞曲園右台仙館筆記云。閩人廖三者。故家子弟也。以其行三。故人以三爺呼之。貌魁梧。而性敏悟。凡藝事一學即精。生平剛直好義。不喜讀書。自幼時即喜習拳勇。爲投石超距之戲。及成童以趨下橫里中。嘗語人曰。大丈夫當效班定遠立功萬里外。焉事章句。是時國家方以兵屯守臺灣後山。兼謀開墾。歷數年役未竣。而士卒之以瘴篤死者相踵也。廖三志在立功。不以水土惡毒爲意。

因赴某總兵軍中投効。總兵委以夜巡之役。火伴或語之曰。子行夜不畏鬼耶。廖曰。我有劍在。何鬼之畏。火伴壯之。是夜廖隻身巡視營壘。忽見二鬼自林中出。尾其後。廖以劍擊之。鬼遂滅。逾時陰風凜然。又見前有一奇鬼。敦狀血拇指。殊可駭異。廖拔劍待之。須臾鬼至。曰。三爺我非來角勝。乃來相請耳。言畢不見。廖歸疑不成寐。已而倦極。恍惚夢至一處。廟宇宏敞。有神坐殿上。問曰。爾是廖三爺耶。曰。然。神曰。若來甚好。有一事。非若不可。當以相屬。廖醒遂發寒熱。自知不起。逾月果卒於臺灣。未竟其用。聞者惜焉。

阿里瑪

嘯亭雜錄云。國初有驍將阿里瑪者。能自握其髮。足縣於地。又能舉盛京寶勝寺之石獅。重踰千斤。戰功甚鉅。入京後。所爲多不法。章皇帝欲置於法。恐其難制。有巴圖魯占者。其勇亞於阿。因命其擒之。占至阿邸。故與之語。猝握其指。阿怒以手拂。占擲於庭外數十武。因數之曰。汝何等人。乃敢與吾鬥勇耶。占以上

命告。阿笑曰。好男兒安惜死爲。何須用紿計也。因受縛坐車中。赴市曹。至宣武門。阿曰。死則死耳。余滿洲人。終不使漢兒見之。誅於門內可也。因以足絃城門甃洞間。車不能行。行刑者從其語。阿延頸受戮。其頸脉如鐵。刀不能下。阿自命占以佩刀割其筋。然後伏法。亦一奇男子也。

四巧工

予向四巧工傳云。江東諸縣數百年來人文薈萃。甲於他省。新安僻處山郡。土地隘瘠。生殖繁庶。而士大夫起家艱。尤操盈餘。華盛之族。席履豐厚。器物材用。務求粹美。以故藝能日進。片長薄技。新巧相尙。爭自揣摩。斲於盡善。志乘所載。實繁有徒。四巧工者。最爲後起。著聲當世。藝有耑長。代遠年湮。不有表彰。耆老舊聞。無所稱述。余因覲焉。

有蟹鉗者。初不詳其姓氏。嘗往來黃山白嶽之間。性善製銅。右手僅存食指兩指。以指鉗物。伸屈自如。若蟹螯然。以故得名。夫駢拇指。指彼餘於數者。蒙莊之

厲言也。至曾子宣魏道輔家世男女皆少指之一節。而又不必以藝名。名以指傳。指以藝著。枝山而後僅有其偶。其爲技也。鎔液鏤采。各擅精妙。逾於他工。嘗倣漢制。有雁足燈。作燭座。鶴形跂足。高數尺許。獨立不仆。歙多墨工。造墨之法。取範爲印。其最著者。如程君房之墨譜。圖畫精細。多出自丁南羽手筆。或鑄以銅。山水花鳥。細入毫芒。昔趙恒夫稱工絕技者。謂有能於筯頭刻十八渡海羅漢。須眉畢現。鬼斧神工。詫未曾有。而墨範精絕。近之良工。必推蟹鉗。以方古人。無多讓也。

歙工製墨。尤多硯材。汪氏復慶。號善琢。硯自南唐李氏。於歙州置硯務官。歙守以工人李少微薦。由是而龍尾之名大著。宋僧令休琢風硯。東坡稱之。則硯形益繁。而製者益夥。拙工牟利。日卽侈窳。復慶一本古法。尤善度材。黯然奏刀。迹象渾脫。能就石理。而得模形。異樣天成。素質彌煥。不假雕琢。而邊幅整嚴。可謂善矣。硯之佳品。必貯以櫝。文房器用。髹漆最雅。歙故產漆。漆工之妙。尤有足稱。

者已。

善製漆者爲程以藩。器之精品有銀胎嵌鉤。紅黑退光諸目。尋常器具亦必竹木爲骨。絡以絲枲。五色絢爛。瑞鏤升升。采澤鮮妍。勝理堅韌。器無鉅細。至能載人其上而不摧裂。綴補舊物。無迹可尋。先是歙之開黃里有謝氏者。在明中葉。能以本衣裔處。褪出絨紗。一經一緯。織而補之。了乏線迹。後效之者不絕如縷。以藩之技可與媲美。而今不傳。其僅見者。漆匣瑣刻。雅多精技。而張立夫昆季爲尤著云。

立夫家於歙之虬村。村之人以剖劂爲業者甚多。立夫角逐其間。無與儔匹。上而籀篆鐘鼎之古。下逮花鳥魚蟲之細。書畫摹刻。不爽毫髮。新安巨室建築宗廟。享堂兩楹。必譏聯語。名人書法。塗金鏤炭。窮極華麗。刲灰零落。時或一見。蓋多立夫昆季手工也。立夫不惟精刻。而又兼通書法。故其字竒波磔。神采飛動。無不如志。出其餘暇。閒鐫竹杖筆格諸銘。人尤珍之。子振之。世其業。藝事精能。

不墜家學。洪楊之亂。曾佐湘鄉曾公於戎幕中。傳刻露布。嘗以其技出入寮佐。賢士大夫。爲談藝事。恒與分庭抗禮。苟非其人。位雖顯赫。多金弗顧。傲岸自喜。人欣其藝。尤高其行。四方鬻風來從學者。亦不乏人。今言手民。猶推張氏矣。

論曰。予來新安。意其山水清絕。必多奇傑異能之士。及與游鄉邑之間。而睹人民之凋敝。器物之贋窳。又未嘗不嘆夫人事遷移。何古今不相及也。故時值其盛。不特名臣碩彥。功業非常。焜燿當世。卽一技一能。具有偏長者。莫不爭爲第一流人。雖經造物之摧折。支體缺陷。而卒成其巧。若蟹鉗者。可謂難矣。汪程諸子。各以其藝著名於時。往役於公卿之間。而不肯稍貶其節。以終老於牖下。其視世之伈伈俛俛。無所短長。朝庫誨而心富貴者。其賢不肖爲何如耶。今之視富貴者愈重。其視工藝也愈輕。余懼其軼事之不傳。無以爲新安述也。因連類而書之。以俟後之有采擇焉。

章冠鑒

吳汝倫章冠鑿傳云。章冠鑿者。桐之東鄉人也。其先世世習農務。冠鑿爲人驍勇有氣力。然亦業農爲人傭。嘗任並日之功。人爭致之。東鄉俗尙意氣。其民好鬪。敢死。冠鑿居東鄉。鄉之力士皆出其下。子弟工武藝者多從冠鑿遊。咸豐癸丑。粵賊陷梧桐。桐民俱受賊害。東鄉負其意氣。賊至。輒群斃之。匿不以聞。久之。賊微覺。相戒勿過東鄉境。迂道行。以故五六年獨不被賊。賊亦以是怨東鄉。未發。章氏於東鄉爲巨族。多豪健精悍之士。他族皆不之及。冠鑿尤以饒勇冠其族。人賊怨東鄉久。又所誅求報不報。己未秋。擁衆大掠東鄉。鄉人聚族居者悉率其族禦之。冠鑿之族數千人爲前隊。與賊遇。賊且十倍章氏。他族見賊衆甚。皆望風而靡。莫敢援章氏者。賊圍章氏數重。章氏大困。頃之一人帶劍持矛奮臂大呼。率衆突圍而出。出頃之復入。如是者三。格殺賊不可勝計。矢石火炮如雨注。不能中。出入重圍中如無人。賊衆辟易。不敢仰視。詢之。乃冠鑿也。圍竟解。章氏數千人得無恙。賊以冠鑿故。不敢留東鄉。稍稍自引去。後賊中每相與語。

冠鑒。輒驚愕相顧曰。吾有是人。天下不足爭也。冠鑒既解章氏之圍。行里許。就地坐歎曰。吾氣盡力絕。不能行。且死矣。族人舁以行。復數十步。嘔血而卒。時年已六十餘矣。既卒之二年。余避亂至東鄉。鄉人每津津談冠鑒事。有泣者。過前年與賊戰處。輒相指示爲美談。曰。猶記章冠鑒殺賊突圍時也。野史氏曰。冠鑒一農人耳。余聞其爲人溫然有儒者氣。又其事親孝。有一弟。而獨養母。垂老如孩。提記曰。戰陣無勇。非孝也。余觀冠鑒。不能無慨焉。

清談卷之九

災異談

晝晦

五色蛇

星隨地震

鬼異

白氣異星

魚飄

塔裂

鶯粟雞

猫作人言

蟲荒

二 二 二 二 二 一 一 一 一

雞作人言

脣產

產異

雄雞生卵

螢火城

異事

元旦雪雨

搶米

墨線

雞頭蛇

群鼠渡江

天不可測

五 五 四 四 四 四 三 三 三 三 三 三

山鳴地動

龍皮

庚子火災

雪災

陰兵

黑雲

六月雪

雌鴨化雄

黑雪

老婦變虎

水災風變

仆木自起

清

淡

卷九 目錄

二

八 八 七 七 七 七 七 六 六 五

產卵

南下塗水怪

木理成字

僧化虎

一產三十六子

天雨豆

男子產女

礮異

十 十 九 九 九 九 八

清談卷之九

災異談

安吳胡懷琛編次

休寧汪 翰校閱

晝晦

嘯亭雜錄云。戊寅春雨澤稀少。狂風日起。浴佛日。余結伴遊萬壽寺。時天氣晴和。熱甚。著單衫。猶覺揮汗。午後黑雲由東南來。風沙霾暗。余卽驅車歸。甫入室。猶未解衣。天頓昏黑。室中燃燭。始能辨物。至逾時頃。火雲四起。天漸明朗。而暴風愈甚。竟夕乃已。亦一異也。聞市塵車馬沸喧。路人皆不敢行。有老嫗佝僂。爲風吹斃者。又有遺失小孩者。一時傳爲談柄云。

五色蛇

對山書屋墨餘錄云。粵兵竄浦東。殺戮甚慘。落河死者水爲之不流。事平後。水中忽生物。形似蛇而微扁。且有足。身具五色。長約五六寸。而能縮至寸許。被噉

者云不可治。鄉人呼爲五色蛇。殆人精血所化歟。

星墮地震

又云道光丙午新秋後數日夜將半忽有大風驟起勢如山崩地裂時伯兄也山臥病大姪女侍疾未寢風起時適以開牕傾水仰見紅光一團其大如盆赤氣四射疾若飛星自北而南後有流星萬點隨之以落其聲如雷地即大震室中諸器皿皆傾覆時聞人喊馬嘶家家扶老携幼開門奔避蓋慮屋宇之坍塌也喧呶竟夜天明始息未知何祥。

鬼異

又云咸豐癸丑春夏間運河黃河北岸忽生野鬼千百成羣初行田野間繼而走街積市無處無之前足略高其行甚疾村人捕而剖之皆無血遂棄不敢食尤異者至冬忽盡無一存者或謂從黃河中來乃魚所化耳錄之以誌其異。

白氣異星

又云咸豐辛酉五月二十六日定更時斗杓東有白氣直天形如匹練南冲天河東折若旗疑卽所謂蚩尤旗者其根因雲擁不見越夕天無纖雲見一星如卵起紫微垣斗筐下與杓相直三鼓後斗轉西旋此星亦隨之而落後夜移前丈許根芒蓬勃其梢微銳直至六月二十後始沒時賊勢方熾見此星異皆驚懼

魚翻

履園叢話云康熙三十四年有巨魚翻于海中其聲如雷一魚死流入嘉定縣地方之小練祈港龍首人身長五六丈腥聞數里

塔裂

又云西安府城南十里有雁塔嘉靖乙卯地震塔裂爲三癸卯復震塔合無痕康熙辛未塔又裂辛丑復合不知其理

鶯粟雞

又云。吾邑龍尾陵。潘姓者。以訓蒙爲業。而喜植花卉。所種鶯粟結一瓶。其大如拳。既老而採之中。有三卵。若鵝鴨子。潘藏之書篋。未一月。聞篋中啾啾有聲。啟視之。出三雛。試與家雞領之。不十日。而大逾於鴨。觀者如市。未幾。俱生子。每月伏百卵。碩如鵝卵。人來購者。十倍其價。潘姓不十年。家饒裕矣。吾鄉張介軒翁。所目擊。作文記之甚詳。

猫作人言

又云。新城王阮亭先生家。子孫至今繁盛。舊第猶在。有一貓能作人言。一日。猫眠榻上。有問其能言否。猫對云。我能言。何關汝事。遂不見。又江西某總戎署。亦有兩貓對談。總戎偶見。欲擒之一。一猫躍上屋去。獨擒其一。曰。我活十二年。恐人驚怪。不敢言。公能恕我。卽大德也。遂放去。亦無他異。

蟲荒

又云。乾隆二十年。江以南蟲荒。四府不登。其冬蘇州葑門盤門外。紅燈四集。有

人馬之聲。其次年春瘟疫大作。死者枕藉。

雞作人言

又云。乾隆十年。東鄉黃渡地方。有勞姓家。畜一雄雞。忽作人言云。大家要活命。其家以爲妖而殺之。未幾以訟獄破家。後見三岡志畧。載明嘉靖間。有高橋鎮民家一雞作人言。云燒香望和尙。一事兩勾當。後倭寇至。適值婦女燒香。大肆焚掠而去。其事相同。

脇產

述異記云。康熙三十六年。廣州府城外下九舖蔡姓者。本福建人。身往洋船。妻謝氏懷孕年餘不產。至十四月。左脇下大痛。忽裂數寸許。兒從裂處露首。產至七日。僅出其肩。穩婆以手拔出之。兒偏身白毛。亦已死矣。產婦創終不合。延至半年始斃。

產異

又云。長洲人水文卿。言其母爲收生嫗。至一產家。其婦產一怪物。龜蛇併體。蜿蜒能動。嫗持刀砍殺之。即時戰慄得病。不久而死。康熙十四年事也。且云其母曾見產三目者。頭中空如臼者。手出於胸者。皆不育。如此者歲恒有之。

雄雞生卵

又云。康熙甲戌十二月。松江吳南林中輸家。雄雞生卵。大如鵝蛋。殼甚堅厚。以椎椎破之。亦具黃白。白如凝脂。不散。黃帶赤色。亦無他異。

螢火城

履園叢話云。乾隆癸巳夏六月。嘉定南翔鎮西郊。忽一夕螢火團聚至數十萬。周圍三四里。望如火城。其光燭天。觀者如市。五日後方滅。

異事

又云。西藏及苗匪邪教未起事先。川中所種包穀。根下宛如人首眉目畢具。李樹忽生刀豆。一日早起。成都北門忽緊閉不得開。視之有大蟾蜍百萬填塞。日

高始散。皆異事也。

元旦雷雨

又云。乾隆六十年元日。余在福建按察司署中。先一日天氣甚熱。僅能著單夾衣。垂晚更甚。如四五月下走廚夫。皆赤身用扇。黃昏時。雷聲殷殷不絕。元旦辰刻。霹靂數聲。大雨如注。平地水深二三尺。至午後始止。其年四月。鎮閩將軍魁公倫入奏閩省虧帑六百萬。自總督巡撫藩臬道府州縣皆伏法。

搶米

又云。嘉慶甲子年五月。吳郡大雨者幾二十日。田俱不能插。忽于六月初一日。鄉民結黨成羣。搶奪富家倉粟。及衣箱物件之類。九邑同日而起。搶至初六日。不知其故。共計一千七百五十七案。真異事也。其時撫軍汪公稼門。僅殺余長春一人。草草完結。

墨線

又云。嘉慶十年三月。家小癱。客四川之中壩巡司署。初五日早。哄傳街上彈有墨線痕。親自出署觀之。自大堂暖閣至頭門百餘步。甬道上貫墨線一條。詢之居民。咸稱本鎮各街巷暨幽僻處皆然。成都龍安嘉定皆同。日彈有墨線。不知何異也。至立夏後。民間疫病大作。四五月尤甚。成都在省城各門。每日計出棺木八百四五十具。亦有千餘具者。先是二月初。簡州刺史徐公鼎奉檄赴嘉定催銅。夜夢五人從東來。自稱行疫使者。將赴成都。問其何時可回。答云過年看龍燈方回也。徐旋省後。適見瘟疫流行。憶及夢中語。卽告制軍。議以五月朔爲元月。曉諭民間。大張燈火。延僧道誦經禮。紮龍燈。放花炮。民間亦助結燈綵。每夜火光燭天。金鼓之聲不絕。自錦江門直至鹽市口。男女紛沓。歌曲滿街。卽每歲元宵。亦無此盛也。如此半月。疫果止。

雞頭蛇

述異記云。新安胡簡侯在嵐山行鹽。有僕陳選偶至鄉。見一人於橋下濯足。被

蛇蟄立斃。告其鄉人。共發橋下石。得一蛇。長尺餘。頭似雄雞。冠正赤。身黃赤斑。擊殺之。此蛇從來所未見也。康熙己卯年春。

羣鼠渡江

履園叢話云。案明史。黨神宗四十五年。江南鼠異。自五月下旬起。千萬成羣。唧尾渡江而南。嘉慶庚辰五月。瓜州儀徵一帶。亦羣鼠渡江。上年四五月間。河南開封府黑岡口一帶。先有羣鼠渡黃河。或言鼠屬子水位。此水滌也。又六月廿六日。許州東北鄉地震。倒塌瓦房九千一百餘間。草房一萬六千九百四十餘間。壓死男婦四百三十餘口。被壓受傷者五百九十餘名。見邸報。時州刺史爲膚施張芥航先生。其公子杜園爲余言之甚悉。

天不可測

履園叢話云。嘉慶十九年正月十三十四十五三夜。有月華。人人共見。五月初一二日。余往高郵途中。聞蟋蟀聲。六月初一日。蝕七分。中伏日。寒冷異常。俱著

皮衣。地生白毛。江南安徽浙江三省皆然。七月初一日夜。太白經天。十四日熒惑入斗牛度。十六日狂風拔木。十七日夜雨雪。河南尤甚。十八日夜。天雨血。凡有白羅衫。白手巾在露天者。皆爲之赤。自五月至八月。水望西流。種種奇異。然是年僅旱災米價。每石至五千六七百文。秋收不登而已。二十一年冬月。華更甚。皆以爲明年必又旱。詎于正月起至十一月。霖雨間作。天無十日晴。稻穀俱腐。柴薪大貴。眞天之不可測也。

山鳴地動

又云。二十年九月十九日。山西解州各屬。及蒲州同州一帶地方。皆地震。河南之陝州閩鄉靈寶。亦皆震動。惟解州爲尤甚。民房城垣。祠廟倒塌無算。死者至三十餘萬人。惟關帝廟大殿五間。屹然不動。自九月起。或三四日一動。或數日一動。直到次年丙子春夏之交。至七月十四夜。解州運城諸處。復大動如前。後遂寂然。其動時。如聞地中有波濤洶湧之聲。人民男婦老幼。俱露坐。富者用布

帳遮風而已。更可異者。是年之十月十二日。中條山大鳴。縣亘黃河八百餘里。十二月甘肅省又有山移之異。

龍皮

又云。乾隆五十九年五月。吳郡有龍翻于空中。風雨驟至。吹坍洞庭山湖濱民居無算。壓死若干人。至六月二十九日昧爽。吳江垂虹橋畔。忽墮龍皮一張。約長三四丈。鱗大於茶盃。

庚子火灾

曠亭雜錄云。乾隆庚子城南火灾。燬焚數千家。延及城樓雉堞。經月乃已。或言火灾之先。有賣菜備夢一人告曰。京師當有火灾。汝視某火神廟額字如朱。卽其期矣。某日往視。其守者詢知。因暗塗豕血以戲之。次日果有是災。人皆以爲妄言。按淮南子云。歷陽有老嫗。頗行仁義。有兩書生過之。告曰。此國當沒於湖。嫗祝東城門有血便走上山。勿反顧也。嫗數往視。門吏問之。嫗對如其言。東門

吏殺雞血以塗其門。明日媼早往視。便走上山。國沒爲湖。然則古即有此事也。

雪災

庸閒齋筆記云。道光二十年冬十一月。江浙大雪。平地積四五尺。山坳處則丈許矣。湖港俱凍。至明年正月乃解。湖州安吉山中有寺。僧徒四人。其一人于雪甫作時下山抄化。爲雪阻于山下村中。比雪消路通。則寺內之僧皆餓死矣。太湖中有一舟。凍于中泓者匝月。凍解船逐流下。舟內之人已盡斃。而甕中米尙存其半。則以火種絕不能炊而致死也。是年江浙二省均報雪災。最奇者。陳春噓明府。親宰奉天之錦縣。有娶親人途遇大雪。因相率入小路中古廟避之。雪甚。封山迷不得出。到一月後男女兩家遣人四處覓之。則新婦及送迎之男女七十餘人。皆餓斃廟中。春噓往相驗。爲之慘然。至咸豐十一年十二月。粵賊陷杭州。四出擄掠。天忽大雪。深至六七尺。賊不能行。難民乃得乘間逃逸。此又雪之救人而爲瑞者也。

陰兵

履園叢話云。乾隆乙巳歲大旱。是年十一月初中。石澗中每夜聞人聲喧噪。如數萬人臨陣響。沸數里。左近居民驚起聚觀。則寂無所有。第見紅光數點。隱見湖心而已。自鎮江常州以至松江嘉湖之間。每夜俱有燈光。照徹遠近。村人鼓譟。其光漸息。俄又起於前村矣。

黑雲

又云。嘉慶己卯三月十八日。山東臨清州城東。有黑雲三四團。自東南而至西北。白晝晦冥。有一二時。次年七月某日。臨清城外三四里許。有一井。井中出黑氣一條。其長徑天。上冲雲際。一晝夜而滅。

六月雪

又云。辛巳八月。余往邢上。得偏報云。探得督憲差官。從北回南。於六月十六日。路過山東。東西大道陰平地方。是日天氣奇冷異常。下雪五六寸不等。兗州府濟

寧州一帶皆然。

雌鴨化雄

述異記云。康熙癸酉西夏大旱。桐鄉東八都民陸姓者。養母鴨三隻。已三年矣。一鴨連日生蛋三枚。尾忽禿。數日生綠毛遍身。毛亦漸脫。頭翅盡綠。而白頸嘴距變紅。形聲俱化爲雄。覩者千百人。

黑雪

又云。康熙二十一年四月廿八日。陝西合水縣。夜下黑雪。將已成麥豆方長。秋禾凍死大半。總督噶爾丹遲延不報。縣令王三錫題參部議處分。見邸抄。

老婦變虎

又云。康熙四十年。浙東陽縣某鄉章姓。有一老婦。年已七十餘。時時無故他出。輒數日不歸。其子竊疑之一。日尋至深山。過土地祠。聞祠中聲甚異。入視之。見其母方躡躅變虎。因驚呼從後握其髮。持之不釋。母以爪傷子面。負痛放手。母

跳躍而去。不知所之。數日傷愈。遍求之山中。見一披髮虎前行。後從數虎子。不敢近。悵惘而歸。傳聞遠近。

水災風變

鈕琇。觚臘云。康熙庚戌六月十二日大水猝至。間以狂飈。村落之家漂床沈籠。人皆露處。繞郭諸所罹禍尤烈。枕屍大小以數百計。先一夕有漁舟宿太湖濱。夜半見水神列坐烟波間。絳服雕冠。如廷議國事者。爭論久之而散。忽於湖中起一長隄。如虹橫界水面。風濤大作。明日遂有此異。吳江縣三大字額向懸邑門。譙樓萬歷三十六年水至。邑令上樓向額再拜。取以投水。勢遂定。是日趙令促騎出署。水沒馬腹。不能行。耆老言邑有故事可行。如其言果驗。時熒惑入箕與南斗。祇差一度。箕主風。故風力焱疾。康熙丙子七月廿三日午後。北風陡發。雨如懸瀑。平地湧水。驟至數尺。夜半返風而南。勢益狂猛。篝燈密室中無不盡滅。屋瓦交飛。頽牆覆屋者十家而九。所在喬木倒折殆盡。城隍廟有四古榆。大

皆合抱。連根盡拔。真異變也。先一日。句容縣水發時。士子錄科者多寓城外。水驟至。不及避。淹死數十人。吾邑仲姓亦與焉。

仆木自起

又云。高明縣治東南六七里。有村曰禾倉頭。陂塘屈曲。叢灌陰翳。海王廟側鵠木一株。大可合抱。俯蔭潭水。康熙丙子五月爲颶風所拔。村人剪截其枝而薪之。其本則枯仆水中。已三年矣。己卯五月初十日忽自起立。於本上復生新枝。其葉排比尖長。倉翠偏反。殆如鶴羽襯襯。勢將飛翥也。合邑驚相傳告。以爲余落茲土。致有此瑞。欲以上聞。余曰此天地國家之祺祥。余何有焉。衆議乃息。是村又有龍眼樹而荔枝實者。已二十年。皆可異也。

產卵

又云。番禺縣市橋村民家女謝氏。康熙丁丑歸於王。閏歲而孕。及分娩之期。腹痛經旬。委頓欲絕。其姑亟投以催生丸。產一物。形如鵝卵。連下六枚。闔室驚異。

裹而埋之。婦竟無恙。

南下窪水怪

春水室野乘云。光緒甲午三月。京師南城外陶然亭畔葦潭中。忽有怪聲如牛鳴。余時在都下。嘗親聞之。確如牛鳴。蓋中其聲鳴鳴然。有疑爲蛟蜃之屬者。有謂盜窟此中者。市井人忘諭其形。名之曰大老妖。謂其物專噬洋人。稍有識者。皆哂其無稽。而圖說刊板流傳。遍布大江南北。乃至新疆塞外。官吏示禁。竟不能止。福文慎鋟。時爲執金吾。調兵窮搜。卒莫得端倪。內務府至召僧道設壇誦經。以禳之。數月後始寂然。真異事也。

翰按民國三年。春夏之交。京師南下窪。亦有此異。前後情狀。如同一轍。富民一國二年冬。京師某地。(偶忘其名)亦有蝦墓搬家之異。大小相繫。橫亘路次。三日不輟。警察爲之阻絕行人。閨傳中外。不知究屬何異也。此二事近而有徵。故附及之。

木理成字

述異記云。康熙甲子春。海鹽張氏佃戶鋸一樹。中心成王大宣三字。筆畫清晰如寫。見者甚衆。邑中適有武弁王宣者。遂購燬之。

僧化虎

又云。康熙乙丑正月。有僧九人。衣異色衣。從餘杭化緣入臨安於潛昌化盡化爲虎。爲害甚酷。三邑嚴捕。卒不可得。四月間。於潛山中茅菴之頂。一虎坐化石上。居僧不知。登山遇而墮。幾斃。獵者視之。則已死矣。昇送縣官。此後虎患漸息。石門沈元征先生。秉鐸於潛時。所親見也。九僧臨安化虎者。三昌化四於潛二。

一產三十六子

朱象賢聞見偶錄云。康熙五十四年。蘇州民郭庭桂妻一胎產三十六子。其大如鼠。見風即與凡兒等巡撫趙宏燮。雇乳母三十五人。並其母以哺之。

天雨豆

述異記云。康熙二十四年五月。湖南漢口天雨豆。好事者携至。余得二顆。大如小赤豆。紫色。有一點黑處似蒂。然絕不類豆。聞尙有大者。余未之見。

翰按清光緒二十四年夏初。余居漢口。一日午中。天忽冥晦。舉手不視五指。店舖皆燃燈爲市。路人相撞喧嘩。歷三時許復明。赤日當空作黯黃色。凡案間滿積黃砂。厚至半寸許。當冥晦時。第聞腥臭之氣窒鼻。至斯始知黃砂作祟也。但漢口市廳喧闐。湖地一片荒蕪。曾無黃砂可爲風之播揚。竟作此異。莫知其究。目睹如是。附而記之。亦助談異云爾。

男子產女

述異記云。康熙三十三年夏。德清縣白雲橋地方。男子產一女。里鄰報縣細審。不誣。將男子責十五板以厭其怪。釋令寧家。其女寄養親戚家。至今尙在。亦無他異。

破異

履園叢話云。明季亡將王蜚。結水寨于太湖。沉一大礮于吳塘門。值水涸。里人秦宇明獲之。利其鐵。夜靜時。袖椎掊擊。礮作大吼聲。聲聞數里。懼而埋之田。餘年。邑武弁張姓者。鎮守吳塘門。居人有與秦相仇。指稱田中藏炮。秦因此破家。移礮置無錫縣南城門上。以朱紅虎頭牀覆載之。歷二十年。耿精忠反于閩。檄四方礮赴南取而去。

怪異之事。智者弗言。矧今日科學昌明之世。而予與胡子復樂而綴諸篇。無乃類乎痴人說夢。第災異之事。史不絕書。班孟堅已先我人言之。此類稗附。何妨記之以資談助。且予授生三十有五年以來。目睹者近十事耳。聞者不下百餘事。舉此一類。則有清二百數十年。所說僅此。方嘆我人孤陋寡聞。所輯入之不廣。更何怪誕不經之可云異耶。書有餘幅。濡毫記之。以志我志。竊與海內大雅以商榷焉。德軒識。

清談卷之十

雜事談

徵官末秩之苦況

華亭令戲懲武秀才

朱文正之風趣

蒙古狀元

糊塗官

高宗品泉

新算學

馬路

稗事數則

海超勇盜馬

七五四四三四三二一

麻狀元

轉菴和尚

靈梟行劫

紅蘭主人

陸雙全

舒鐵雲和尚太守謠

萃仙丸

季氏之富

徐健庵遺事

小鹿小白牛

大臣徵行(二則)

來文端之知人

一四二二二二二九九九八七七

父子祖孫宰相

狀元宰相

居官奢儉關係

康熙六巡江浙紀事

行在貢獻

楊重英遺事

尹嘉銓罪案與聞

松苓酒

神樹

門富

查如龍督平西反正

鐵路輸入中國之始

一四
一五
一五
一五
一七
一六
一八
一九
二〇
二〇
二二

金簡

朱文正之迷信

林清案異聞

魏長生

滿人亦有奉永歷圖中國者

丐夫

碧蘿春茶名始於康熙

西山活佛

岳少保之死

曹杜兩相得謚文正之由

曾文正公集

左文襄軟事

諦輝和尚

海甯陳氏安瀾園

漢女不入宮

崑山屠城

太平天國軼事

沈百五

喬道人

巧對

吳六奇

血袍

浙案異聞

張之洞軼事

二八
二九
三〇
三一
三二
三三
三四
三四
三五

乞食制府

滿清官吏教科書

華山道人

吳日華待郎賭飯

闕不全

捕盜專恃眼線之誤

王永康

記文達公遺事四則

遊魚腹之奇聞

仕途中豪俠風

曾左友誼始末

南州逸事

三五

三六

三七

三八

三九

三四

三六

三七

三四

三四〇

四〇

四一

刺史新聞

曾文正爲巨蟒轉生


仕途中炎涼態

方敏恪公軼事

四一

四二

四三



清談卷之十

安吳胡懷琛編次

雜事談

休寧汪翰校閱

徵官末秩之苦況

右台仙館筆記云。嘉慶間有選人謁選得貴州某縣令。挈家赴任。從者頗多。至省會謁大府畢。同僚詰之曰。此縣瘠苦異常。萬不可以眷屬往。乃留眷屬於會垣。獨行至郡。見太守。太守曰。君所官非人境也。幸其印在吾處。君便可接印。不必前往矣。吾幕中適缺一書記。君文士必嫓翰墨。暫以奉屈可乎。令自念一官雖瘠。終勝幕下客。固欲往。太守乃命首縣具車徒。且募一曾至此縣者導之。行數日而失塗。所遇皆苗獮異族。無可問。計其地不過五六百里。而行十許日未到。一旦導者告曰。前途似是矣。因其前進。至則積垣環繞。若有城者。其中荆榛塞路。行頗不易。良久見有土屋數間。其壞牆有字跡。審視之。則某縣也。詫曰。

豈卽公署乎。呼其門。有人自草中出。問誰。何告之。其人叩首曰。吾卽縣吏也。已二十餘年無縣令矣。不圖今日復見令君。問有隸役乎。曰。曩固有之。今久無官。此輩皆散處各鄉。不相聞久矣。不知其在亡也。乃導之入室中。積土數尺。曰。此公案也。又其內荒塚纍纍。問此何人。吏曰。皆前令君也。死於此不能歸骨。小人穴土瘞之耳。令聞之喪氣。卽日言歸至郡中。太守以其始之固請往也。詣讓之。流落數載。始得量移焉。此事曩在京師時聞之。友人吳文南。並能言其縣名。今記憶不眞矣。邊徼荒涼。事容有之。或談者亦過其實乎。

又云黃土老爺者。滿洲人也。談者不言其名。光緒十一年。選授湖南靖州吏目。家故貧乏。獨行至楚。不挈僮僕。既至。納部文於藩司。乃徧詣臺司上謁。謁者索錢不與。遂不爲通。久之不得之官。資用乏絕。衣裝俱盡。流落市廬間。爲人擔荷黃土。日得錢數十以餬其口。一日因所與傭值不足。其數斷斷與爭。方伯涂公適出而見之。駐輿問。其人以告。自稱卑職。卑職之稱。宋人已有之。見袁桷

清容集。）涂公疑其人有心疾。置不問。麾使去。又久之。益困。至代行夜者擊柝。有某官者。實主夜禁。聞其柝聲而不見其人。使人呼之。則自棚中出。怒曰。汝職行夜。乃高臥歟。將笞之。其人疾呼不可。吾乃官也。某官異其言。轉怒爲笑。問汝何官。曰。靖州吏目。某官大驚。而察其聲。則北音也。乃曰。信乎。曰。信。信則明日可於公廨見。曰。諾。及明日不至。問之。曰。吾短布單衣。僅至骭耳。可以行夜。不可以見長官。某官曰。此吾之疏也。以衣假之。其人乃至。審其家世及官秩次第履歷。則真靖州吏目也。遂以見長沙太守。太守言於方伯涂公。公嗟曰。然則曩稱卑職者。卽此君歟。召而見之。曰。君良苦矣。命吏稽籍。今靖州吏目誰也。則攝事者。瓜期久滿。以代者不至。未得交割。涂公命吏趣治文書。俾靖州吏目之官已。而又謂太守曰。此君良苦。宜少佽助之。乃共釀金得四百兩。以資其行。居數日。靖州吏目入辭。公又見之。語曰。吾前命太守以四百金爲贐。少助行色。君久歷艱苦。宜益刻勵。勉爲好官。其人頓首曰。敢不奉教。然所賜四百金。實未敢受。已寄

之長沙縣庫矣。公問其意曰。一官雖瘠。終勝擔荷黃土時。布衣蔬食。豈不足自給。何用多金。謹存縣庫。備公家一日之用。公大嗟歎曰。君異時必一好官也。於是其事偏傳三湘間。稱爲黃土老爺。而其名轉不著。余以都下所刊爵秩全函考之。靖州吏目名壽嵩。或即其人歟。方伯涂公。即今河南巡撫朗軒中丞。余同年生也。

華亭令戲懲武秀才

庸閒齋筆記云。江蘇人尙文學。習武者少。然武科不能廢。當歲試之年。輒搜羅充數。往往不及額而止。無賴者。幸博一衿。不求上進。每橫於一鄉。不特閭里苦之。卽地方官亦苦之。嘗聞前華亭令雲夢許君。治鞠一事。不禁爲之失笑。許君爲政。以廉幹名。一日者有武生扭一鄉人至縣喧訴。許訊其故。則鄉人入城擔糞。誤觸生汙其衣。已經途人排解。令代爲浣濯及服禮。而生不可。必欲痛挾之而後已。許詢悉其情。亦拍案大怒曰。爾小人。乃粗心擅汙秀才衣。法當重責。鄉

人惶恐乞憐。許良久曰。姑寬爾。令生坐於堂側。而飭鄉人向之叩頭百以謝罪。叩至七十餘許。忽曰。我幾忘之。爾之秀才文乎。武乎。對曰。是武。則又輒然曰。我大誤。文秀才應叩一百。武則一半可矣。今多叩二十餘頭。爾應還之。復令鄉人高坐。而捉武生還。叩生不肯。則令皂隸挾持而抑其首。叩還二十。方揮之出。聞者捧腹。

朱文正之風趣

又云。大興朱文正公。乾嘉時名臣也。崖岸高峻。清絕一塵。雖官宰相。刻苦如寒士。餽遺無及門者。與新建裘文達公最善。一日至裘處。譚次忽歎曰。貧甚。奈何去冬上所賜貂掛。亦付質庫矣。裘笑曰。君生成窮命夫。復何言。我筦戶部。適領得飯食銀千兩。可令君一擴眼界。因呼僕陳之几上。黃封燦然。公注視良久。忽手起攬二元寶。疾趨登車去。裘戲呼曰。捉賊。捉賊。文正回顧曰。賊無如是大膽。語涉雙關。二公雅謔如是。

蒙古狀元

唐閒齋筆記云。順治九年壬辰十二年乙未均滿漢分榜。壬辰科漢狀元鄒忠倚。滿狀元薩勒吉。乙未漢狀元史大成。滿狀元圖爾宸。嗣後不分漢滿榜。則滿人無狀元。至同治乙丑科崇公綺始以蒙古人得大魁。海內豔稱之。

糊塗官

唐閒齋筆記云。福建有秦某者。官莆田令。正月署中宴客演劇。演至雷峰塔許仙合鉢事。秦忽大怒。呼吏執許仙下堂笞之。優人訴曰。某戲子。非許仙也。秦曰。吾原知爾戲子。若真許仙。則笞死矣。一時傳以爲笑。江蘇同官某者。攝太倉。一令方審案。突有一人上堂呼冤。訴子業剃頭而忤逆者。某以瀆擾叱令驅出。案畢退堂。忽憶有剃頭父呈忤逆事。卽令役速將在署剃頭之人縛至。某一見大怒曰。爾奈何忤逆其父。叱令重責至一百。其人昂首辨曰。小人實係早年喪父者。某始恍然。滿堂書役皆匿笑而散。因記黔中苗人稱天子爲京裏老皇帝。稱

大小官府。皆曰皇帝。其私稱官府。則曰暎。粵西猺人稱官府曰瞎。噫暎瞎之稱。殆春秋一字之褒。與竊爲若二君。眞當之而無愧者也。又聞有北人任淮安令。民有控鷄姦者。訴曰將男作女。官不解其故。叱曰江南下雨。與爾江北何干。衆爲哄堂大笑。旣詢知其故。乃爲判斷。此則語音之誤。非二公之倫矣。

高宗品泉

又云世以揚子江中之冷水爲天下第一。高宗皇帝嘗製一銀斗以品天下之水。蓋以質之輕重。分水之上下。遂以定玉泉爲第一。而中冷次之。惠泉虎跑泉在浙杭大慈山。唐時始有一。又次之。此外惟雪水最輕。可與玉泉並。然自天降。非地出。故不入品。鑾輶時巡。每載玉泉水以供御。然或經時稍久。舟車顛簸。則色味或不免有變。則可以他處泉水洗之一。洗則色如故。其法以大器儲水。刻以分寸。而入他水攬之。攬定。則汙濁皆儲於下。而上面之水清澈矣。蓋他水質重則下沈。玉泉體輕故上浮。挹而盛之。不差锱銖。古人淄澑之辦。良有以也。

然以水洗水之法。世鮮知之。

新算學

張文襄幕府紀聞云。辜鴻銘部郎云。日本故相伊藤侯。甲午後解職來遊中國。至武昌。適余所譯論語英文告成付刊。即持一部贈之。伊藤侯謂余曰。聞君素精西學。尙不知孔子之教。能行於數千年前。不能行於今日之二十世紀乎。余答曰。孔子教人之法。譬如數學家之加減乘除。前數千年。其法爲三三如九。至如今二十世紀。其法亦仍是三三如九。固不能改。如九爲如八也。云云。予聞此言。謂辜部郎曰。君今尙不知。目今二十世紀數學之改良乎。前數學謂三三如九。今則不然。我借洋欵。三三如九。則變三三如七。俟我還洋欵。三三如九。則變作三三如十一。君尙不知此。無怪乎人謂君不識時務也。

馬路

又云。有某省某中丞奉旨辦新政。聞西洋有馬路。即欲仿照舉辦。然又聞外洋

街道寬闊。中築馬路。兩邊以石路廂之。以便徒步人行走。今省城民間街道狹隘。礙難開闢。後聞南京武昌。業經舉行。民亦稱便。遂決意辦馬路。既成。又在上海定購洋式馬車。出門拜客。皆乘馬車。不用肩輿。亦甚贊適意焉。一日有某道之子。在馬路上馳馬。忽於人叢中衝倒一老嫗。幾斃命。行路人皆爲不平。道臺之子停馬鞭指而罵曰。撫臺築此路。本要給馬走。故不叫作人路。而叫作馬路。你們混帳百姓。敢占了馬路。我不送你到警察局懲辦。已算你們造化。還敢同我理論呢。有一鄉人應曰。哎喲大少爺。如此說來。如今中國惟有官同馬有路走。我們百姓都沒有路走了。後某中丞得聞此事。遂即停辦馬路。並不坐馬車。出門拜客。仍乘肩輿。草蘇州詩云。自慚居處崇。未睹斯民康。某中丞亦可謂難得矣。

稗事數則

嘯亭雜錄云。乾隆末。定王屢攝金吾印信。正陽門外火災。延及民居。王馳救之。

有娼家避火。羣立巷口。粉白黛綠者數十人。王不識。詫曰。是家女子何若是之多也。人爭笑之。

陳春淑副憲性梗直。敢言滿朝以怪物目之。廣贊虞侍郎嘗謂余曰。仕途以我與王暨陳副憲爲三怪。殊爲憤懣。余笑曰。吾今日誠爲周處矣。蓋狎以廣爲虎。陳爲蛟也。後春淑降官編修。嘗路遇余。余降輿立市間。語移時。輿夫皆詫。私語曰。是何侘傺老翁。而王爲之謙遜若此。余聞之笑謂僕者曰。非幡夫不能道此語也。

張靖逆(秉樞)言乾隆中。有某散秩大臣。嘗侍班而冠縵忽斷。不及縫紉。恐上出見之。乃以下僚啓事筆。於頸下繪之如縵。然人傳爲笑柄云。

宗室鎮國公(永玉)嘗饋蒸鵝於順義侯田公(國榮)閩人誤以蒸鵝告之。田詫曰。吾年已老。從未見此巨鵝也。後食始知之。

有某公家素貧。得上賜人參票。喜極過望。感激涕零。是日上祀雩壇。某不及伺

上回官乃於天橋路側泥首稱謝成王笑曰自有郊祀以來從未有在此叩首者某公此舉恐橋神亦有所驚訝也。

曹劍亭之劾和相家奴劉全余已載前卷或有書之者曰公嘗狎暱某伶童後爲全所奪故公唧怨劾之後二十餘年花曉亭侍御（杰）之劾讒賈登有折侵冒國課人復以此語歸之甚矣不樂成人之美若此。

甘嘯嵒先生（運源）爲忠果公曾孫幼師劉海峯書畫精絕詩文上宗七子殊有豪氣爲旗籍文士之冠然不甚工楷書有某大臣延其書寫奏牘先生以靈飛經法爲之某公大怒揮之門外曰甘某名望若爾乃其書法尙不如吾部曹胥吏之端楷也。

哈軍門（攀龍）爲將軍元生子元生隨鄂文端公征苗有功軍門子國興復以勇健著三世擁旄時人榮之公爲回屬素禁豕肉外祖舒直恪公任西安將軍時與公甚善嘗請會食哈公每嫌蒸羊品味不佳異日庖人潛以猪肉託羊饌。

哈食之甚美。褒獎備至。初不覺異味也。

張文和公晚年。頗以謙抑自晦。每遇啟事者。至。動云好好。一日有閣中胥吏請假。公問何事。曰適聞父訃信。公習爲常。亦云好好。舍人等皆掩袂笑。而公未覺也。

褚筠心學士。於庚寅科同國學士（柱）典試江西。國故文理庸劣。而不許褚同定一卷。乃自爲批閱。同時全閣學（魁）與邊學士（繼祖）典試浙江。全故疎懶。終日不閱一卷。任邊選中。時人謬曰。全虧邊繼祖。裹住褚廷璋。云蓋北人呼虧裹與魁國同音也。

成王性滑稽。遇事喜作反語。自言直樞庭時。嘗召見。上適閱明參政（亮）捷報。命王閱之。王習爲常。奏此戰惜未護渠首。使張漢潮得擒明亮。始爲佳事。上正色曰。若是則不佳矣。王始省悟。免冠叩謝出。

賡閣學（泰）滿洲人。中己酉孝廉。以資深歷顯職。面目臃腫。人爭厭之。與人言。

習語可不是三字。人以賡可不呼之。宗室輔國公（晉隆）性稽滑。一日於坐中驟問賡曰。今日天氣甚寒。賡習以可不是應之。又云君觀某大臣貌可作龍陽否。賡亦以可不是漫應之。爲某大臣所斥責。跪謝乃已。

明副軍（泰）甯夏駐防人。以功績淳至副都統。人多粗疎。一日帶領引見。時明司鑲黃旗漢軍。其都統爲榮恪郡王。王又兼攝領侍衛內大臣。故事。領侍衛府階最高。故先入殿。明覩王入。亦偕入。定制。一品官皆賜坐。上命之坐。衆大臣叩頭。謝明亦隨之。叩坐如儀。上詫問。明始知悞。免冠謝罪。卽日罷之。

海超勇盜馬

嘯亭雜錄云。海超勇公（蘭察）從征西域金川臺灣諸戰功。超封五等。爲近日武臣之冠。值內廷時。與蒙古巴林郡王（巴圖）相善。二人皆有駿驥。扈蹕木蘭。王欲以己馬易公騎。公不許。王曰。余夜間使人盜去。公勿嗔也。公笑應之曰。大佳。晚間王果使人往竊。見駿馬獨立荒原。草因潛捕之。前土窟中。一健夫執

馬韁伏其內。蓋公預爲之備也。因大呼曰。寄語汝王。吾公行當竊王馬矣。使者歸告。王命防閑嚴密。夜半忽聞帳外大呼。盜馬者乘馬遁矣。俄而萬帳齊呼。捉賊如山岳崩勢。王馬皆驚逸出。及追轉。而名駿已失。蓋公潛至王帳後。使從者羣呼。及防者出視。而公乘馬行矣。事雖猥瑣。亦一兵機也。次曉二人相見。歡飲竟日。王卒以馬贈公。蓋深服其智也。按太平廣記柴紹弟盜馬事。與公正同。古今豪傑。皆未可繩以法度也。

麻狀元

嘯亭雜錄云。本朝順治壬辰。始許滿洲子弟廷試。與民籍另置一榜。頭場四書文二道。二場論一道而已。麻文僖公(爾吉)中廷試首名。人爭呼爲麻狀元。今其宅猶存。人呼爲狀元街云。其後停試。至癸丑復開科。卽與民籍貢士同榜。如今制云。

轉菴和尚

嘯亭雜錄云。近讀吳留村遺稿。與轉菴和尙書。實有裨於史官。故詳載其事。和尚俗姓孫。名旭。餘姚人。嘗中順治丁酉武乙科。家甚豪富。君喜施予。鄉人咸感其惠。有盜邱甲。聚不逞者數百人。肆爲閭閻之害。邑令不敢搜。君慨然曰。目覩鄰里受害而不爲之救援。非夫也。因選強弓利矢。命壯丁負轎夜攻其巢。咸射殺之。獨邱甲潛逃。隱恨次骨。時海禁森嚴。君素慕鄭延平。知兵。嘗謂人曰。今之人豪。惟海上鄭公。蓋用明太祖獎王保。保語邱甲。挾蜚語訟諸邑中。邑令亦素有嫌隙。因誣君通海盜。置諸獄中。君素勇健。夜毀梏踰垣出。匿某上舍家。久之亡走滇南。會吳逆叛。僞將軍韓大任招致帳下。甚爲賞鑒。曰。奇男子也。會大任屢寇萍鄉。爲安親王軍所阻。吳逆促其師期。大任爽然曰。吾竭力以事吳王。何相迫若是之急。君聞其語大悅。曰。此丈夫報國時也。因說大任曰。將軍之事吳王亦至矣。爲之關地攻城。戰無不克。數月之間。招徠數郡。未聞王有尺素之詞。爲之獎譽。今一旦偶愆師期。即肆意辱罵。儼然以奴隸待之。今天下兵戈方始。

其慢士已如此。逮夫大業既成。吾恐君家鐘室之禍。復有見于今也。韓爲之色沮。會先良王遣姚制府往招撫。大任遲疑未決。君復進曰。今大清恢復閩越。事業已成。吳王之敗。在於目睫。將軍何尙作兒女之態。致有失機宜也。大任乃從招撫。先良王承制表授道銜。君慨然曰。吾本朝廷赤子。不幸陷于非罪。不得已逃諸賊藪。今得返歸鄉井。復爲盛世之氓。吾志已伸。敢以繆囚之軀。有污章甫之榮也哉。因辭職不受。久之薙髮爲僧。居杭州侶雲庵。號轉菴和尚。年八十餘始逝。亦近代奇人也。

鹽梟行劫

庸間齋筆記云。咸豐辛酉。粵賊擾浙之際。有蕭山某州牧。自四川引疾歸。以道路不通。取徑上海。雇岱山人劉某船數隻。浮海至甯。劉固岱之販私鹽者也。行至橫水洋。託言風色不順。泊舟島嶼中。數日。乘夜啟某之箱籠。取其金珠寶玉。盡易以石。某君不覺也。比至甯舍館定。啟箱籠。則十年宦橐盡羽化矣。遣人至

岱訪問其鄰里皆知之。直言不諱。某與甯道張觀察素識也。亟往訴之。觀察嚴檄拘提抗不能得。乃遣弁勇捕獲之。而劉顧狡甚。堅不肯認。方研鞠間。而賊已驚至。甯郡失守。劉遂脫歸。于是起華屋。置良田。弟若子姪均娶美婦。添海船爲販私計。岱人噴噴稱羨。蓋所攬獲不下數萬金也。壬戌之秋。劉及弟若子姪各司鹽船六艘。至蘇松海口售鹽。易米滿載而歸。歸至橫水洋。陡遇颶風。六舟盡沒。無一生者。家中諸婦聞之。瓜分所有。均別抱琵琶去。頃刻之間。灰飛煙滅。此康齊弟寓岱時所目擊。岱人于是咸噴噴以爲有天道焉。第不知蕭山君子甯郡陷後何如也。

紅蘭主人

嘯亭雜錄云。紅蘭主人諱岳端。安親王子。安節王弟也。善詩詞。崇德癸未時。饒餘王曾率兵伐明。南略地至海州而返。其邸中多文學之士。蓋卽當時所延致者。安王因以命教其諸子弟。故康熙間。宗室文風以安邸爲最盛。主人喜爲

西崑體。嘗延朱襄沈方舟等爲上賓。方舟妻某。遲方舟久不歸。作杭州圖以寄之。當時傳爲佳話。主人嘗選孟郊賈島詩爲寒瘦集以行世。以宗藩貴胄之尊。而慕尚二子之詩。亦可謂高曠矣。

陸雙全

又云廣賡虞侍郎當權時。好畜聲伎。凡酒讌間。每擲纏頭以千百計。余嘗規勸之。侍郎殊不以爲然。有陸郎雙全者。蘇州人。貌詔秀。爲侍郎所鍾愛。每燕寢間。非陸侍側。則終夜不寢。侍郎被罪時。其聲伎皆逃竄。惟雙全隨之入獄。視其飲膳甚謹。侍郎臨刑日。雙全奔赴市曹。以重賄付劊子。速使其斃。免諸痛楚。及後雙全抱屍痛哭幾殞。遂眠藁市側數日。送侍郎至兆域。有其族人阻葬者。雙全戟手罵之。卒壅侍郎於其先人家側。侍郎子遣戍。雙全復送出關。然後涕泣而別。亦伶人中之守義者。故表出之。

舒鐵雲和尙太守謠

庸間齋筆記云。自軍興以來。仕途流品冗雜。近年世道清夷。于是大吏多以澄
敍官方爲事。前年福建巡撫劾長隨出身之同知何某。上年湖南巡撫劾候補
道劉某曾作門丁。皆奉特旨革職查辦。此後濫刷冠裳。未曾發覆者。當稍知警
惕矣。然嘉慶年間有和尚太守一案。最爲奇異。和尚姓王。名樹助。山西人。揚州
鹽賈王引長世僕。注重光乳母之子。始在木蘭院爲道士。後至京師廣惠寺爲
僧。號明心和尚。有口辯。多技能。兼挾異術。一時名動公卿。下而士庶商賈。上而
達官勛衛。皆有皈依者。蓄積饒多。忽言塵劫且至。當留髮蓄妻子。遂出都依所
善者。某中丞作幕友。久之復入都會。開事例。乃捐通判。分發湖北。諸弟子左右
之。補善缺。擢同知晉知府。調補襄陽府知府。其幼主王六聞信往投。命爲姪。乃
留署中。旋以卓異赴部。御史石承藻發其奸。下刑部訊得寔。諸弟子復左右之。
得從輕。比奏上。仁宗震怒。命發黑龍江編管。先于刑部前枷號兩月。再行發遣。
然其弟子總以爲神奇不可解也。舒鐵雲孝廉。有和尚太守譜一篇。警鍊奇詭。

李長吉不足多也。或他日和尙竟藉此獲傳。則和尙之幸矣。詩云棄民爲僧如禿鶩。棄僧爲官如沐猴。宦成黃鶴樓中住。事敗黑龍江上去。南來初寂寞。騎上揚州鵝。北去尤蕭條。凍煞紇干雀。無端忽慕竺法深。有時化爲支道林。碧紗籠邊鐘。悄悄青蓮鉢底花。沈沈石塔寺。無一縫。金輪會有萬衆。吳國銅瓶五色堅。趙州布衫七斤重。借得如意影。放下茗壺柄。或現宰官身。或佩國公印。兩眼看天雋不疑。五體投地霍去病。豈知襄陽節度乃有敍勛僧。正聚處。禪師之鬪塲。住處終南之捷徑。君不見南州傳法唐慧能。又不見西蜀入貳漢長卿。料得清貧餓太守。依然天竺古先生。恒星不見官星見。不看僧面看佛面。恩恩一曲雉朝飛。啞啞三更鳥夜啼。州亦不可添。詩亦不可改。白銅鞮上春如夢。黃金臺畔人如海。珊瑚者骨。種種者髮。不須笑整冠。且與翻着襪。卿在鴈門關。來師言石頭路滑。鈴音云何。劬禿當禪味。如是乾屎橛。贈君以繞朝之馬。撻李斯之狗枷。峨峨御史府。堂堂司寇衙。五百劫。恒河沙。二千石。擾曇花。紅青拖紫波斯匿。餽

紅倚翠摩登伽。于是乎始墨。于是乎始髽。汝受諸苦惱。何不出了家。吁嗟乎。天下雖大。難容其身。地獄之設。正爲此人。今我故我。無臣有臣。東之高閣。間之水濱。初不若劉孝標典校秘閣上。又不若楊法持戰勝邊庭壯。爰有薛懷義行軍總管彼一將。復逮李罕之中書門下。此一相。韋渠旣工古樂府。賈島亦登進士榜。國子祭酒理又玄。閭門祇候言非誑。馮延魯去空遁逃。孫景元來曾供養。而况徐彊之愛湯惠休。阮佃夫之薦茹法亮。青史十七部。白髮三千丈。旣已追度牒。何又進治狀。君不見襄陽太守王和尙。

萃仙丸

觚臘云。康熙癸酉十月三日。戶部尙書山東王鷟奏事上前。上問卿年幾何矣。鷟對曰。臣不敢隱。臣今實年八十。上問居常用何藥餌。對曰。向者科臣陳調元貽臣一方。名萃仙丸。非有奇草異味。而甚能益人。調元服之八十。尙生一子。存年九十六歲。臣亦用之日久。以是倖享餘齡。效犬馬之報於陛下耳。上命以方。

進。次日恭繕進呈。上見隨跪起輕捷。顧左右曰。八旬之人。矍鑠如此。眞福德老翁也。鰲出卽敕太醫院依方修合。其方用白蓮蕊。(陰乾四兩)川續斷。(酒炒三兩)韭子。(微炒二兩)枸杞子。(四兩)芡實。(四兩乳汁拌蒸)沙苑蒺藜。(微炒四兩)兎絲餅。(二兩)覆盆子。(酒炒一二兩)蓮肉。(乳汁拌蒸三兩)懷山藥。(二兩乳汁拌蒸)赤何首烏。(四兩九蒸九曬)破故紙。(三兩酒炒)核桃肉。(二兩)龍骨。(三兩水飛)金釤子。(三兩去毛)白茯苓。(二兩乳汁拌蒸)黃花魚鱠。(三兩炒成珠)人參。(一錢)煉蜜丸如梧子。淡鹽湯下。武進鄒言倫常遊其門。聞之王曰。吾自中年以後。所御變童婢女。共六十有八人。而體未嘗疲。萃仙丸之力也。此語入邪。不足爲訓。

季氏之富

又云江南泰興季氏與山西平陽亢氏。俱以富聞於天下。季自滄葦以御史回籍後。尤稱豪侈。其居繞牆數里。中有複道週巡。健兒執鈴折者共六十人。月糧

以外。每夕燭高郵酒十甕。燒肉二十盤。康熙九年霖雨連旬。恐霉氣侵漬。命典衣者曝裘於庭。張而擊之。紫貂青狐銀鼠金豹猾猁獵之屬。脫毛積地。厚三寸。許家有女樂三部。悉稱音姿妙選。閨謙賓筵。更番佐酒。珠冠象笏。繡袍錦靴。一妓之飾。千金具焉。及笄而後。散配僮僕。與民家子。而嬌憨之態。未能盡除。日至高春。晨睡方起。卽索飲人參龍眼等湯。梳盥甫畢。已向午矣。製食必依精庖。爲之乃始下箸。食後輒按牙歌曲。或吹洞簫一闋。又復理晚粧。尋夜宴。故凡娶季家姬者。絕無聲色之娛。但有伺候之煩。經營之瘁也。

徐健庵遺事

春冰室野乘云。唐人通榜之法。士大夫公然行之。不以爲疑。自翻名易書之制行。此等事遂不概見。徐健庵尙書貴盛時。其中表楊某者。官翰林。一日徐屏人語之曰。欲主順天鄉試乎。楊唯唯。健庵又曰。若是則吾有一名單。君入場當留心物色之。未幾順天考官詔下。楊果得正主考。方摒擋入闈。健庵使其僕持一

緘至啟視。則名單一紙。累數十人。下悉注關節字句。皆當時名士也。楊入闈。悉如其指榜發。都下大譁。言官以其事上聞。聖祖降旨。定期親訊。楊窘甚。求救于健庵。健庵從容慰之曰。子姑歸。毋恐。獄行解矣。楊惘惘歸。恐懼猶未釋。已而竟無事。後始知有一近臣面奏。言國初以高官厚祿。羈縻漢兒。猶拒而不受。今一舉人之微。乃至輸金錢通關節以求之。可見漢兒輩皆已歸心朝廷。天下從此太平矣。敢爲皇上賀。聖祖聞奏。爲之解顙。故竟寢其事不究。然此人亦健庵所使也。

小鹿小白牛

宋犖筠廊偶筆云。康熙丁未冬。余謁相國柏鄉魏公於座間。見小鹿一隻。長二寸許。雙角嶄然。與大鹿無異。又云王阮亭云。余備貞典客時。見荷蘭貢小白牛。四大僅如犬。斑衣有肉峯如橐駝。按牛不應有峯。此乃強名以牛實非牛耳。

大臣徵行（二則）

春冰室野乘又云劉文正之以宰相督中牟河工也。一夕出館舍微行河干。見鄉民輿送秫穧者數十車。俱露宿河干。人牛皆饑疲。莫能興。老少相對飲泣。異而詢之。則對曰。吾等皆某縣民也。去此三日程。奉縣官檄。輸送秫穧至此。而收料某委員。每車索錢數緡。錢不出。料不入。吾輩寢人安所得錢。淹留已將旬日。所齎已罄。卽欲逃歸亦不可得。是以泣耳。公聞言。疑信參半。乃語之曰。吾亦來輸料者。與某官手下人素相知。頃已繳矣。今當爲汝等代繳之。乃驅其一車去。至料廠。詣某委員處。某見其面目光澤。衣履鮮潔。疑爲鄉間富室也。乃倍索錢十餘緡。公略與辨。輒大怒。令從者以鞭笞驅之出。而扣留其車牛。公急馳回館。立命材官持令箭縛某委員至。一面召河帥議事。某至。略詰數語。卽命牽出斬之。河帥亟長跪爲緩頰。良久乃命釋回。以重杖杖之數十。荷以大校枷號河干。諸廠委員悉震懾失次。而鄉民輸料者隨到隨收。無敢稍留難矣。

長牧庵相國麟巡撫浙江。聞仁和令某有貪墨聲。乃微行訪察之一。夕遇令于

途。直衝其齒簿而過。隸役方呵叱。令識爲公。急降輿謝罪。公問何適。以巡夜對。公哂曰。時僅二鼓。出巡無乃太蚤。且巡夜所以詰奸。今汝盛陳儀衛。奸人方引避不暇。何巡察爲無已。其從我行乎。乃悉屏從人。緩談徐步。過一酒肆。曰。得無勞乎。與子且沽飲。遂入據坐。問酒家。酒家。得利何如。對曰。利甚微。重以官司科派。動多虧本。公曰。汝一細民。科派胡以及汝。酒家顰蹙曰。父母官愛財若命。不論茶坊酒肆。每月悉徵常例。蠹役假虎威。且取盈焉。小民何以聊生。因歷述令之害民者十餘事。不知卽座上客也。公曰。據汝言。上官獨無覺察乎。曰。新巡撫聞頗愛民。然初到。一時何能具悉。小民亦胡敢越訴。公略飲數杯。付酒錢出。笑語令曰。小人言多已甚。我不輕聽。汝亦勿怒也。行數十武。忽曰。此時正好徼巡。蓋分道行矣。令去。公復返至酒家。叩門求宿。對以非寓客處。公曰。固知之。我此來。非以求宿。特爲護汝來耳。酒家異其言。留之夜半。剝啄聲甚厲。啟視。則里胥縣役持朱簽來拘賣酒者。公出應曰。我店東也有犯。我自當與某無涉。胥役固

不識公叱之曰。本官指名拘某。汝胡爲者。公強與俱至署。令升座。首喚酒家。公以氈笠蒙首。並綰登堂。令一見大駭。免冠叩首。公升座。索其印去。曰。省得一員。摘印官也。

來文端之知人

又云來文端公保爲乾隆朝宰相。生平最善相馬。一時有九方皋之目。乃其知人之明。亦有不易及者。文襄公兆惠。微時甚貧。寢生未逾月。父母俱亡。育於姑家。七八歲時。已長大如成人。力敵百夫。偶過市。見羣不逞聚毆一人。兆勃然。揮拳奮擊。皆披靡。鳥獸散。方欲追擊。一道人從後掣其肘。卽隨之去。至西山深處。一茅庵中。留教拳勇。且口授以兵法。半年乃歸。姑以爲已死也。旣而入營就步糧爲街卒。文端兼攝步軍統領。見諸卒潑水。不過尋丈。聞兆獨遠及數十丈外。異之。呼與語。甚懸命鞭之。如擊石焉。大呼曰。性耐刀鋸耳。不堪鞭箠也。文端見其狀貌已奇。之聞言益大異。令明日至府面試。挽強力弓命中。揮刀連石。力大。

無窮。與談行軍紀律。侃侃而言。動中綱要。文端益大喜。次日入朝。見上叩頭賀曰。臣爲國家得一奇士。街卒兆惠其人。雖微賤。眞大將才也。卽日召見。命之射九發皆中。立授一等侍衛。後平定西域。數建大功。

父子祖孫宰相

嘯亭雜錄云。王弇州載明代門族之盛。按本朝父子調梅以濟昇平之盛者。指不勝屈。如阿文端公（蘭泰）之子。爲傅文恭公（明安）。阿文勤公（克敦）之子。爲文成公（桂）。張文端公（英）之子。爲文和公（廷玉）。劉文正公（統勳）之子。爲文清公（墉）。馬文穆公（齊）之姪。爲傅文忠公（恒）。其子。爲文襄公（康安）。高文良公（斌）之姪。爲文端公（晉）。其子。爲叅政公（書麟）。皆父子宰相。惟溫文簡公（達）孫。爲相國（福）。其子。今相國伯（勒保）。尹文恪公（泰）之子。爲文端公（繼善）。其孫。爲今相國（慶桂）。皆三代持衡。爲昇平良佐。實古今所未見也。

狀元宰相

本朝閣臣最利鰲頭。如傅聊城（以漸）爲順治丙戌狀元。呂常州（宮）爲順治丁亥狀元。于文襄公（敏中）爲乾隆丁巳狀元。莊叅政（有恭）爲乾隆己未狀元。梁文定公（國治）爲乾隆戊辰狀元。王文端公（杰）爲乾隆辛巳狀元。戴文端公（衢亨）爲乾隆戊戌狀元。今七卿中有潘芝軒（世恩）胡希盧（長齡）茹總憲（棻）王司空（以衡）姚閣學（文田）凡五人皆有調羹之望焉。

居官奢儉關係

庸閒齋筆記云。先大父嘗訓余兄弟曰。居家儉。則居官廉。吾歷官數十年。見奢者未嘗不以貪敗。白小山尙書。採此語入公墓志中。余歷官亦三十年矣。每見儉樸者。子弟數能自立。奢汰者。子孫無不貧窮。所謂以身教者從。以言教者訟也。明上海人喬純所先生懋。官廣西布政使。居官廉儉。雖歷官藩臬。仍布衣蔬食。常曰士大夫不可一日無窮措大氣。旨哉斯言。先生著有廉鑑四卷。余宰上海時。訪之未得也。

康熙六巡江浙

履園叢話云。聖祖仁皇帝南巡。始於康熙二十三年甲子十月二十六日。御舟抵滻寧關。先於二十四日過揚州。將由儀徵幸江寧府。忽遇順風。可以速達京口。遂乘沙船順流而下。次早。上金山。晚。而登舟。揚帆過丹陽。常州。無錫。俱未及泊。一晝夜行三百六十餘里。時湯文正公斌。正爲巡撫。務儉約。戒紛華。御舟已入邑境。縣令猶坐堂皇決事也。上騎馬進閨門。士庶夾道。至閨塞。不得前。上輒緩轡。命勿跪。訪求民間疾苦。藹然若家人父子。至接駕橋。南行。幸瑞光寺。巡撫前導。由盤門。登城。窮簷蔀屋。極目無際。上爲瞻念者久之。遂從齊門而下。幸拙政園。晚達葑門。駐蹕織造府。

第二次南巡。是二十八年己巳二月初三日。御舟抵滻寧關。蘇州在籍諸臣汪琬。韓菼。歸允肅。繆彤等接駕。日晡時。上入城。衢巷始結燈綵。次日。幸虎邱。登萬歲樓。時樓前有玉蝶梅一株。盛開芳香襲人。上注目良久。以手撫之。出。至二山。

門有蘇州士民劉廷棟。松江士民張三才等伏地進疏。請減蘇松浮糧。上命侍衛收進。諭九卿科道會議。至十九日。車駕自浙江回蘇。舍郡士庶。進萬民宴。上頒之。命近侍取米一撮。曰。願百姓有飯喫。士民復請。上又取福橘一枚。擲下曰。願爾等有福也。

第三次南巡。是三十八年己卯。奉慈聖太后以行。三月十四日。駕抵蘇州。在籍紳士耆老接駕。俱有黃綢旛。旛上標明都貫姓名。恭迎聖駕字樣。自姑蘇驛前。虎邱山麓。凡屬駐蹕之所。皆建錦亭。聯以畫廊。架以燈綵。結以綺羅。備極壯麗。祝甲子己巳。逾十倍矣。十八日。恭逢萬壽聖誕。凡百士庶。獻康衢謠若干帙。頌聖詩若干帙。萬壽詩若干帙。分天地人和四冊。以祝萬年之觴。又於諸山及在城名刹。廣列祝聖道場。百姓歡呼塗路。十九日。召蘇州在籍官員翁叔元。繆曰藻。顧汧。王原祁。慕琛。徐樹穀。徐升。入見。賜賞各有差。又賜彭孫遹。尤侗。盛荷。升。御書扁額。二十日辰刻。御駕出葑門。登舟。幸浙江。時兩江總督爲遂寧張鵬翮。

江蘇巡撫爲商邱宋寧也。上問云。聞吳人每日必五餐。得毋以口腹累人乎。張鵬翮奏云。此習俗使然。上笑云。此事恐姦等亦未能勸化也。四月朔日。駕由浙江回蘇。初二日傳旨。明日欲往洞庭東山。初三日早出胥口。行十餘里。漁人獻饌魚銀魚兩筐。乃命漁人撒網。又親自下網。獲大鯉二尾。上色喜。命賞漁人元寶。時巡撫已先到山上。少頃有獨木船二。撥槳前行。御舟到岸。而隨從者未至。巡撫備大竹山轎一頂。伺候上升。輿笑曰。到也輕巧。有山中耆老百姓等三百餘人執香跪接。又有比邱尼豔妝跪而奏樂。上云。可惜太后沒有來。其時翠峯寺僧超揆步行先驅。引路者倪巡檢陳千總也。在山士民老少婦女觀者雲集。上分付衆百姓。你們不要踹壞了田中麥子。是時菜花已經結實成角。上命取一枝細看。問巡撫何用。奏云打油。上曰。凡事必親見也。是日有水東民人告菱湖坍田賠糧。收紙付巡撫。上問扈駕守備牛斗云。太湖廣狹若干。奏云八百里。上云何以具區志止稱五百里。奏云積年風浪衝坍隄岸。故今有八百里。上云。

去了許多地方。何不奏聞開除糧稅乎。奏云非但水東一處。卽如烏程之湖瀆。長興之白茅嘴。宜興之東塘。武進之新村。無錫之沙漺口。長洲之貢湖。吳江之七里港。處處有之。上云朕不到江南。民間疾苦利弊。焉得而知耶。初四日。卽由蘇起鑾北發。

第四次南巡。是四十二年癸未二月十一日。駕抵蘇州。時巡撫宋犖尙在任。一切行宮綵亭。俱照舊例。犖扈從時。見上勤於筆墨。每逢名勝。必有御製詩。或寫唐人詩句。犖從容奏云。臣家有別業在西陂。乞御筆兩字。不令宋臣范成大石湖獨有千古。上笑曰。此二字頗不易書。犖再奏云。臣曾求善書者。書此二字。多不能工。倘蒙出自天恩。乃爲不朽盛事。上卽書二字。頒賜頃之。又命侍衛取入重書。賜之上。勤於筆墨如此。

第五次南巡。是四十四年乙酉三月十八日。駕抵蘇州。是日爲萬壽聖誕。奉上諭。江南上下。兩江舉監生員人等。有書法精熟。願赴內廷供奉。奉抄寫者。著報名。

齊集江寧蘇州兩處。俟朕回鑾日。親加考試。四月十四日。命掌院學士揆敍。赴府學考。進呈冊頁。取中汪泰來等五十人。同前考過郭元釤等十人。俱赴行宮引見。各蒙賜御書石刻孝經一部。是年駕又幸崑山縣。登馬鞍山。旋往松江閱提標兵水操。

第六次南巡。是四十六年丁亥二月二十六日。上幸虎邱山。三十日幸鄧尉山。聖恩寺僧際志。恭迎聖駕。午後傳旨宮門伺候。御賜人參二觔。哈蜜瓜。松子。榛子。頻婆果。葡萄等十二盤。上云。吾見和尚年老也。六次南巡中。天恩溫諭。莫可殫述。江南父老。至今猶能言之。初無錫惠山寄暢園。有樟樹一株。其大數抱枝葉皆香。千年物也。聖祖每幸園。嘗撫玩不置。回鑾後。猶憶及之間。無恙否。查慎行詩云。含抱凌雲勢不孤。名材得並豫章無。平安上報天顏喜。此樹江南只一株。迨聖祖賓天。此樹遂枯。亦可異也。

触蹟云。歲當夏秋之交。上嘗巡幸口外。康熙四十年七月。駕至索爾哈濟。有喇里達番頭人。進彩鵠一架。青翅蝴蝶一雙。上問此二物產於何地。頭人回奏生鶴谷山中。鵠能擒虎。蝶能捕鳥。天顏大喜。賜以金而遣之。又駐蹕郭哈密圖七立。有索和諾蛇哈密獻麟草一方。奏云此草產於鳴鹿山雷風嶺。自利用元年至今止結數枚。必俟千月乃成。非遇聖朝不易呈瑞。

楊重英遺事

春冰室野乘云。雍乾之世。漢軍閥。以廣州楊氏爲最盛。而其後裔之受禍亦最慘。文乾當雍正中。由河南布政使擢撫廣東。當是時。田文鏡勢張甚。文乾力與擇距。嘗脫王士俊之危。薦諸朝。卒爲名臣。史豔稱之。子應琚。乾隆中葉。官雲貴總督。拜滿缺大學士。亦異數也。後以緬事失機。賜自裁。應琚子重英。官雲南按察使。率兵駐滇緬界上之新街。爲緬人所虜。緬人繁重英。而縱其隨員知縣某。某等兩人歸國。裕陵聞之震怒。命執兩員磔諸境上。不許入中國界一步。且

論令滇督。如他日重英歸時。卽照此辦理。重英既被虜。終不肯入緬都。緬人因舍諸新街。緬王欲其降。譬說萬端。卒不屈。王又鬻飾其女以往。欲贅重英爲婿。亦不可。重英在新街。先後二十五年。足跡未出關一步。後緬旣乞和。且值裕陵七旬高壽。始釋重英歸國。甫及境。滇督某卽遵前旨。執而梏之。不令入界。亟飛馳奏聞。時上春秋高。亦頗悔當時治此案過嚴。乃下詔旌重英之忠。謂其節過蘇武。且令滇督驛送來京。預備召見。旨至滇。重英已病卒。不及生入玉門矣。重英被虜後。其眷屬亦囚清室者二十五年。及是始赦出。

尹嘉銓罪案異聞

又云博野尹侍郎元孚。生平學術恪守程朱。爲畿南鉅儒。其子嘉銓。克嗣家學。由進士起家。官至京卿。晚年引疾家居。乾隆中葉。高廟南巡。嘉銓迎駕行在。忽奏請以其父元孚陪祀聖廟。並面求賞戴花翎。自言臨行時。曾誇詬其妾。謂此行必得花翎。倘不得恩允。無以相見云。上大怒。褫職交大學士九卿科道嚴訊。

嘉銓俯首引咎。自認爲欺世盜名之小人。叩求立置重典。諸大臣覆奏。請援胡中藻例。處以極典。奉旨加恩。賜令自盡。子孫家屬免其緣坐。而以其罪狀宣示天下。以爲僞儒之戒。

按此案諭旨。具載東華錄及聖訓。未嘗有曲赦之言也。昨在京師。晤膠州逢福。陔觀察恩承。爲言此案顛末。乃知嘉銓雖奉嚴旨。旋蒙赦宥。聖人之明罰勅法。而未嘗不俯順人情。操縱之神。固非下士所能知矣。逢君博雅好古。多識前言。往行語必有徵。非傳聞者比也。云其姻家某氏之先人。於乾隆中爲刑部郎中。總司秋審。此案經其一手辦理。曾奉旨爲紀事一篇。今其稿尚存某氏家中。逢君實親見之。略云。嘉銓既得罪。爰書已定之次日。上知某君之與嘉銓契也。特命某君往獄中宣旨。且賜御厨酒肴一席。命某君齎赴獄中。陽爲己所携入。以與嘉銓餽別者。諭令酒罷母遽就死。而先以嘉銓所言。暨飲食與否。親自回奏。再俟後。命某君遵旨往。有頃復奏。謂嘉銓謝恩就坐。顏色不亂。陽陽如平常。惟

深自引咎。奉負聖恩而已。凡飲酒三杯。食火腿及肥肉各一片云云。上聞奏微
哂。俄頃。命召嘉銓至。先數其罪。後乃宣旨赦令歸田。又問尚有何奏。嘉銓頓首
奏云。臣蒙皇上天恩。至於此極。感激之忱。靡可言喻。惟年逾七十。精力衰頹。無
以圖報。祇有及未死之前。日夕焚香叩天。祝皇上萬壽。國家昇平。雖至耄期。誓
不敢一日間斷。上大笑曰。汝尙欲活至百年乎。因揮之出。翼日復召某君入見。
賜酒食。卽於御前就座。且命內監給紙筆。使某君將此案始末情形。詳細紀錄。
某君且飲啖。且書。日旰始脫藁。上閱之。頗嘉許其詳盡。卽以賜之。逢君所見。猶
是當時呈進眞本也。

松苓酒

嘯亭雜錄云。純廟時。張文敏(照)獻松苓酒方。於山中覓古松。伐其本根。將酒
甕開鑪埋其下。使松之精液。吸入酒中。逾年後掘之。其色如琥珀。名曰松苓酒。
上偶飲之。故壽躋九旬。康莊曰。健有以哉。

神樹

又云永陵中原皇帝享殿側有榆樹一株高數十丈蔭庇神殿其樹枝榦詰屈若虬龍狀樹腰有瘤數百顆聞土人云每帝后上賓時其瘤自韻一枚五朝皆然實爲國家億萬年無疆之兆宗周卜世之祥未足比也

門富

履園叢話云康熙初有陽山朱鳴虞者富甲三吳遷居申衙前卽文定公舊宅其左鄰有吳三桂侍衛趙姓者混名趙蝦豪橫無比常與朱門富凡優伶之遊朱門者趙必羅致之時屆端陽若輩先赴趙賀節飲酒皆留量趙以銀杯自小至大羅列於前曰諸君將往朱氏吾不強留請各自取杯一飲而去何如諸人各取小者立飲趙令人暗記笑曰此酒是連杯偕送者其播弄人如此朱曾於元宵掛珠燈數十盞於門趙見之愧無以匹命家人碎之朱不敢與較商於雅園顧吏部（予咸）顧唯唯乃以重幣招吳三桂墮王永康來讌飲席散遊園置

碎燈於側。王問曰。可惜好珠燈。何諒不修。朱曰。此左鄰趙蝦所爲。因平西之人未敢較也。王會意耳。語家人。連夜逐趙出城另遷。一時大快人心。鳴虞之子。後入翰林。常與王往來。王居北街。拙政園。俱先三桂死。今申衙前。尚有陽山朱衡之名。聞所謂朱鳴虞趙蝦之號。竟無有知者。

查如龍脅平西反正

廣陽雜記云。查如龍者。下江人。弘光朝曾爲部郎。後流落江湖。未嘗一日忘天下也。康熙初年。僞造天下督撫提鎮書札。官封印信。花押圖章。一一逼真。書中之意。皆聯絡聲氣。共圖舉事。恢復中原。皆有報書草稿。彙爲一冊。辭皆俊偉。携之走滇南。寓山中僧舍。去省不遠。爲血書一通。上平西王。言天下督撫提鎮。及朝中大臣。皆有同心。待王爲盟津之會。王華人也。當年之事。出於不得已。今天下之機杼在王。王若出兵以臨中原。天下響應。此千古一時也。令一童子於王府上之。其意欲露布此書於人。脅王以不得不從之勢。童子至王府。不得其門。

而入。遂巡歸。後以假銀事敗露於曲靖府。曲靖知府李率祖。號素園。向與平西王有隙。得此甚喜。然見其書稿牽連天下。無一遺者。遂取而焚之。唯以上平西血書申督撫聞之於朝。命于總董三綱解之入京。如龍臨發時呼三柱曰。我死爾九族之滅亦不遠矣。至京凌遲處死。

鐵路輸入中國之始

春冰室野乘云。同治四年七月。英人杜蘭德。以小鐵路一條。長可里許。敷於京師永甯門外平地。以小汽車駛其上。迅疾如飛。京師人詫所未聞。駭爲妖物。舉國若狂。幾致大變。旋經步軍統領衙門飭令折鉗。羣議始息。此事更在淞滬行車以前。可爲鐵路輸入吾國之權輿。

金簡

春冰室野乘云。曩客都門。助友人纂輯會典。檢得一故事。絕可笑。乾隆某年月日上諭。內閣本日召見都統金簡。見其補服獅子尾襪繩有小錦雞一隻。訝而

問之。則對以奴才。以都統兼戶部侍郎。侍郎係文職一品。然照例文武兼官。章服當從其尊者。故繡此以表兼綜文武之恩榮耳。章服乃國家大典。豈容任意兒戲。金簡著交部議處。此事殆可入笑苑。然亦可見當時重文輕武之心理矣。金簡本朝鮮人。入仕中朝。隸內務府旗籍。一女入宮爲嬪。後仕至尚書。爲人精幹有巧思。武英殿聚珍板程式。其所手創也。朝鮮人入仕中國。自唐已然。高仙芝乃至任將相。封王爵。而唐末崔致遠。且登進士第。佐節度幕。入爲朝官。後復敗歸還仕其國。亦曲許之。柔遠之意。至爲厚矣。明成祖賢妃權氏。亦朝鮮人也。金簡之仕清。自非勦舉。但何以不入漢籍。不用本國籍。而必入內務府旗籍。則書缺有間。莫明其故矣。

朱文正之迷信

又云大興朱文正公。晚年棲心道教。迷信最篤。居恒閉目養靜。與客談。亦不開眸。翰林院土地神。相傳爲韓退之。公一日忽語人云。文公已受代去。代之者吳。

雲巖殿撰鴻也。一歲丁祭畢。公乘輿過廁門外。自輿中拱首曰。老前輩請了。又自謂前身爲文昌宮之盤陀石。故字曰石君。別號盤陀老人。有扶乩者。因言公乃文昌二世儲君。於是有人奏請加梓潼帝號升中祀之舉。卒以嘉慶六年行之。公嘗直誕辰。諸門弟子稱觴爲祝。洪稚存太史與焉。酒半忽袖出一文上壽。公固夙喜洪文。亟命讀之。決抗聲朗誦。洋洋千言。多譏公迷信事。座客皆驚。洪獨大笑叫絕。公遂大怒。洪坐是淪謫。卒不振。然弗悔也。

林清案異聞

又云嘉慶癸酉林清之亂。喋血禁門。毒流三輔。數月後乃克平定。國史皆謂變起倉卒。而不知先一歲已發露於臺灣。特當時公卿大臣不肯據實上聞耳。先是壬申春。涇縣趙兵備崇華。攝臺灣淡水同知。甫下車。即訪獲妖言惑衆之高媧。達訊之。具供其同黨劉林祝現。定以次年閏八月望夜。在都下舉事。徒黨徊中外。劉林者。卽林清原名也。兵備亟通詳請。奏上官以其語不經。匿弗以聞。僅

依尋常傳布邪教律擬決。次年都中之變果起。事起以九月十五。先一日。蘆溝橋巡檢已飛報。祝現奉林清命定。次日午時入宮舉事。黨羽本日悉已入城。兼尹尙書某。猶以不可冒昧聲張。致釀巨變斥之。亦不部署防衛云。前此成德之案。雖仁廟至仁包荒。然其事卒疑莫能明。及是山東金鄉知縣吳培。捕獲逆目崔士俊。究出嘉慶八年成德曾偕祝現至士俊家宿一月。御車者爲支進才。始知成德本林清逆黨。並無他故。而東撫以事屬既往。刪不入奏。遂使疑團至今莫釋。

魏長生

嘯亭雜錄云。魏長生。四川金堂人。行三。秦腔之花旦也。甲午夏入都。年已逾三旬。外時京中盛行弋腔。諸士大夫厭其囂雜。殊乏聲色之娛。長生因之變爲秦腔。辭雖鄙猥。然其繫音促節。嗚嗚動人。兼之演來。達喪之狀。皆人所罕見者。故名動京師。凡王公貴位。以至詞垣粉署。無不傾搖。纏頭數千百。一時不得識交。

魏三者無以爲人。其徒陳銀官復鬚齡韶秀。當時有青出於藍之譽。長生旣蓄厚貲。乃抽身歸里。陳遂繼其師業。當時百官殷富。習俗奢靡。故二子得以媚取爲相所嬖。察因荷校銀官於總帥署前。以辱之。爲緩頰者皆謫貶有差。乃逐陳銀歸川中。其風稍息。銀官不知所終。嘉慶辛酉。長生復入都。其所蓄已蕩盡。年逾知命。猶復當場賣笑。人以其名重。故多交結之。然婆娑一老娘。無復當日之姿媚矣。壬戌送春日。卒於旅邸。貧無以殮。受其惠者爲董其喪。始得歸柩於里。長生雖優伶。頗有俠氣。庚子南城火災。形家言西南有劍氣冲擊。長生因建文昌祠以厭勝。又納蘭太傅孫成安者。初與其狎昵。後遇事遭戍歸。貧無以立。長生嘗贈恤之。亦其難能也。

滿人亦有奉永歷圖中興者

廣陽雜記云。吉坦然江甯人。流寓衡陽。其尊人扈從永歷帝上雲南。坦然時尙少。亦隨之往。知滇事最詳。余問以滇中諸事。坦然多目擊者。永歷之自繩繩也。

吳三桂迎入坐輦中。百姓縱觀之。無不泣下沾襟。永歷面如滿月。鬚長過臍。日角龍顏。顧盼偉如也。有滿洲人見之。以爲眞天子。遂有密謀以圖中興者。事泄。誅四十餘人焉。予曰。我向聞其人。而遺其人之名。先生猶憶得否。坦然曰。亦忘之矣。然於法場上見爲首者。長七尺餘。形如虎豹。皆言其膂力絕人。騎射爲滿洲之冠。

丐夫陸晉

清。汪日楨。南潯鎮志。按語云。香祖筆記。觚臘。聊齋志異等書。吳六奇事。大同小異。惟吳騷。拜經樓詩話。據查繼佐所作。敬修堂同學錄。出處偶記云。己亥。余客長樂潮鎮。吳葛如。以厚幣邀余至其軍。又云。世相傳。余初有一飯之德。葛如方布衣野走。懷之。而思厚報。其實無是事也。因謂出於傳聞之誤。或以其既貴。而爲之諱。皆未可定。今考秀水沈起記丐夫陸晉事云。武林畏吾寺山門之側。有異人焉。喜爲丐。姓名不傳。破袋竹筒。每挂書一卷。倚徙市門。出書朗誦。見者笑。

之。東山查伊璜先生曾敍其事云。庚午余就秋試。寓寺中。偶出見丐。異之急前揖丐。丐遂抗禮不下。曰。世無知我公等。差可與言。余固懇請釋丐而偕吾遊。爲之櫛髮濯體。解衣飾之間。其姓氏家世不答。因從同丐者得其故。係新安世族。陸晉也。余同人中董治升。頗饒於資。乃迎養晉於治升家。強之就童子試。得高掇。及再試。僞赴而野脫。主人供奉甚豐。終不樂也。乃謀於余。余曰。君家多大紀綱。勉集一鄉塾。請晉爲塾師。出入民間。可使自便。晉欣然從之。值寒食。晉假館事過東山草堂。索余詩稿而去。至重九。余過治升家訪晉。治升曰。晉昨晨起。不告我竟去。不取修脯。棄其衣履。并東山詩稿亦隨之去矣。是後西北多事。傳聞不一。或云自浙而楚而豫而燕。出關東。遂爲瀋陽人。竟不知所終。及東山累於尋事。拘繫司寇。相傳有於旗員之間。白先生冤者。以是對薄時。筆帖式下階向先生問安。先生漠不解何意。及聞北司火房。復有人傳語云。公幸無恙。前所借詩稿尙存也。按吳六奇之事。今人豔稱。陸晉之事。人所不知。豈傳聞有誤歟。抑

爲六奇譚歟。

碧蘿春茶名始於清康熙

清王應奎柳南隨筆云。洞庭東山碧蘿峯石壁產野茶。每歲土人持竹筐採歸。未見其異也。康熙某年。按候以採。而其葉較多。筐不勝載。因置懷間。茶得熱氣。異香忽發。採者爭呼赫殺人香。赫殺人吳中方言也。因遂以名是茶。自是每採茶土人男女長幼必沐浴更衣。號室而往。盛以筐。悉置懷間。而士人朱元正獨精製法。出自其家。尤稱妙品。每斤價值三兩。己卯車駕幸太湖。以名不雅。題之曰碧蘿春。地方大吏必採辦而售者。以僞亂真。元正歿。製法不傳。即真者亦不及曩時矣。

西山活佛

嘯亭雜錄云。乾隆乙巳丙午間。有順義民婦張李氏。善醫術。兼工符籙祈禱之事。病者服其藥。輒癒。又有宦家婦女。爲之延譽。爭建西山三教庵。西峰寺與之。

居處爲供奉。號爲西山老佛。後燒香者既衆。男婦雜沓。頗有桑間濮上之疑。爲有司所懲治。將張李氏伏法。其風始熄云。

岳少保之死

又云昔蘇東坡以不及見范文正公爲恨。蓋不同朝故也。岳少保（起）入爲少宗伯時。余已任散秩大臣。因直宿禁中。不得常至西苑。故未能與公一會。至今心猶耿耿。聞公入都時。已抱沉疴。京中素無邸舍。因寓居友人家中。後病篤時。遷於某寺中。龕燈總帳。渾如旅客。實近日大僚中所罕見者。其夫人賴友生爲之置室。親紡織以度日。而其本旗都統某。因公有代屬員分賠欵項。立逼夫人鬻室充公人皆爲之切齒。未逾歲。某卒以貪事敗死。

曹杜兩相得謚文正之由

春冰室野乘云。清漢大臣。易名而得正字者凡八人。一湯睢州。二劉諸城。三朱大興。四曹歛縣。五杜濱州。六曾湘鄉。七李高陽。八孫壽州。較宋明兩朝。過之倍

徒。嗚乎盛矣。綜而論之。劉曾之道德功業。洵足當正字而無媿。睢州之爲人。有謂其爲僞君子者。大興晚年。耽嗜宗教。自謂能與呂仙問答。其事甚怪。其節終之典。所以備極寵榮者。則以和相弄權時。大興於仁廟實有調護之功耳。此其事人人所習知。壽州則無毀無譽之愿人。於國事無大關繫。姑不具論。若歙縣濱州兩公。則於國家治亂之關。三朝授受之際。實有非常絕大之關繫。天下之士。或有未盡悉其始末者。爰追憶曩時所聞師友之緒論。泚筆紀之。亦三朝得失之林也。

宣宗成皇帝在位三十年。衣非三澣弗易。宮中用歛。歲不逾二十萬。內務府堂司各官。皆貧困欲死。其儉德實三代後第一人。漢之文帝。宋之仁宗。莫能及也。然而三十年中。吏治日媿。民生日困。勢窮事極。釀成兵禍。外擾海疆。內興赭寇。遂以開千古未有之變局。所謂上有堯舜之君。而下皆共鯀之佐者。眞道光朝之謂矣。夫以宣廟之聖明。何至不知吏治之媿。民生之困。所以然者。由言路之

壅塞致之。而言路所由壅塞。則皆歛縣一人之力耳。上晚年頗倦勤。而一時言官多好毛舉細故。相率爲浮濫冗瑣之文。以塞責。上初猶勉強延納。久益厭之。欲懲戒一二。以警其餘。則又恐言路爲之沮格。歛縣以漢首相直軍機。上一日從容語及之。歛縣因造膝密陳曰。是無難。凡言官所上章疏。無問所言何事。但摘出一二破體疑誤之字。交部察議。懲戒一二人。言者必駭服聖衷之周密。雖一二筆誤。猶不肯輕易放過。况其有關繫之大者。嗣後自不敢妄逞筆鋒。輕上封事矣。在上無拒諫之疑。而可以杜妄言者之口。計無便於此者。上聞奏大喜。如其所言。未幾。言官相戒以言事爲厲禁。而科道兩署七八十人。皆寒蟬仗馬矣。歛縣之巧伺人主意旨。藉公論以逞私意者。率皆類此。上天性仁厚。以其外觀之忠謹也。絕不之疑。雖有言其奸者。上亦不肯信。及其歿也。猶痛惜之。賜卹恩旨。有獻可贊否。而人不知之語。蓋其所以固寵者深矣。嘉慶以前。殿廷考試大臣奉派閱卷。皆先文詞而後書法。未有摘一二破體字而抑高文於劣等者。

至歙縣始用此術。衡文不但文詞之工拙在所不計。即書法之優劣亦不關重要。但通體圓整。無一點畫訛錯。即可登上第。蓋當時承乾嘉考證學派之餘波。士子爲文。皆以博奧典實相尚。歙縣素不學試。卷稍古雅者。輒不得其解。故深惡而痛絕之。後來主文衡者。樂其簡易。相率效尤。於是文體頽而學術因之不振矣。道咸兩朝功令。文字最爲卑陋。皆歙縣一人敗之也。祁文端既貴。以小學提倡後進。輩下學派。始稍稍振起。然遠遜乾嘉之盛矣。(此條聞諸文道希學士)

祁縣吳季清先生。友一內務府老司官。旂人某君。年七十餘矣。通籍道光末。歷事四朝。內廷故事。綦熟。嘗爲述道咸間遺事。多人間所不得知者。云宣廟晚年。最鍾愛恭忠親王。欲以大業付之。金盆減名時。幾書恭王名。著數矣。以文宗賢。且居長。故逡巡未決。濱州時。在上書房行走。適授文宗讀。微窺上意所在。欲擁戴文宗。以建非常之勳。一日上命諸皇子校獵南苑。故事。皇子讀書者。奉命外

出臨行時必詣師傅處請假。所以尊師也。是日文宗至上書房。左右適無人。惟濱州一人獨坐齋中。文宗人行禮畢。〔皇子見師傅皆長揖〕問將何往。以奉命校獵對。濱州乃耳語曰。阿哥至圍場中。但坐觀他人馳射。萬勿發一槍一矢。并當約束從人。不得捕一生物。復命時。上若問及。但對以時方春和。鳥獸字育。不忍傷生命。以干天和。且不欲以弓馬一日之長。興諸弟競爭也。阿哥第以此對。必能上契聖心。此一生榮枯關頭。當切記無忽也。文宗既至圍所。如所囑行之。是日恭王所得禽獸最多。多方顧盼自喜。見文宗默坐。從者悉垂手侍立。怪之間其故。文宗曰。吾無他。但今日適不快。弗敢馳逐耳。日暮歸復。命文宗獨無所獻。上詢之。具如濱州所教以對。上大喜曰。是真有君人之度矣。立儲之議遂決。後數歲。宣廟上賓。文宗甫御極。卽晉濱州爲協揆。未及正綸屏而遽薨逝。上聞訃。爲之失聲。親往奠獻。追贈太師。予謚文正。飾終之典。悉視大學士例有加。嘉道以來。漢大臣追贈太師者。僅公一人而已。蓋非惟追懷典學之勤。亦以報其擁

戴之勸也。國朝列聖之文學。以文宗爲最優。蓋亦濱州啓沃之力云。

曾文正公遺事

又云金陵之初復也。有蕭山一士人。自稱浙省教職。謁文正軍門。雄談大睨。不可一世。文正心奇之。偶談及下僚欺蔽之難杜。某正色曰。受欺不受欺。顧在己。如何耳。某盱衡當世大人君子。惟有中堂至誠感人人。自不忍欺。若左太保之嚴氣正性。人不敢欺。然以較中堂。已落第二義。至如某某諸公。則人卽不欺。而已顧常疑其欺。或已被欺。而反不疑其欺者。比比是也。文正大服。撫髀稱是。不置。因語之曰。吾慕府諸賢子。可徧謁之。月旦其優絀以語我。某諾而出。次日復命曰。軍中多豪偉士。然某於其間。得二君子人焉。文正驚詢之。則涂制府宗瀛。鄂中丞柏蔭也。文正益心折。稱善。乃待爲上客。顧一時未有以處之。姑令督製砲船。未幾。忽挾千金遁去。所司以聞。請發卒追捕。文正默然良久曰。休矣。置之可耳。所司莫測其意。惘然退。文正乃咄咄獨坐。自循其須。曰。人不忍欺。人不忍

歎。左右皆匿笑。聞其人卒折節爲善士。爲諸生以終。

左文襄軼事

又云左文襄之捷秋試也。與同年生湘潭歐陽某同舟北上。一日文襄伏几作書。歐陽生問何爲。曰作家書耳。有頃。舟已泊。文襄匆匆登岸縱眺。書稿置几上。尙未緘封也。歐陽生因取視之。書中叙別家後情事了無足異者。惟中間叙及一夕泊舟僻處。夜已三鼓。忽水盜十餘人。皆明火持刀入艙。以刃啟己帳。已則大呼。拔劍起。力與諸賊鬥。諸賊皆披靡退至艙外。已又大呼追之。賊不能支。紛紛逃入水中。頗恨已不習汎。致羣盜逸去。不得執而殲旃也。歐陽生讀之。大愕。自念同舟已十餘日。果有此事。已何以不知。然家書特鄭重其事。又似非子虛。因召文襄從者問之。亦愕然不知。又召舟人問之。皆矢言實無其事。未幾。文襄徐步返舟。歐陽生急詰之。文襄笑曰。子非與我同夢者。安知吾所爲耶。歐陽生曰。夢耶。何以家書中所言。又若眞有其事也。曰。子眞癡人矣。昨晚吾偶讀後漢

書光武紀。見其叙昆陽之戰。雲垂海立。使人精神飛舞。晚卽感此夢。乃悟前史所叙戰事。大半皆夢境耳。安知昆陽之役。非光武偶然作此夢者。子胡爲獨怪我耶。信矣癡人之不可與說夢也。

吳縣吳清卿中丞之督學陝甘也。按試至蘭州。於時左文襄甫肅清關內。方布置恢復新疆之策。文襄固夙以武侯自命者。平時與友人書札。常署名爲今亮。中丞下車觀風。卽以諸葛大名垂宇宙。命題。文襄聞之甚喜。次日班見司道。故問新學使昨日觀風。其命題云何。司道具以對。文襄撫鬚微笑。不語者久之。徐曰。豈敢豈敢。

諦輝

劉健庭聞錄云。孫旭湖州人。中某科武舉。耿精忠反。總督姚啟聖招旭入閩。旭應募。請招某山寇。寇受撫。縣有捕役白令曰。旭所招盜名在捕中有年矣。案牘良然。於是執旭及盜解赴浙省。旭與解役逸。七日至建昌府。詣樂燦。樂燦者。

耿逆之大帥也。旭改姓名爲王懷明。自言聚兵爲義師。不幸而敗。燉及參軍周發祥信之。爲具衣冠署僞職。燉敗。發祥以殘卒千人歸韓大任。(大任乃吳三桂之將。稱揚威將軍。)大任求幕客。發祥以旭應。一見相契。遂用事。旭日說大任入閩。大任遂降於閩。旭以招降功議叙。以道員用。給假歸里。一門血屬死無子。遺廬舍亦焚毀一空。旭自傷。遂祝髮爲僧。號諦輝。住持靈隱寺。雍正三年。以募化入閩死。

海甯陳氏安瀾園

庸閒齋筆記云。道光戊子。余年十七歲。應戊子鄉試。順道往海甯觀潮。並游廟宮。及吾家安瀾園。時久不南巡。祇十二樓新葺。此外臺榭頗多傾圮。而樹石蒼秀奇古。池荷萬柄。香氣盈溢。梅花大者天矯輪囷。參天蔽日。高宗皇帝詩所謂園以梅稱絕者是也。廳事中設御座。相傳數年前。有一狂生。被酒踞座而遺。忽見一金甲神猝之撲地。頭額破損。扶歸大病幾死。五十年來之虛位。尙有神物。

呵護。仰見皇靈之遠。同治癸酉重遊是園。已四十六載矣。經粵賊之亂。尺木不存。梅亦根撥俱盡。蔓草荒煙。一望無際。殊有黍離之感。斷壁上。猶見袁簡齋先生所題詩一絕云。百畝池塘十畝花。擎天老樹綠槎枒。調羹梅亦如松古。想見三朝宰相家。以後則牆亦傾頽。不能辨識矣。時大府方重修廟宮以祀海神。奏明動帑六萬。不日當可煥然一新。而斯園則零落與綠野平泉同其湮沒。深可慨也。

漢女不入宮

竊名筆記云。世傳清入關以後。定制漢女不充宮禁。故無點選之擾。惟蒙滿相爲婚婢。漢人安之。此其收人心之一端。然據三國識略。順治十三年丙申八月。諱傳點選彩女。人情惶駭。大河南北。以迄兩越。無論妍媸。俱於數月中匹偶。鼓樂花燈。喧闐道路。有一婿。數家爭之。男子往往中道被迫成婚。又有守節頗久。不得已復嫁。亦或借此再適者。然則順治中。尚未明定漢女不入宮之制也。事

雖訛傳。要無禁止明文。以致如此識略。又言元順帝時。曾有此事。又晉泰始中。博採後宮。天下嫁娶。皆敗衣瘁貌以避之。又隆慶二年。訛傳點選。并採寡婦。千里沸騰。官司不能禁止。此絕類專制之朝。滅絕倫理。如此。當時無人權之學說。無婚姻自由之法律。無共和之希望。由今思之。民智之不發達。何如爭存。於今之世。或非無望也。

崑山屠城

楞華菴隨筆云。清初崑山屠城。爲殺一縣令也。縣志諱而不載。見屈大均南都殉難記。然亦不詳所自。據前輩言。此事主動。爲歸震川先生之孫某。殺縣令者。爲一屠戶。歸與屠素稔。一日忽向之長跪。屠大駭。詰其故。則曰。爲我殺却清官。屠允之。伺縣令出。狃伏路隅。突前舉刀砍之。立死。二人卽亡去。大索不得。而城遂被屠。時清方初定江南也。人第知揚州嘉定之事。抑知崑山之受禍亦酷乎。讀某僧之瘞骨文。爲之心慄。

太平天國軼事

尊卿漫錄云。南京有陳君者。年已八十餘。談洪秀全據金陵時事甚詳。其言當時滿城各處皆設有女館。貢院即爲最大之女館。其餘小女館分布各區。館中皆係民間婦女羣居於內。男子不得妄入。雖家人探視亦但能遙立相語而已。每月月底准各婦女回家一次。據云洪恐兵丁奸淫民間婦女。乃有女館之設。其分別男女之界限。關防極爲嚴密。或曰此正朱紫陽之道。甚行之時代也。陳君又云。今金陵城內之妙相庵。即當時石達開之府第。石封翼王。卽稱爲翼園者是也。當時其園門首懸有六 大字匾額。爲了不得不六字。或謂當時石懸此匾時。其意以爲成則了不得。敗則不得不了耳。然聞石雖一奔夫。亦頗聰慧。其成敗二義。何必寄託於園額。此六字者大都專指園言。上三字自誇其園之壯麗。下三字或作達語也。

履園叢話云。明末崇明有沈百五者。名廷璽。號五梅。家甚富。曾遇洪承疇於客舍。是時洪年十二三。相貌不凡。沈以爲非常人。見其窮困。延之至家。并延其父爲西席。卽課承疇。故承疇感德。嘗呼沈爲伯父。後承疇已貴。適山東河南流賊橫行。淮河糧運輒阻。當事者咸束手。於是洪薦百五百。百五乃盡散家財。不請帑藏。運米數千艘。由海道送京。思陵召見。授戶部山東清吏司郎中。加光祿寺卿。不數年。承疇已歸順本朝。百五獨不肯。脫身走海。尙圖結援。爲大兵所獲。洪往諭降。百五故作不識。認曰。吾眼已瞎。汝爲誰。洪曰。小姪承疇也。伯父豈忘之耶。百五大呼曰。洪公受國厚恩。嵩山一役。殉節久矣。爾何人斯。欲陷我於不義乎。乃摶洪衣襟。大批其頰。洪笑曰。鐘鼎山林。各有天性。不可强也。遂被執。至於江甯。被害於淮清橋下。妾張氏收其屍。盡鬻衣裝。葬之虎邱東麓。廬墓二十年而死。初百五結援時。手下有死士五百人。沈死後。哭聲震天。一時同殉。殆有慘於齊之田橫云。

喬道人

囀亭雜錄云。乾隆庚戌辛亥間。有喬道人。自陝右至。貌清癯鶴立。面微暈紅。自云數百歲。曾經明末鼎革事。與孫百谷周忠武相交。言皆忘誕。然談兵家事。歷歷如繪。或云爲年大將軍之潰卒。會經青海戰事。故所言了了。然無左證也。今漕帥李公(奕疇)深爲崇奉。喬居一小菴中。飲啖如常。毫無他異。壬戌五月中。卒於旅邸。亦卒無他奇驗。蓋如抱朴子所言。古強類也。又有某道士。居西城紅廟玉皇閣。能預知和相死期。辛酉夏大雨。鉦鋗祿緹帥(明安)嘗延其在海淀寺中築壇祈晴。頗有小驗。上以其惑衆。命逐出境外。亦不知其所終。

巧對

春冰室野乘云。光緒中葉。山東尹琅若編修琳墓。官詞館久不開坊。鬱鬱弗自得。乃縱酒自遣。醉輒謾罵座客。以是與其鄉人鄭侍御溥元齟齬。鄭遽摭尹陰事劾奏之。人皆不直鄭。旨下尹鄭皆休致。是日樞臣述旨既退。寶文靖語同列。

曰。白白放歌須縱酒。青春作伴好還鄉。可移贈尹鄭兩君矣。甲申春閻文介張文達同入軍機。二公年皆逾七十。未幾孫文恪毓汝。烏少司空拉布。奉命勘案江南北諸省。歷年餘始歸。都人爲集唐人句曰。丹青不知老將至。（汝介字丹初文達字子青）雲山况是客中過。（烏字少雲孫字萊山）又光緒癸巳恩科。殷秋橋鴻少如璋。周伯晉編修錫恩。典浙江試榜發。士論頗不羈。或爲聯以謔之曰。殷禮不足徵。已經如瞶如聾。漫訛文章操玉尺。周任有言曰。難得恩科恩榜。好憑交易集金錢。離析二人姓名。而銖兩悉稱。語意渾成。尤爲巧合。又烏達峯尙書與惲次遠學士同典浙試。烏文學頗疏淺。而學士有煙癖。或以二人姓爲聯曰。烏不如入。胸中只少半點墨。軍無鬥志。身邊常倚一條槍。又同治中四川副都統有名鐵爾克達春者。或戲以金吾不禁夜對之。

吳六奇

笙簧觚牘云海甯查孝廉培繼。字伊璜。才華豐豔。而風情瀟灑。常謂滿眼悠悠。

不堪酬對。海內奇傑。非從塵埃中物色。未可得也。家居歲暮。命酒獨酌。頃之愁雲四合。雪大如掌。因緩步至門。冀有乘興佳客。相與賞翫。見一丐者。避雪廡下。強直而立。孝廉熟視良久。心竊異之。因呼之入坐而問曰。我聞街市間。有手不曳杖。口若銜枚。敝衣櫛腹。而無飢寒之色。人皆稱爲鐵丐者。是汝耶。曰。是也。問能飲乎。曰能。因令侍童以壺中餘酒。傾甌與飲。丐者舉甌立盡。孝廉大喜。復熾炭發醅。與之約曰。汝以甌飲。我以卮酬。竭此醅乃止。丐盡三十餘甌。無醉容。而孝廉頹臥胡床矣。侍童扶掖入內。丐遂巡出。仍宿廡下。達旦雪霽。孝廉酒醒。謂其家人曰。我昨與鐵丐對飲甚懽。觀其衣極藍縷。何以禦此嚴寒。亟以我絮袍與之。丐披袍而去。亦不求見致謝。明年孝廉寄寓杭之長明寺。暮春之初。偕侶攜觴薄游湖上。忽遇前丐於放鶴亭側。露肘跣足。昂首獨行。復挈之歸寺。詢以舊袍何在。曰。時當春杪。安用此爲。已質錢付酒家矣。孝廉奇其言。因問曾讀書識字否。丐曰。不讀書識字。不至爲丐也。孝廉悚然心動。薰沐而衣履之。徐論其

姓氏里居。丐曰僕系出延陵。心儀曲逆。家居粵海。名曰六奇。祇以早失父兄。性好博奕。遂致落拓江湖。流轉至此。因念叩門乞食。昔賢不免。僕何人。斯敢以爲汚。不謂獲遇明公。賓於風塵之外。加以推解之恩。僕雖非淮陰少年。然一飯之惠。其敢忘乎。孝廉亟起而捉其臂曰。吳生固海內奇傑也。我以酒友目吳生。失吳生。寧仍命寺僧沽梨花春一石。相與日夕痛飲。盤桓累月。贈以衣屨之資。遣歸。第未嘗不諳世居潮州。爲吳觀察道夫之後。略涉詩書。耽遊廬雉。失業蕩產。寄郵卒。故於關河孔道。險阻形勝。無不諳熟。維時天下初定。王師由浙入廣。舳艤相銜。旌旗鏗鏘。迢遞數百里不絕。凡所過都邑。人民避匿村谷。間路無行者。六奇後竟買然來。置兵執途麾下。因請見主帥。備陳粵中形勢。傳檄可定。奇有義結兄弟三十人。素號雄武。祇以四海無主。擁衆據土。弄兵潢池。方今九五當陽。天旋南下。正蒸蒸後蒸之會。豪傑效用之秋。苟假奇以遊劄三十道。先往馳踰。散給羣豪。近者迎降。遠者響應。不踰月而破竹之形成矣。如其言行之粵地。

悉平。由是六奇運籌之謀所投必合。扛鼎之勇無堅不破。征閩討蜀。屢立奇功。數年之間。位至通省水陸提督。當六奇流落不偶時。自分以污賤終。一遇查孝廉解袍衝門。贈金蕭寺。且有海內奇傑之譽。遂心喜自負。獲以奪跡行伍。進秩元戎。嘗言天下有一人知己。無若查孝廉者。康熙初。開府瓊州。卽遣牙將持三千金存其家。另奉書幣。邀致孝廉來粵。供帳舟輿。俱極腴備。將度梅嶺。吳公子已迎候道左。執禮甚恭。樓船簫鼓。由胥江順流而南。凡轄下文武僚屬。無不願見查先生。爭先饋贈。篋綺囊珠。不可勝紀。去州城二十里。吳躬自出。迎八駕前馳。千兵後擁。導從儀衛。上擬侯王。旣迎孝廉至府。則蒲伏泥首。自稱昔年賤丐。非遇先生。何有今日。幸先生辱臨。糜丐之身。未足報德。居一載。軍事旁午。凡得查先生一言。無不立應。義取之費。幾至鉅萬。其歸也。復以三千金贈行。曰。非敢云報。聊以誌淮陰少年之感耳。先是。邑中有富人莊廷鉞者。購得朱相國史。概博求三吳名士。增益修飾。刊行於世。前列叅閱姓氏十餘人。以孝廉夙負重名。

亦借列焉。未幾私史禍發。凡有事於是書者。論置極典。吳力爲孝廉奏辯得免。孝廉嗣後益放情詩酒。盡出其橐中裝。買美婢十二。教之歌舞。每於良宵開簾。垂簾張燈。珠聲花貌。豔徹簾外。觀者醉心。孝廉夫人亦妙解音律。親爲家伎拍板。正其曲誤。以此查氏女樂。遂爲浙中名部。昔孝廉之在幕府也。園林極勝。中有英石峰一座。高可二丈許。嵌空玲瓏。若加鬼製。孝廉極所心賞。題曰纓雲閣。旬往視。忽失此石。則已命載巨艦。送至孝廉家矣。涉江踰嶺。費亦千緡。今孝廉旣沒。青娥老去。林荒池涸。而英石峯巋然尚存。

血袍

履園叢話云。蘇州楊忠文公(廷樞)以順治元年殉節於里第。事載府志。有血袍一件。忠文之子易亭先生名(无咎)者。謹藏於家。珍同珠璧。易亭生文叔先生(紹武)。文叔生石壠。教諭(慶孫)。教諭十二三歲時。曾受業於先外祖華嶧。山先生。其時易亭尙在。年八十餘矣。外祖旣設帳於其家。擬請忠文公血袍一

見久之而未允也。一日忽命家人入書房請。外祖遂衣冠而進。見易亭服斬衰上香三奠。酒三奠畢。俯伏大哭。命啟箱取袍出。復大哭。然後呈示。外祖亦拜而觀之。是紅袍有繡黼。俱變黃色。刀痕血跡宛然。外祖亦不覺失聲趨而出。蓋外祖之祖囂生公。故爲忠文弟子也。後外祖謂人曰。易亭眞孝子。吾早知如此。何忍觀之以傷孝子之心耶。教諭之子名（一鴻）號梅溪。中乾隆癸卯鄉榜。余會見之。聞此袍至今猶在。

浙案異聞

春冰室野乘云。浙江葛畢氏一案。爲光緒初四大案之一。自經部審平反。久成信讖矣。乃以蒙所聞。則頗有與當時案牘異者。蓋葛品連雖未被謀害。要非良死。葛畢氏亦實非良家婦也。畢故餘杭土妓。楊乃武與縣令劉錫彤之子。皆昵之。楊以諸生武斷鄉曲。常恃劉爲護符。劉亦藉楊爲爪牙。故二人相得甚歡。而以畢氏爲之媒介。楊既捷秋試。家計頓裕。畢氏遂議委身事之。謀既定。爲劉所

值知乃大憤於是謀所以陷楊者而適有品連死事品連者畢之夫魯而懦畢平時故庸奴畜之品連不能堪因乘間服阿芙蓉膏以死劉詞知之則大喜卽召品連之出母某氏者至餌以厚賄俾投狀訴冤稱子被二人者謀死縣令逮楊及畢氏至脅以嚴刑五毒備施不勝楚皆引服浙之士大夫則起而大憤謂楊雖非端人而品連實非所謀害縣令疾其把持公事藉事鉏之耳乃令調控諸都察院然葛品連之服毒果實則楊之冤終無由雪故堅稱品連實病死而非毒斃後事下學使者覆訊仍以原讞上浙京官益恚再疏爭之而刑部提訊之旨下部檄至浙令縣令親解屍棺入都浙紳聞之大懼亟謀乘夜啟品連棺以它屍易之劉令故貪鄙署中吏役莫不恨之次骨故無一人洩其事者劉令行時尙陽陽自得語人曰品連服毒固確楊乃武終無由卸罪吾行騎欵段出都門矣旣抵部部臣奏請開棺蒸驗先照例詢劉令是否眞苦主屍棺劉答以無訛且循例具親供甘結棺旣開劉乃大愕曰此似非眞屍矣問官叱之曰爾

已具結於先。今尙何狡辨爲。劉遂俛首無一辭。案既結。楊及畢氏皆釋放。巡撫學使皋司及歷次承審道府州縣皆革職降調。有差劉令發黑龍江遇赦不赦。時年已七十矣。

張之洞軼事

竊名筆記云。張南皮督鄂時。在署設文案房。飭人擬委札首云爲札委文案房事。南皮大怒曰。房字下豈可用事字。事字上豈可用房字。擬者唯唯改之。

乞食制府

春冰室野乘云。乾嘉間有某制府者。八旗人也。盛時。僮僕姬侍服飾飲食玩好之物。窮極奢靡。日費不資。及稍珅敗。制府亦牽累罷官。數年後窮窶不堪。遂至乞食市上。王公貴人。皆嚴絕之。惟朱文正公戒閨人勿郤。每旬日必一至。文正輒手持青蚨二百贈之一。日又至。值書室無人。因竊取小鏡懷之而出。後遍覓不得。諸僕謂言制軍頃實來此。文正戒勿聲言。如再至者。惟伺候侍茶母令獨

在室中而已。（按此似富勒渾事）

滿清官吏之教科書

竊名筆記云。往時有某官詢胡林翼啟事。言語卑鄙。開口引小說爲證。胡怒曰。本朝官場中。文官全以紅樓夢一書爲秘本。故一入仕途。即攢營擠輒。無所不至。武官全以水滸一書爲師資。故滿口英雄好漢。所謂奇謀秘策。無不粗鹵可笑。此語雖謔。然滿吏之情形實在如斯。

華山道士

嘯亭雜錄云。乾隆初年。有京師白雲觀道士。往游西嶽。夜宿湘子亭。見一道士。豐頭美髯。望之若仙。年已九十餘。與之談國初事。最悉。京師道士怪而問之。其人慨然告曰。吾本滿人。少從英王西征。戰功最多。洩至參領。後隨經略莫洛征王輔臣。落爲輔臣所誘殺。吾儕恐以陷帥獲罪。乃隱避此山中。已六十餘年矣。因流湧久之。命道士寄書歸。並告其居址里巷。子孫姓字。道士歸。訪其宗。久已

徙去。莫知誰何云。

吳白華侍郎之賭飯

竊名筆記云。乾隆時。吳白華侍郎。素善飯。有宗室某將軍亦與齊名。一日謂將軍曰。夙仰將軍之腹。量可叢人。若某者。雖無經筭之便。便至於飯來開口。略有微長。但不知盧後王前。孰爲優劣。意欲與君一決勝負如何。將軍笑而許之。侍郎命左右持籌侍側。每敵一碗。則投一籌。飯罷數之。將軍共得三十二籌。侍郎只二十四籌爾。侍郎不服。約於明日再賭。將軍笑曰。敗軍之將。尙敢再戰乎。明日復至。比設食。只有飯而無殼。謂將軍曰。此亦所謂鼎飯也。昨以肉食爲鄙。故聊遜一籌。今與君白戰。若再不勝。願拜麾下。於是復計籌而食。將軍食至二十碗而止。侍郎竟得三十六籌。蓋侍郎先以食肉而易餉。將軍以無殼而不能下咽也。

又云龔煒巢林筆談云。漕憲施公貌奇醜。人號爲缺不全。初仕縣尹。謁上官。上官或掩口而笑。公正色曰。公以某貌醜耶。人面獸心可惡耳。若某則獸面人心何害焉。按小說家有施不全之說。不謂眞有此事也。

捕盜專恃眼線之訣

庸閒齋筆記云。壬申四月。江南三江營砲船哨官捕盜。盜拒捕。哨官溺水死。兵勇死者五人。傷者十人。其地在揚州江都縣境。事聞。制府震怒。飭地方官及水師營官嚴緝。於是瓜州鎮總兵吳君。派營弁帶同失事砲船內之勇丁。作爲眼線。來上海緝捕。緣勇丁稱認係浙江巡鹽紅單船之廣勇也。六月初到滬。越一日。在茶肆中獲一人。是紅單船之廣勇。次日營弁請觀察及右營參將督率兵勇。於紅單船又指獲二人。皆發縣審訊。據來勇聲稱。一是拋火藥包入船者。一是隔船斫人者。一是過船釘砲眼者。言之鑿鑿。余卽提犯反覆訊究。熬審一日。不承。隔日再訊。鬥耳跪練者。再竟日無詞。呼冤而已。余心疑之。問來勇曰。伊等

既先以火藥包擲爾船中。則彼時烟燭迷漫。爾何從辨研人者誰。釘炮眼者誰。如是之眞也。對曰巡鹽船與炮船同泊一鎮上。每日上岸時常相見。故能認識。故雖於烟燭之中。亦能辨識。而來弁則以余不應駁詰來。勇噴有煩言。次日余又研訊。自朝至三鼓。心力俱瘁。一無供詞。余恐其死也。稍寬之。來弁遂以余欲縱盜。不用嚴刑。訴之觀察。余亦以不能得確情。請添派委員會審。觀察謂南匯令葉君顧之。有能名。且係廣人。札令來審。葉君覆訊。一日亦不能得其情。余與葉君皆謂此三人冤。而無奈弁勇質之甚力。會制府又委前皖南鎮劉總戎啓發。帶爲盜行船之舟人來。因派兵快與之會緝。當日卽於玻璃肆中。獲廣人陳來陳來者。前水師營中藍翎千總也。先是有販猪船泊江口。羣盜登其舟。將猪客及舟人盡縛置船底。駕其船以行劫。行數日。盜稍倦。陳來者勸盜首釋舟人。俾搖艤行。二十餘日。劫客舟三次。最後遇炮船。拒捕後。駛至江陰口。羣盜登岸。逸。諸客到靖江縣報案。故總戎帶此舟人來。以其與盜共處久。能識盜也。陳來

故勸盜首釋放舟人。是以舟人與之尤熟。余乃喜得真盜。復令舟人識此三人者。來弁與來勇共脅持之。舟人遂不敢斥言其非。而陳來顧狡賴不肯承。余與葉君及劉總戎翼日再會訊。反覆誘勸。許以如獲盜首。代以不死。總戎指天日以誓之。陳來乃言盜首亦係廣人。向日同在水師營中。曾保花翎守備。現居六合縣城開土棧。並錢店。尙有羽黨在鎮江。共十二人。皆積慣行劫者。陳來在揚州開煙館。本不同夥。此行也。盜首邀之至。陳來言十二人者。皆百戰勁卒。無論一炮船。卽十炮船亦無奈之何。令陳來視前獲之三人。來言非是。而三江營之弁勇。則謂來庇其同黨大不悅。於是劉總戎以陳來作眼線。往捕盜首。而瓜鎮則稟制府。謂此三人是眞盜。制府飭令解至金陵。再訊時。余已卸上海縣篆。乃將詳細情形白應廉訪。會劉總戎率陳來捕首盜等七人。皆訊明正法。留陳來獄中。待獲餘犯。江甯府蔣君訊七犯。皆供與上海之三人不涉。而瓜鎮持之堅。制府亦惑之。至八月中。應廉訪至金陵。乃力言於制府。將此三人釋放。噫。是三

人者使余嚴刑鍛鍊而成招。則又必令其供出黨羽。轉輾株連。冤死者不知凡幾矣。然此固眼線之確指者也。眼線其足恃乎。是役也。余之不妄殺人者幾矣。可畏哉。

王永康

履園叢話云。蘇州王永康者。滇藩吳三桂婿也。初三桂與永康父同爲將校。曾許以女妻永康。時尚在襁褓。未幾父死。家無擔石。寄養鄰家。比長飄流無依。至三十餘。猶未娶也。一日有相者謂永康曰。君富貴立至矣。永康自疑曰。相者言我富貴立至。從何處來耶。有親戚老年者知其事。始告永康。時三桂已封平西王。聲威赫奕。永康偶檢舊篋。果得三桂締姻帖。始發奇想。遂求乞至雲南。無以自達。書子婿帖詣府門。越三宿。乃得傳進。三桂沉吟良久。曰。有之。命備一公館。授爲三品官。供應器具。立時而辦。擇日成婚。粧奩甚盛。一面移檄江蘇。撫臣爲其買田三千畝。大宅一區。在今郡城齊門內拙政園。相傳爲張士誠婿駙馬。

潘元紹故宅也。永康在雲南不過數月。即攜新婦回吳。終未接三桂一面。永康既回。窮奢極欲。與當道往來。居然列於公卿之間。後三桂事敗。永康先死。家產入官。真似邯鄲一夢。吳中故老。尚有傳其事者。

紀文達公遺事四則

竊名筆記云。君房言語。曼倩文章。兼而有之者。國朝惟紀文達一人而已。文達性喜隱。自天子以至士夫。無不樂聞其說者。乾隆中。公官侍郎時。嘗入內。有閹人中立宮門。遏其前。乞公一言以市笑。公怒其輕已。而勢又不可却。乃思得一語戲之曰。昔有一太監。言已逕內行。閹人疑辭未竟。急以手挽公曰。其下無有乎。公僞爲莊論者曰。其下若有。尙得爲太監耶。其人慚。遽釋手。强笑去。然自是閹人知公譖。無復敢以是請者。

公初爲翰林時。授編修日。嘗方值院。而上爲微行來。公遙見之。苦跪拜。乃先隱櫨中。上至坐視良久。始起去。然出未遠也。公意上已行。探問同官曰。老頭兒已

去未。上聞異之。旋復入召。公詰責曰。汝胡避朕。且老頭是何稱耶。公跪謝曰。臣新進。寅畏天威。不敢見。所謂老者。以陛下爲天下之大老。頭者。以陛下爲天下之元首也。上喜其才敏。笑而去。不之罪也。

山陰平公在京師續娶。公遣使送賀禮。佐以詩韻一部。凡四冊。分題以之于于歸四字。平不解。既而先生來赴燕酒。半平從容問曰。昨蒙寵貺。內有詩韻四冊。及所題之字。皆未識。命意所在。今願竊有請也。先生曰。無他。詩韻者。平上去入而已。之子於歸。自應是平上去入矣。合座大嘆。

又聞公新製一蟒袍。與其親家某相戲曰。昨親母來舍看女。見弟新袍。徘徊熟視。良久良久。弟曾有詩贈之。親家曰。聊聞佳咏。先生遂吟曰。昨宵親母太多情。爲着花袍繞膝行。看到夜深人靜後。誦至此句。遂止。親家曰。還有結句。先生曰。沒有了。親家曰。詩如何無結句。先生曰。結句無非平平仄仄仄平而已。其詼諧不拘常禮如是。

遊魚腹之奇聞

龜名筆記云。康熙間總戎某。乘海舶爲風引去。自浪翻天。少焉舟覆。總戎素善水漂泊踰時。見有巨魚如山。張口若箕。呼吸處水爲之沸。忽然巨魚一吸。覺身處囊中。滿目光明。而無所見。手捲處極滑而腥。遍體悶熱。幸不甚劇。自知入魚腹。急引佩刀連刺之。魚痛作嘔。因吐出。適得浮木遇救而活。嘗謂人曰。五洲三島遊之者多矣。若夫魚腹之遊。自古及今。惟我獨也。亦可以自豪矣。

仕途中豪俠風

唐開齊筆記云。曾叔祖雲殿公。諱老。異性慷慨。喜交遊。弱冠時。手散萬金。結客官甘肅平番。令捕霍益甚。置驛延賓。有鄭當時風。會有某都統以譖成伊犁道。出公境。公憐其遇厚。待之復贍其行。都統感甚。然公於此等事甚多。不之記也。作宦十年。虧帑鉅額。落職待勘。遍都統復起用。海擢陝甘總督。未抵任。即遣人往詣公。公已忘前事。驚不知所出。司道各官聞之。亦驚。既悉其情。乃爭出資爲

彌其缺。總督既至。待公如上賓。疊加奏保。隆降驟遷。不十年官至雲南布政使。公自喜愈甚。人有急難。求之無不應者。錢塘陳香谷中丞桂生。時官某邑令。欠課五千。計無所出。欲覓死。公聞之。召令入見。呵之曰。五千金細事耳。若乃欲以性命易之乎。袖出一紙給之。則五千金藩庫實收也。陳感激涕零。以其曾祖勾山太僕與文勤公同朝通譜。遂以叔事公。公雖喜結納。而獨不肯阿權貴。時和相國珅。勢張甚。公不與通。和頗銜之。會福文襄郡王出師征苗。以函取庫金二十萬。公與之。而文襄薨。未及稍贖。大吏劾公浮銷署賠。和遂追公赴部對簿。不得辯。在獄兩年。嘗受恩者餽贈盈萬。公度所虧太鉅。不能償。則悉以所贈者周同繫之人。其慷慨蓋天性也。未幾。沒於獄。時和已敗。乃得援救免。追後香谷中丞撫蘇招公子赴署。中待之同於兄弟。人亦重中丞之能報德焉。此事余弱冠時見中丞親爲余言。猶以不能如某總督之脫公於厄爲歎也。

曾左友誼之始末

庸閒齋筆記云。曾文正公與左季高相國同鄉相友善。又屬姻親。粵逆猖獗。蔓延幾遍天下。公與左相戮力討賊。聲望赫然。合肥相國後起。戰功卓著。名與之齊。中興名臣。天下稱爲曾左李。蓋不讓唐之李郭。宋之韓范也。比賊既盪平。二公之嫌隙乃大擣。蓋金陵攻克。公據諸將之言。謂賊幼逆洪福瑱已死於亂軍中。頃之殘寇竄入湖州。左公謀知幼逆在內。會李相之師環攻之。而疏陳其事。公以幼逆久死。疑浙師張皇其詞。因怒特疏詆之。左公具疏辨。洋洋數千言。辭氣激昂。亦頗詆公兩宮知二公忠實無他也。特降諭旨兩解之。未幾洪幼逆遁入江西。爲沈幼升中丞所獲。明正典刑。天下稱快。而二公怨卒不解。遂彼此絕音。問。余爲左公所薦舉。公前在安慶時。亦曾辟召之。同治丁卯。謁公於金陵。頗蒙青眼。洎攝南匯縣事。丁酉生中丞。時爲方伯。具牘薦余甚力。公批其牘尾曰。曾見其人。夙知其賢。惟係左某所保之人。故未能信云云。蒯子範太守以告余。謂公推屋烏之愛也。辛未公再督兩江。張子青中丞欲調予上海。商之於公。公

乃極口贊許。是冬來溫閩兵，稱爲著名奸官。所以獎勵者甚至。聞余欲引退，特命涂朗軒方伯再四懲留。謂公忘前事矣。後見常州呂庭芷侍讀談及二公嫌隙事。侍讀云。上年謁公於吳門。公與言左公致隙始末。謂我生平以誠自信。而彼乃罪我爲欺。故此心不免耿耿。時侍讀新自甘肅劉省三軍門處歸。公因問左公之一切布置。曰。君第平心論之。侍讀歷言其處事之精詳。律身之艱苦。體國之公忠。且曰。以某之愚。竊謂若左公之所爲。今日朝端無兩矣。公擊案曰。誠然。此時西陲之任。倘左君一旦捨去。無論我不能爲之繼。卽起胡文忠於九原。恐亦不能爲之繼也。君謂爲朝端無兩。我以爲天下第一耳。因共歎公憎而知善。居心之公正。若此。余又謂洪逆未死。公特爲諸將所欺。並非公之自欺。原可無須芥蒂也。公歿後。左公寄輓一聯云。知人之明。謀國之忠。我愧不如。元輔攻金。以礪錯玉。以石相期。無負平生。讀者以爲生死交情於是乎見。昔韓忠獻與富文忠皆爲一代賢臣。第以撤簾事意見不合。終身不相往來。洎韓公薨。富公

竟不致弔。今觀曾左二公之相與。賢於古人遠矣。

南州逸事

履園叢話云。王峰徐大司寇（乾學）善飲啖。每早入朝。食實心饅頭五十。黃雀五十。雞子五十。酒十壺。可以竟日不饑。同朝京江張相國（玉書）古貌清臞。每一朝止食山藥兩片。清水一盃。亦竟日不饑。二公之不類如此。徐公解組後。常寓蘇州稚園顧氏。凡人有一面者。終身不忘。無材藝者。不入門下。有執贊者。先繕帙以進。公十行俱下。頃刻終篇。其有不善處。則折角志之。其人進見。公面命指示。一字不爽。故凡人有奇材者。必有異相也。

刺史新聞

又云。有某州刺史者。故賊也。先是壬子癸丑間。有雲南劉某人。京謁選。隨一僕。住驥馬市。篋中賴裕。有同寓客知之。故與僕善。殷勤異常。僕偶出。客必爲其主左右之。較僕尤爲周慎。劉甚感。未一年。掣籤得縣丞。分發河南。客大喜。詭曰。小

人有胞弟在河南藩署當門上。擬隨老爺同行可乎。劉亦喜。乃束裝。雖僅僕之親。無以過也。行至鄧。劉忽病癱。一日死。僕與客俱大哭。抱持殯殮。寄棺古寺中。客忽向僕曰。吾兩人所恃者主人耳。今主人死。尙復何言。雖然有計焉。幸僕中憑文。在吾爲官。爾爲官親。誰復知之耶。遂與僕行。未渡河。僕又死。客抵省中。祇一人耳。乃繳憑。未匝月。委署某縣丞。獲巨盜有功。題陞知縣。乃改名。不數月。屢獲盜。連破七案。又陞某州刺史。以良能稱。一日有探差來報云。探得州境百里外某鋪。有夫人自雲南來。隨一弟。曰舅爺。早晚將抵署矣。刺史佯喜。即遣兩妾前迎。詢其所來。妾還報曰。太太衣履甚破。行囊亦罄竭矣。刺史急取衣飾滿一箱。白金百餘兩。仍遺兩妾。前爲開發路費。且曰。某日最良。可以進署。復以白金二百兩與舅爺。辭以署齋甚窄。斷不能欵留。請卽回。演命一差送之。越四日。刺史命僕從執事鼓吹人等接太太入署。而刺史託故他往。謂家人曰。今夜回衙恐遲。爾等勿伺候。宜早息。僅留一姬守內宅門可也。至三更時。始回署。而

直入夫人之室。諸妾婢僕皆早睡。但聞主人進房。切切私語而已。後二年正月。有老僧踵轍門。適刺史回署。遙供手曰。僧與大老爺別二十年。今爲大官矣。刺史懼。不與言。使家人許其三千金。僧不允。謾罵曰。汝今逃避何處去耶。蓋此僧是名捕也。刺史急吞金死。而劉夫人亦爲殯殮。寄棺於某寺。而與兩妾收拾行李。積蓄萬餘金。同歸雲南。車輅甚多。

曾文正爲巨蟒轉生

庸閒齋筆記云。曾文正公碩德重望。偉烈豐功。震於一時。顧性畏雞毛。遇有插羽之文。皆不敢手拆。辛未十月。到上海閱兵。余供張已備。從者先至。見座後有雞毛。帝囑去之。謂公惡見此物。不解其故。公姻家郭慕徐觀察階。告余云。公舊第中有古樹。樹神乃巨蟒。相傳公卽此神蟒再世。遍體鱗文。有若鱗甲。每日臥起牀中。必有鱗屑一堆。若蛇蛻然。喜食雞肉。而乃畏其毛。爲不解耳。後閱隨園隨筆。言焚雞毛。修蛇巨虺。聞氣卽死。蛟蜃之類。亦畏此氣。乃悟公是神蟒轉

世。故畏雞毛也。宋文信國公傳爲吉安潭中黑龍降生。信國柴市殉難後。是日其鄉風雨大作。人見黑龍復歸於潭。與公之異將母同。

仕途中炎涼態

庸閒齋筆記云。勒襄勤相國保督四川時。待僚屬以禮。卽不歎意者。亦未嘗不飲人以和也。嘗告家梅亭方伯曰。我始由筆帖式官成都府通判。不得上官歎。時遭呵譴。同官承風旨。置之不齒。每衛參時。無與立譚者。抑鬱殊甚。又以貧故。不能投劾去。含忍而已。會聞新任總督某來。十年前故交也。心竊喜而不敢告人。總督將至。身先郊迎。辭不見。慄矣。抵城外上謁。又不見。更慄甚。乃隨至行轅。大小各官紛紛晉謁。皆荷迎接。而我獨不得見。手版未下。又不敢逕去。天氣甚暑。衣冠鵠侍。汗流浹背。中心忿恨欲死。正躊躇間。忽聞傳呼請勒三爺。不稱其官。而稱行輩。具見舊時交誼。此一呼也。恍如羈囚忽聞恩赦。爰整衣冠。捧履歷疾趨而入。則見總督科頭袒衣。立於簷下。指而笑罵曰。汝太無恥。乃作此等形

狀見余乎。我稟請庭參。則掖之起曰。不要汝磕狗頭。回顧侍者。令代解衣冠曰。
爲勒三爺剝去狗皮。至後院乘涼飲酒去。我於斯時。越聞罵。越歡喜。比至院中。
把酒話舊。則此身飄飄然若登仙境。較今日封侯拜相無此樂也。時司道衆官。
猶未散。聞之俱驚。我飲至三鼓歸。首府縣官尙伺我於署中。執手問總督意旨。
從此遇衙參時。逢迎歡笑。有進而與右師言者。有就右師位而與右師言者矣。
而勒三爺之爲勒三爺如故也。官場炎涼之態。言之可歎。故於今日待屬官有。
加禮。以此而不肯輕意折辱屬官。亦以此也。方伯嘗舉以告人。自謂一生歷官。
不敢慢易忽略人者。勒侯之教也。

方敏恪公軼事

又云先大父嘗言高祖萼南公。雍正丁未會試。與仁和沈椒園先生共坐一車。
每日恒見一少年步隨車後。異而問之。自言桐城方氏子。將省親塞外乏資。故。
徒步耳。二公憐其孝。援令登車。而車狹不能容。於是共議每人日輪替行三十。

里。俾得省六十里之勞。到京別去。不復相聞問矣。後二十餘年。專南公以雲南守赴都。椒園先生時陳臬山左亦入覲。途中忽有直隸總督差官來。迓。因邀至節署。相見。則總督即方氏子。歡然握手。張筵樂飲十日。稱爲車笠之交。一時傳爲美談。茲見武曹先生所記。方敏恪公軼事有相類者。用附錄之。曰。吾鄉喬堅木丈。嘗歸自京師。返道過保定時。直隸總督爲方敏恪公。喬方出也。公留署累日。一夕酒半。自陳屢赴公車。侘傺不得志。公曰。甥得毋有飢不食耶。喬作而對曰。未也。得毋有寒無衣耶。喬作而對曰。未也。公笑曰。嘻。是奚足怖。吾方窮時。將遊京師。至寶應資罄。歲將暮。寒風栗烈。敝縕袍僅行線存。中無裏衣。束帶長尺餘。兩端以繩續之。納履則足之前後皆見。將詣汝母丐數金。北上。甫抵門。僕者衣冠甚都。列坐于門之兩楹。余逡巡欲入。僕詰曰。客奚爲者。余曰。將探吾戚。僕笑曰。是安得有若戚。得毋爲行竊計耶。余自顧寢人子。欲言之。恐礙汝母。遲回久之。終弗入。迺信步折而東。又屈曲西行里許。至盧家巷。巷門爲南北通衢。

有屠門市者如爭。屠每割必偶對字。列肆者。書數往來甚煩。列肆者頗厭苦之。余倚柱而笑。屠顧見曰。客何爲者。作字比不得切肉也。余供手曰。非敢然也。見長者行甚苦。小子畧識字。幸不棄。可代勞耳。屠喜曰。客乃能書。卽借肆中紙筆。置几旁。屠者手切肉。權輕重。卽口誦數。余奮筆疾書。食頃已更數十紙。屠笑曰。客之書更速於我之切也。會日暮。屠者荷餘肉行。顧余曰。吾知客未飯。盍從我於家。余隨之數百步。門臨河畔。茅屋三間。一女應門。可十八九許。屠呼老嫗出。曰。吾幸延客。速作飯。叩其姓。胡也。亦返問余歎曰。是紳官家子也。坐余以堂。少選提一壺酒。命女溫之。燭至。命嫗女俱坐。曰。客幸不見外。我老無子。迫歲甚忙。又無夥伴。客能留卒歲。當必有以將意。余曰。某窮途長者。見收幸甚。屠大喜。酒至。輒取盞中鹽菜爲副。切肉置大槧。是時余已餓竟日。酣飲快意。視今日之節制幾。輔其樂十倍。飯罷。皮門扇爲牀。布草薦。取布被覆焉。天將明。呼余起。日記數以爲常。除夕爲置酒肴。肉共食。如初元日。余攬衣起。則非復故衣。一藍

布袍新布絮襖。近身裏衣絮袴。內外補綴完整。布襪履各一。余驚起拜謝。屠笑曰。客此去當作官人。區區者奚足言。開歲五日。余欲去。屠曰。此間燈事甚鬧。幸更延十數日。余心德之。不能却也。望後乃辭以行。屠者曰。固知客不能留也。又置酒肴爲餞。翌日贈錢四千。襪被囊一。將所覆布被并錢納焉。送至河干。余拜。屠亦拜。附船至山東。囊中餘錢數百。有故交自北來。身無一錢。分半與之。遭遇聖恩。以有今日。皆胡長者賜也。及爲直隸布政司時。遣一介以千金報德。且戒曰。若肯來。卽備輿馬迎至署中。至則門巷蕭條。胡夫婦身歿已久。女適誰氏子。亦不知所終。言至此。公泣數行下。座客皆爲之改容。喬恍然如有所失焉。

书名
前言
正文